



12. 16. 6. 11

CC  
VIII  
34



M










47-26-B-24

I



*Brother: Thomas*

*Bene de me*

*Scriptisti Thomas*



SVMMA  
PHILOSOPHIAE

*Rationalis  
Naturalis  
Moralis  
Supra-Naturalis*

*Authore*

R. P. RAYMUNDO  
MAILHAT ORDINIS  
Præd. Conuentus  
S. THOMÆ  
*Aquinatis  
Foliosant*

COLONIAE  
Sumptibus  
IOANNIS BUSAEI  
M. DC. LXIV

BIBLIOTHECA

3<sup>n</sup>

# SVMMA HILOSOPHIÆ

*Authore*

R. P. RAYMUNDO MAILHAT

*Ordinis Prædicatorum, Conventus*

*S. Thomæ Aquinatis*

*Tolosani.*

TOMVS I.

*Logicam Parvam & magnam com-  
plectens.*



COLONIÆ AGRIPPINÆ,  
Apud JOANNEM BUSÆUM  
Bibliopolam Anno 1664.

12 26 B 24

ISTOLA DEDICAT.



AD MODUM REVERENDO  
& Eximio Patri Fr.

IOANNI  
FRANSENS

ORDINIS PRÆ-

dicatorum, Sacrosanctæ Theologiæ

Doctori & Professori, totius Provin-  
ciæ Teutonicæ ejusdem Ordinis.

Provinciali dignissimo, Pa-  
tri & Patrono Colen-  
dissimo &c.

*Adm. Rev. Exim. & Dign. Pater.*



Sapientissimè &  
verissimè pronuntia-  
tū est ab Ecclesiastico,  
Sapientia absconsa & thesau-  
rus invisus, quæ utilitas in  
\* 3 ntrisque

## E P I S T O L A

utrisque . Quapropter ingeni-  
 eruditione præcellentes Viri, stu-  
 diosissimè in eo collocandam o-  
 peram suam utiliter sunt arbitra-  
 ri , si ex thesauris Sapientiæ suæ  
 quicquam posteritati profutu-  
 rum, largiter erogarent : de quo  
 cordatè & generosè Seneca ad Lu-  
 cilium amicum suum, Ego inquit,  
*cupio in te omnia transfundere , & in hoc  
 gaudeo aliquid discere, ut doceam ; nec me  
 ulla res delectabit, licet eximia sit, & salu-  
 taria , quam mihi uni sciturus sum. Si cum  
 hac exceptione detur sapientia ut illam in-  
 clusam teneam nec enunciem , reiciam.*

Præclaram profectò vocem, &  
 suo dignam Authore , qui egre-  
 giam suppellectilem, sapientiam  
 scilicet & doctrinam, quam im-  
 portuno labore perdidicerat, gau-  
 det in alios ingenua liberalitate  
 transfundere. Mirarer equidem  
 audax prudentis Viri paradoxon,  
 nisi



## DEDICATORIA

nisi experientia edoceremur, nihil frustra in hac mundi machina fieri, nihil videri, cui non sit certa finis & officii ratio insita, & vis propagandi sui latius. Nec abs re in naturalium rerum consideratione miramur suos cuique motus, sua cuique officia dispensata esse. Elementa miramur harmoniam orbis constituunt, & corporibus hominum suas largiuntur opes, foveant, nutriunt, temperant. Adeò nihil est, cui non sint suæ in ordine rerum vires, quod non vehementer ab orio abhorreat, Immò etiam videmus fruticum, & cuiusvis feracis plantulae conditionem, ut nisi iis quos ediderint uberes partus, nudari contigerit, in vindictam Domini parentis, statim sterilescant. Ecce igitur! unde sapientiæ & bonarum lit-

## EPISTOLA

terarum studiosus homo sibi soli didicisse contentus non sit, sed pretiosas doctrinarum margaritas communicaturus accipiat. De Doctore Angelico, & Ecclesiae, solemniter concinit Ecclesia, ab ipsa Sapientia increata fundata, doctrinam ejusdem iterum iterumque approbante (*Benè scripsisti de me Thoma, quam ergo mercedem recipies?*) Ipse tanquam imbres mitret eloquia sapientiae suae, & palam faciet disciplinam doctrinae ejus: collaudabunt multi sapientiam ejus, & usque in seculum non delebitur. Sanè Doctrina sancti Thomae immortalitatis statum in sancta Dei Ecclesia consecuta fuit, & divinam celsitudinem adeptæ. Hinc sit ut meo judicio in primis honoris subsellis in hoc amplissimo Orbis theatro collocandi sint, qui suis laboribus & lucubrationibus,

# DEDICATORIA

bus, & acutissimis Commentariis eandem illustrarunt, Ecclesiaeque ætæ cumulatissimè deditarunt, quorum præclaris conatibus provehendis, quidquid fortunarum summa Dei liberalitas mihi concessit, libenter devovi; Cùm enim negotiationi Librariæ vitæ meæ & operæ studium consecraverim, Spartam quam semel nactus sum ornare volui, studiorum incrementa proviribus amplificare, Adolescentum profectui opportunè consulere, ad communem utilitatem juxta meæ conditionis mensuram, hanc, R. P. RAYMOND MAILHAT in *Universitate Tholosana Professoris totius Philosophiæ Summam*, utpote quæ universalem, necessariam notitiam optimo ordine complecteretur, typographicis formulis in nostra chara

## E P I S T O L A

matre Germania, à bellis nonnihil respirantē, exprimere statui. Debebam hoc Celeberrimarum Familiarum Religiosarum Benedictinorum, Cisterciensium, Præmonstratensium, Prædicatorum, aliorumque Ordinum Alumnis, Gymnasiorum Professoribus, & Studiosis qui cupidissimè eam recursionem exoptabant, & crebris petitionibus flagitabant. Experti nimirum erant illum Authorem esse quendam ceu dexterum Mercurium, qui scientiarum acquirendarum, præsertim sacre Theologiae juxta mentem S. THOMÆ avidum, in planam, facilē & securam semitam deducat, à fluctuationis deviis præseruet, ad munitissimam & excelsam sapientiæ Thomasticæ Arcem, & penitissimos recessus evehat.

Hæc

## DEDICATORIA

Hæc verò mea Editio ad cò  
 studiosè quæsitâ , suo ingenio  
 gestit in Tuum sinum convola-  
 re, in quo veluti centro conqui-  
 escat, quasi nusquam illa melius  
 & tutius esse possit. Sanè si sacra  
 scientiarum adyta pandat, & fir-  
 missima claustra referet, ad Te ire  
 debuit, qui in Prædicatorum Or-  
 dine & in Antiqua & Augusta  
 Vniversitate Viennensi Lauream  
 Magistralem gloriosè reportasti,  
 in Generali ejusdem florentissi-  
 mo studio , Primarij Moderato-  
 ris ( quem Regentem vocant )  
 vices , magno cum fructu obis-  
 visti, & nunc in Vniversa Teu-  
 tonia Provincialis Dignitatem  
 amplissimè sustines , & omni-  
 bus numeris absolutissimè exe-  
 queris. Ad hanc præterea me-  
 am tenuem gratitudinis signi-  
 ficatio-

## E P I S T O L A.

fectionem, jurè me impulit nun-  
 per Colonia mihi largiter im-  
 pensa *Tua Humanitas*, rara comitas,  
 & ad amicitiae jura communican-  
 da, praestita prolixè benevolentia.  
 Quod si istam meam Opellam  
 Tibi gratam, Docentibus & Dis-  
 centibus commodam & utilem  
 esse animadvertero, post hujus  
 Galli Scriptoris praesentem recus-  
 sionem, perspicuae brevitatis, æquæ  
 ac foecundæ, fidelem Theologiae  
 Thomisticae Vniversae Expositor-  
 rem Hispanum, propediem me  
 evulgaturum promitto, ut quem-  
 admodum hoc tempore utriusq;  
 regni potentissimi Monarchæ, ap-  
 plaudente tota ferè Europa, in de-  
 sideratissimæ Pacis, arctissima  
 Foedera cõjere: ita illi, in Acade-  
 miarum pluteis, incontamina-  
 tam S. Thomæ sapientiam latis-  
 simè propagent, & eliquatum ex  
 Sum-

DEDICATORIA.

**S**umma syncerum & impermix-  
tum succum, junctis Operis, affa-  
rim diffundant. Ita voveo, & Deū  
obnixè rogo, ut Dignitatem Tuā  
diutissimè seruet incolumem; ad  
sacri Ordinis decus, incremen-  
tum, religionis & studiorum am-  
plificationem exoptatissimam.  
Coloniæ ex mea Officina sub Sig-  
no Vnicorni anno 1660. 29. Iunii

*Adm. Reverendæ Exim. &  
Dignissimæ Paternitatis Tuæ*

*Devotissimus*

**IOANNES BUSÆUS CIVIS  
& Bibliopola Colonien.**

S. THOMÆ AQUINATIS Opusculum 6.  
contineas Epist. Exhortatoriam ad quen-  
dam, in qua proponit idoneum modum fa-  
lubriter acquirendi Scientiam, siue huma-  
nam, siue Divinam.



*Via quæsiuisti à*  
me, in Christo mihi Charissi-  
me Ioannes, qualiter te stude-  
re oporteat in Thesouro Scien-  
tia acquirendo, tale à me tibi super hoc tradi-  
tur Consilium, ut per rivulos non statim in  
mare eligas introire, quia per faciliora ad dif-  
ficiliora oportet devenire. Hac est ergo moni-  
tio mea & instructio tua. Tardi loquum te esse  
jubeo, & tardè ad locutorium accedentem  
confis-



## METHODUS STUDENDI

*conscientia puritatem amplectere, orationē  
 vacare non desinas, Cellam frequenter diligas,  
 si vis in cellam vinariam introduct, omnibus  
 te amabilem exhibe, nihil quare penitus de fa-  
 ctis aliorum, nemini tantum familiarem  
 ostendas, quia nimia familiaritas parit con-  
 temptum, & subtractionis à studio materiam  
 subministrat, & de verbis & factis seculari-  
 um nullatenus te introvertas. discursus supra  
 omnia fugias, sanctorum & bonorum imita-  
 ri vestigia non omittas, non respicias à quo au-  
 dias, sed quidquid boni dicatur, memoria re-  
 commendanda, ea qua legis & audis, fac ut intel-  
 ligas, de dubiis te certifies, & quidquid pote-  
 ris in amariolo mentis reponere satage, sicut  
 cupiens vas implere. Altiora te ne quaesieris.  
 Illa sequens vestigia, frondes & fructus in vi-  
 nea Domini Sabaoi utiles, quamdiu vitam  
 habueris proferes ac produces. Hec si sectatus  
 fueris, ad id attingere poteris quod affectas.  
 Ita D. Thomas opusc. 68.*

ORATIO



ORATIO S. THOMÆ AQVI-  
NATIS ANTE STUDIA.



REATOR ineffabilis, qui  
de thesauris Sapientiæ  
Tuæ tres Angelorum  
Hierarchias condidisti,  
& eas super cælum em-  
pyreum miro ordine collocasti, atque  
elegantissimè partes Vniuersi distri-  
buidisti, Tu, inquam, qui verus fons  
luminis & sapientiæ diceris, atque su-  
pereminens principium, infundere  
digneris super intellectus mei tenebras,  
tuæ radium claritatis, duplices à me  
removens tenebras, peccatum scilicet,  
& ignorantiam. Tu qui linguas infan-  
tium facis esse disertas, linguam meam  
erudias, atque in labiis meis gratiam  
tuæ benedictionis infundas. Da mihi  
intelligendi acumen, addiscendi facili-  
tatem.

ORATIO S. THOMÆ.

tatem, retinendi capacitatem, interpretandi subtilitatem, loquendi gratiam copiosam: ingressum instruas, progressum dirigas, egressum compleas. Per Christum Dominum nostrum.



*Licentia*

---

*Licentia Reverendissimi Magistri  
Generalis Ordinis.*

**N**Os Fr. Joan. Bap. de Marinis Sa. Theologiae Professor, Ordinisque FF. Praedicatorum humilis Magister Generalis & servus.

Harum serie nostrique autoritate Officii tibi R. P. F. Raymundo Mailhat in Sacra Theologia Professori in Conventu nostro Tolosano licentiam facimus & facultatem, publicis typis vulgandi Brevem Cursum Philosophicum quem composuisti, modò prius à quatuor in sacra Theologia Magistris aut Professoribus Ordinis nostri approbetur, serventurque juxta decreta Summorum Pontificum, Sacrorum Canonum, Concilii Tridentini, Constitutionum nostrarum & Capitulorum nostrorum generalium, servanda. In quorum fidè his Officii nostri sigillo munitis propria manu subscripsimus. Dat, Romæ die 13. Martii an. Domini 1651,

**Fr. Io. BAP. de MARINIS  
Magister Ordinis.**

**Mandato**

**M** Andato Reverendissimi Patris Magistri  
Generalis. Nos infra scripti Sacrae The-  
ologiae Professores hunc Philosophiae Cur-  
sum legimus, quem testamur non solum fi-  
dei Catholicae probisque moribus in omni-  
bus convenire, sed etiam ubique Sanctissimi  
Doctoris mentem assequi. Itaque ut verum  
doctrinae Thomisticae partum, omnibusque  
veritatis studiosis utilissimum probamus &  
luce dignum censemus. Datum Tolosa die  
20. Julii anni 1651.

**F. VINCENTIUS BARON** Prior Conven-  
Tol. Ord. Præd. & Theologiae  
Prof.

**F. JOA. FRAN. DUFAUR** Theol. Lector.

**F. MARTINUS BOESSES** Sacrae Theologiae  
Lector.

**F. DOMINICUS MAILHOS** Lector Theo-  
logiae.

**Nos**

---

**N**os infrascripti Academiae Tolosanae  
Doctores Regentes fidem facimus le-  
gisse librum cui titulus est *Summa Philoso-*  
*phiae &c.* in quo omnia accuratè & dilucidè  
pertractata, nihil verò fidei aut probis mori-  
bus repugnans invenimus, Tolosae die 24.  
Julii anno 1651.

F. SIMPLICIANUS Professor Regius Au-  
gustinianus.

F. JOA. GELEDE Regens Conventualis  
Ord. Præd.

E. PETRUS BERGUES Regens Conventua-  
lis Augustinianus.

---

## CENSURA ORDINARI.


**S**ummam Philosophiæ Thomisticæ, Au-  
ctore A. R. P. RAYMUNDO MAILHAT  
Ordin. Prædicat. à pluribus mirè laudatam  
typis committi permittimus. Colonia 4.  
Aug. 1660.

ADRIANUS de WALENBURG

Metrop. Eccl. Colon. Presb. Can.

& Censor Libr. Ordin.

Summa



**S**umma hæc Philosophiæ Thomisticæ at-  
que ad eò Peripateticæ, scripta breviter di-  
lucidè, & solidè à R. P. Raymundo Mailhar  
Ordinis Prædic. potest in lucem edi. Datum  
Tolosæ die 29. Septembris, 1651.

FR. JOAN. DOMINICUS Regius In-  
quisitor Tolosanus.



**V**His approbationibus Doctorum, per-  
mittimus, ut hæc Philosophia in lucem  
edatur. Datum Tolosæ 29. Sept. 1651.

CAUMELS Vic. gen. FLOUS Vic. gen.  
De LAFONT Vic. gen.

AP-



## APPROBATIO.

**S**ummam hanc Philosophiæ R. P. Raymundi Mailhat Ordinis Præd. cum voluptate studiosè perlegi. in qua nihil Catholicæ Fidei aut bonis moribus contrarium reperi, quia potius ad docentium & discipulorum profectum plurimum profuturam, veluti planam ad Sacram Theologiam Ilagogen arbitror, ideoque à multis desideratam prælo dignam existimo. Coloniae ex Conventu FF. Præd. Anno 1660. 29. Iulii.

FR. NICOLAUS HAUSTADT,  
Ord. Præd. S. Theol. Doctor, & Professor,  
Inquisitor Apostolicus, m. p.



IN SUMMÆ COMMENDATIONEM

# EPIGRAMMA I.

I Sta, Stagira selesta è rore, *medulla*,  
Prælibat sanis, Attica mella, Sophis.  
Erutnsille, Thomæ, rara nuce, *nucleus* arte,

Hoc genuina suo labra sapore bear.  
Hic Sophiæ est *clypeus*, contraria tela retundens.

Sic Liber, arma, cibus, protegit & reficit.

*Præfixit* HENRICUS SMITZ Marcko-Sovvelmensis,  
*In Academia Colon. Gymnasii Montis Rheior. Professor,*


EPIGRAMMA

# EP I G R A M M A I I.

SvB Nucis exiguum quondã velamen, Homeri,  
Dadalius Scriptor strinxerat Iliada.

Tantillo MALHAT nunc ecce volumine, totam  
Et Sophiam, & Magnum clausit Aristotelem.

Apponebat JOANNES HAYMANS Gelriensis,  
Synaxeos ejusdem Gymnasii Professor.



# PHYSICÆ PROOEMIUM.



PHYSICA, à Græco φυσικῆ, idem sonat ac naturalis (subaudi) Philosophia : quæ est secunda pars subjectiva aut species sub ratione illa generica philosophiæ contenta, juxta ea quæ in præfatione totius cursus dixim⁹, quæ hic necessariò recolenda sunt. Dicitur vero naturalis facultas hæc, eo quòd de naturalibus rebus seu de ente naturali tanquam de proprio objecto aut subjecto disserat. Verùm circa hoc sit.

## PROLEGOMENON I.

### *De Objecto Physicæ.*

**O**BJECTUM formale & adequatum Physicæ variè assignant auctores, alii enim  
A.

enim assignant *ens naturale*, alii *ens mobile*, alii *substantiam* aut *corpus naturale*, alii *corpus mobile*. Et est sermo ut constat de objecto quod seu de ratione formali quæ per se primò consideratur à Physica. objectum enim quo, sive ratio formalis sub qua rationem illam quæ aut objectum quod attingit, est tùm abstractio ipsius à materia singulari, tum ipsa ejus definitio aut medium, vel principium per quod à ipsa demonstrat proprietates, sicut in Metaphysica explicabitur, dum de unitate scientiarum. Pro resolutione autem questionis.

*Adverte naturale & mobile pro eadem re ipsa in proposito usurpari. Naturale enim, ut hic sumitur, idem est ac constans natura, sumendo naturam prout à Physicis accipitur & definitur. Principium radicale motus & quietis, atque adeò naturale in præsentia idem est ac illud quod in se habet principium radicale sui motus, quod idem significat ly mobile, non enim mobile usurpatur hic prout importat mobilitatem proximam: sed radicalem duntaxat, seu principium remotum & radicale ipsius motus, ad quod se habet mobilitas proxima, aut immediata ad motum aptitudo, sicut proprietas ad essentiam quam consequitur. Hoc præsupposito.*

*Dico I. Objectum formale & adequatum Physica: esse ens mobile.*

*Probatur: Objectum formale cujuslibet scientiæ*

XV

De objecto Physicæ.

3

ientia aut facultatis dicitur, quod per se  
consideratur ab illa; adæquatum seu totale,  
quod omnia comprehendit de quibus in ea  
per se & ratione sui disputatur, atqui ens mo-  
bile ut sic habet utramq; conditionem res-  
pectu Physicæ, ergo *Probatur minor*, Quidquid  
per se consideratur à Physicæ, aut de quo  
illa disputatur per se & ratione sui, est vel  
mobile in communi, abstrahendo ab omni  
specie determinata motus, ut in prima parte,  
mobile aliquod in particulati, ut in reli-  
quis partibus; puta motu locali, in secunda,  
motu generationis aut corruptionis, in ter-  
tia, vitali, in quarta & ultima: ergo mobile  
sic, prout dicitur de his omnibus veluti  
speciebus, est quod per se consideratur à  
Physicæ, quodque omnia de quibus per se au-  
ditur in illa, comprehendit. *Antecedens con-  
trahit ex dicendis initio cujusque illarum qua-  
rumpartium in quas Physicam dividemus,  
consequentia verò est per se evidens.*

*Dico 2. In re ipsa idem est assignare pro ob-  
jecto Physicæ ens naturale aut ens mobile, sub-  
stantiam naturalem aut corpus mobile, vel na-  
turale, reliquis tamen convenientius assignatur  
mobile.*

*Prima pars probatur:* Ens naturale, ens  
mobile, substantia naturalis, corpus na-  
turale aut mobile, idem significant quan-  
tum ad rem: ergo idem planè erit in re ipsa  
significare unum illorum ac aliud. *Probatur*

*antecedens*, gradus enim subalternatim positi pro eodem omninò sumuntur, si per eandem differentiam essentialē omnes contrahantur, ut patet in istis, ens rationale, substantia rationalis, Corpus rationale, Vivens rationale, Animal rationale; quæ idē in re ipsa significant, scilicet hominem: & ratio est, quia differentia illa essentialis non patitur huiusmodi gradus communes pro alio sumi, quàm pro illo cuius est differentia: atqui ens, substantia, corpus, sunt gradus subalternatim positi, ut per se patet, substantia enim continetur sub ente tanquam sub gradu imperfectè præciso, & corpus sub substantia, & contrahuntur ibi per eandem differentiam essentialē, scilicet per naturale aut mobile, quæ in proposito idem sunt, ut ex dictis initio prolegomeni cōstat, ergo ens naturale, substantia naturalis. &c. idem significant quoad rem, atque ita præsens quæstio est magis de nomine quàm de re ipsa.

*Secunda tamen pars ita suadetur*: Illud convenientius assignatur & formalius obiectum scientiæ, de quo ut tali demonstrantur proprietates in illa, atqui de ente mobili ut mobile est, non autem de ente naturali, de substantia aut corpore ut talibus demonstratur per se primò proprietates in Physica, ergò: *Probat minor*, proprietates enim Physicales sunt præcipuè motus ut sic, & species ejus, atqui motus ut sic per se primò &

XVI  
*De Objecto Physices.*

& formaliter demonstratur de mobili in  
mmuni, speciales verò motus, puta loca-  
vitalis, & huiusmodi, de specialibus mo-  
ibus à quibus dimanant, ergò *Probatum*  
*est*, nam demonstrantur illi motus per se  
mò de suis subjectis propriis & adæquatis  
quæ formaliter definiuntur, sed motus ut  
definitur per ens mobile in còmunì, mo-  
verò speciales per ordinem ad specialia  
mobilia, motus enim ut sic definitur *actus*  
*est in potentia, prout in potentia*, id est, *actus*  
*est mobilis, prout mobile est*, similiter motus loca-  
est actus entis localiter mobilis ut tale est  
sic de aliis; ergò.

*Declaratur: Assignatur mobile potius quàm*  
*naturale, quia illud clarius exprimit proprium*  
*adæquatum principium aut subjectum mo-*  
*verò, quàm istud, Assignatur mobile conjunctum*  
*est potius quàm corpori aut substantia, quia*  
*est & magis indubitatum mobile esse ens*  
*quàm corpus vel substantiam.*

*Obijcies 1. Proprium & formale objectum*  
*est illud cui per se primò convenit ra-*  
*tiò formalis, sub qua omnia considerantur à*  
*entia, atqui esse principium motus, quæ*  
*ratio sub qua Physicæ, convenit per se*  
*imò corpori mobili, enti verò non nisi ra-*  
*tiò corporis, ideò enim ens movetur quia*  
*corpus mobile movetur, ergò corpus mobile*  
*convenientius assignatur.*

*Respondeo convenire etiam per se primi enti, non ut sic, de quo solo probat obiectio se immobile, quod ex alio capite potius assignatur quam corpus mobile, ut ostensum est.*

*Obijcies 2. Esse mobile & quiescibile sunt propriæ passionēs obiecti Physices, cui cōflet natura quæ definitur principium et motus & quietis, ergo debet assignari pro obiecto illud quod est radix utriusque. sed ens mobile est radix motus tantum non verò quietis, cui videtur potius repugnare, ergo non debet assignari illud, sed ens naturale vel substantia naturalis quæ important formaliter rationem naturæ, subindeq; principium & motus & quietis.*

*Respondeo ens mobile radicaliter esse principium motus & quietis, motus ut via, quietis ut termini ad quem motus tendit, nec sic ei repugnat aut opponitur.*

## PROLEGOMENON II.

### De natura & quidditate Physica.

**D**ICO 1. *Physicam esse veram scientiam, atque ita rectè definiri per ordinem ad proprium obiectum quod sit scientia entis mobilis, seu rerum naturalium, quod reipsa in idem recidit, juxta superius dicta.*

*Prima pars probatur: Omnis habitus aut facultas demonstrativè procedens est vera scien*



XVII

*Donatira & quidditate Physica.* 7

scientia, sed Physica est talis, ut enim, ex toto ipsius decursu constabit, plurimæ in singulis ejus partibus demonstrantur ab ipsa conclusiones, ergo

*Secunda verò pars manifesta relinquitur ex lictis præcedenti prolegomeno*, quælibet enim scientia est sui objecti scientia, seu scientificæ cognitio, cum ergò ibi ostensum sit proprium Physicæ objectum esse ens mobile, illudque reipso coincidere cum ente naturali, aut aliis hujusmodi, consequens est, ut Physica, quæ vera scientia est, ut probavimus definiri debeat, scientia entis mobilis aut naturalis.

*Objiciēs* scientia est tantum de necessariis & perpetuis, & quæ aliter se habere non possunt, sed Physica non agit de rebus necessariis, & quæ aliter se habere non possunt, ergò. *robatur minor*, agit enim de ente mobili, ut os asserimus, subindeque de rebus mutabilibus, ergò non de necessariis quæ immutabiles esse debent.

*Respondeo concessa majore negando minorem. Ad probationem distingo antecedens*: Agit de rebus illis in actu exercito & quoad existentiam ætatis, nego, in actu signato & quoad sua prædicata essentialia vel proprias passionēs, cōcedo, ab hac autem ratione necessariae sunt res illæ: tam enim necessariò cōveniunt enti mobili seu mutabili sua essentialia prædicata, ut propria nempe hoc quod est esse mutabile, aut habere principium motus, quàm

3      *De natura & quidditate Physica.*

Deo esse immutabilem omnino & immo-  
tum.

*Dico secundo Physicam esse scientiam specu-  
lativam.*

*Probat*ur, quia sistit in contemplatione  
sui objecti aut rerum naturalium, nec ex na-  
tura sua tendit ad aliquod opus extra intel-  
lectum, quod solum habet rationem praxe-  
os, ut alias ostensum est, ergo.

*Obijci*es. Medicina est scientia practica, &  
tamen vera pars Philosophiæ naturalis, cum  
disserat de aliquo ente mobili, agit siquidem  
de corpore humano ut sanabili, hoc est, ut  
mobili ad sanitatem, ergo Physica non est  
speculativa saltem quoad omnes partes.

*Respondeo*, Medicinam quidem esse scien-  
tiam practicam, cum ordinetur ad opus, nē-  
pe ad remedia applicanda aut præscribenda,  
*sed nego esse partem Physicæ quia nō agit de cor-  
pore, ut mobili per naturam, sed per artem, ad  
sanitatem.* Est ergo scientia distincta à Phy-  
sica, ipsi tamen subalternata & ab ea essenti-  
aliter dependens, siquidem ab ea mutuatur  
sua principia, quæ sunt ipsius Physicæ con-  
clusiones: unde dicitur *ibi incipere Medicus,*  
*ubi desinit Physicus, aut è contra. Quare non as-*  
*sentior iis qui rationem scientiæ denegant medi-*  
*cina, cum procedat per principia certæ, utpote in*  
*Physicæ demonstrata.*

## PROLEGOMENON III.

*De partitione Physica,*

**I C O 1.** *Physicam rectè dividi in quatuor partes, quarum prima agit de ente mobili in communi: secunda de mobili motu locali, tertia de generationis & corruptionis, quarta motu ali, ut jam prolegom. I. insinuavimus. Et hoc est evidens, quia ut ait Aristoteles, scientia videtur sicut res ipsa de quibus pertractat, ita ut mobile ut sic, de quo uti de objecto equato tractat Physica, in quatuor initialia objecta dividitur. Et agitur primo de ente mobili in communi, postea de ente loco mobili, tum de ente generabili & corruptibili, & ultimo de viventi, ut sic servetur methodus compositionis procedaturque ab universalioribus ad minus universalia. Quae objecta singularum partium spectant, vix initio cujusque earum exactius explicata. Dices, Objectum totius facultatis non debet coincidere cum objecto unius partis, sed magis patere, sicut totum parte: atqui coincidet in proposito si pro objecto primæ partis assignetur ens mobile in communi, illud enim est objectum adæquatum totius Physicæ: ergo.*

*Respondeo negando minorem, aliter enim ens mobile ut sic, sive in communi dicitur objectum*

10 Prolegom. III. De partitione Physicæ.

totius Physicæ, aliter partis illius. Est enim ob-  
jectum totius Physicæ prout est totū quoddā  
potentiale, complectens omne omnino mobi-  
le tam in communi, quam in particulari sū-  
ptum: est verò objectum primæ partis, prout est  
totum actuale importans solam rationem mo-  
bilis in communi, præscindensque ab omni  
mobili particulari, atq; ita minus latè patet  
quàm objectum totius scientiæ & sub illo  
continetur, ut constat.

Dico secundò Physicam nihilominus esse unā  
specie scientiam simplicemq; habitum & non ex  
pluribus partialibus compositam.

Probat, quia omnia illa partialia obje-  
cta conveniunt in una ratione scibilis, ob u-  
nam rationem formalem sub qua attingun-  
tur, quæ est ratio entis mobilis à materia singu-  
lari abstracta; & solum materialiter & in esse  
entis sunt diversa, ergò habent rationem u-  
nius simplicis specificativi scientiæ, quæ ab  
objecto in esse objecti seu in esse scibilis spe-  
ctato, non verò in esse entis, specificatur; atq;  
ita erit una specie & simplex qualitas & non  
composita, quæ erat secunda pars cōclusionis  
in libris de generatione amplius demonstrā-  
da & explicanda, sicut & prior in Metaphy-  
sica.



# PRIMA PARS PHYSICÆ.

*De Entenaturali, aut mobili in communi.*

SEU

*De Physico auditu.*

**D**E ente ergo naturali aut mobili in communi prout abstrahit ab omni specie determinata motus vel mobilis, agetur hic tanquam de proprio & peculiari objecto huiusce primæ partis seu librorum de physico auditu, ut prolegomeno ultimo præcedente dictum est. *Quod denuo cadet.* quia ut tale, & continetur sub ente mobili ut sic, ut etiam ibi explicuimus & continet sub se aut comprehendit omnia quæ in hac parte pertractantur, vel tanquam artes aut principia, ut materiam, formam & pri-

& privationem, omniaque causarum genera, quæ hic explicantur; vel tanquam affectiones seu proprietates, ut motum & alia quæ ad ipsum spectant. Hanc verò partem complexus est octo libris Aristoteles, quos idè de physico auditu seu de naturali auscultatione appellavit quòd, cum difficiliore sint aliis qui sequuntur, totiusque naturalis philosophiæ contineant fundamenta, majori studio & attentione audiendi sunt. Ut autè nos Philosophi vestigiis inhæreamus, sit:





# INDEX

## TOMI PRIMI.

**P**refatio totius Philosophiæ, nomen & rationem eius ac partitionem in Logicam, Physicam, Metaphysicam & Ethicam explicans. Pag. 1.  
Præmium Logicæ, nomen & rationem eius exponens. 5.

### LOGICA PARVA. 7

Prolegomenon I. De nomine, necessitate, & partitione huius tractatus. ibid.  
Proleg. II. De methodo in hoc tractatu & in aliis servanda. 9  
Prolegom. III. De modo sciendi in communis. 12  
Proleg. IV. De modis sciendi in particulari. 14  
Pars I. \* PRI-

## I N D E X

## PRIMA PARS LOGICÆ PARVÆ.

De terminis.

## Sectio I.

De natura termini, eiusque speciebus. 19

## Sectio II.

De proprietatibus termini, &amp; primò de suppositione. 25

§. Un. De reliquis proprietatibus terminum præcipue de appellatione. 31

## SECUNDA PARS LOGICÆ PARVÆ.

De propositione.

## Sectio I.

De natura propositionis, eiusque speciebus. 36

§. 1. De propositione categorica, seu simplici, eiusque variis divisionibus. 40

§. 2. De propositionibus modalibus. 43

§. 3. De propositionibus exponibilibus. 49

## Sectio II.

De proprietatibus propositionis, &amp; primò de oppositione. 53

§. 1. De equipollentia &amp; conversione propositionum. 58

§. 2. Applicatur modalibus præcedens doctrina. 63

TER-



XX)

TOMI PRIMI.

TERTIA PARS LOGICÆ PARVÆ.]

De argumentatione.

Sectio I.

**De natura argumentationis, eiusque speciebus.** 67

Sectio II.

**De syllogismo specialiter.** 74

§.1. **De figuris & modis possibilibus syllogismorum.** 76

§.2. **De figuris & modis utilibus syllogismorum.** 89

Sectio III.

**De proprietatibus syllogismorum, probatione scilicet & reductione.** 96

§.1. **De reductione ostensiva, syllogismorum imperfectorum.** 98

§.2. **De reduct. per impossibile.** 101

LOGICA MAGNA.

**Proleg. i. An detur Logica, sitque ad alias scientias necessaria.** 105

**Proleg. II. An sit eadem Logica docens & utens.** 110

**Prolegom. III. An Logica sit scientia & qualis.** 118

**Proleg. IV. An Logica sit scientia entis realis**

# I N D E X

lis vel rationis. 126

Proleg. v. *An Logica rectè dividatur penes  
diversas objecti partes, & intellectus ope-  
rationes : ubi varia entis rationis afferun-  
tur divisiones.* 139

## PRIMA PARS LOGICÆ.

*De ente rationis directivo primæ operationis  
intellectus, seu de predicabilibus & predi-  
camentis.* 144

## IN ISAGOGEN PORPHYRII de quinque universalibus.

### DISPUTATIO I.

*De universalibus in communi.* 146

Sc&. 1. *An dentur universalia in rebus* ibi.

§. Vn. *Quomodo distinguantur universalia  
à singularibus.* 152

Sc&. II. *An natura sint formaliter universa-  
les ante opus intellectus.* 157

§. 1. *Per quam operationem natura fiat for-  
maliter universalis.* 167

§. 2. *Quotuplex sit universale.* 177

§. 3.

# TOMI PRIMI.

XXII

§. 3. *Vtrum universale sit genus respectu quinque predicabilium.* 181

## DISPUTATIO II.

*De universalibus in particulari.* 187

### Seccio I.

*Adducuntur singulorum universalium seu predicabilium definitiones.* ibid.

### Seccio II.

*De genere & differentia.* 192

§. 1. *Vnde sumantur genus & differentia, tam in substantiis quam in accidentibus.* 193

§. 2. *Vtrum genus & differentia predicentur ut partes vel ut tota.* 199

§. 3. *Vtrum genus includat actu differentias & vicissim differentia genus.* 202

§. 4. *Vtrum genus salvari possit in unica specie.* 204

§. 5. *Quid & quotuplex sit differentia.* 206

6. *Per ordinem ad qua inferiora differentia constituatur universalis.* 209

### Seccio III.

*De specie.* 211

§. 1. *Vtrum species, qua subijcibilis sit predicabilis*

# I N D E X

- cabilis & universalis.* *ibid.*  
 §. 2. *Vtrum species salvetur in unico indivi-*  
*duo.* 214  
 §. 3. *Vtrum species unicam habens indivi-*  
*duum subeat intentionem universalis.* 216  
 §. 4. *De correlativo speciei, nempe individuo.*  
224

## Sectio IV.

- De proprio, quarto predicabili.* 227

## Sectio V.

- De accidente, quinto predicabili.* 230

## DISPUTATIO III.

- De proprietatibus universalium.* 235

## Sectio I.

- An universalia sint perpetua.* 236

## Sectio II.

- An & quomodo universalia sint predicabilia*  
*de suis inferioribus, in concreto scilicet an*  
*in abstracto.* 242

## IN LIBRUM CATEGORI ARISTOTELIS.

## DISPUTATIO I.

## Ordine IV.

- De antepredicamentis.* 251  
Sectio I.

## Sectio I.

De univocis, equivocis, analogis &amp; denominativis.

252

S. Un. Quotuplex sit analogia.

258

## Sectio II.

De complexis &amp; incomplexis, nec non de duabus regulis antepredicamentibus.

264

## Sectio III.

De divisione entis in decem predicamenta.

267

## DISPUTATIO V.

De predicamento substantie.

279

## Sectio I.

Quid sit substantia, &amp; qualis eius divisio in primam &amp; secundam.

280

## Sectio II.

Quanam in predicamento substantia collocentur.

285

## Sectio III.

De proprietatibus substantie.

291

## DISPUTATIO VI.

De predicamento quantitatis.

294

\*

4

Sectio I.

# INDEX

## Se&cio i.

*Quid sit quantitas seu in quo ratio essentialis eius consistat.* ibi.

## Se&cio ii.

*De divisione quantitatis in continuam & discretam.* 298

## Se&cio iii.

*De speciebus quantitatis continua.* 300

## Se&cio iv.

*De quantitate discreta, seu numero.* 305

## Se&cio v.

*De proprietatibus quantitatis, eiusque coordinatione in serie predicamentali.* 314

## DISPUTATIO VII.

*De predicamento relationis.* 316

## Se&cio i.

*Quid sit relatio predicamentalis.* 318

## Se&cio ii.

*De fundamento relationis predicamentalis, eiusque distinctione ab illo.* 322

*§. i. Resolvitur secunda pars tituli sectionis de distinctione relationis à fundamento.* 327

## Se&cio iii.

*De termino relationis.* 336

*§. i. Vtrum relationes mutuae terminentur ad absolu-*

# TOMI PRIMI.

XXIV

*absolutum, vel ad correlativum.* 337

§. 2. *Vtrum relatio etiam non mutua terminetur ad correlativum vel ad absolutum.*

342

Sectio iv.

*De unitate & distinctione relationum.* 347

Sectio v.

*Coordinatur arbor relationis & adducuntur eius proprietates.* 353

## DISPUTATIO VIII.

*De predicamento qualitatis.* 356

Sectio i.

*Quid & quod duplex sit qualitas.* 358

Sectio ii.

*De prima specie qualitatis in habitum & dispositionem subdivisa.* 360

Sectio iii.

*De reliquis speciebus qualitatis.* 365

Sectio iv.

*Coordinatur predicamentum qualitatis, eiusque proprietates assignantur.* 370

## DISPUTATIO IX.

*De sex reliquis predicamentis.* 375

Sectio i.

*De duplici predicamento actionis & passionis.*

# I N D E X

nis.	378
Sectio II.	
De predicamento <i>Vbi.</i>	382
Sectio III.	
De predicamento <i>Quando.</i>	386
Sectio IV.	
De predicam. <i>Sic.</i>	387
Sectio V.	
De predicam. <i>Habitus.</i>	388
DISPUTATIO X.	
De postpredicamentis.	391
Sectio I.	
De oppositione.	ibid.
Sectio II.	
De prioritare, simultate, motu & habere.	395
SECUNDA PARS LOGICÆ	
De ente rationis directivo secundæ o- perationis intellectus scilicet de e- nuntiatione.	398
IN DUOS LIBROS PERI-	
Hermeneias Aristotelis,	
DISPUTATIO Un.	
De propositione.	403
Sectio I.	
Vtrum propositio sit simplex qualitas.	ibid.
Sectio II.	



TOMI PRIM.

Se&io II.

*Vtrum propositiones contradictoriae de futuro  
contingenti sint determinatè vera aut fal-  
se,* 409

TERTIA PARS LOGICÆ.

De ente rationis directivo tertiæ ope-  
rationis intellectus, scilicet de argu-  
mentatione. 422

IN DUOS LIBROS POSTERIORUM  
ARISTOTELIS.

DISPUTATIO I.

*De demonstratione.* 426

Se&io I.

*Quid & quod duplex sit demonstratio.* ibid.

Se&io II.

*Vtrum demonstratio causet effective scien-  
tiam.* 435

IN OCTO LIBROS TOPICORUM  
ARISTOTELIS.

DISPUTATIO Un. Ord. II.

*De syllogismo Topico seu probabili.* 442

Se&io un.

*De locis è quibus syllogismi probabiles desu-  
muntur.* 443

IN DUOS LIBROS ELENCHORUM  
ARISTOTELIS.

\* 6

DISPU

# I N D E X

## DISPUTATIO Vnica Ordine II.

De syllogismo sophistico. 447

Seçt. I. De sex fallaciis qua in dictione contingunt. 449

Seçt. II. De septem fallaciis qua contingunt in rebus significatis seu extra dictionem. 453

DISPUT. IV. De effectibus syllogismi demonstrativi, probabilis & sophistici. 459

Seçt. Unica. Vtrum in eodem intellectu possint simul esse scientia opinio, & error de eodem objecto. 460

LAUS DEO.



SUMMA



# SVMMA PHILOSOPHIÆ,

P R Æ F A T I O.



**P**HILOSOPHIA, ut  
ab ipso nomine ordia-  
mur, ex vi quidem & e-  
tymologia vocabuli, a-  
morem seu studium sa-  
pientiæ significat, ex u-  
su tamen communi pro  
ipsamet sapientia usur-  
patur. Est autem sapientia perfectæ rerum  
scientia, hoc est cognitio earum per causas,  
( siquidem tunc censetur unaquæq; res per-  
fectè sciri, ut docet Philosophus, cum cog-  
noscitur per causam sive rationem propter  
quam est ) atque ita si pro eodem accipiatur  
sapientiæ & philosophiæ nomen, hæc erit  
legitima Philosophiæ definitio: Philosophia  
est cognitio rerum per causas.

Verum hoc modo paulò latius acci-  
pitur sapientia, atque adeo & philoso-  
A phia

phia: pro cognitione scilicet rei seu entis per causas. qualescunque tandem, in qua latiori acceptione omnes sine dubio comprehendit scientias, siquidem omnes procedunt per causas seu principia suorum objectorum, sive potius proprietatum quas de ipsis demonstrant.

Strictius verò & magis propriè sumitur pro cognitione per causas non qualescumq; sed aliores & universaliores, sicq; adæquatè dividitur in Logicam, Physicam, Metaphysicam, & Ethicam seu Moralem: nec complectitur alias disciplinas: quia scilicet prædictæ quatuor sunt quæ per universaliora principia procedunt, quippe quæ universaliora præ cæteris respiciunt objecta. Objectum enim Metaphysicæ est ens in tota sua latitudine, ut ambit creatum & increatum: objectum Logicæ, ens rationis directivum operationum intellectus, seu secundæ intentiones, quæ tam latè patent quàm ens reale, quippe quæ rebus omnibus ab intellectu applicantur: Ethicæ, ens morale seu ratio honesti aut turpis, boni vel mali, quam similiter omnia induunt in ordine ad voluntatem: Physicæ demum, ens naturale seu mobile quod res omnes corporeas comprehendit. Cæteræ verò disciplinæ, sicut objecta habent minus universalia (puta Mathematicæ, solam quantitatem, Geometria quidem continuam, Arithmetica verò discretam seu numerum) ita & principia habent magis limitata, quæ sunt ipsæ propriæ

## PRÆFATIO

propriæ rationes & definitiones objectorum atque ita philosophiæ nomen & rationem minimè sibi vendicant, sicut Logica, Physica, Metaphysica & Moralis, quæ sub ea vetuti species sub genere collocantur.

*Sed adhuc sapientia, proindeque & Philosophia, strictissimè accipi potest pro cognitione rerum per altissimas causas & principia omnium universalissima: sub qua ratione soli Metaphysica, inter humanas scientias, competit nomen sapientia, unde etiam appellatur prima philosophia: quia scilicet per principia communissima entis ut sic, res omnes considerat, & inter eas causam primam & omnium altissimam, scilicet Deum, ut objectum principale contemplatur.*

In præsentiarum verò sapientia sive philosophia nec omninò latè accipitur, prout comprehendit omnes disciplinas, nec omnino strictè, prout ejus ratio soli Metaphysicæ convenit, sed medio modo ut est cognitio entis per causas universaliores, & continet sub se quatuor illas facultates quæ Cursum philosophicum componunt, appellanturque interdum Artes, (unde & ipsa Philosophia solet Cursus Artium nuncupari,) non quod illæ sint propriè artes, cum de singulis ostensuri simus in propriis locis ipsas esse veras scientias; sed quia habent quandam cum artibus similitudinem, in hoc positam, quòd sicut artes operationes externas circa propriam materiam dirigunt,

ita hæ scientiæ internas circa propria objecta quæ considerant. Et quanvis commune sit omnibus scientiis dirigere operationes intellectus in ordine ad sua objecta, atque ita omnes ob hanc cum artibus similitudinem appellari possent lato modo loquendi artes, id tamen principaliter & veluti per Antonomasiam convenit quatuor præfatis facultatibus, eo quod ipsæ dirigant mentem in ordine ad objecta longè universaliora sub quibus objecta aliarum continentur. Vel melius dici potest philosophicas facultates appellatas esse artes ( præsertim à veteribus Philosophis, qui artis partitionem in Dialecticam, Moralem doctrinam, Physiologiam & Metaphysicam, maximè inter alias celebrarunt ) sumpto nomine artis latissimè pro omni habitu intellectus tam speculativo quàm practico ad verum attingendum dirigente, sub qua ratione definiebant artem Collectionem multarum de una re comprehensionum ad finem aliquem utilem vitæ : hoc est, Comprehensivum, sive habitum comprehensionum multarum veritatum ad eandem materiam objectam spectantium, atque ad bonam aliquod vitæ humanæ, saltem ad perfectionem ipsius intellectus, conducentium. Jam à prima hujus nostri Curriculum parte incipimus, eam aliasve sequentes breviter simul ac dilucidè solidèque, Deo dante, pertractaturi.




# LOGICÆ PROOEMIUM.



LOGICA latinè, Græcè  
λογική idem est ac Ra-  
tionalis (supple) philoso-  
phia, seu scientia directi-  
va rationis qua græco  
vocabulo dicitur λόγος  
Eadem appellatur Dia-  
ctica à verbo item Græco διαλέγεσθαι id  
differere seu disputare, unde Διαλεκτική  
Dialectica idem sonat ac disputatoria ut  
dicam, id est, facultas tradens modum  
putandi (sub quo comprehenduntur mo-  
dèfiniendi, dividendi, enuntiandi unum  
alio, argumentandi, & hujusmodi:) un-  
cum non aliter quam per notitiam modi  
putandi hæc omnia comprehendentis  
gatur ratio nostra in suis operationibus,  
n erit facultas tradens modum disputan-  
ac facultas rationem dirigens, subinde-  
que

que idem in re ipsa significabit Dialectica quod Logica. Appellatur etiam facultas hæc Organum, eo quod ipsa veluti quodam instrumento ad reliquas scientias comparandas prorsus necessario (ut infra videbimus) utitur intellectus. Et verò ita necessaria est ad scientias adipiscendas Logica, ut cum ipsa quoque titulo scientiæ gaudeat, sicut suo loco ostendemus, ad seipsam quodammodo sit necessaria, sibi que ipsi aliquo sensu debeat præsupponi, nempe Logica imperfecta Logicæ perfectæ, parva magnæ.



LOGICA





# LOGICA

## PARVA.

### PROLEGOMENON I.

*De nomine, necessitate, ac partitione  
hujus tractatus.*



Logicam dividimus in parvam  
& magnam. Logicam magnam  
appellamus ipsam Logicam sim-  
pliciter dictam hoc est amplam  
& exactam rerum Logicalium  
tractationem quam postea tra-  
nus. Parvam verò dicimus (de qua mo-  
) quod alii Compendium Logices aut  
nmulas, alii dialecticas institutiones vo-  
e consueverunt, hoc est, brevem earun-  
rerum Logicalium, ex ipsa Logica. singu-  
respectivè eius partibus excerptarum tra-  
um, eidem Logica per modum Isagoges,  
introductionis, præmitti solitum : in  
juxta tres mentis operationes. scilicet  
appre-

apprehensionem simplicem, iudicium & discursum, ad quas dirigendas ipse & Logica tota ordinatur. agitur primò de simplicibus vocibus seu terminis; quorum notitiâ dirigitur prima dictarum operationum: secundò de propositione ejusque speciebus & proprietatibus, quæ inserviunt secundæ, & tertio de argumentatione quæ deservit tertiæ. Intellectus quippe notitiâ terminorum probè instructus, rectè & absq; errore res simplices, quæ per simplices terminos significantur, apprehendit, in quo sita est prima ejus operatio, quæ nihil aliud est, quam actus quo simpliciter rem cognoscimus, nihil affirmando aut negando: item cognitâ & perspectâ naturâ propositionis j. affirmationis aut negationis, aliisve quæ de ipsa traduntur, non parum juvatur ad rectè de unaquaque re judicandum quæ est Secunda operatio. id est actus, quo de re quam simplici intuitu apprehenderamus, aliquid affirmamus aut negamus: tandem media argumentationis aliorumque ad eam spectantium notitiâ, absque deceptione discurret, quæ est operatio tertia, actus nimirum quo mens unum ex alio infert.

Ex quibus habes tria in titulo proposita, nomen, necessitatem, ac partitionem hujus tractatus: Nomen quidem, nam rectè & convenienter Logica parva appellatur brevis ac radis (qualis est hæc) tractatio eorumdem aut certè plurium, quæ fusiùs &

exa-

actius traduntur in ipsa Logica, quæ subde comparatione tractatus hujus Logica agna meritò appellari potest. Necessitatem, nam sicut aliæ scientiæ comparari nequeunt absque prævia Logica, quia ipsa docet modum sciendi, hoc est, in qualibet materia ritè definiendi, dividendi & arguendi (ad quod cætera de quibus disserit, ordinantur) ita nec ipsa Logica, quæ pariter scientia est, subindeque notitiam modi sciendi aliqualem necessariò præsupponit. sine prævio hocce tractatu rudem illam notitiam præstante nullatenus acquiri valet. Partitionem denique juxta triplicem mentis operationem quam dirigit, rectè in tres partes secatur, ut explicatum est.

## PROLEGOMENON II.

*De methodo in hoc tractatu, & in aliis servanda.*

**M**ETHODUS definiti potest modus ordinatus procedendi in veritatis indagine.

Duplex autem est methodus: altera compositionis: altera resolutionis seu divisionis: Methodus compositionis est processus à simplicioribus ad magis particularia. Methodus verò divisionis ex opposito est, quando à compositis ad simplicia, vel à particularibus ad universaliora retrogradimur. Exemplum primæ methodi est, si quis acturus de homine prius agat

de corpore & anima, vel de animali in comuni: exemplum secundæ, si è contra ab homine procedat ad partes ejus, vel ad rationem communem animalis. *Hoc posito sit primum assertum*

*In scientiis proprio studio inveniendis servatur methodus resolutionis. Ratio est, quia in veritatis aut scientiæ acquisitione & inventione, quæ fit proprio Marte, procedimus à minus notis ad notiora per quæ illa nobis innotescant: partes autem sunt notiores totis, utpote simpliciores, universalia similiter sunt magis nota quam particularia, ob eandem causam: ergo procedendum est à totis ad &c. Et hoc modo adinventæ sunt, aut certè reparatæ ab Aristotele Logica, à syllogismo enim aut demonstratione per experientiam (modo alas expandendo) aliquatenus & confusè cognita progressus est ad examinandam naturam propositionum quæ sunt partes ejus, & ab illis ad terminos qui sunt partes propositionum. Et generaliter loquendo omnes scientiæ hac via inventæ sunt ab hominibus: cognito enim per experientiam quod ignis v.g. esset calidus, quod homo esset discursivus, admirativus, risibilis & hujusmodi, progressi sunt ad investigandas harum proprietatū causas & principia, subindeque ad examinandas ipsius rei partes & essentialia prædicata, à quibus illæ proprietates oriuntur.*

*In scientiis verò tradendis, servanda est methodus compositionis per se loquendo.* Ratio est, quia in doctrina, seu in scientiæ traditione progredimur è contrà à notioribus ad minus nota explicanda, atque adeò à simplicioribus ad composita, ab universalibus ad magis particularia, quæ sunt confusiora. Unde in Physica e.g. prius agitur de ente naturali aut mobili in communi quam in particulari, prius de materia & forma, quam de composito. In Logica pariter prius tractatur de intentionibus simplicibus aut terminis, quam de propositionibus, prius de istis quam de argumentatione. Et hæc est methodus quam etiam in hac, ( ut ita dicam ) Logicula observabimus.

Dixi, *per se loquendo*, per accidens enim contingere potest oppositum, ut scilicet ordo invertatur, aliqua subsistente causa & necessitate, & tunc dicimur uti methodo arbitraria. Juxta quod nos ipsi antequam de terminis. qui simpliciores sunt, agamus, aliquid in sequentibus prolegomenis prælibare cogemur de modis sciendi, sine quibus aliorum notitia comparari nequit.

## PROLEGOMENON III.

*De modo sciendi in communi.*

**M**ODUS sciendi, qui idem sonat ac modus  
acquirendi scientiam de re aliqua, tripli-  
citer accipi potest.

*Primo latissime pro omni ea quod quomodo-  
cunque conducit & iuvat ad scientiam acqui-  
rendam: quo sensu ipsa Logica, quæ est ve-  
ra scientia, appellatur nonnunquam modus  
sciendi, quia conducit ad cæteras scientias  
comparandas: eodem sensu methodus etiam  
cujus naturam prolegomeno superiori ex-  
plicavimus, interdum modus sciendi nun-  
cupatur: & eadem etiam ratione omnia vel  
minutissima, de quibus agitur in Logica,  
modi sciendi appellari possunt, quatenus, si  
non proximè, saltem remotè ad scientiam  
acquirendam concurrunt, ea scilicet ratione  
qua sunt partes eorum quæ conducunt im-  
mediatius.*

*Secundo sumi potest strictissime pro eo solo,  
quod proximè & immediatè concurret ad ve-  
ram & propriè dictam scientiam acquiren-  
dam: quo sensu sola demonstratio appellari  
potest modus sciendi, quia ipsa sola est quæ  
immediatè causat scientificam rei cognitio-  
nem.*

*Tertiò & communiter accipitur modus sciendi  
medio modo, pro eo quod deservit immediatè ad  
rectè & sine errore rem cognoscendā, etsi illa cog-  
nitio nō sit propriè scientifica, ad quā sola demon-  
stratio*

*ratio proximè conducit* : hoc sensu modus sciendi, ( sumpto ly *sciendi* paulo latius propter idem est ac sine errore cognoscendi aut intelligendi ) est triplex, scilicet *definitio, visio & argumentatio*, quia nempe tria possumus de qualibet re ignorare, ad quorum notitiam immediatè nos ducunt, nempe ejus essentiam, ejus partes, ejus affectiones aut accidentia : essentiam manifestat & explicat definitio, partes divisio. argumentatio affectiones seu proprietates, aut accidentia. E. G. si ignoremus essentiam hominis, manifestabitur hac definitione. Est animal rationale: si partes, hac divisione, Hominis alia pars corpus, alia anima rationalis : si propriam passionem aut affectionem risibilitatem, v. g. hac argumentatione, Omne rationale est risibile, omnis homo est rationalis, ergo omnis homo est risibilis. Unde

*Modus sciendi in hac ultima & communi actione definitur, Oratio ignoti manifestativa, explicans id quod de re ignoratur: & adquadividitur in tria prædicta membra, quorum primum nempe definitio, dici ac definiri potest Oratio explicans naturam seu essentiam rei. visio, Oratio explicans ejus partes: argumentatio, Oratio explicans seu manifestans ejus proprietates, videlicet inferendo & deducendo eas ex ejus essentia, unde communis definitur: Oratio qua unum ex alio infertur. Quæ omnia in exemplis jam adductis patent. Sicut autem non possumus aliud ignorare de re, ita nec*

assignari potest alius modus sciendi præter illos tres. Propositio enim (de qua posset esse aliquod dubium) cum secundum se habeat tantum dicere seu enuntiare unum de alio, non est modus sciendi per se & ratione sui, sed solum ratione definitionis aut divisionis quando illas includit, ut in his exemplis, Homo est animal rationale : Hominis pars est alia corpus alia anima, vel ratione argumentationis in qua ipsa includitur ut pars, ut, Homo est rationalis: ergo est risibilis.

## PROLEGOMENON IV.

### *De modis sciendi in particulari.*

**P**RI-MUS modus sciendi, seu res sine errore cognoscendi, est definitio, quæ ut dictum est, est Oratio explicans naturam rei. Exemp. Grat. Animal rationale dicitur definitio hominis, quia ejus essentiam aperit & manifestat. Et solet definitio propriè dicta appellari definitio quid rei, id est, explicans quid res ipsa sit, ad differentiam definitionis quid nominis, quæ scilicet explicat tantum nomen, puta obscurius per notius v.g. Ly (*Anthropos*) per ly Homo, quæ ideo non dicitur propriè definitio, unde illa relicta.

Definitio quid rei, quæ est ea quam definivimus, alia est essentialis, alia descriptiva. Essentialis est illa quæ explicat essentiam rei definitæ per partes ipsius essentielles, quæ si  
sunt



ut physicae. j. materia & forma, definitio dicitur essentialis physica, ut cum definitio hominem dicendo esse compositum ex corpore anima rationali: si verò fuerint metaphysicae, nempe genus & differentia, definitio dicitur essentialis metaphysica, & hujusmodi est ista, Animal rationale. Definitio verò descriptiva est illa quae explicat naturam rei per aliquid quod est extra essentiam ejus. Et haec est triplex. Prima est quae naturam rei exponit per proprietatem ejus, ut cum dico, Homo est animal risibile: Secunda, quae per causas ejus extrinsecas, efficientem, finalem, & exemplarem, ut si dicas, Hominem esse animal creatum à Deo, ad ipsius imaginem, & ad imitationem consequendam. Tertia, quae per aliquam accidentiam communia, quae simul in multis definitio competunt, ut si dicas, Hominem esse animal pulchrum, implume, bipedes, habens caput erectum.

Prima autem regula pro bona definitione est, quod sit clarior definito: alias enim non explicaret illud.

Secunda, quod non sit diminutiva, nec superflua: illa enim non explicaret totum, haec non explicaret clarè, superfluitas enim confusionem parit.

Tertia & praecipua, quod constet genere & differentia, vel propriè, vel saltem impropriè. j. aliquo communi in quo definitum conveniat cum aliis, & aliquo speciali per quod differat ab illis: alias enim non explicaret

explicaret totam essentiam rei quæ his constat.

*Ultima, quod convertatur cum definita, nec ulli alteri competat, quod patet, cum nihil aliud sit definitio reipsa quàm ipsummet definitum explicatum.*

*Secundus modus sciendi est Divisio, qua pariter definita est supra, Oratio explicans partes rei, seu quod in idem redit, totum in suas partes dividens. Et est duplex. alia actualis, alia potentialis.*

*Divisio actualis est oratio distribuens totum in suas partes actuales. j. quas in se actu continet, & est triplex, essentialis, integralis & accidentalis. Essentialis est illa qua totum in partes actuales essentielles divitur, & si quidem fuerint physicae, dicitur divisio physica, ut, Hominis alia pars corpus alia anima rationalis, si methaphysicae, metaphysica, ut, Hominis alia pars animal, alia rationale. Integralis est illa qua distribuuntur totum in partes actuales integrantes, ut, Hominis pars alia caput, alia manus, &c. Accidentalisis denique qua dividitur in partes actuales accidentales. j. in accidentia quæ actu importat, ut, Hominis aliud accidens quæritas, aliud qualitas, aliud relatio &c.*

*Divisio verò potentialis est oratio totum dividens in suas partes potentiales seu subjectas. j. quas sub se & in potentia continet, ipsum verò actu continetur & participatur ab illis. Et est duplex, alia essentialis, alia accidentalis. Es-*

*sentia-*


essentialis est, qua dividitur totum in partes  
subjectivas essentielles, à quibus scilicet es-  
sentialiter participatur: & si quidem partici-  
patur ab illis æqualiter & secundum eandem  
rationem, dicitur divisio essentialis univoca,  
seu divisio univoci in univocata essentialia,  
puta generis in species, ut hæc, Animal aliud  
est homo, aliud Brutum: si verò inæqualiter  
& secundum rationem simpliciter diversam,  
aliquaqualiter tantum & secundum quid ean-  
dem, appellatur divisio essentialis analogica,  
seu divisio analogi in analogata essentialia,  
ut hæc, Ens aliud substantia, aliud accidens.  
Accidentalis verò est qua dividitur totum in  
partes subjectivas accidentales. j. à quibus ac-  
cidentaliter tantum participatur, ut hæc, Al-  
bum aliud paries, aliud nix, &c. Sanum, aliud  
animal, aliud medicina, aliud urina: & si par-  
ticipatur æqualiter ab illis, ut in priori exem-  
plo de albo, dici potest divisio accidentalis  
univoca: si verò inæqualiter, analogica, ut in  
alio exemplo de sano: sanitas enim propriè  
ab animali participatur, impropriè ab anima-  
li participatur, impropriè à medicina & uri-  
na, quarum illa ea tantum ratione dicitur sa-  
na, quatenus sanitatem in animali causat,  
hæc quatenus significat. Appellari autem so-  
lèt hæc divisio accidentis in subjecta: est ve-  
rò alia ex opposito, quæ dicitur subjecti in  
accidentia, ut hæc, Paries alius albus, alius ni-  
ger. Ex quibus omnibus habes diversitatem  
divisionum desumi ex diversitate partium  
divi-

dividentium, aut quod idem est, totorum divisorum: in hoc enim differunt, quod divisio actualis verb. gr. sit oratio totum actuale in suas partes distribuens, potentialis potentiale, & sic de aliis.

*Prima verò regula pro bona divisione est, quod partes seu membra dividenda sint opposita. j. inter se distincta vel re. vel ratione, quia alias non essent partes, de quarum ratione est se invicem excludere.*

*Secunda, quod sit adequata. j. quod detur per membra adæquantia divisum, ita ut nec magis nec minus latè pateant: partes enim simul sumptæ debent adæquare totum, & non excedere, nec excedi ab illo.*

Tertius modus sciendi est argumentatio. j. Oratio in qua unum ex alio inferitur, ut, Homo est rationalis, ergo est risibilis, vel, omne rationale est risibile, omnis homo est rationalis, ergo omnis homo est risibilis. Sed ne eadem bis dicere cogamur, quæ de argumentatione hic prælibanda forent ad intelligentiam sequentium, vide infra initio tertiæ partis hujus tractatus, ubi proprium locum habent. Solum adverte tam argumentationem quàm definitionem & divisionem non dici veras vel falsas (veritas enim & falsitas proprietates sunt solius propositionis) sed bonas vel malas.



# RIMA PARS DE TERMINIS.

## SECTION I.

### De Natura Terminum, eiusque Speciebus.

**T**ERMINUS, *Logicè loquendo,* dicitur pars propositionis. e. g. cum dico, *Homo est animal*, ly *Homo* & *animal* quæ sunt partes hujus propositionis copulatæ per verbum, tanquam per unionem, dicuntur termini, imptâ metaphorâ à punctis extremis lineæ, aut enim illa terminant lineam, ita hæc propositionem. Unde etiam inferitur quod si puncta extra lineam posita non dicerentur actu formaliter termini, quia scilicet actu non terminarent, ita nec nomina extra propositionem sumpta termini appellari debent eandem rationem. Nec dicas sufficere idò habeant aptitudinem ad propositionem terminandam aut componendam, præsertim

ferim cum juxta commune axioma, verba in definitionibus non dicant actum, sed aptitudinem solum: Id enim nego; & illud axioma intelligitur quando actus non est de essentia definiti, de essentia autem termini est actu terminare propositionem aut esse actu partem illius, quod si non terminet actu, erit quidem nomen sed non terminus. Dixi, Logice loquendo, nam vulgo & communiter terminus dicitur quodvis nomen aut vocabulum absque ullo respectu ad propositionem.

*Dividitur autem primò terminus in subjectum & prædicatum. Subjectum est terminus de quo aliud dicitur: prædicatum verò, qui dicitur de alio. E. G. in hac propositione, Homo est animal, ly Homo appellatur subjectum, quia de eo dicitur animal; Ly Animal verò prædicatum, quia dicitur seu prædicatur de homine.*

*Dividitur secundò terminus in mentale, vocalem, & scriptum. Ratio hujus Divisionis est, quia triplex datur propositio, prima Mentalis quæ ab intellectu formatur, puta quando intra meipsum judico hominem esse animal: secunda vocalis, quando illud ipsum ore pronuncio: tertia scripta, quando id in charta scribo. Unde cum terminus sit pars propositionis, alius erit mentalis, qui scilicet est pars Propositionis mentalis, & nihil aliud est quam conceptus prædicati aut subjecti, alius vocalis, nempe vox quæ est pars propositionis*

nis vocalis, alius scriptus, qui est pars propositionis scriptæ.

*Dividitur tertio terminus in categorematicum, & syncategorematicum, & mixtum. Categorema, seu terminus categorematicus, qui idem sonat ac enunciabilis aut prædicabilis ( à verbo Græco κατηγορεῖν j. enuncio, prædico, ) est ille qui per se rem aliquam significat, unde oritur quod possit per se enunciari. j. esse integrum subjectum vel prædicatum propositionis : ut, Homo, Equus, Animal. Syncategorema seu terminus syncategorematicus, id est, ut ita dicam coënnuntiabilis, est ille, qui se solo non significat rem aliquam, sed solum con- significat junctus termino categorematico, unde fit quod non potest nisi una cum ipso esse prædicatum aut subjectum in propositione, ut, Omnis, Nullus, Aliquis, & hujusmodi. Mixtus denique dicitur ille qui virtualiter seu æquivalenter includit categorematicum & syncategorematicum, & ex illis veluti componitur saltem quoad sensum, ut Nemo, quod idem est ac nullus homo. Relicto syncategorematico & mixto.*

*Terminus categorematicus subdividitur in complexum & incomplexum. Terminus incomplexus est ille cujus partes separatim sumptæ non significant, saltem juxta significationem totius vocabuli, cujusmodi sunt Homo, Leo, & aliæ voces simplices, imò & compositæ, ut Respublica, cujus partes aliud significant conjunctæ in toto, nempe communitatem Ci-*



vium sub certis legibus degentium, aliud separata; scilicet rem ad Communitatem spectantē. Terminus verò complexus est ille cuius partes separatę significant, juxta significationē totius, ut, Homo albus, unde est oratio, quæ à nobis eodem modo infra definietur, & sub illo continentur definitio & divisio.

Terminus incomplexus subdividitur in univocum, æquivocum, & analogum. Terminus univocus est qui significat aliquam rationem in pluribus simpliciter eandem, ut Animal respectu specierum. Homo respectu individuorum. Analogus, qui significat rationem aliquam in multis simpliciter diversam, secundum quid verò eandem, ut sanum respectu animalis medicinæ, & urinæ, Ens respectu substantiæ & accidentis, ratio enim habentis, causantis, aut significantis sanitatem, importata per ly sanum, item ratio habentis esse per se aut in alio, significata per ly Ens, est simpliciter diversa in illis ut constat, secundum quid verò eandem; penes aut respectum ad eandem sanitatem, aut similitudinem proportionalem in ratione essendi, ut in antepredicamentis explicabitur. Æquivocus verò est qui non significat ullam rationem sive simpliciter sive secundum quid eandem in pluribus, sed ipsa plura immediate ut diversa: ut Canis respectu latrabilis, marini, & cælestis.

*Dividitur quare terminus in singularem & communem. Singularis est ille qui significat unum*



*unum tantum*, ut, Petrus, hic Homo, *Communis, qui plura divisiĩ*, seu *qui de multis sigillatim dicitur*, ut Homo. Dixi, divisiĩ, ut à ratione termini communis excludatur collectivus, puta Gens, Populus, & hujusmodi, qui significant plures simul.

*Dividitur quintò terminus in concretum & abstractum.* Concretus est qui significat formam ut concretam seu conjunctam subjecto vel supposito: ut, Album quod significat albedinem ut in subjecto. Homo humanitatem ut in supposito. Abstractus est qui significat ipsam formam secundum se: ut Albedo, Humanitas. Unde concretum dicitur habere duplex significatum: unum formale, nempe ipsam formam, alterum materiale, scilicet subjectum aut suppositum habens illam: abstractum verò habet unicum tantum, scilicet formam.

*Dividitur sextò terminus in Absolutum & Connotativum.* Absolutus (alias substantivus) est ille qui rem absolutè & quasi per se stantem significat: ut Albedo, Humanitas, Homo. Connotativus (alias adjectivus) est qui significat rem seu formam ut connotantem aliud, seu ut alteri adjacentem: sicut Album quod significat albedinem ut adjacentem, sive inhaerentem subjecto. Ex quibus colliges omnem terminum connotativum esse concretum, non è contra: ex adverso autem omnem abstractum esse absolutum, non verò omnem absolutum esse abstractum.

*Divi-*

*Dividitur septimo in Terminum prima intentionis, qui significat rem ut est à parte rei, sicut Animal, Homo, & Secunda intentionis, qui significat illam ut est in intellectu ut Genus, Species, & hujusmodi.*

*Dividitur ultimò in finitum & infinitum, Infinitus est ille qui ratione negationis sibi præfixa indeterminatam & infinitam habet significationem: ut, Non homo, hic enim terminus nullam rem determinatè significat, sed de omnibus omnino, præterquam de ipso homine dici potest: nam verum est dicere, Lapis est non homo; & sic de aliis, excepto, ut dixi ipso homine, de quo solo dici nequit, quòd sit non homo. Terminus verò finitus est ille, qui caret tali negatione, & determinatam ac finitam habet significationem, ut Homo, qui determinatè significat naturam humanam, & quivis alius negatione infinitante non affectus.*

## S E C T I O II.

De proprietatibus termini, & primò  
de suppositione.

**P**RIMA proprietas termini est suppositio, quæ definitur positio termini loco sui significati: ut cum dico, Homo est animal, ibi enim ly homo ponitur pro re significata; non vero pro ipsa voce, sicut cum dico, Homo est nomen: unde hæc posterior dicitur suppositio materialis, quæ est acceptio seu positio termini loco sui ipsius; prior formalis, quæ loco significati.

Dividitur autem suppositio formalis in simplicem & realem. Suppositio simplex est positio termini pro suo immediato significato tantum: realis pro mediato & immediato: & utraque subdividitur in communem & singularem. Suppositio simplex communis est positio termini communis pro suo immediato significato tantum, quod est commune; ut cum dico, Homo est species, ibi enim ly homo sumitur tantum pro natura humana in communi, non autem pro individuis quæ sunt significata mediata tantum, unde non valet consequentia, Homo est species, ergo Petrus est species: Ex opposito, suppositio simplex singu-

B

laris

laris est positio termini singularis pro suo immediato significato quod est singulare; ut cum dico, Petrus est individuum, ibi siquidem ly Petrus accipitur tantum pro hoc singulari, non vero pro natura humana in communi, & ideo etiam non sequitur, Petrus est individuum: ergo homo est individuum. *Suppositio vero realis communis est acceptio termini communis pro suis omnibus significatis, tam immediato, quod est commune, quam mediatis, quae sunt particularia*; ut cum dico, Homo est animal, ibi enim ly homo accipitur pro natura humana in communi & pro individuis ipsius, unde recte sequitur, Homo est animal (ergo Petrus est animal) Paulus est animal. *E regione suppositio realis singularis est positio termini singularis pro suo significato, & immediato quod est singulare, & mediato quod est commune*; ut cum dico, Petrus est animal, ibi enim ly Petrus sumitur & pro hoc singulari, & pro natura humana in communi, unde valet, Petrus est animal ergo homo est animal. Relictis aliis.

*Suppositio realis communis est duplex, nempe copulativa & disiunctiva. Copulativa est acceptio termini communis pro omnibus suis significatis copulative sumptis*; ut cum dico, Omnis homo est animal, ibi enim ly homo accipitur pro omnibus hominibus seu naturae humanae individuis copulative sumptis, ita ut de omnibus simul verificetur praedicatum: unde valet, Omnis homo est animal, ergo Petrus

Petrus & Andreas, & Jacobus & alii sunt animal. *Disiunctiva* vero est acceptio termini pro omnibus suis significatis *disiunctive sumptis*: ut in hac propositione, Aliquis homo est albus, ubi ly homo accipitur pro omnibus individuis *disiunctive*, ita ut inferre liceat, Ergo vel Petrus, vel Andreas, vel Iacobus &c. est albus. Rursus utraque subdividitur: nam *suppositio copulativa* alia est *distributiva* alia *collectiva*: item *disiunctiva* alia est *determinata*, alia *indeterminata seu confusa*.

*Suppositio distributiva* est acceptio termini pro omnibus suis significatis *copulative* & *seorsim sumptis*: ut in exemplo adducto, Omnis homo est animal, ubi homo accipitur non solum pro omnibus individuis *copulative sumptis*, sed etiam pro omnibus *seorsim & sigillatim*, ita ut animal verificetur & de omnibus simul, & de singulis *seorsim*: unde non solum inferre licet, Ergo Petrus & Andreas & Iacobus & alii sunt animal, sed etiam, Ergo & Petrus est animal, & Andreas est animal, &c. Et hac suppositio subdividitur in *distributivam completam seu absolutam*, & *distributivam incompletam siue accommodam*. *Suppositio distributiva completa & absoluta* est acceptio termini communis pro omnibus suis significatis *absolute*, ut in exemplo mox adducto. *Incompleta vero & accommodata* est acceptio non pro omnibus *absolute*, sed pro omnibus *accommodate juxta exigentiam predicati*.

ut enim habet commune proloquium, taliter supponunt subjecta qualiter exigunt aut permittunt prædicata: ut in hoc exemplo, Omne animal fuit in arca Noe, ubi animal supponit pro omnibus speciebus non pro omnibus individuís animalis, unde sensus est ex omnibus speciebus animalis aliquod fuisse in arca Noe: qua de causa solet hæc appellari suppositio distributiva pro generibus singulorum, prior verò pro singulis generum: ubi nota genera poni pro speciebus, ut non raro fit.

*Suppositio vero collectiva* (quæ retento nomine communi, simpliciter appellari solet copulativa) est acceptio termini communis pro omnibus suis significatis copulative tantum sumptis: ut cum dicitur, Omnes Apostoli sunt duodecim, ly Apostoli supponit & accipitur pro omnibus simul, non pro singulis seorsim: unde solum licet inferre quòd Petrus, Andreas, Jacobus & alii simul & collective sumpti sunt duodecim; non autem quod Petrus sit duodecim, Andreas sit duodecim ut in suppositione distributiva.

*Suppositio determinata est acceptio termini communis pro omnibus suis significatis disjunctive & seorsim sumptis*: ut in exemplo supra adducto, Aliquis homo est albus, ubi Homo accipitur non solum pro omnibus sub disjunctione simul sumptis, sed etiam seorsim; ita ut inferri possit & simul de omnibus.

Ergo

Ergo vel Petrus, vel Andræas, vel Jacobus vel &c. est albus; & seorsim de singulis, Ergo vel Petrus est albus, vel Jacobus est albus, &c.

*Suppositio denique indeterminata & confusa est acceptio termini communis pro omnibus suis significatis disjunctivè & simul sumptis: ut in hac propositione, Aliquis oculus est necessarius ad videndum, ubi oculus supponit pro ambobus oculis sub disjunctione simul sumptis, non seorsim: unde solum inferre licet de ambobus simul, Ergo vel dexter vel sinister est necessarius ad videndum: non vero seorsim, Ergo vel dexter est necessarius, vel sinister est necessarius, quia neuter determinatè, sed alteruter, ille vel ille confuse & indeterminatè.*

Ut autem dignoscere valeas quandonam supponant termini distributivè aut collectivè determinatè vel confuse, respiciendi sunt potissimum termini syncategorematici, qui aliter appellantur signa, suntque duplicis generis: alia enim sunt signa universalia, sive illa sint affirmativa, ut Omnis, Quilibet Cunctus; sive negativa, ut nullus, Nemo: alia particularia, tum similiter affirmativa, ut Aliquis, Quidam: tum negativa, ut Aliquis non, Quidam non. Hoc posito, fit.

*Prima regula: Si subjectum propositionis afficiatur signo universali, supponit vel distributivè, ut in hac propositione ostendimus, Om-*

nis homo est animal, *vel collectivè* (juxta exigentiam prædicati, quando scilicet est terminus collectivus) ut in ista, Omnes Apostoli sunt duodecim.

*Secunda regula: Si propositio afficiatur signo particulari, subjectum supponit vel determinate, ut explicuimus in hac propositione. Aliquis homo est albus, vel indeterminate & confuse* (juxta quod exigit prædicatum) ut in ista, Aliquis oculus est necessarius ad videndum, Aliquis equus ad equitandum.

*Tertia regula, Si propositio nullo signo afficiatur [ qua dicitur propositio indefinita ] tunc distinguendum est: nam si sit in materia necessaria vel remota j. prædicatum necessario conveniat subjecto, ut in ista Homo est animal; vel repugnet, ut in hac Homo non est lapis; tunc subjectum supponit distributivè, ac si propositio afficeretur signo universali & diceretur, Omnis homo est animal aut, Nullus homo est lapis. Si autem sit in materia contingenti. j. prædicatum accidentaliter conveniat subjecto, ut in hac, Homo est albus, tunc subjectum supponit determinate vel confuse, ac si diceretur, Aliquis homo est albus, aliquis oculus est necessarius ad videndum. Unde dici solet propositionem indefinitam in materia naturali aut remota æquivalere universali, in materia contingenti æquivalere particulari.*

*Quarta regula: in omni propositione affirmativa prædicatum supponit confuse ut in hac.*

Omnis



Omnis homo est animal, ibi enim animal sumitur pro hoc vel illo confuse & indeterminate; non vero pro omni, alias falsa esset propositio: in omni autem propositione negativa supponit distributive, ut in ista, Homo non est lapis.

§. Unicus.

*De reliquis proprietatibus termini,  
præcipue de ampliacione.*

**S**ECUNDA *proprietas termini est Ampliatio, qua est extensio termini a minori ad maiorem suppositionem*: ut in hac propositione, *Iusti in perpetuum vivent*, ubi terminus ille, *Iusti*, qui posset supponere solum pro iustis futuris (id enim tantum exposcit de necessitate *ly Vivent*), ampliatur & extenditur ad supponendum pro iis etiam iustis qui modo sunt aut fuerunt.

*Tertia proprietates est Restrictio. quæ Ampliacioni opponitur, est enim coarctatio termini à majori ad minorem suppositionem*: E. G. in hac propositione, *Omnis homo iustus diligit Deum*, *ly homo* restringitur & coarctatur per *ly iustus* ut supponat non pro omnibus sed solum pro iustis. *Ad hanc reducitur diminutio, qua est detractio partis suppositionis*: ut cum dico, *Æthiops est albus secundum dentes*: ubi ratione illius particulæ dimi-

nuentis (secundum dentes) Æthiops supponit tantum pro illa parte.

*Quarta est Appellatio, qua definitur Applicatio seu appositio significati unius termini ad significatum alterius: ut cum dico, Homo est animal, significatum animalis applicatur significato hominis: & propterea terminus qui applicatur dicitur appellans, ille verò cui applicatur, dicitur appellatus. Quia verò significatum termini appellantis, quod semper est formale (applicari enim, formæ est) potest apponi seu applicari vel materiali vel formali significato termini appellati (quando scilicet hic est concretus aut connotativus, in quibus sectione superiori duplex illud significatum distinximus; vel complexus ex absoluto & connotativo coalescens, quorum ille tenet habet ut materiale, iste ut formale.) Ideo duplex etiam est appellatio, altera materialis, altera formalis.*

*Appellatio materialis est applicatio significati termini appellantis ad materiale appellati, ut cum dico, Album est dulce, Petrus logicus est magnus: sensus enim est, quod habens albedinem, seu subiectum illud quod alias est album, est etiam dulce, quod Petrus qui studet Logicæ, est magnus. (magnitudine scilicet molis non scientiæ.)*

*Appellatio vero formalis est applicatio significati termini appellantis ad formale termini appellati, vel quod in idem recidit ad materiale ratione ipsius formalis: ut cum dico, Homo est animal,*

mal, Petrus est magnus logicus, Album in quantum album est dulce: *Sensus siquidem est*, quod homo ea ratione qua est homo est animal; quod Petrus ea ratione qua Petrus seu hic homo est logicus, & ea ratione qua logicus [sumpto jam hoc termino ut absoluto] est magnus j. magnitudine ut ita dicam seu peritiâ logices; item quod album ratione albedinis est dulce (quod non est verum.) Ex quibus colliges duas regulas pro appellationibus.

*Prima regula est, tunc fieri appellationem materiale[m], quando terminus appellatus est connotativus seu adjectivus, siue ponatur solus, siue junctus absoluto: ut patet in exemplis superius adductis. Et propterea ista. propositiones sunt veræ & catholicæ: In divinis sunt tres divini, tres immensi, tres æterni, tres omnipotentes, sumendo ly Divini, ly immensi, æterni, omnipotentes adjective: quia scilicet ly tres applicat suum significatum supra suppositum quod est significatum materiale, non supra Divinitatem, immensitatem, omnipotentiam, & hujusmodi quæ sunt significata formalia; & sensus est quod sunt tria supposita seu tres personæ habentes divinitatem, immensitatem, omnipotentiam (scilicet eandem.) Ob eandem rationem si per impossibile eadem albedo esset in tribus subjectis, dicerentur tria alba. j. tria subjecta habentia albedinem.*

*Secunda regula est, tunc fieri appellationem*

B s.

forma-

formalem, quando terminus appellatus est absolutus seu substantivus; vel si connotativus, additur reduplicatio. In quantum, Secundum quod, & huiusmodi: ut constat in exemplis superius positis. Et hæc de causa istæ propositiones sunt falsæ & hæreticæ: In Divinis sunt tres immensi, tres æterni, tres omnipotentes, sumendo illud substantivè, ut sumpsit Divus Athanasius in suo symbolo, dicens, Non tres immensi sed unus immensus, Non tres æterni aut omnipotentes sed unus æternus, unus omnipotens: quia nimirum ly tres appellat supra formale huiusmodi terminorum, prout sunt substantivi & absoluti. j. supra immensitatem, omnipotentiam & huiusmodi, & sensus est quod sunt tres ea ratione qua omnipotentes, qua immensi, subindeque quod sunt in his tres omnipotentia, tres immensitates, seu quod sunt tres personæ habentes tres omnipotentias: quod est hæreticum, & multo magis dicere quod sint tres Dii. ob eandem rationem. Ex eadem radice oritur quod istæ sint veræ & catholicæ Christus est æternus (juxta illud ad Hebr. ult. Christus heri & hodie, ipse & in sæcula:) Hic homo (designato eodem Christo) est omnipotens, immensus, æternus: & è contra, Deus est genitus ex tempore, est mortuus, & huiusmodi: Quia videlicet in illis ly æternus appellat supra Christum ratione divinitatis; in istis ly mortuus & similia, supra Deum ratione humanitatis, eo quod huiusmodi termini appellat

pellati sunt absoluti. Dices : quare ergo ista non est pariter vera sed hæretica ; Christus est factus, aut, Christus est creatus vel creatura? Respondeo reipsa ly factus aut creatus vel creatura, appellare supra Christum ratione humanitatis, quemadmodum ly mortuus, sepultus, & hujusmodi, atque adeo prædictam propositionem rectè intellectam concedendam fore sicut alias : quia tamen Arius eam malè & erroneè intellexit existimans Christum esse factum ratione etiam personæ quam volebat esse creatam, non divinam, ideo ut ejus errorem damnet Ecclesia ait in Symbolo Nicæno : Genitum non factum : nec admittit esse factum, creatum, aut creaturam, nisi cum addito, ratione naturæ assumptæ, non personæ.



# SECUNDA PARS.

## DE PROPOSITIONE.

### SECTIO I.

*De natura propositionis, eiusque speciebus.*



**P**ROPOSITIO *definitur* Oratio enunciativa vel Oratio significans verum aut falsum. Ut has definitiones intelligas nota (quod fufius explicabimus initio secundæ partis Logicæ, ubi de nomine, verbo, & oratione) orationem *definiri* voce in *significationem* ad placitum, *cujus partes separata significant*: per quas ultimas particulas differt à verbo & nomine, quæ cum sint voces incomplexæ, partes illorum non significant juxta significationem totius, ut supra diximus de termino incomplexo: oratio vero cū sit vox complexa & ex pluribus composita, habet partes quæ seorsim sumptæ significant eadem significatione quam habent.

habent, dū orationē componūt. Hoc posito.

*Prior definitio propositionis est essentialis, siquidem datur per genus & differentiam: Oratio enim est genus seu ratio quædam communis in qua propositio convenit cum definitione, divisione, argumentatione & aliis. Differt autem ab illis in eo quod enunciet, affirmet aut neget unum de alio, quod non præstant definitio & divisio nec etiam argumentatio in quantum tales. Hæc enim definitio hominis: Anima rationale, & hæc divisio. Hominis alia pars corpus, alia anima rationalis, nihil affirmant aut negant, sed clarius dumtaxat explicant id quod obscurius hoc nomine Homo significatur: argumentatio similiter in illatione formaliter consistit qua unum deducit ex alio, non autem in affirmatione aut negatione. Dixi, in quantum tales, ut indicarem definitionem, divisionem, & argumentationem non esse orationes formaliter enunciativas, quamvis possint esse tales materialiter, aut quia includuntur in propositione, ut cum dico, Homo est animal rationale, vel, Hominis pars alia est corpus alia anima; ut quia eam includunt, ut argumentatio quæ constat propositionibus tanquam partibus materialibus.*

*Posterior verò definitio est descriptiva, siquidem datur per proprietates, nempe per veritatem aut falsitatem, qua non sunt ipsa essentia propositionis, sed affectiones qua eam consequuntur.*

*Divi-*

*Dividitur autem propositio communissimè sumpta in simplicem & conjunctam.*

*Propositio simplex, quæ appellari solet Categorica (j. enunciativa, à verbo Græco κατηγορία, enuncio, aut prædico, ) est illa quæ simpliciter enunziat unum de alio : seu, ut alii explicant, quæ constat subjecto & prædicato tanquam partibus principalibus & verbo tanquam copula. Sive autem ex parte utriusque extremi, j. prædicati & subjecti, sit terminus incomplexus, sive complexus, imo etiam propositio integra (ut cum dico ; Petrus, qui est Logicus, est vir magnus) perinde est ad rationem propositionis simplicis seu categoricæ ; totum enim illud quod ponitur ex parte subjecti aut prædicati, se habet per modum unius extremi. Adverte autem in hujusmodi propositionibus categoricis, in quibus ex parte alterius extremi ponitur una integra propositio, ut in exemplo mox allato, copulam propositionis in tali extremo involutæ & implicatæ, appellari copulam implicationis & minus principalem, ad differentiam alterius quæ conjungit principalia extrema quæ ideo copula principalis appellatur.*

*Propositio verò conjuncta, quæ solet appellari hypothetica, est illa quæ constat pluribus propositionibus simplicibus tanquam partibus principalibus conjunctione aliqua unita : & est quintuplex, conditionalis, causalis, rationalis, copulativa & disjunctiva.*



*Conditionalis est illa cujus partes uniuntur media conjunctione conditionali Si, ut, Si homo est rationalis est risibilis. Rationalis est ea cujus partes copulantur per particulam rationalem Ergo aut Igitur : ut, Homo est rationalis : ergo est risibilis. Causalis autem est, in qua uniuntur media particula causali. Quia aut simili: ut Quia homo est rationalis est risibilis. Ad veritatem harum ( quæ non tam dicendæ sunt. propositiones quàm argumentationes, cum particulæ Si, Ergo, Quia, sint notæ illationis, quibus unum ex aliis inferri denotatur, in quo sita est propria ratio argumentationis ) requiritur imprimis quod una, qua dicitur consequens. rectè sequatur ex altera qua dicitur antecedens : Idque sufficit in propositione conditionali: unde istæ sunt veræ, Si equus esset rationalis esset risibilis, Si homo haberet alas volaret, quia licet in utraq; antecedens sit falsū videlicet quod equus sit rationalis, quod homo habeat alas; & consequens similiter, nempe quod equus sit risibilis, quod homo volet; unum tamen rectè sequitur ex alio, & consequentia est bona, quod sufficit ad veritatem propositionis conditionalis. Ad veritatem autem propositionis rationalis præter hanc conditionem, id est, bonitatem consequentia, requiritur alia, scilicet quod antecedens sit verum: defectu cujus conditionis hæc propositio rationalis est falsa: Equus est homo ergo est animal:*

*Deni-*

Denique præter has duas conditiones, ad veritatem causalis requiritur insuper quod antecedens sit causa consequentis: unde ista est vera. Homo est risibilis quia rationalis: hæc verò falsa, Homo est rationalis quia est risibilis, quia scilicet rationalitas est causa risibilitatis in homine, & non è contra.

*Propositio autem copulativa est illa, cuius partes uniuntur mediâ copulâ. Et, Atque, aut similibus, ut Petrus est animal & Paulus est animal. Et ad hujus veritatem necesse est quod singulæ propositiones simplices, quibus constat, sint veræ.*

*Disiunctiva denique dicitur ea in qua propositiones simplices uniuntur conjunctione disiunctiva Vel, Aut &c. ut vel homo est animal rationale vel est irrationale. Ad cujus veritatem sufficit & requiritur veritas alterius propositionis simplicis.*

### §. I.

*De propositione categorica seu simplici, ejusq; variis divisionibus.*

**R**ELICTA propositione hypothetica seu conjuncta, quæ ut talis non est verè & propriè propositio, cum non enunciet unum de alio formaliter, sed mediâ aliqua conjunctione propositiones simplices & propriè enuntiativas solum uniat; ut  
intel-

intelligas ea quæ dicenda supersunt de ipsa propositione categorica & simplici, quæ est simpliciter & propriè propositio.

*Adverte* quod sicut in composito naturali quatuor præcipuè reperiuntur, materia forma, quantitas, & qualitas, ita in propositione, quæ est compositum quoddam rationis, eadem quatuor suo modo sunt distinguenda. Materia propositionis sunt termini, id est, prædicatum & subjectum, secundum habitudinem quam inter se habent: unde sicut quadruplex est hujusmodi habitudo prædicati ad subjectum, ita quadruplex distingui potest materia: *Naturalis*, quæ est quando prædicatum naturalem habet seu necessariam habitudinem ad subjectum, cum scilicet est de ejus essentia, aut propria ejus passio: *Contingens*, quando contingentem & accidentalem, ita ut actu ipsi conveniat, possit tamen non convenire: *Possibilis*, quando possibilem, ita quod actu non comperat, possit tamen ei comperere: & *Impossibilis*, quando impossibilem, cum scilicet nec actu convenit, nec convenire potest. *Forma autem propositionis* est actualis unio prædicati cum subjecto, quæ nihil aliud est quàm enuntiatio illius de isto. *Quantitas verò* est illa propositionis veluti magnitudo & extensio secundum quam propositio dicitur universalis vel particularis. *Qualitas* tandem propositionis est ejus veritas aut falsitas. His positis.

Dividitur primò propositio categorica ratione materiae in necessariam, contingentem, possibilem, & impossibilem: *Necessaria*, quæ enuntiatur rem quæ ita se habet, nec aliter se habere potest: ut hæc. Homo est animal. *Contingens*, quæ ita actu se habet, sed aliter se habere potest: ut si de pariete qui reipsa afficitur albedine dicam, Paries est albus. *Possibilis*, quæ nec ita se habet actu, sed sic se habere potest: ut si de eodem pariete dicam, Paries est niger: *Impossibilis*, quæ nec ita se habet, nec ita se habere potest: ut, Homo est lapis.

Dividitur secundò ex parte formæ in *Affirmativam* & *Negativam*. *Affirmativa* est, quæ unum de alio affirmat, *Negativa* quæ negat. Et hæc divisio est essentialis & generis in species, similis illi quæ animal dividitur in hominem & brutum: sicut enim homo & brutum sunt species animalis, quia dividunt ipsum per rationale & irrationale secundum suam rationem formalem & ex æquo; ita affirmatio & negatio sunt species propositionis quia similiter eam dividunt secundum suam formalem & essentialem rationem, quæ consistit in enunciatione quæ essentialiter & ex æquo sit affirmando aut negando. Reliquæ verò propositionis divisiones, quæ non attenduntur penes rationem illius formalem, sed penes materiam, quantitatem aut qualitatem, non sunt essentialis.

*De natura proposit. ejusq; specieb.* 43

Dividitur tertio ex parte quantitatis in Vniuersalem, particularem, indefinitam, & singularem. Vniuersalis est cujus subjectum est terminus communis signo uniuersali affectus: ut, Omnis homo est animal, Nullus homo est lapis. Particularis cujus subjectum est etiam terminus communis, sed signo particulari affectus: ut, Aliquis homo est albus. Indefinita, cujus subjectum, quod pariter terminus communis est, nullo afficitur signo: & si quidem fuerit huiusmodi propositio in materia naturali aut impossibili æquivaleret uniuersali; si in materia contingenti aut possibili, æquivaleret particulari. Singularis verò propositio est illa cujus subjectum est terminus singularis: ut Petrus est albus.

Dividitur quarti ratione qualitatis in veram & falsam. Propositio vera est qua enunciat rem sicuti est: falsa, qua aliter quam sit.

§: 2:

*De propositionibus modalibus.*

**P**RÆTEREA propositio categorica alia est absoluta, alia Modalis. Absoluta qua dicitur ab aliis propositio de inesse, est illa qua absolute enunciat predicatum de subjecto, non exprimendo modum quo unum se habet ad aliud: ut hæc: Homo est animal, Paries est albus,

bus. Album est nigrum, Homo est lapis. *Modalis* verdè est illa qua non solum enunciat prædicatum de subiecto, sed etiam modum illum exprimit ut istæ: Homo est necessario animal, Paries est contingenter albus, Album est possibiliter nigrum, Homo est impossibiliter lapis: ubi per ly *necessario*, *contingenter*, *possibiliter*, *impossibiliter*, exprimuntur modi quibus extrema illarum propositionum se habent inter se, designatur enim esse necessariam habitudinem seu connexionem animalis cum homine, contingentem albedinis cum pariete, possibilem nigredinis cum subiecto habente nunc albedinem, impossibilem lapidis cum homine, aut è contrà.

Unde constat quatuor esse modos quibus propositiones reddi possunt modales, juxta quadruplicem habitudinem extremorum, de qua superiori parag. quam modi illi exprimunt. *Modus ergò in proposito nihil aliud erit quàm vox exprimens & determinans habitudinem inter prædicatum & subiectum*, propositio modalis illa, quæ afficitur tali modo seu ut jam definivimus, ea quæ non solum enunciat unum de alio, sed etiam modum exprimit quo illa se habent inter se.

*Dividitur autem propositio modalis in compositam & divisam.*

*Divisa dicitur ea, qua exprimit modum quo se habent extrema divisim sumpta, j. significatum formale unius ad significatum mate-*

*materiale alterius : quod contingit quando  
modus effertur adverbialiter, ut in exemplis  
jam adductis, ibi enim necessario, contin-  
genter, & hujusmodi denotant habitudinem  
seu connexionem necessariam, contingen-  
tem, possibilem, aut impossibilem inter  
significatum formale prædicati & signifi-  
catum materiale subjecti divisim & præcise  
sumptum à significato formali ejusdem :  
ita ut ad veritatem hujus propositionis, Al-  
bum possibiliter est nigrum ( ut alias omir-  
tamus de quibus non est specialis difficul-  
tas ) sufficiat quod nigredo possit inesse sub-  
jecto habenti albedinem, non conjunctim  
cum illa, sed divisim, j. illa amissa ; seu quod  
subjectum album retineat cum albedine si-  
mul potentiam ad nigredinem, non simul  
habendam & eodem tempore, sed divisim  
& diverso tempore : quod est, ut nonnulli  
loquuntur, habere simultatem potentiae,  
non potentiam simultatis.*

*Composita verò est ea quæ exprimit modum,  
quo se habent inter se extrema conjunctim sum-  
pta secundum sua significata formalia. & est  
quando modus enunciatur nominaliter : ut in  
iisdem exemplis. Hominem esse animal est  
necesse, Parietem esse album est contingens,  
Album esse nigrum est possibile, Hominem  
esse lapidem est impossibile : ly enim necesse  
contingens, & hujusmodi, designant esse  
habitudinem & connexionem necessariam,*

contingentem, possibilem vel impossibilem inter significatum formale prædicati & significatum materiale subiecti simul ac habet formale, atque adeo inter significata ipsa formalia: ita ut ad veritatem istius v.g. Album esse nigrum est possibile, necessarium foret quod nigredo posset inesse subiecto habenti albedinem, non solum divisim ab illa, sed etiam conjunctim & illa remanente; seu quod subiectum album non solum retineret simul cum albedine potentiam ad nigredinem divisim & diverso tempore habendam, sed simul & eodem tempore, quod esset habere non solum simultatem potentiae, ut dicebamus de modali divisa, sed etiam potentiam simultatis.

Ex quibus inferitur omnem modalem compositam facere sensum compositum, divisam divisum. Propositionem enim facere sensum compositum est componere seu unire extrema secundum sua significata formalia: facere vero sensum divisum est unire tantum significatum formale unius cum significato materiali alterius præcisè & divisim à formali. Primum autem facit modalis composita: hæc enim v. g. Album esse nigrum possibile est, unit nigredinem cum subiecto habente albedinem, simul & pro eodem tempore quo illam habet, atque adeo nigredinem cum albedine, ita ut sensus sit possibile esse quod album manens album sit nigrum. Secundum



dum verò præstat divisa, ut patet in ista, album possibiliter est nigrum, ubi nigredo unitur aut significatur possibilis uniri cum materiali duntaxat albedinis, divisim ab ipsa albedine, ita ut sit sensus quod subjectum quod modo est album potest fieri nigrum, amittendo scilicet albedinem.

*Ratio horum omnium sumitur ex diversa illa modi expressione :* quando enim modus exprimitur adverbialiter, tunc cum more aliorum adverbiorum, adiaceat & applicetur ipsi verbo, quod de se juxta regulas appellationis, unit tantum formale prædicati cum materiali subjecti præcisè tunc inquam exprimit & designat solum unionem illorum divisim, quod est facere sensum divisum. Quando autem exprimitur nominaliter (quo modo habet rationem prædicati respectu totius propositionis de inesse, ipsa verò locum subjecti, si non quoad voces, saltè quoad sensum; cum enim dico, Album esse nigrum est possibile, sive, Possibile est album esse nigrum, idem est ac si dicerem, Hæc propositio, seu, Hoc conjunctum, Album est nigrum, est possibile: & sic de aliis) tunc cum, juxta conditionem aliorum prædicatorum, applicet suum significatum subjecto proprio. j. toti propositioni de inesse, seu toti conjuncto ex prædicato & subjecto illius quæ ibi uniuntur pro eodem tempore ac subinde secundum significata formalia; consequenter exprimit & designat unionem

nem illorum conjunctim, quod est facere sensum compositum.

Quamvis autem res ista se hebeat sicut diximus & ratio adducta convincit, omnem scilicet propositionem modalem compositam efficere sensum compositum determinatè, & divisam divisum, in rigore dialectico, subindeque absque ulla distinctione concedenda aut neganda essent: solent tamen scholastici utrasque in sensu composito & diviso distinguere, in unoq; sensu concedere, in altero negare. V. G. hæc propositio, Album esse nigrum est possibile, facit absolute loquendo sensum compositum, conjungens nigredinem cum albedine, subindeque neganda absolute esset: nihilominus illam & alias similes sæpissimè distinguimus hoc modo: Album esse nigrum est possibile, in sensu composito j. habet potentiã ad habendam & componendam simul cum albedine nigredinem, nego: in sensu diviso j. habet potentiam ad habendam divisim ab albedine nigredinem, concedo. Pari modo distinguui solet alia, Album possibiliter est nigrum, quamvis determinatè faciat sensum divisum, sitque absolute vera. Hoc etiam modo distinguunt Thomistæ hanc compositam, Prædeterminatum ad consensum dissentire est possibile: & hanc divisam. Prædeterminatus an consensum possibiliter dissentit, seu potest dissentire: dicuntque utramque esse veram in sensu diviso, quia  
facili-

scilicet cum prædeterminatione ad consensum remanet & stat in voluntate potentia ad dissentiendum; falsam verò in sensu commposito, quia non potest dissensus poni simul in voluntate cum consensu, subindéque nec cum prædeterminatione ad consensum qui onitur statim (liberè tamen) cum prædeterminatione, de quo in Physica.

## §. 3.

*De propositionibus exponibilibus.*

**P R Æ T E R E A** adhuc propositio Categorica alia est Exponibilis, qua scilicet ratio alicuius dictionis obscura in ipsa inclusæ oburum habet sensum; alia Exponens, qua illam exponit per particulas clariores explicantes dictionem illam qua obscura erat.

Propositio Exponibilis potissimum est triplex, nempe Exclulsiva, Exceptiva, & Reducativa: quibus totidem correspondent exponentes.

Exclusiva est illa qua afficitur aliqua particula excludente, puta, *Tantum, Duntaxat, solum*: Quæ particula, si ponatur ex parte subiecti, excludit omne aliud subiectum à participatione prædicari: ut cum dico, *Homo tantum est rationalis*: cuius ponens est ista composita, *Homo est rationalis, & nihil aliud ab homine est ratio-*

nale: Si autem se teneat ex parte prædicati, tunc excludit à subjecto omnia alia prædicata cum isto non connexa: ut si dicas, Homo est tantum rationalis, cujus exponens est hæc, Homo est rationalis, & nihil aliud est nisi rationalis, per quod non excluditur risibilitas, nec alia cum rationali connexa.

*Exceptiva est ea qua modificatur seu afficitur dictione exceptiva, puta præter, aut similibus: diciturque exceptiva, quia à subjecto communi distributive sumpto aliquid excipit: ut, Omne animal præter hominem est irrationale: quæ duobus modis exponi potest: primo si loco particulæ, præter, ponatur ly Excepto, dicendo, Omne animal excepto homine est irrationale: Secundo per copulam implicationis, hoc modo, Omne animal quod non homo, est irrationale.*

*Reduplicativa tandem est illa qua afficitur aliqua particula reduplicante. i. duplicante subjectum vel prædicatum, quales sunt istæ dictiones, Inquantum, Quatenus, Prout, Secundum quod. Et siquidem particulæ illæ reduplicent causam cur prædicatum conveniat subjecto, ut fit in hoc exemplo. Homo inquantum rationalis, est risibilis, debet tunc propositio reduplicativa exponi per particulam causalem, quia hoc modo: Quia homo est rationalis, est risibilis. Si verò non reduplicent causam, sed tantum rationem forma-*

malem sub qua prædicatum convenit sub-  
 jecto, ut in hoc exemplo. Paries in quan-  
 tum coloratus est visibilis, debet exponi  
 particula illa *ratione*, vel *sub ratione formali*,  
 hoc modo. Paries est visibilis ratione colo-  
 ris, vel sub ratione formali colorati. Si de-  
 nique reduplicet tantum rationem materia-  
 lem (quod est particulas illas non sumi  
 propriè reduplicativè, sed ut ajunt specifi-  
 cativè) ut si dicas, Æthiops in quantum ho-  
 mo est niger, exponenda est propositio hoc  
 modo, Æthiops quantum ad id quod est ho-  
 mo est niger: ita ut denotetur rationem ho-  
 minis esse rationem materialem quæ affici-  
 tur albedine aut recipit illam, non verò rati-  
 nem formalem recipiendi eam, in quo sensu  
 qui est propriè reduplicativ⁹, falsa esset pro-  
 positio; cum tamen concedi debeat in priori  
 qui est specificativus, nec omnino materia-  
 lis, ut nonnulli existimant exponentes præ-  
 fatam propositionem hoc modo, Æthiops  
 qui est homo est niger: sicut cum dicitur,  
 Album est dulce, explicatur sic, subjectum  
 quod alias est affectum albedine, est dulce:  
 quod dici nequit, cum juxta dicta de appella-  
 tione in hac quidem posteriori propositio-  
 ne prædicatum appellet & applicet suum si-  
 gnificatum supra materiale subjecti, in prio-  
 ri autem supra formale, subindèque non de-  
 bet sic resolvi sicut illa.

*Adverte tamen prædictas particulas,  
 In quantum, Secundum quod, & similes,*

interdum non sumi nec reduplicativè, nec specificative sensu explicato, sed diminutivè, ut in hac propositione, *Æthiops est albus secundum dentes.*

*Vbi nota*, non esse opus expressione hujusmodi particulæ diminutivæ, quando juxta communem sensum subintelligitur, & indubitatum est apud omnes prædicatum attribui subjecto ratione partis tantum: unde absolutè dicimus Petrum esse crispum, nec addimus, secundum capillos, quia constans est crispitudinem non attribui illi nisi ratione capillorum; eadem de causa absolutè & sine addito dicimus Christum esse passum, mortuum, crucifixum, quia indubitatum est ea convenire & attribui ipsi ratione humanitatis tantum. Quando autem dubium esse posset an prædicatum conveniat & attribuatursubjecto ratione totius, vel tantum ratione partis, tunc si conveniat solum ratione partis, addenda & exprimenda est particula diminuens: & idè quia albedo indifferenter afficere potest vel totum hominem, vel solam partem, puta dentes, si in dentibus tantum inveniretur, non esset dicendus absolutè homo albus, sed cum hoc addito, secundum dentes: ob eandem rationem non dicimus absolutè, Christus est factus, est creatura, est minor Patre, incepit esse, sed solum cum addito diminvente, secundum humanitatem: quia occasione erroris Ariarum, qui dixerunt Christum esse creaturam, incc-

incepisse esse, non solum ratione humanæ naturæ, sed etiam ratione personæ, dubium suboriri posset utrum prædicata illa attribuerentur Christo ratione humanitatis tantum vel etiam ratione personæ.

---

## SECTION II.

*De proprietatibus propositionis, & primò de oppositione.*

**P**RIMA *proprietas propositionis, non quidem physica, vel quasi physica (quæ est veritas aut falsitas, sive significatio veri aut falsi) sed Logicalis, est oppositio cum altera: quælibet enim propositio habet aliam sibi oppositam quæ negat illud idem quod ipsa affirmat, aut è contra: unde*

*Oppositio propositionum definitur Affirmatio & negatio ejusdem de eodem; sive repugnantia inter propositionem affirmativam & negativam ejusdem prædicati & subjecti. Ex quibus infertur ad veram oppositionem duarum propositionum requiri duas condiciones: prima est quòd utraque constet eodem prædicato & subjecto, eodem, inquam, & quoad voces & quoad sensum, ita ut si vel minimum va-*

rietur sensus, tollatur oppositio: secunda est quod una illarum sit affirmativa, altera negativa, ita ut quod una ponit & affirmat, altera neget & removeat.

Est autem quadruplex Oppositio, Contradictoria, Contraria, Subcontraria & Subalterna.

Contradictoria Oppositio est repugnantia inter duas propositiones de eodem subiecto & predicato, quarum una est affirmativa, altera negativa, una universalis, altera particularis, (saltem sub conditione,) V. G. Omnis homo est justus, Aliquis homo non est justus: item, Nullus homo est justus, Aliquis homo est justus. Addidi (saltem sub conditione) ut indicarem non esse absolute & generaliter loquendo necessarium ad veram contradictionem quod una propositio sit universalis & altera particularis; sed tantum sub conditione, id est, si una sit universalis necesse est quod altera sit particularis, & e contra. Quod autem non sit absolute necessarium, patet in his propositionibus quæ sunt contradictoriæ, quamvis non sint propriè universales aut particulares: v. g. Omnes Apostoli sunt duodecim, Omnes Apostoli non sunt duodecim: Homo est species, Homo non est species: Petrus est justus, Petrus non est justus.

Regula pro contradictoriis est, eas in nulla prorsus materia posse esse simul veras, aut simul falsas. Ratio est quia aliàs  
idem



idem esset & non esset ; V. G. idem homo esset justus, si hæc sit vera, Omnis homo est justus, & non esset justus, si hæc pariter esset vera; Aliquis homo non est justus. Quod idem sequeretur si utraque sit falsa. nam si hæc falsa sit, Omnis homo est justus idè est quia datur aliquis homo qui non est justus; & tamen non daretur aliquis qui non sit justus, si falsa sit etiam ista præcedenti contradictoria, Aliquis homo non est justus.

*Contraria Oppositio est repugnantia inter duas propositiones ejusdem prædicati & subjecti, quarum una est affirmativa, altera negativa, & amba universales: ut, Omnis homo est justus. Nullus homo est justus.*

*Regula pro contrariis est, eas in nulla quidem materia posse esse simul veras, bene tamen simul falsas in materia contingenti. Prima pars hujus regule constat, quia alias etiam idem esset & non esset: puta idem homo esset justus, & non esset justus; esset, si hæc sit vera, Omnis homo est justus; non esset, si pariter vera sit hæc, Nullus homo est justus. Secunda verò pars patet eodem exemplo, nam falsum est quod omnis homo sit justus, & falsum pariter quod nullus sit justus: nec sequitur præfatum inconveniens, quia ex hoc quod ambæ sint falsæ, non sequitur quod idem sit justus, & idem non sit.*

fit, sed quod aliquis fit, & aliquis (alius) non fit.

*Subcontraria est Repugnantia inter duas propositiones de eodem predicato & subiecto, quantum una est affirmativa, altera negativa, & amba particulares: ut, Aliquis homo est justus. Aliquis homo non est justus.*

*Regula pro subcontrariis est, illas posse esse simul veras, non tamen simul falsas. Prima pars constat in exemplo adducto. Secunda etiam est evidens, quia si illæ duæ essent falsæ, contradictoriæ illarum essent veræ, nempe, Nullus homo est justus, Omnis homo est justus, juxta regulam pro contradictoriis assignatam. & cum hæc inter se collatæ sint contrariæ, darentur jam duæ contrariæ simul veræ, quod regulæ contrariarum repugnat.*

*Subalterna denique est Repugnantia inter duas propositiones ejusdem predicati & subiecti, penes hoc solum quod una est universalis, altera particularis: ut, Omnis homo est justus, Aliquis homo est justus: item, Nullus homo est justus. Aliquis homo non est justus. Unde hæc non est propriè oppositio quæ consistit essentialiter in affirmatione & negatione ejusdem de eodem, subalternans autem & subalternata sunt ambæ affirmativæ, aut negativæ.*

*Regula pro istis est, quod si subalternans*

*nans*

nam & subalternata sint in materia naturali,  
& una sit vera, altera etiam erit vera: & i-  
dem de falsitate dicendum: in materia verò  
contingenti universalis potest esse falsa, particu-  
laris autem vera. Hæc omnia oculis subijcit  
tabella sequens.

Omnis homo  
est animal.

Omnis homo  
est lapis.

Omnis homo  
est justus.

CONTRARIÆ

Nullus homo  
est animal.

Nullus homo  
est lapis.

Nullus homo  
est justus.

SVBALTERNÆ

CONTRADICTORIÆ

SVBALTERNÆ

Aliquis homo  
est animal.

Aliquis homo  
est lapis.

Aliquis homo  
est justus.

SVBCONTRARIÆ

Aliquis homo  
non est animal.

Aliquis homo  
nō est lapis.

Aliquis homo  
non est justus.

Cæterum harum omnium oppositio-  
num maxima est contradictoria. Etenim  
tantò major est oppositio, quanto minor  
com-

convenientia inter extrema : atqui inter propositiones contradictorias minor reperitur convenientia, quàm inter cæteras, siquidem conveniunt in sola materia, i. in terminis, quod est necesse ad oppositionem propositionum ut supra docuimus ; differunt verò tum in forma, cum una illarum sit affirmativa & altera negativa : tum in quantitate, nam si una est universalis, altera debet esse particularis : tum denique in qualitate, siquidem una existente vera, altera necessario debet esse falsa : Aliæ verò propositiones oppositæ magis conveniunt ; non enim conveniunt solum in materia, sicut cōtradictoriæ, sed etiam vel in quantitate & qualitate, ut contrariæ quæ sunt ambæ universales, & possunt simul esse falsæ : & subcontrariæ quæ sunt ambæ particulares, & simul possunt esse veræ : vel etiam in forma j. in affirmatione aut negatione, ut subalternæ.

## §. I.

*De Æquipollentia & Conversione  
Propositionum.*

**S**E C U N D A proprietas propositionis est Æquipollentia unius cum altera : sicut enim quælibet propositio habet alteram sibi oppositam ita & æquipollentem, quæ nihil aliud est quam ipsamet propositio opposita qua-

quatenus per equipollentiam signi, quo afficitur ex particula negativa proveniente, sit æquivalens alteri, Unde

*Equipollentia definitur eadem vis sive sensus propositionum oppositarum ex æquivalentia signorum proveniens.*

Ad reddenda autem signa æquivalentia, subindeque & ipsas propositiones oppositas æquivalentes, observandus est iste versiculus

*Pra contradict. Post contrar. Fra, Postque subaltern.*

Id est: Præpone contradictoriæ seu ipsius subjecto negationem, si velis eam alteri reddere æquipollentem: Postpone verò contrariæ & subcontrariæ (quæ utraque intelligitur per illam particulam Post contrar.) præpone autem & postpone subalternæ. Habes exempla omnium hujusmodi oppositionum in schemate supra posito, appone solam negationem juxta præscriptum hujus regulæ ante vel post subjectum integrum, (quod in illis exemplis est ly Omnis homo, Nullus homo, Aliquis homo, &c.) cernes æquipollentiam.

*Ratio horum est, quia particula negativa, cum sit malignantis naturæ, destruit totum quod post se reperit: unde præfixa signo universali affirmativo (v. g. isti, Omnis,) destruit ejus universalitatem & affirmationem, facitque ipsum particulare*

negativum, ita ut idem sit, Non omnis, ac Aliquis non. Econtra si præponatur particulari negativo, destruit particularitatem & negationem, facitque universale affirmativum, ita ut idem sit, Non aliquis non ac, Omnis. Idem proportionaliter dic si præponatur universali negativo quod efficit particulare affirmativum, idem enim est. Non nullus, ac Aliquis; vel particulari affirmativo quod è contra reddit universale negativum, Non aliquis enim idem valet ac Nullus. Quod si particula illa negativa postponatur signo, relinquit ipsum in sua universalitate aut particularitate & destruit tantum affirmationem si erat affirmativum, vel negationem si negativum, quia scilicet censetur semper antecedere ipsam affirmationem aut negationem signi, utpote quæ cadit supra copulam quam antecedit.

Ex quibus habes æquipollentiam propositionum provenire immediatè ex æquipollentia signorum, mediatè ex particula illa negativa per quam signa fiunt æquipollentia.

*Tertia & ultima Proprietas Propositionis est Conversio in aliam, quæ definitur Mutatio unius propositionis in aliam per solam transpositionem prædicati in subiectum, & subiecti in prædicatum, servata eadem forma propositionis, & qualitate, i. eadem affirmatione aut negatione.*

*Utr.*

veritate vel falsitate : ut, Nullus homo est lapis, ergo nullus lapis est homo. Ex quo patet conversionem debere fieri per illationem, ita ut legitima sit conversio quotiescunque propositio convertens recte inferitur ex conversa.

Duplex autem est Conversio generaliter loquendo, alia Conversio in terminis, alia per Contrapositionem terminorum. Conversio in terminis est mutatio predicati in subiectum, & subiecti in predicatum, servatis eisdem terminis, eademque forma & qualitate propositionis, ut, Nullus homo est lapis, ergo Nullus lapis est homo : & : Omnis homo est animal, ergo aliquod animal est homo. Conversio vero per Contrapositionem est mutatio predicati in subiectum & subiecti in predicatum, servata quidem eadem forma & quantitate propositionis, sed mutatis terminis finitis in infinitos, & vice versa : ut, Omnis homo est animal, ergo omne non animal est non homo, & : Aliquod animal non est homo, ergo aliquod non homo non est non animal. Relicta hac quæ non est proprie conversio, cum in ea potius destruantur extrema quàm transplegantur.

Conversio in terminis, quæ nomine conversionis absolute venit intelligenda, alia est simplex, alia per Accidens. Conversio simplex, quæ dicitur conversio in totum, est quando servatur eadem quantitas in convertente quæ erat in conversa : ut in illo exemplo, Nullus

lus homo est lapis, ergo nullus lapis est homo. *Conversio autem per accidens, quæ etiam dicitur conversio in partem, est quando non retinetur eadem quantitas; ut in illo exemplo superius etiam adducto, Omnis homo est animal, ergo aliquod animal est homo.*

Quanam verò dictarum conversionum debeant propositiones converti, jam habes regulam superius insinuatam, debent enim converti ea conversione qua propositio convertens recte inferatur ex conversa. Si tamen speciales pro singulis optes regulis, habes in his versibus.

*Feci simpliciter, convertitur eva per accid.*

*Asto per contrap. Sic fit conversio tota.*

Ubi nota has tres voces *Feci, eva, asto*, & in illis quatuor vocales. A designat propositionem universalem affirmativam, E. universalem negativam, I. particularem affirmativam, O particularem negativam: juxta sensum horum versuum

*Afferit A. negat E. sumpta generaliter amba:*

*Afferit I. negat O. sunt particulariter ambo.*

Sensus ergo illorum versuum. *Feci simpliciter* &c. est, universalem negativam posse ad libitum converti, vel conversione simplici, vel per accidens: universalem affirmativam etiam pro arbitrio converti posse vel per accidens, vel per contrapositionem: particularem affirmativam simpliciter tantum;



tum: negativam, solum per contrapositionem. Ratio est quia his modis convertens bene sequitur ex conversa, & non aliter, ut in exemplis adductis experiri potes.

## §. 2.

*Applicatur modalibus precedens doctrina.*

**C**ONSTAT inprimis oppositionem, aequipollentiam, & conversionem eodem modo habere locum in modalibus divisis, quo in propositionibus absolutis seu non modalibus, cum eandem servant dispositionem.

Quoad oppositionem verò modalium compositarum inprimis cenſeo nullam inter illas proprie habere locum niſi contradictoriam. Ratio eſt quia omnes aliæ oppoſitiones ſunt inter propoſitiones univerſales aut particulares: modales autem compositæ videntur quoad ſenſum & formaliter loquendo omnes ſingulares, eo quod in illis modus prædicetur de tota propoſitione de inelle veluti de uno quodam ſingulari: quod conſtat ex dictis ſect. præcedenti §. 2. cum enim dicitur, Omnem hominem eſſe animal eſt neceſſe: idem plane eſt ac ſi diceretur, Hæc propoſitio. Omnis homo eſt animal, eſt neceſſaria, ſeu, Hoc conjuñctum, Omnis &c. eſt neceſſarium: ubi ut patet ly neceſſaria aut neceſſa-

neceſſarium prædicatur de illa propoſitiōne abſoluta ſeu de ineſſe, Omnis homo eſt animal, tanquam de uno aliquo individuo ſeu ſingulari designato per ly Hoc: ita ut univerſalitas propoſitionis de ineſſe ſe habeat ibi merè materialiter. Atque ita cū propoſitiō ſingularis ſit ea quæ conſtat ſubjecto ſingulari, omnes modales compoſitæ erunt hoc pacto ſingulares, ſubindeque inter illas non habebit locum niſi ea oppoſitiō quæ reperitur inter ſingulares, quæ eſt ſola contradictoria. Unde ſicut per hoc præciſè dicuntur contradictoriè opponi ſingulares abſolutæ, quod in una affirmetur copula & prædicatum, in altera verò negetur, ſic & modales compoſitæ tunc erunt contradictoriæ, quando abſque ulla alia prorsus variatione in una affirmabitur copula principalis & modus qui eſt prædicatum, in altera verò negabitur: ut, Omnem hominem eſſe animal eſt neceſſe, Omnem hominem eſſe animal non eſt neceſſe. Dixi (copula principalis) quia ſicut penes illam attenditur ſimpliciter affirmatiō aut negatiō propoſitionis, & non penes copulam implicationis & minus principalem; ita & oppoſitiō: unde iſtæ non ſunt oppoſitæ in quantum modales. Omnem hominem eſſe animal eſt neceſſe, Omnem hominem non eſſe animal eſt neceſſe, quia copula principalis & modus in utraque affirmatur. Si quæras, quomodo iſtæ opponantur, Hominem eſſe animal eſt neceſſe

neceſſe, Hominem eſſe animal eſt contin-  
gens, vel, eſt impoſſibile: Reſpondeo non op-  
poni formaliter oppoſitione propoſitionum,  
quia formaliter omnes ſunt affirmatiyæ, ſed  
oppoſitione rerum ( de qua in poſtprædica-  
mentis ) ſicut iſtæ, Paries eſt albus, Paries eſt  
niger; quia ſcilicet habent prædicata oppoſi-  
ta. Virtualiter tamen dici poſſunt oppoſitæ  
oppoſitione etiam propoſitionum, nempe  
contradictoriâ, quatenus una virtualiter ne-  
gat quod altera aſſerit.


Dices, *Modus*, *Neceſſe*, æquivalet huic  
ſigno, *Omnis*: Poſſibile æquivalet huic, *Ali-*  
*quis*, &c. Ergo modales erunt formaliter  
uniuerſales. aut particulares, ſubindeque aliæ  
inter ipſas reperientur oppoſitiones quàm  
contradictoria.

Reſpondeo æquivalere quoad affirmationem  
vel negationem, & non quoad quantitatem i.  
uniuerſalitatem aut particularitatem: præ-  
fertim quia quantitas ſemper ſe tenet ex par-  
te ſubjecti, iſti autem modi habent locum  
prædicati.

Quoad æquipollentiam veri & converſio-  
nem, apparet illam nullatenus habere locum  
in huiusmodi modalibus compositis: non in pri-  
mis æquipollentiam, hæc enim eſt eadem viſ  
ſeu idem ſenſus propoſitionum ex æquipol-  
lencia ſignorum proveniens; cum ergo in  
modalibus compositis non attendantur for-  
maliter ſigna, non erit etiam in eis æquipol-  
lencia: ſed nec converſio, hæc ſiquidem eſt  
trans-

transmutatio prædicati in subiectum, & e  
contra, quæ in his modalibus nusquam fieri  
potest, cum modus semper, quoad sensum,  
teneat locum prædicati, ut supra diximus, et  
si quoad voces statuatur loco subiecti.





# TERTIA PARS

## DE ARGUMENTATIONE.

---

### SECTIO I.

*De natura argumentationis,  
eiusque speciebus.*

**A**RGUMENTATIO, ut in prolegomenis definimus, est *Oratio in qua unum ex alio inferitur*: unde tria in argumentatione distinguere debent: primum est illud ex quo aliud inferitur, quod dicitur antecedens: secundum est illud quod inferitur, quod appellatur consequens. tertium est illatio, & vocatur consequentia, in qua consistit formale argumentationis.

Unde

Unde quia triplex est nota illationis, *triplex est etiam argumentatio in genere. Prima est conditionalis, in qua illatio fit mediâ particula Si: ut, Si homo haberet alas posset volare. Secunda causalis, in qua fit mediâ particula Quia, aut simili: ut, Quia homo est rationalis, ideo est risibilis. Tertia verò est rationalis qua infert per particularem Ergo, subindeque definitur oratio in qua unum ex alio infertur mediâ huiusmodi particulâ rationali: ut, Petrus est rationalis, ergo est risibilis. Omissa autem argumentatione conditionali nec non causalî, quarum rarior est usus,*

*Argumentatio Rationalis subdividitur in Syllogismum, Enthymema, Inductionem, & Exemplum.*

*Syllogismus est Argumentatio in qua ex antecedente uniente duo extrema cum mediâ aliquo, infertur consequens uniens illa inter se. V. G. hæc argumentatio est syllogismus. Omne rationale est risibile, omnis homo est rationalis, ergo omnis homo est risibilis: quia ex hoc antecedente ( Omne rationale est risibile, Omnis homo est rationalis ) in quo homo & risibilis uniuntur cum rationali, infert hoc consequens (Omnis homo est risibilis) in quo uniuntur inter se. Ex quibus intelligitur trita illa definitio syllogismi ab Aristotele tradita. Syllogismus est oratio in qua quibusdam positis aliud quippiam necessario evenit ( seu sequitur ) eo quod hæc sunt: sensus enim est syllogismum esse argumentationem, in qua positis duabus propo-*

propositionibus unientibus duo aliqua extrema cum uno medio, sequitur necessariò & ex vi illius unionis alia propositio uniens eadem extrema inter se: ut patet in exemplo adducto.

*Enthymema* verò est *Argumentatio* in qua inferitur consequens uniens duo aliqua extrema inter se, ex antecedente uniente alterum duntaxat, cum uno medio seu tertio. V. G. hæc argumentatio appellatur *enthymema*, Omnis homo est rationalis, ergo omnis homo est risibilis: quia infert hoc consequens (Omnis homo est risibilis) uniens hominem & risibilem inter se, ex illo antecedente, (Omnis homo est rationalis) in quo homo duntaxat unitur cum rationali ut cum tertio aut medio. Ex quibus.

Inferes 1. *Enthymema* esse reipsa *Syllogismum*, sed imperfectum, & ut loquitur D. Th. *detruncatum*: ita ut non differat specie ab illo, sed solum sicut imperfectum differt à perfecto intra eandem speciem, v. g. puer à viro.

*Ratio prima partis est*, quia *Enthymema* habet partim explicitè, partim implicitè illud idem quod *syllogismus*: explicitè enim unit unum extremum conclusionis cum medio in antecedente, quod est unica propositio expressa, implicitè verò aliud in altera quæ subticetur. In hoc enim *enthymemate*, Omnis homo est rationalis, ergo omnis homo est risibilis, subticetur,  
brevi-

brevitatis causa, prima propositio, nempe, Omne rationale est risibile, quæ in syllogismo exprimebatur. Ergo non differunt essentialiter & specificè syllogismus & enthymema.

*Ratio verò secunda partis est evidens:* quia Enthymemati deest perfectio syllogismi, nempe altera propositio ex parte antecedentis seu quod idem est, expressa & explicita unio amborum extremorum cum medio, quæ reperitur in syllogismo, ex quo oritur (ut inferius explicabimus) quod concessio antecedente syllogismi, seu eius præmissis, negari nequit consecutio, bene autem consecutio enthymematis: Ergo est syllogismus tantum imperfectus & truncatus.

*Inferes 2.* quid agendum sit, quando concessio antecedente enthymematis negatur consequentia, tunc enim oportet tantum formare syllogismum perfectum & integrum, addendo illam alteram propositionem quæ in enthymemate suppressa fuerat. Habes exemplum in præcedenti consecutario.

*Inductio autem est Argumentatio in qua ex antecedente particularia sufficienter enumerante inferitur universale: vel à contra ex universali inferuntur particularia: ut si dicas. Hic homo est rationalis, & ille est rationalis, & ille &c. ergo omnis homo est rationalis: & hæc species inductionis dicitur ascensus, quia à particularibus inferioribus ascenditur*



ditur ad universale superius: altera verò, quæ ex opposito ab universali descenditur ad particularia, appellatur descensus, ut si dicas, Omnis homo est rationalis, ergo & hic est rationalis, & ille est, &c.

*Exemplum denique est Argumentatio in qua ex antecedente unum vel pauca singularia adducente, infertur aliud duntaxat singulare,* ut si dicas, Deus pepercit Magdalenz pœnitenti aut Divò Petro, ergo parceret & tibi si pœnitentiam egeris. Unde habes quod sicut enthymema non differt specie à syllogismo, sed sicut imperfectum à perfecto; ita Exemplum ab Inductione, quia scilicet exemplum non enumerat sufficienter singularia ad concludendum universale, sicut inductio, ideoque propter illam insufficientem enumerationem exemplum dici potest imperfecta inductio, sicut enthymema imperfectus syllogismus.

*Sed quares quomodo inductio & exemplum differant à syllogismo & enthymemate? Respondeo differre essentialiter & specie; quia habent diverſam formam & dispositionem; syllogismus enim & enthymema ex unione extremorum cum medio inferunt unionem illorum inter ſe: inductio verò & exemplum non ita, sed ex enumeratione singularium inferunt alia singularia, vel universale. aut è contra.*

Ex illis verò omnibus argumentationibus solus syllogismus dicitur & est argumenta-

mentatio formalis, eò quod ex vi formæ seu dispositionis extremorum cum medio factæ (expresse) in antecedente, vel præmissis, ita infert conclusionem seu unionem extremorum inter se, ut illis concessis hæc negari non possit. *cuius ratio est*, quia iam negaretur in conclusione quod virtualiter & æquivalenter concessum fuit in antecedente seu præmissis, formaliter enim concessa fuit ibi unio duorum extremorum cum medio, quæ est virtualiter & æquivalenter unio eorundem inter se. juxta illud. *Quæ sunt eadem uni tertio, sunt eadem inter se.* Ceteræ verò argumentationes dicuntur materiales defectu huiusmodi formæ & dispositionis; quia scilicet in illis, quamvis consequens rectè sequatur ex antecedente vi materiæ seu connexionis quam reipla habet cum illo, non tamen vi formæ seu dispositionis, ita quòd antecedente concessio negari non possit.

*Prima regula pro bona argumentatione quæcunque, est, quòd ex antecedente vero semper sequitur consequens verum, & nunquam falsum.* Ratio est quia illud solum legitime infertur ex antecedenti, quod habet connexionem cum illo: cum vero autem non habet connexionem nisi verum: ergo nequit ex vero inferri nisi verum.

Unde habes legitimum esse hunc arguendi modum: Antecedens est verum, ergo & consequens; similiter istum. Consequens

sequens est falsum, ergo & antecedens. Quandoquidem ex vero non sequitur falsum, ut diximus.

*Secunda regula est, ex antecedente falso sequi consequens falsum per se, licet possit sequi verum per accidens. Ratio primæ partis est eadem quæ præcedentis regulæ, quia cum falso non habet connexionem per se nisi falsum: ergo illud solum per se sequitur. Secunda vero pars constat hoc exemplo, & similibus: Omnis lapis est animal, Omnis homo est lapis, ergo omnis homo est animal: ubi ex antecedente seu præmissis falsis infertur consequens verum per accidens: ita ut inferatur quidem per se ex illis, sed non sit verum per se ut ex illis infertur, seu ex vi illarum, sed per accidens & aliunde, quia aliunde verum est quod homo sit animal.*

Ex quibus habes hos arguendi modos non esse semper legitimos: Antecedens est falsum, ergo & consequens: & : Consequens est verum, ergo & antecedens. Quandoquidem ex falso antecedente potest inferri consequens verum saltem per accidens.

*Tertia regula est, conclusionem semper debere sequi debiliorem partem: ita ut si in syllogismo altera præmissarum sit universalis, altera particularis, conclusio debeat esse particularis: si una affirmativa, altera negativa, conclusio pariter debeat esse negativa: ut, Nullum irrationale est risibile, aliquod animal est ir-*

D

ratio-

rationale, ergo aliquod animal non est risibile. *Ratio huius regula est*, quia duæ præmissæ sunt quasi duæ causæ subordinatæ ipsius conclusionis: in causis autem subordinatis effectus sequitur debiliorem partem, ut patet in sole & aliis causis universalibus, quæ cum particularibus debilibus operantur debiliter, cum fortibus fortiter.

---

## S E C T I O II.

### *De syllogismo specialiter.*

**D**E aliis argumentationis speciebus nihil superest dicendum, sed tantum de syllogismo, cuius definitionem supra adduximus & explicuimus: ut verò illius naturam melius percipias, examinanda est hic inprimis eius materia & forma ex quibus coalescit ut compositum quoddam rationis.

*Materia autem syllogismi alia est proxima, alia remota. Proxima est ex qua immediate componitur, nempe propositiones: Remota, ex qua mediatè, scilicet termini qui propositiones componunt, & illis mediantibus syllogismum.*

*Termini debent esse tres, & totidem propositiones ex eorum bina cuiusque repetitione coalescentes, Debent enim esse inprimis duo termini con-*

nī conclusionis inferendæ (puta hujus, Homo est risibilis) quorum unus, nempe prædicatum, dicitur majus extremum, alter, scilicet subiectum, minus extremum: tum medium terminus, qui absolute appellatur medium, (puta rationale) cum quo illa duo extrema uniuntur, ut ex illa unione cum medio inferatur postea unio eorundem inter se. Quæ fieri nequeunt, nisi in tribus propositionibus, in quarum prima majus extremum uniatur cum medio, quæ propterea major propositio appellatur; in secunda minus extremum, quæ inde minoris nomen sortitur; in tertia denique concludatur illorum extremorum inter se unio, quæ hac de causa conclusio nominatur, Patent hæc omnia in isto exemplo iam insinuato.

Omne rationale est risibile.

Omnis homo est rationalis.

Ergo omnis homo est risibilis.

Ex quibus inferes primò definitiones prædictorum terminorum & propositionum. Majus enim extremum est prædicatum conclusionis: minus extremum est subiectum eiusdem: medium est terminus cum quo illa extrema uniuntur. Maior est propositio in quâ majus extremum unitur cum medio: minor est illa in qua minus extremum unitur cum eodem: conclusio in qua illa extrema uniuntur inter se.

Inferes secundo quemlibet terminum bis & non pluries repetendum esse, medium

quidem in duabus præmissis in quibus uni-  
tur cum utroque extremo, & ideo non debet  
repeti in conclusione: singula verò extrema  
semel in præmissis, & iterum in conclusione,  
in qua inter se uniri debent.

Forma verò syllogismi est dispositio materia tū  
proxima tum remota (i. terminorum & propo-  
sitionum) ordinata ad concludendum. Unde  
duplex est: altera correspondens materia remo-  
ta, & vocatur Figura syllogistica, qua est disposi-  
tio extremorum cum medio: altera correspon-  
dens materia proxima, & dicitur Modus syllogi-  
sticus, qui est dispositio propositionum, soletque  
absolute intelligi nomine forma syllogismi cum  
dicimus syllogismum esse aut non esse in forma &  
figura. De his in sequentibus.

## S. I.

### De Figuris & Modis possibilibus Syllogismorum.

**F**IGURA ergo syllogistica, generaliter loquen-  
do, est dispositio seu combinatio extremorum  
cum medio, quantum ad predicationem vel sub-  
jectionem, ordinata ad concludendam eorundem  
extremorum inter se unionem.

Unde quia possibilis est quadruplex com-  
binatio diversa extremorum cum medio, aut  
medii cum extremis: una, quā medium subii-  
ciatur majori extremo & de minori prædice-  
tur:

tur: altera, quâ è contra prædicetur de majori extremo, & minori subiiciatur: tertia, quâ prædicetur de utroque: quarta, quâ utrique subiiciatur: ideò quadruplex etiam possibilis est figura syllogistica. Exempla cujusque statim afferemus.

*Modus verò syllogisticus, ut etiam supra insinuavimus, si universaliter loquamur, est dispositio seu combinatio propositionum syllogismi, quantum ad affirmationem vel negationem, universalitatem vel particularitatem, ordinata ad concludendum.*

Et quia talis propositionum combinatio sexdecim diversis modis fieri potest in unaquaque figura (j. servata eadem dispositione extremorum cum medio quoad prædicationem, & subjectionem; ) ideò sexdecim etiam dicuntur esse possibiles modi syllogismorum in qualibet illarum figurarum.

Hæc omnia oculis subiicit sequens tabula, in qua diversæ præmissarum combinationes designantur per diversas combinationes vocalium A, E, I, O, quæ propositiones universales vel particulares, affirmativas vel negativas denotant juxta dicta superius *Par. 2. Sect. 2. §. 1.*

quos sunt	Combinaciones	Prima Figura.	Modi directi	Modi indirecti
1	<p>A Omne animal est sensibile:  A Omnis homo est animal:  Ergo omnis homo est sensibilibis. <i>Vel.</i>  Ergo aliquod sensibile est homo.</p>		Bar- ba- ra	Ba- ra- lip- ton
2				
	<p>A Omne animal est substantia:  E Nullus lapis est animal:  Ergo nullus lapis est substantia. <i>Vel.</i>  Ergo aliqua substantia non est lapis.</p>			Fa- pes-  mo.
3				
	<p>A Omne animal est sensibile:  I Aliquis homo est animal:  Ergo aliquis homo est sensibilibis. <i>Vel.</i>  Ergo aliquod sensibile est homo.</p>		Da- ri- i	Da- bi-  tis.
4				
	<p>A Omne animal est substantia:  O Aliquis lapis non est animal:  Ergo aliquis lapis non est</p>			



substantia.

5 E Nullum animal est lapis:

A Omnis homo est anima: Ce- Ce-  
Ergo nullus homo est la- la- lan-  
pis. Vel. rent. tes.

Ergo nullus lapis est ho-  
mo.

6 E Nullus lapis est animal:

I Nullus homo est lapis:  
Ergo nullus homo est ani-  
mal.

7 E Nullum animal est lapis:

I Aliquis homo est animal: Fe- ri-  
Ergo aliquis homo non est o.  
lapis.

E Nullus lapis est animal:

8 O Aliquis homo non est la-  
pis:

Ergo aliquis homo non est  
animal.

I Aliquod animal est ratio-  
nale:

9 A Omnis equus est animal:

Ergo aliquis equus est ra-  
tionalis.

I Aliquod animal est sub-  
stantia.

10 E Nullus lapis est animal:

Ergo aliquis lapis non est  
substantia. Vel

Ergo aliqua substantia non  
est lapis.

Fri-  
se-  
so-  
mo-  
rum.

11 I Aliquod animal est rationale:

I Aliquis equus est animal:

Ergo aliquis equus est rationalis.

I Aliquod animal est substantia:

12 O Aliquis lapis non est animal:

Ergo aliquis lapis non est substantia.

13 O Aliquod animal non est rationale:

A Omnis homo est animal:

Ergo aliquis homo non est rationalis.

14 O Aliquis lapis non est animal:

E Nullus homo est lapis:

Ergo aliquis homo non est animal.

15 O Aliquod animal non est rationale.

I Aliquis homo est animal:

Ergo aliquis homo non est rationalis.

16 O Aliquis lapis non est animal:

O Aliquis homo non est lapis:

Ergo aliquis homo non est animal.

## S E C U N D A F I G U R A

(inter utiles nulla, vel à prima  
indistincta.)

	A Omnis homo est animal: 2	la- ra-	
1	A Omne animal est sensibile: 1	Bar- Ba-	
	Ergo omne sensibile est ho-		
	mo. Vel.		
	Ergo omnis homo est sensi-	ra.	
	bilis. Vel	3	
	Ergo aliquod sensibile est	lip. 3	
	homo.	ton	
2	A Omnis homo est animal: 2	la- lã- 2	
	E Nullum animal est lapis: 1	Ce- Co- 1	
	Ergo nullus lapis est homo.		
	Vel		
	Ergo nullus homo est lapis 3	rent- tes 3	
3	A Omnis homo est animal:		
	I Aliquod animal est irratio-		
	nale:		
	Ergo aliquod irrationale est		
	homo.		
4	A Omne rationale est animal:		
	O Aliquod animal non est		
	homo:		
	Ergo aliquis homo non est		
	rationalis.		
	Nullus lapis est animal: (tia:		
5	E A Omne animal est substã-		
	Ergo nulla substantia est la-		
	pis.		
	E Nullus homo est lapis:		

6	E Nullus lapis est animal. Ergo nullum animal est homo.		
	E Nullus lapis est animal: Vel		
7	I Nullum animal est lapis: Aliquod animal est substantia: Vel Aliqua substantia est animal: Ergo aliqua substantia non est lapis.	Fe- ri- o.	
	E Nullum animal est lapis:		
8	O Aliquis lapis nō est homo: Ergo aliquis homo non est animal.		
	I Aliquod rationale est animal: mal:	ri- 2	bi- 2 Da x
9	A Omne animal est sensibile: Ergo aliquod sensibile est rationale. Vel Ergo aliquod rationale est sensibile.	Da- 1 3	tis. 3
	E Aliqua substantia est animal: mal:	ri- 2	
10	I Nullū animal est lapis: Ergo aliquis lapis non est substantia. Vel Ergo aliqua substantia non est lapis.	1 Fe- 3 0	

- I Aliquis equus est animal:  
11 I Aliquod animal est rationale:  
Ergo aliquod rationale est equus.
- 12 I Aliquod animal est substantia:  
O Aliqua substantia non est homo:  
Ergo aliquis homo non est animal:
- 13 O Aliqua substantia non est animal:  
A Omne animal est sensibile:  
Ergo aliquod sensibile non est substantia.
- 14 I Aliquod animal non est lapis:  
O Nullus lapis est homo:  
Ergo aliquis homo non est animal,
- 15 O Aliquod animal non est rationale:  
I Aliquod rationale est homo:  
Ergo aliquis homo non est animal.
- 16 O Aliquod animal non est lapis:  
O Aliquis lapis non est homo:  
Ergo aliquis homo non est animal.

**T E R T I A F I G U R A**

*(inter utiles secunda.)*

- |   |   |               |
|---|---|---------------|
|   | A Omnis homo est animal:  |               |
| 1 | A Omne sensibile est animal:<br>Ergo omne sensibile est ho-<br>mo.                                      |               |
|   | A Omnis homo est rationalis:  | Ca-           |
| 2 | E Nullus equus est rationalis:<br>Ergo nullus equus est homo:   | mes-<br>tres. |
| 3 | A Omne animal est substantia:<br>I Aliquis lapis est substantia:<br>Ergo aliquis lapis est ani-<br>mal. |               |
|   | A Omnis homo est animal:  |               |
| 4 | O Aliquis lapis non est animal:<br>Ergo aliquis lapis non est<br>homo.                                  |               |
|   | E Nullus equus est rationalis:  | Ce-           |
| 5 | A Omnis homo est rationalis:<br>Ergo nullus homo est e-<br>quus.  | sa-<br>re.    |
|   | E Nullum animal est lapis:  |               |
| 6 | E Nullus homo est lapis:<br>Ergo nullus homo est lapis.   |               |
|   | E Nullus lapis est animal.  | Fe-           |
| 7 | I Aliquis homo est animal:<br>Ergo aliquis homo non est<br>lapis.                                       | sti-<br>no.   |

E Nul-

E Nullum animal est lapis:

- 8 O aliquis homo non est lapis:  
Ergo aliquis homo non est  
animal.

- 9 Aliquis equus est animal:  
A Omnis homo est animal:  
Ergo aliquis homo est equus.

- I Aliqua substantia est homo:  
10 E Nullus lapis est homo:  
Ergo aliquis lapis non est  
substantia.

- 11 I Aliquis equus est animal:  
I Aliquis homo est animal:  
Ergo aliquis homo est equus.

- 12 I Aliqua substantia est homo:  
O Aliquis lapis non est homo:  
Ergo aliquis lapis non est  
substantia.

O aliqua substantia non est  
animal:

- 13 A Omnis homo est animal:  
Ergo aliquis homo non est  
substantia.

- 14 O Aliqua substantia non est  
animal:  
E nullus lapis est animal:  
Ergo aliquis lapis non est  
substantia.

- |    |                                       |  |
|----|---------------------------------------|--|
| 1  | O Aliqua substantia non est animal:   |  |
|    | I Aliquis homo est animal:            |  |
|    | Ergo aliquis homo non est substantia. |  |
| 16 | O aliquod animal nō est lapis         |  |
|    | O Aliquis homo non est lapis          |  |
|    | Ergo aliquis homo non est animal.     |  |

**Q V A R T A F I G U R A**  
(inter utiles tertia.)

- |   |   |  |
|---|---|--|
| 1 | A Omne animal est sensibile : <i>Da-</i>          |  |
|   | A Omne animal est substantia : <i>rap-</i>        |  |
|   | <i>Non</i>  |  |
|   | Ergo omnis substantia est sensibilis:             |  |
|   | <i>Sed</i>  |  |
|   | Ergo aliqua substantia est sensibilis. <i>ti.</i> |  |
| 2 | A Omne animal est substantia:                     |  |
|   | E Nullum animal est lapis :                       |  |
|   | Ergo nullus lapis est substantia.                 |  |
|   | A Omne animal est substantia <i>Da-</i>           |  |
| 3 | I aliquod animal est rationale <i>ti-</i>         |  |
|   | Ergo aliquod rationale est substantia. <i>fi.</i> |  |

A Om-



A Omne animal est substantia:

4 O Aliquod animal non est equus:

Ergo aliquis equus non est substantia.

5 E Nullum animal est lapis: Fe-

A Omne animal est substantia: lap-  
Non

Ergo nulla substantia est lapis  
Sed

Ergo aliqua substantia non est lapis.

6 E Nullus lapis est animal: ton.

E Nullus lapis est homo.

Ergo nullus homo est animal.

7 E Nullus lapis est animal: Fe-

I Aliquis lapis est substantia: ri-  
Ergo aliqua substantia non son.  
est animal.

8 E Nullus lapis est animal:

O Aliquis lapis non est homo:

Ergo aliquis homo non est animal.

9 I Aliquod animal est rationale

A Omne animal est substantia: Di-  
Ergo aliqua substantia est sa-  
rationalis. mis.

- I Aliquod animal est substantia:
- 10 E Nullum animal est lapis :  
Ergo aliquis lapis non est substantia.
- 11 I Aliquod animal est rationale  
I Aliquod animal est hinnibile  
Ergo aliquod hinnibile est rationale.
- 12 I Aliquod animal est substantia  
O Aliquod animal nō est lapis  
Ergo aliquis lapis non est substantia.
- 13 O Aliquod animal nō est lapis  
A Omne animal est substantia:  
Ergo aliqua substantia nō est lapis.
- 14 O Aliquis lapis nō est animal  
E Nullus lapis est homo :  
Ergo aliquis homo non est animal.
- rationale:
- 15 O Aliquod animal non est  
I Aliquod animal est homo:  
Ergo aliquis homo nō est rationalis.
- 16 O Aliquis lapis nō est animal  
O Aliquis lapis nō est homo :  
Ergo aliquis homo non est animal.

Bo-  
car-  
do

Explicationem hujus schematis habes in sequentibus.

## §. 2.

## De Figuris &amp; Modis utilibus Syllogismorum.

**Q**UATUOR sunt, ut ex superiori §. & ex schemate constat, figurae possibiles, & intra unamquamque sexdecim modi syllogismorum, sed non omnes sunt utiles ad concludendum. Ad discernendum verò utiles ab inutilibus quaedam prius statuendæ sunt regulæ, quarum omnium fundamentum est ipsa propria natura syllogismi, quæ requirit ut duo extrema uniantur & combinentur cum uno medio, vel utrumque per affirmationem, ut concludatur affirmativè unio eorundem inter se, iuxta illud principium (*Quæ uniuntur uni Tertio, uniuntur inter se,*) cui innituntur syllogismi affirmativi: vel unum per affirmationem, alterum per negationem, ut inferatur inde negatio unius de altero in conclusione, conformiter ad aliud principium præcedenti oppositum (*Ea quorū unum unitur uni tertio, alterum non, non uniuntur inter se,*) in quo fundantur syllogismi negativè concludentes, ut sect. seq. videbimus. Ex his sequitur.

*Prima regula generalis: In bono syllogismo debent esse tantum tres termini, nedum*

dum quoad voces, sed etiam quoad sensum, ita ut in eodem planè sensu accipiantur in premissis & in conclusione, nec varientur quoad suppositionem, ampliationem, restrictionem, appellationem, & alias huiusmodi affectiones seu proprietates termini, excepta suppositione à signis proveniente. Ratio est, quia alias reipsa non fieret unio duorum extremorum cum uno & eodem medio, in quo tamen sita est ratio syllogismi. Unde tam medium quàm extrema non debent esse termini æquivoci, non enim valet: Omnis canis latrat, Sed aliquod sydus est canis, Ergò aliquod sydus latrat.

*Secunda regula generalis. Medium in altera saltem premissarum debet supponere distributivè. Quia aliàs non esset reipsa idem medium, cum quo extrema unirentur aut combinarentur, subindeque non rectè inferretur unio ipsorum inter se: ut patet in hoc syllogismo: Aliquod animal est rationale, Aliquis equus est animal, Ergo aliquis equus est rationalis. Unde ex puris particularibus nihil sequitur in quacunque figura vi formæ, quod addo, quia vi materiæ potest aliquando valere consequentia: ut, Aliquod irrationale est animal, Aliquis equus est irrationale, Ergò aliquis equus est animal.*

*Tertia regula generalis. Extremum in premissis indistributum non debet distribui in conclusione. Quia debet eo tantum modo & sensu*

sensu uniri cum altero extremo in conclusio-  
ne, quo unitum fuit cum medio in pramif-  
sis: Si ergo non fuit unitum medio nisi in sē-  
su particulari disjunctivo vel confuso, non  
debet in sensu universali & distributivo uni-  
ri cum altero: unde non valet: Omnis ho-  
mo est rationalis, Omnis homo est animal;  
ergò omne animal est rationale: quia animal  
cōfuse sumptū in minori pro hoc vel illo, su-  
mitur distributivè in cōclusionē pro ōnibus.

*Quarta regula generalis. Ex pramissis purè  
negativis nihil sequitur.* Quia tunc neutrum  
extremum cum medio unitur affirmative,  
sed utrumque per negationem ab eo sejungi-  
tur: ex eo autem quod duo sejungantur seu  
distinguantur ab uno tertio non bene infer-  
tur, quod sint vel non sint idem inter se: un-  
de non valet dicere: Nullus homo est irration-  
alis, Nullus equus est homo, Ergo nullus  
equus est irrationalis.

Ex his omnibus facile est discernere figuras  
& modos utiles ab utilibus; & in primis

*Infertur tres tantum esse figuras utiles  
& legitimas, primam videlicet, tertiam  
& quartam.* Figura enim legitima est ea, in  
qua fit combinatio extremorum cum me-  
dio apta ad concludendam eorundem ex-  
tremorum inter se unionem: sed in his tri-  
bus tantum formantur combinationes aptæ  
ad concludendum, ut patet in schemate,  
quia in eis tantum servantur regulæ tradi-  
tæ;

tæ; in secunda verò aut non fiunt tales combinationes, quæ rectè concludant, defectu regularum; aut si fiant, illæ reducuntur ad primam per solam transpositionem præmissarum, vel etiam conclusionis cōversionem, quod est differre à prima accidentaliter solum aut vocetenus, ut in eodē schemate cernere licet: ergo &c. Rejectâ igitur illâ secundâ figurâ vel tanquam inutili ad concludendum, vel tanquam indistincta à prima, supersunt tantum tres utiles & legitime. Prima in qua medium subjicitur in majori & prædicatur in minori; Secunda (quæ inter possibiles posita est ordine tertia) in qua medium utrobique prædicatur; Tertia (quæ erat ordine quarta in eodem schemate figurarum possibilium) in qua utrobique subjicitur, juxta sensum illius versiculi.

*Sub præd. prima: sed altera bis præd. tertia bis sub*

*Infertur secundo quinam modi in his tribus figuris sint utiles, quinam inutiles.* Modi enim utiles sunt illæ præmissarum combinationes quæ aptæ sunt ad concludendum, illæ autè sunt ad concludendum aptæ quæ servant omnes regulas traditas: ineptæ verò quæ contra aliquam vel aliquas illarum peccant, atque adeò sunt modi inutiles. Primi sunt qui in schemate designantur per voces illas in sequentibus carminibus contentas,

*Bar-*

*Barbara, celarent, darii, ferio: baralipon,  
Celantes, dabitur fafismo, frifefomorum,  
Cefare, cameftres, feftino baroco. Darapti  
Felapton, difamis, datifi, bocardo, ferifon.*

Inter quos modos utiles per hæc vocabula designatos alii funt directi, qui fcilicet inferunt conclufionem directam & quæ per fe nata eft fequi ex præmiſſis, in qua majus extremum prædicatur de minori; alii indirecti, in quibus infertur cōcluſio indirecta per ſolā ipſius conclufionis directæ converſionem juxta regulas de converſione propoſitionum traditas factam: unde modus indirectus accidentaliter tantum differt à directo, penes ſolam conclufionis converſionem.

Modi directi primæ figuræ funt quatuor designati per quatuor primas voces, *Barbara, Celarent, Darii, Ferio*: indirecti tres in primis deducti ex tribus prioribus directis, designati per *Baralipon, Celantes, Dabitur*, (Prætermiſſo modo indirecto qui deduci poteſt ex modo, *Ferio*, eo quod ejus concluſio, ſicut & aliorum modorum in quibus infertur particularis negativa, non poſſit converti niſi per contrapoſitionem, quæ non eſt propriè converſio: ) Et præterea alii duo designati per *Faſiſmo & Friſefomorum*, (in quo poſteriori vocabulo habenda eſt tantum ratio trium priorum vocalium, nō aliarum, quæ ſolum metri cauſa adduntur) deducti

ducti ex duobus modis, ex secundo scilicet & decimo, in schemate positus, qui inutiles sunt ad concludendum directè, eo quod peccant contra tertiam regulam generalem distribuendo majus extremum in conclusione, quod non fuit distributum in præmissis; utiles verò ad concludendū in directè, quia sic non peccant contra dictam regulam, ut inspicienti constabit.

Modi verò directi secundæ figuræ sunt etiam quatuor designati per sequentes voces, *Cesare*, *Camestres*, *Festino*, *Baroco*: *Tertia*, sex denotati per *Darapti*, *Felapton*, *Disamis*, *Datisi*, *Bocardo*, *Ferison*: *Indirecti* verò, qui ex his deduci possunt per solam conclusionum conversionem: ad instar eorum qui in prima figura appositus sunt in exemplum.

*Inferuntur tertio regula speciales pro unaquaq; trium figurarum.*

*Prima regula particularis pro prima figura est, quod, Si major sit particularis, aut minor negativa, nihil concluditur (saltem directè.)* Quia peccaret contra secundam regulam generalem de distribuendo medio in altera præmissarum, vel contra tertiā de non distribuendo aliquo extremo in cōclusionē quod in præmissis non fuerit distributum: ut patebit consideranti in schemate modos illos primæ figuræ, quorum major est particularis vel minor negativa. Dixi (*saltem directè*) quia indirectè potest interdum concludi, ut patet in *Eapesmo* & *Frisesomorum*, in quibus inferendo

con-



conclusionem indirectam non peccatur contra dictas regulas.

*Secunda regula particularis pro secunda figura est, quod Ex duabus affirmativis nihil sequitur in hac figura, sed debet altera præmissarum esse negativa.* Quia aliàs peccaretur cōtra secundā regulā generalē de medio in altera præmissarū distribuendo: cum enim ibi sit prædicatum in utraq; , si ambæ essent affirmativæ, in neutra distribueretur. *Vnde sequitur etiam* veluti hujus regulæ appendix, majorem in hac figura non posse esse particulare, quia peccaretur contra tertiam regulam generalē, siquidem majus extremum quod ibi subjicitur, nō distribueretur, quod tamē distribueretur in cōclusionē quæ debet esse negativa, utpote alterā præmissarum negativā existente. Vide horum exempla in schemate.

*Tertia regula particularis pro tertia figura est, quod, Si minor sit negativa nihil sequitur in hac figura.* Quia peccaretur contra tertiam regulam generalem de non distribuendo aliquo extremo in conclusione, quod in præmissis distributum non fuerit: majus enim extremū quod prædicatur in majori (quæ necessario deberet esse affirmativa, si minor negativa foret, siquidem ex puris negativis nihil concluditur) nō distribueretur in illa, & tamen distribueretur in conclusione ratione negationis. Debet ergo minor esse affirmativa. Ex quo sequitur ulterius veluti etiam

appendix hujus regulæ , conclusionem in tertia figura debere esse semper particularem & non universalem : quia alias minus extremum , quod in minori illa affirmativa non distribuitur , distribueretur in conclusione.

Has regulas facilè in mentè revocant vocabula supradicta, *Barbara*, &c. quorum nullum designat in prima figura majorem particularem aut minorem negativam : nullum ambas præmissas affirmativas in secūda, nec majorem particularem: nullum denique minorem negativam in tertia , nec etiam conclusionem universalem, sed particularem.

### S E C T I O III.

*De Proprietatibus Syllogismorum , Probatione  
scilicet & Reductione.*

**E** S S E N T I A Syllogismi consistit in legitima unione extremorum cum medio inferente unionem ipsorum inter se ; seu in ipsa consequentia qua hujusmodi extremorum unio infertur in conclusione ex vi unionis eorundem cum medio factæ in præmissis : proprietates verò ejus sunt, tum probatio hujusmodi consequentiæ & bonitatis illius per prima principia, & hoc quantum ad modos perfectos ( qui dicuntur illi qui non solum legitime conclu-

cludunt sed etiam evidenter, quales sunt quatuor primi primæ figuræ: } tum reductio ad modos perfectos; quantum ad reliquos qui imperfecti sunt: dicuntur quærales, eò quòd ipsorum consequentia et si bona & legitima sit, non tamen ita evidens.

Si quis ergò eo proterviæ devenerit ut concessis præmissis syllogismi perfecti negaret consequentiam, quæ per se ipsam manifesta est, in eo casu probanda esset per alterum è duobus principiis suprapositis: consequentia quidem syllogismorum perfectorum affirmativè concludentium [ nempe *Barbara & Darii* ) per illud, *Qua sunt eadem uni tertio sunt eadem inter se*: subsumendo sic, sed majus & minus extremum, puta Homo & Sensitivum, uniuntur uni tertio in præmissis, puta animali: ergo rectè uniuntur inter se in conclusione: Consequentia verò modorum perfectorum negativè concludentium) videlicet *Celarent & Ferio* ) per alterum; nempe, *Ea quorum unum unitur uni tertio, alterum non, non uniuntur inter se*: subdendo, sed homo, e. g. unitur in præmissis animali, lapis verò non, sed ab eo per negationem removeretur: ergo non uniuntur inter se, sed unum rectè per negationem removeretur ab altero. Vide hæc exempla in schemate in modis *Barbara & Celarent*.

Si quis verò modorum imperfectorum concessis præmissis negaret consequentiam, reducendus esset ille syllogismus imperfe-

ctus, cujus negaretur conclusio, ad aliquem ex quatuor perfectis, ita ut ex imperfecto fieret perfectus. Hoc autem dupliciter fieri potest.

Primò per solam conversionem propositionum syllogismi imperfecti, earumque, si opus fuerit, transpositionem, ita ut major ponatur loco minoris aut è contra: sicque eadem consequentia in modo perfecto clarè inferatur, quæ in modo imperfecto obscurius illata fuerat, & negata. Et hæc dicitur reductio ostensiva, quia in iisdem propositionibus syllogismi imperfecti clariori & perfectiori forma dispositis ostenditur bonitas consequentiæ, nulla propositione deforis ascitâ.

Secundò fieri potest deducendo eum, qui concessis præmissis modi imperfecti negaret consequentiam, ad aliquod inconueniens, puta ad concedendas duas contradictorias simul veras: & ideo hæc dicitur reductio ad impossibile, vel per impossibile.

### §. I.

#### *De Reductione Ostensiva Syllogismorum Imperfectorum.*

**R**EDUCTIO ergo Ostensiva est revocatio syllogismi imperfecti ad perfectum per solam propositionum conversionem, aut etiam transpositionem.

*De Reductione Ostensiva Syllogism.* 99  
*sitionem: subindeque ut congruè fiat duo sunt attendenda.*

*Primum est, ad quem modum perfectum quilibet imperfectus hac reductione revocari debeat: quod designatur per consonantes, quibus singuli modi imperfecti incipiunt. quæ sunt B. C. D. F, ita ut imperfecti modi incipientes per B, ut Baralipton, si per ostensionem reduci debeant, revocandi sint ad modum perfectum Barbara, qui per C ad Celarent, qui per D. ad Darii, qui per F ad Ferio.*

*Secundum est, quam propositiones convertenda sint aut transponenda, quod denotatur per quasdam alias consonantes intra vocabula illa repertas scilicet S. P, M; ita ut S. reperta post vocalem aliquam in illis dictionibus modos imperfectos designantibus, denotet propositionem illi vocali antecedenti correspondentem esse convertendam simpliciter: P esse convertendam per accidens: M propositiones esse mutandas seu transponendas, majorem scilicet in minorem, & è contra C verò in medio dictionum Baroco & Bocardo inventa indicat duos illos modos non posse reduci nisi per Contradictionem seu per impossibile. Et hic est sensus istorum versuum.*

*S. vult simpliciter verti: P. verò per accid.*

*M. vult transponi. C. per impossibile duci.*

**Exempla hujusmodi reductionis ostens-**

ſivæ quifque poterit facile adducere, ſi unum ſubiiciamus in Fapeſmo.

*Fapeſmo* { Omne animal eſt vivens;  
Nullus lapis eſt animal;  
Ergo aliquod vivens nō eſt lapis.

Si ergo conceſſis præmiſſis ab aliquo negetur conſequentia iſtiusmodi, poteſt illius bonitas manifeſtari oſtenſivè reducendo ipſum ad modum Ferio, ut indicat litera initialis vocabuli Fapeſmo, ſcilicet F: convertendo minorem ejus per accidens, ſic, Omne animal eſt vivens, ergo Aliquod vivens eſt animal; id enim designat conſonans P, poſt primam vocalem reperta: minorem verò convertendo ſimpliciter, ſic, Nullus lapis eſt animal, ergo nullum animal eſt lapis quod expoſcit conſonans S reperta poſt ſecundam vocalem E: & denique transponendo majorem in minorem & è converſo, ut designat M ſubſequens. Ex quibus reſultat hic ſyllogiſmus

*Ferio* { Nullum animal eſt lapis;  
Aliquod vivens eſt animal;  
Ergo aliquod vivens non eſt lapis.

Ubi vides conſuſionem, quæ obſcura & indirecta erat in modo imperfecto Fapeſmo, claram & directam in modo perfecto Ferio.

Circa

Circa modum *Frisesomorum* adverte consonantem M in eo repositam post tertiam vocalem denotare præmissas esse transponendas. ac si post secundam vocalem inveniretur.

## §. 2.

## De Reductione per Impossibile.

**R**EDUCTIO verò per Impossibile est revocatio syllogismi imperfecti ad perfectum, inferendo contradictoriam conclusionis negata, [ quæ necessarîo concedenda erit, alias enim jam darentur duæ contradictoriæ simul falsæ, nec ulterius esset procedendum ] Ex illa contradictoria & una præmissarum concessa deducendo contradictoriam alterius concessæ præmissæ. Quæ proinde reductio ut rectè fiat, duo similiter debent attendi.

Primum est, ad quem etiam ex modis perfectis singuli imperfecti hoc genere reductionis revocandi sint: quod tribus sequentibus vocibus à Dialecticis in hunc finem excogitatis designatur.

*Nesciebatis, odiebam, latare-romanis.*

Dictio *Nesciebatis* habens quinque syllabas ordine correspondentes quinque modis imperfectis primæ figuræ, per vocalem E in prima syllaba repositam denotat primum illorum modorum, nempe

Baralipton, reducendum esse ad Celarent, cuius conclusio est universalis negans per dictam vocalem E designata: per vocalem I repertam in secunda syllaba indicat secundum ex illis modis, scilicet Celantes, esse reducendum ad Darii cuius conclusio est particularis affirmativa designata per illud I, per vocalem E rursus repertam in tertia syllaba designat modum Dabitur, cui syllaba illa correspondet, esse etiam revocandum ad Celarent. Et sic de aliis.

Dictio *Odiebam*, quæ habet quatuor syllabas correspondentes quatuor modis secundæ figuræ; & dictio *Letare-Romani*, quæ habet syllabas sex correspondentes modis tertiæ, per vocales etiam in huiusmodi syllabis repertas designant modos illos imperfectos, quibus correspondent, esse pariter reducendos ad perfectos quorum conclusio per vocales illas denotatur.

*Secundum, quod hic attendi debet, est, quoniam præmissarum in modo imperfecto concessarum servanda sit, & quoniam loco, maioris scilicet an minoris, sit statuenda ipsa & contradictoria conclusionis negatæ, ut ex eis formetur modus perfectus inferens illud impossibile. Id verò declarant versus sequentes*

*Prima minorem adimit, facit è maiore minorem:*

*Celantes min. est contrad. Minor sede maioris.*

**Servat**



*Servat majorem, variatque secunda minorem.*

*Tertia majorem variat, servatque minorem.*

Sensus est.

*Prima figura* in reducendis per impossibile modis imperfectis ad perfectos, contradictoriam conclusionis negatæ ponit loco majoris, & è majori syllogismi imperfecti concessa facit minorem. Celantes excipitur, in quo è contra ponitur contradictoria conclusionis negatæ loco minoris, & minor loco majoris.

*Secunda figura* servat majorem syllogismi imperfecti, & è contradictoria conclusionis negatæ facit minorem.

*Tertia* è contradictoria conclusionis facit majorem, & servat minorem syllogismi imperfecti.

His verò ita dispositis semper inferitur inconveniens illud. i. contradictoria vel saltem contraria alterius præmissæ in syllogismo imperfecto concessæ: licet ad hoc interdum opus sit conversione simplici illius propositionis seu conclusionis in modo perfecto illatæ, ut constat in reductione sequentis syllogismi in Baralipton.

*Paralip.* { Omnis homo est animal :  
 { Omne rationale est homo :  
 Ergo aliquod animal est rationale.

E 4

Cujus

Cujus conclusionis contradictoria ponenda est pro majori, hoc modo: Nullum animal est rationale, Omnis homo est animal, ergo nullus homo est rationalis: quæ conclusio debet prius converti simpliciter, dicendo. Ergo nullum rationale est homo, ut sic inferatur conclusio directè contraria minori concessæ: ex duabus autem contrariis simul veris deducuntur duæ contradictoriæ simul etiam veræ, ut diximus 2. p. sect. 2. *Et hac de parva logica, cetera in magna.*





# LOGICA MAGNA.

## PROLEGOMENON I.

*Andetur Logica, sitque ad alias scientias  
necessaria.*



LOGICAM simpliciter dictam  
cur appellemus Logicam  
magnam, comparatione Sum-  
mularum Logicæ, quæ di-  
cuntur Logica parva, habes  
supra initio eiusdem parvæ Logicæ proleg. i.  
sub fin. Ut autem titulo satisfiat.

*Nota duplicem solere distinguere Logicam, aliam  
Naturalem, Artificialem aliam. Logica Natu-  
ralis est facultas seu notitia quadam differendi  
innata intellectui, aut potius est ipsemet intelle-  
ctus prout vi sibi naturali er insitâ, hoc ipso  
quod est potentia rationalis & discussiva, novit  
aliqua-*

*aliquatenus modum discurrendi, definiendi, dividendi, saltem circa res aliquas, licet valde imperfecte & vix absque errore. Logica verò Artificialis est facultas non innata sed nostris actibus ac studio acquisita, tradens modum perfecte & sine errore in omnibus differendi & prædicta rationis opera exercendi: & de hac instituitur hic sermo, & inquiritur in primis an sit admittenda talis facultas, pro cuius quæstionis resolutione.*

*Dico 1. admittendam esse & de facto dari, Logicam Artificialem.*

*Probatur: quia nomine Logicæ artificialis intelligimus facultatem illam quæ docet modum recte & sine errore definiendi, dividendi, ratiocinandi circa quamlibet materiam: atqui admittenda est illa facultas, & de facto datur: ergo. Probatur minor quia natura non deficit in necessariis: illa verò facultas est maxime necessaria ad recte intelligendum, cum non aliter res intelligamus quam mediis illis cognoscendi instrumentis, definitione scilicet, divisione, & argumentatione: ergo admittenda est facultas illa ut nostre labore acquisibilis: quod autem de facto detur, experientia constat in multis qui recte definiunt, dividunt & argumentantur, aliaque huiusmodi logicalia munia exercent circa res etiam difficiles: ergo.*

*Dico 2. Logicam Artificialem esse simpliciter necessariam ad omnes alias scientias in statu perfecto acquirendas.*

**Hæc**

Hæc conclusio confirmat præcedentem, si enim Logica sit necessaria ad omnes alias disciplinas comparandas, ita ut sine illa acquiri non possint, cum constet dari alias scientias, negari non poterit dari Logicam: *Quod ut probetur.*

*Nota* quamlibet scientiam posse dupliciter acquiri, *primò imperfectè, secundo perfectè.* Scientia imperfecta seu in statu imperfecto acquisita est rudis quædam cognitio conclusionum quæ in aliqua facultate, puta in Physica, demonstrantur: vel etiam nomine scientiæ imperfectæ potest intelligi cognitio scientifica quarundam conclusionum intellectu facillimarum, quales reperiuntur plures in mathematicis. Scientia verò in statu perfectò considerata est cognitio scientifica nedum faciliū, sed etiam difficilium conclusionum alicuius facultatis, cognitio inquam perfecta. *Hoc posito.*

*Probatur conclusio:* quamvis enim ad scientiæ imperfectæ acquisitionem sufficiat Logica naturalis, id est nudus intellectus, qui vi sua nativa potest circa res faciles, imò & circa difficiliore, imperfectè saltem, discurrere, atque adeo scientiam aliqualem & imperfectam de illis comparare: tamen ad scientiam perfectam necessaria omninò est logica artificialis, quod sic ostenditur.

Illud dicitur simpliciter necessarium ad finem aliquem assequendum sine quo non potest finis ille acquiri: atqui sine logica artificiali

ficiali non possunt aliæ scientiæ perfectè acquiri: ergo ad eas perfectè acquirendas necessaria est logica artificialis. Probatur minor: quia ad acquirendam perfectè aliquam scientiam necesse est perfectè nosse conclusiones illius per demonstrationes quæ in illa fiunt, scientia enim est cognitio per demonstrationem acquisita: atqui sine logica artificiali id non possumus, etenim ad demonstrandas & syllogisticè probandas conclusiones necesse est cognoscere naturam & callere præcepta demonstrationis & syllogismi, aliorumve his deservientium: ut definitionis, divisionis propositionis, & similium, quæ à sola logica artificiali traduntur. ergo, &c.

*Obiicies.* Logica est scientia, ut infra ostendatur: ergo & ipsa erit necessaria ad seipsam in statu perfectò acquirendam, & sic debet sibi ipsi præsupponi, quod implicat, jam enim esset antequam esset.

*Respondeo,* concessio antecedente consequentiam esse negandam de logica perfecta, concedendam de imperfecta, i. de rudi quadam notitia modorum differendi, qualis in præcedenti tractatu à nobis tradita fuit: & hanc imperfectam & inchoatam logicam (ad quam prærequiritur solum logica naturalis) concedimus libenter debere sibi ipsi præsupponi ut perfectæ, & esse sub priori antequam sub posteriori statu: nec de hac sed solum de logica perfecta procedit implicantia, ut per se patet.

*Dico*

*Dico 3. Aristoteles merito præ cæteris Philosophis, dici potest primus Logica inventor. Dixi, præ cæteris Philosophis, quia absolutè loquendo Deus solus dici potest primus author & inventor Logices, qui illam sicut & alias disciplinas protoparenti nostro infudit, ut eas posteros suos edocere posset.*

*Probatur conclusio: quia Aristoteles fuit primus qui omnes Logicæ partes ad ordinem reduxit, qui ab aliis scientiis eam sejunctam tradidit, qui syllogizandi artem ad methodum & certas quasdam regulas revocavit, ac denique tantum ornamentum Logicæ contulit, ut quæ antea despecta jaceret, modo ars artium, scientia scientiarum, earumque regula merito appelletur: Ergo Aristoteles verè dici potest primus Logicæ inventor, aut si malis reparator, quatenus eam incuria hominum penè collapsam & obsoletam ad pristinum statum in quo fuerat Adamo infusa, aut certè ab ipso posteris tradita, revocavit.*

*Reparata autem fuit Logica experimento: cum enim experiretur Philosophus se interdum benè, interdum malè definire, dividere, argumentari aut concludere, advertit ad defectus, & pro illis vitandis regulas quasdam statuit quibus servatis possent homines rectè in posterum & sine errore definire, &c. sicquæ Logicam tradidit.*

## PROLEGOMENON II.

*An sit eadem Logica Docens & Vtens.*

**P**ROPRIMUM munus dialecticæ est docere modum, & præcepta tradere rectè differendi, ut patet ex superioribus ubi eam sub hac consideratione ostendimus esse in rerum natura admittendam & necessariam: sed quia non solum præcepta hujusmodi tradit sed etiam exequitur effectivè differendo. j. definiendo, dividendo syllogizando; ideo occasionem sumpserunt inde Philosophi distinguendi facultatem hanc in Docentem & Utentem: *Docentem appellantes qua præscribit modum & præcepta, Utentem qua illa executioni mandat, Sed difficultas est primò, utrum sicut est tota & secundum omnes suas partes Docens, ita sit tota Vtens: secundo, qua ratione Docens & Vtens distinguantur.* Pro resolutione primæ partis quæstionis.

*Adverte primò Logicam, quoad propositum spectat, dividi in tres partes, demonstrativam, topicam, & sophisticam, quarum unaquaque sumitur hic pro tota ipsa Dialecticæ facultate ut docente modum differendi, seu definiendi, dividendi, enunciandi, argumentandi, in aliqua speciali materia, demonstrativa quidem in materia necessaria. j. in rebus quæ aliter se habere non possunt; topica in materia probabili, seu in iis quæ mutari queunt;*  
*sophi-*



sophistica in apparenti, sive in rebus quæ aliter se habent quam appareant: tametsi specialiter & magis propriè pars demonstrativa, topica, & sophistica accipiantur pro ultimo Logicæ tractatu in quo agitur solum de modo syllogizandi in illa triplici materia, sive de syllogismo demonstrativo, opinativo, & captioso.

*Adverte secundo*, hujusmodi triplicem materiam posse esse vel propriam Logicæ, vel alicujus alterius scientiæ, puta Phycicæ: possunt enim fieri definitiones, propositiones, argumentationes, ex rebus necessariis, probabilibus, aut apparentibus, tum dialecticis, tum phycis, tum aliis. His prælibaris.

*Dico 1. Quamvis Logica secundum omnes partes, demonstrativam, topicam, & sophisticam, sit docens; non est tamen propriè & simpliciter loquendo utens, nisi secundum partem topicam & sophisticam: atque ita tota Dialectica est docens, & sola pars topica & sophistica est qua dividitur in docentem & utentem.*

*Prima pars conclusionis supponitur ut evidens: Logica enim docet quomodo construendæ sint definitiones, argumentationes, & hujusmodi, tum in rebus necessariis, tum in probabilibus, tum in apparentibus, idque tam in secundis intentionibus seu rebus logicalibus, quam in aliis: ergo est ubique docens.*

*Secunda verò pars duo continet: primum est dialecticam topicam & sophisticam*

cam esse utentem: alteram demonstrativam non esse propriè talem, quod in primis.

*Probatur*: Logica non denominatur propriè utens nisi ab usu distincto à doctrina, & ab ipsa Logica elicitò; ab usu enim qui est ipsamet doctrina non potest dici utens, prout utens distinguitur aliqua ratione à docente; nec similiter ab actu usus elicitò non ab ipsa sed ab aliis scientiis, utens enim dicitur ex eo quod activè utarur doctrinâ seu præceptis traditis: At qui sic est quòd usus partis demonstrativæ vel non est distinctus à doctrina, vel non procedit effectivè ab ipsa Logica: ergo secundum illam partem non denominatur propriè utens. *Probatur minor*: usus enim partis demonstrativæ, seu executio doctrinæ logicalis in materia necessaria, considerari potest vel in materia necessaria ipsiusmet Logicæ, vel in materia necessaria aliarum facultatum: in materia necessaria Logicæ, quamvis effectivè procedat ab ipsa, non tamen distinguitur à doctrina, docendo enim seu tradendo præcepta definiendi, syllogizandi, aut huiusmodi, eadem exequitur, & exequendo tradit, cum doctrinam illam tradat modo scientifico, definiendo, dividendo, & demonstrativè ostendendo aut explicando quæ docet: In materia verò aliarum scientiarum ex adverso quamvis usus partis demonstrativæ sit distinctus ab  
eius

eius doctrina, cum ibi doctrina illa non tradatur, sed solum executioni mandetur, illamen usus non est effectivè & elicitivè ab ipsa Logica, sed ab illa scientia ad quam pertinet materia, qualibet enim scientia efficit in propria materia necessaria suas definitiones, divisiones, propositiones, & syllogismos aut demonstrationes conformiter ad præcepta aut directionem Logicæ, aliàs si ipsa Logica id ubique præstaret, esset sola scientia, siquidem circa omnia demonstrativè disliceret, in quo ratio scientiæ consistit: Ergo usus seu executio doctrinæ partis demonstrativæ vel non distinguitur à doctrina ipsa, vel non pertinet effectivè ad Logicam sed ad alias scientias, & sic Logica non dicetur utens in parte demonstrativa nec respectu propriæ materiæ, prout utens distinguitur & dividitur aliqua ratione à docente (quamvis in sensu non ita proprio utens dici possit, quatenus ibi exequitur sua præcepta; ) nec ullo pacto respectu aliarum facultatum, nisi passivè quatenus aliæ utuntur præceptis eius.

*Dices:* Logica est quæ applicat formas secundarum intentionum definitionis, syllogismi, & similium cuilibet materiæ, non verò aliæ scientiæ, aliàs se extenderent ad objectum ipsius, quæ sunt huiusmodi secundæ intentiones ut infra dicemus.

*Sed*

*Sed contra* : quia illa scientia dicitur effective applicare formas illas , quæ elicit actus ex quibus illæ resultant : atqui dum in materia necessaria Physicè fit syllogismus, hic v.g. (Omne constans contrariis, est corruptibile. Homo constat contrariis, ergo est corruptibilis & mortalis) actus illi, nempe assensus majoris, minoris, & conclusionis illatæ, ex quibus resultat dispositio aut forma syllogistica, secluso quolibet alio actu ab ipsis distincto, procedunt ab ipso habitu physices, ut per se constat : ergo ipsa Physica dicitur effective applicare formam syllogismi illi materiæ, Logica verò tantum directivè concurret, quatenus docet & dictat quomodo construendus sit ille syllogismus, & conformiter ad illud dictamen & directionem Physica ipsum efficit. Nec sequitur eam se extendere ad objectum Logicæ, seu ad secundas intentiones, nisi secundariò & materialiter, quatenus ex actibus eius resultant veluti per accidens.

*Quod verò dialectica topica & sophistica sit proprie utens* (quod erat aliud probandum) *ratione opposita suadetur* : quia usus istarum partium & est distinctus à doctrina ipsarum in aliis scientiis, & est effective à Logica : ergo ab illo propriè denominatur utens secundum illas partes. *Antecedens quoad primam partem per se patet*, cum in aliis facultatibus reperiaturs usus ille separatus ab huiusmodi

iusmodi doctrina, quæ non ibi sed in Logica tradatur: *Quoad secundum vero probatur*, quia quamvis proprium sit munus cuiuslibet habitus scientifici aut opinativi efficere in materia necessaria aut probabili proprias suas definitiones, propositiones, syllogismos demonstrativos aut probabiles, ad Logicam tamen spectat in materia probabili aut apparenti communi omnibus disciplinis id totum præstare, id est, ex quibusdam generalibus principiis è iocis topicis aut sophisticis desumptis procedere ad differendum de quacunque re, seu probabiliter vel apparenter in singulis scientiis & facultatibus aliquid concludendum. *Ratio est*, quia illa principia aut media generalia vel sunt de formali quædam intentiones rationis, ut ea quæ sumuntur à definitione, divisione, nomine, & aliis similibus locis; vel sunt realia, ut ea quæ desumuntur à causis, ab effectibus, & huiusmodi quæ per omnia vagantur. Si primum, res est clara, Logicam videlicet esse quæ ex huiusmodi principiis topicis secundo-intentionalibus format syllogismos probabiles in qualibet scientiâ, cum illi formaliter loquendo sint in propria ipsius materia, & materialiter tantum sint materia alterius scientiæ, quatenus conclusiones quæ per talia media intentionalia probantur, ad eam materialiter pertinent: dico materialiter, nam forma-

formaliter ad eam scientiam spectant aut  
 reducuntur conclusiones : ad quam perti-  
 nent media per quæ probantur : unde hæc  
 propositio , Terra est rotunda , probata per  
 medium mathematicum , puta per figuram  
 eclipsis , pertinet ad astrologiam ; per me-  
 dium physicum , nempe per motum terræ  
 & confluxum partium ejus ad centrum ,  
 pertinet ad Physicam : quia scilicet medium  
 est ratio formalis *sub qua* objecti , à qua scien-  
 tia specificatur . Si verò secundum idem di-  
 cendum , sed ob aliam rationem , quæ in præ-  
 cedenti etiam habet locum , quia nimirum  
 supposita doctrina logicali de syllogismo &  
 de locis topicis nulla superest difficultas ad  
 probabiliter , & ut ita dicam superficialiter  
 de qualibet re proposita differendum ex hu-  
 jusmodi generalibus principiis , ergo ad id  
 sufficit Logica . Nec est inconueniens quod  
 se extendat secundario ad materiam realem  
 & extraneam , quando non est specialis dif-  
 ficultas . Ex his habes verum esse quod ait  
 Aristoteles 1. *Topic. cap. 1.* proprium esse  
 Dialectici ex probabilibus differere in qua-  
 cunque materia , cui addi potest , etiam ex  
 apparentibus ; totum enim quod diximus  
 de illis , de his quoque intelligendum est  
 proportionaliter .

*Dico 2. Logicam Docentem & Utentem esse  
 unicum realiter habitum sola ratione distin-  
 ctum.*

*Prima pars probatur. Unus & idem est rea-  
 liter*

liter habitus qui elicit actum primum, & actum secundarium non addentem specialem difficultatem supra illam; *ut patet tum exemplo* in habitu charitatis, qui elicit primum actum amoris circa Deum, & secundario circa proximum, eo quod hic non habet specialem difficultatem supposito illo, dummodo sit efficax; *tum ratione*, quia cum habitus non ponantur nisi ad vincendas difficultates quas experimur in actibus, ubi non est nova difficultas, non debet superaddi novus habitus: Atqui docere modum & præcepta differendi est actus primarius Logicæ, cum ad id per se primum ordinetur; uti verò, seu mandare ea executioni procedendo ex principiis generalibus topicis aut sophisticis ad conclusiones in singulis scientiis probabiliter aut apparenter ostendendas, est actus secundarius, cum præsupponat doctrinam, & minus principaliter intendatur; nec addit novam difficultatem supra huiusmodi doctrinam de locis topicis aut sophisticis traditam, ea enim supposita de facili potest quisque probabiliter & sophisticè circa quælibet discurrere, ut per se constat: ergo.

*Secunda verò pars manifestè constat*, illa enim diversa munia seu actus docendi & utendi sufficiens præbent intellectui fundamentum distinguendi & diversis actibus concipiendi Logicam Docentem, & Utentem & illa rationis distinctio sufficit, nec requiritur realis ut Logica in quantum Docens explicet

plicetur unâ definitione, in quantum Utens aliâ, in quantum Docens dicitur scientia, ut pote modo scientifico & demonstrativo tradens sua præcepta etiam partis topicæ & sophisticæ, in quantum verò Utens habeat quodammodo rationem non scientiæ sed opinionis, cum eliciat actus probabiles, ut diximus: *Et ratio est*, quia hæc non sunt contradictoria cum dicantur de eodem secundum diversas rationes, & in ordine ad diversos actus primarios & secundarios. *Sed utrum Logica sit scientia*, necne est alia quæstio, de qua sit.

## PROLEGOMENON III.

*An Logica sit Scientia, & qualis.*

**P**RO resolutione primi quæstioni adverte Scientiam aliam esse Actuales aliam Habituales. *Scientia actualis* est assensus seu cognitio actualis certa & evidēs alicuius conclusionis per demonstrationem comparata, quæ tamdiu in nobis perseverat, quamdiu illi conclusioni actualiter assentimus. *Scientia verò habitualis*, quæ in nobis etiam non cogitantibus manet, est qualitas &abilitas, quædam ex actibus scientificis seu demonstrativis relicta in intellectu, quâ inclinatur & disponitur ad similes actus promptè & facile eliciendos: unde definitur à Philosophis. *Habitus certus & evidens per demonstrationem acqui-*



*acquisitus*, & ad demonstrationem inclinans: quamvis hæ ultimæ particulæ non soleant exprimi in definitione scientiæ, sed potius subintelligi. Hoc prænotato.

*Dico 1. Logicam esse scientiam.* Hæc conclusio intelligitur formaliter de Logica docente, quæ simpliciter nomine Logicæ venit intelligenda, quamvis reipsa verum habeat etiam de utente, cum sit entitativè idem habitus.

*Probat*ur: Logica est habitus per demonstrationem acquisitus: ergo est scientia. Consequentia patet per locum à definitione ad definitum. Antecedens probatur: & in primis quod Logica sit habitus, constat, quia ex frequentatis discursibus logicalibus & assensibus circa conclusiones & præcepta quæ ibi traduntur & probantur, relinquitur in intellectuabilitas quædam & facilitas ad similes actus in posterum prompte & delectabiliter eliciendos. Quod verò ille habitus per demonstrationem acquiratur vel procedat, ex eo suadet, quia in Logica multæ sunt demonstrationes, seu plurimæ de secundis intentionibus demonstrantur passionibus, ut de definitione quod sit bona, ex eo quod constet genere & differentia; quod his constare debeat, eo quod ad explicandam totam rei essentiam necesse sit adducere & id in quo res convenit cum aliis, & id per quod differt, de termino quod supponat vel appellet hoc vel illo modo; ex eo quod sic vel sic disponatur

in pro-

in propositione ; de propositione ipsa quod sit opposita , æquipollens , convertibilis , tali vel tali genere conversionis , æquipollentia aut oppositionis , quia afficitur tali vel tali signo aut negatione ; de syllogismo quod in hac vel illa figura aut modo rectè concludat , ex eo quod servet regulas ; quod per medium necessarium concludat demonstrativè , per probabile probabiliter , per apparens sophistice aut apparenter ; per primum faciat scire , per secundum opinari , per ultimum errare ; atque ita constar , & magis ex dicendis in toto Logicæ decursu constabit , veras in omnibus eius partibus fieri demonstrationes : ergo est habitus , non ex qualibuscunque discursibus , sed demonstrativis & scientificis generatus & acquisitus.

*Dixi Logicam Utentem* ; utpote eundem cum docente habitum esse realiter scientiam , formaliter verò & reduplicativè in quantum utentem fatendum est non habere rationem scientiæ , sed opinionis quodammodo aut etiam habitus sophistici in ordine ad actus probabiles & falsos , quos ut talis elicit. Vide in fine præcedentis prolegomeni.

*Obiicies 1.* Scientia debet esse de perpetuis & necessariis , contingentia enim certò sciri non possunt , cum sint apsa incerta & variabilia : sed logica non agit de perpetuis & necessariis , agit enim de syllogismis & aliis quæ pendent à nostro intellectu ad libitum ea efformante , subindeque sunt contingentia : ergo.

*Re-*

*Respondeo negando minorem: ad probationem respondeo illa esse æquè perpetua & necessaria ac aliarum scientiarum objecta, nempe quoad essentialia prædicata & proprias passiones, aut potius quoad veritatem propositionum quæ ex illis fiunt, sub qua ratione de eis agitur: licet non sint necessaria, sed contingentia quoad existentiam quam suo modo habent ab intellectu, sicut alia à suis causis, sed sic non considerantur: unde in forma distinguo: Agit de syllogismis & aliis, quoad essentialia &c. concedo: quoad &c.*

*Obiicies 2. Illa facultas non est scientia, quæ elicit actus opinativos, sed Logica elicit plures actus opinativos, ex locis enim topicis procedit ad conclusiones in singulis scientiis probabiliter ostendendas, ut vidimus proleg. præcedenti: ergo.*

*Respondeo, illam quidem facultatem non esse scientiam sed opinionem quæ primariò elicit actus opinativos & probabiles: sed dico logicam elicere scientificos primariò. opinativos verò ut secundarios duntaxat & minus principales, subindeque erit realiter scientia: quamvis formaliter & reduplicativè in quantum utens, sub qua ratione exercet huiusmodi actus secundarios, dicendum sit ut superius.*

*Pro responsione verò ad secundum quæsitum, adverte scientiam aliam esse speculativam, quæ scilicet ex sua natura ordinatur ad solam sui ob-*

jecti contemplationem seu ad nudam veritatis speculationem & cognitionem; aliam. *Practicam* quæ ulterius tendit ad aliquod opus extra intellectum. Exemplum primæ sit *Physica*, quæ in sola entis naturalis speculatione sistit: exemplum vero posterioris est rum *Ethica* seu *Moralis*, quæ non moratur in sola contemplatione boni vel mali, sed ulterius ordinatur ad illud agendum, & istud vitandum, tum *Medicina*, cuius etiam finis non est sola consideratio corporis sanabilis quod est ejus objectum, sed maxime ipsa sanitas aut applicatio remediorum ad eam conservandam vel recuperandam, *Hoc posito:*

Dico 2. *Logicam esse scientiam simpliciter Speculativam & non Practicam.*

*Probatur:* scientia speculativa dicitur illa quæ ordinatur ex sua natura ad solam speculationem, & non ad opus aliquod extra intellectum: atqui logica ordinatur ad solam contemplationem & veritatis cognitionem, non vero ad aliquod opus exequendum extra intellectum: ergo est speculativa & non practica.

*Respondetis,* non illam duntaxat scientiam dici practicam quæ ordinatur ad opus extra intellectum sed quæ tendit ad opus quodcumque sive intra sive extra intellectum: & sic cum Logica ordinetur nedum ad contemplationem, sed etiam ad constructionem, syllogismi V, G. quod est opus aliquod rationis, debet dici practica.

*Sed*

*Sed contra*, quia illa sola scientia dici potest proprie & simpliciter practica, quæ ordinatur ad opus quod est proprie & essentialiter praxis: atqui solum opus extra intellectum est tale: ergo. Probatur minor: praxis enim proprie distinguitur contra speculationem: sed omne opus intellectus est speculatio ex sua propria natura ergo. Probatur minor: Omnis intellectio, quæ talis, est speculatio sui objecti: omne opus seu actio intellectus est intellectio, sicut omnis actio visus, visio, ergo. *Vnde inferes recte definiri praxim à Scoto dicente praxim esse actum alterius potentie ab intellectu, natum elici conformiter rationi rectæ ad hoc ut rectus sit*: de quibus ultimis particulis nihil ad nos. Hinc facile solves objectiones.

*Obiicitur enim primo*: illa scientia est practica quæ non sistit in sola contemplatione sui objecti & veritatum quas demonstrat, sed ulterius tendit ad aliquod opus: sed Logica non sistit in sola contemplatione syllogismi, definitionis, & huiusmodi, sed ordinatur ad opus, nempe ad eorum constructionem.

*Respondeo distinguendo maiorem*: quæ tendit ad opus extra intellectum, concedo, illud enim solum est proprie praxis ut ostensum est, & ab eo duntaxat scientia denominari potest proprie & simpliciter practica: quæ tendit ad opus intra intellectum tan-

tum, seu ab ipso intellectu elicatum, nego, illud enim est vera speculatio: Logica autem tendit ad opus intellectus tantum.

*Obiicies 2.* Logica ordinatur ad alias scientias acquirendas, ad quas ut supra vidimus est simpliciter necessaria: ergo non sistit in sola contemplatione sui objecti, subindeque est practica.

*Respondeo primò concesso antecedente & prima consequentia negando secundam:* Dato enim quod non sistat in contemplatione sui objecti, non sequitur statim quod ordinatur ad praxim, sed ad deservendum contemplationi aliorum objectorum, quod non extrahit extra rationem scientiæ speculativæ. *Respondeo secundò negando primam etiam consequentiam,* non enim aliter Logica deservit aliis scientiis acquirendis quam contemplando naturam & passiones definitionis, syllogismi, & aliorum sciendi instrumentorum, & doctrinam de illis: radendo, conformiter ad quam aliæ facultates ea efficiunt in propria materia, ut superiori proleg. dictum est.

*Dices:* quædam scientiæ sunt practicae, aliæ verò speculativæ: ergo Logica, quæ ordinatur ad utrasque, erit practica simul & speculativa.

*Respondeo negando consequentiam,* quia non ordinatur ad illas formaliter ut sunt practicae, sed præcisè in quantum sunt scientiæ &  
discur-

discursivæ circa propria objecta sub qua ratione important solam ipsorum considerationem, quod vero ulterius illa consideratio ordinetur ad opus, materialiter se habet.

*Instabis:* Facultates speculativæ sunt quæ procedunt modo resolutivo. j. resolvendo subjectum de quo agunt, in sua principia, explicando eius naturā & partes; practicæ vero, quæ modo compositivo, hoc est componendo, aut certe regulas tradendo quibus id quod considerant componatur aut conficiatur: Atqui Logica procedit non solum primo modo, sed etiam secundo: cum non tantum syllogismum & alia, quæ sunt ipsius objectum, revocet ad sua principia & explicet per partes, sed etiam regulas & præcepta conficiendi ipsa simul præscribat: ergo non solum est speculativa, sed etiam practica.

*Respondeo* majorem quoad secundam partem intelligendam esse de compositione extra intellectum, non intra quæ est speculatio: talis autem est compositio cujus regulas tradit & exequitur Logica.

*Cum his tamen omnibus stat Logicam, præsertim utentem posse dici improprie & similitudinariè practicam, nempe ob analogiam & similitudinem quandam quam habent opera illa & artefacta rationis, syllogismus, definitio, & hujusmodi, cum operibus externis, ob quam analogiam dici possunt improprie practices. Eadem de causa appellari potest etiam Ars. Et per hæc multa solves argumenta.*

## PROLEGOMENON IV.

*An Logica sit scientia entis realis, vel  
rationis:*

**H**ABEMUS rationem genericam Logicæ, videlicet rationem scientiæ in qua convenit cum aliis facultatibus: ut habeatur integra eius definitio, investiganda est modo propria ipsius differentia per ordinem ad objectum, ab eo enim unaquæque facultas specificatur: quod etiam appellatur subiectum non cui scientia inhæreat, illud enim est intellectus, sed de quo agat: dicitur etiam materia, non in qua sit, aut ex qua componatur, sed circa quam verletur. *Pro resolutione.*

*Suppono in primis id quod in confesso est apud omnes, quodq; iam ex parte constat hactenus dictis; & amplius constabit ex dicendis, Logicam agere per se & ex proprio instituto, de secundis intentionibus directivis trium mentis operationum; tum complexis, ut de definitione & divisione quibus dirigitur prima operatio, de propositione quæ dirigit secundam, & argumentatione quæ tertiam, tum incomplexis quæ sunt illarum partes, ut de universalibus seu prædicabilibus, de terminis, & huiusmodi: quæ dicuntur secundæ intentiones. j. rationes quædam ex secunda & reflexa mentis intentione seu consideratione*



ratione in objectis resultantes: quod ut melius intelligas.

Suppono 2. *intentionem tum formalem tum obiectivam* (quæ a Dialecticis dicuntur, non actus voluntatis finem aliquem intendentis aut finis ipse intentus, quæ ratione sumuntur à Theologis & Moralibus Philosophis; sed actus intellectus & obiectum ejus) esse *duplicem*, primam scilicet & secundam. *Prima intentio formalis* est actus directus, quo intellectus tendit in obiectum ut est in se & secundum rationem aliquam etsi à parte rei & extra intellectum convenientem. ut actus quo cognosco animal quatenus est vivens sensitivum. *Prima vero Intentio obiectiva* est obiectum illud sic cognitum. *Secunda autem Intentio Formalis* est actus reflexus qui tendit in rem cognitam & secundum aliquam rationem ipsi ut cognite duntaxat & ut est in intellectu competentem; qualis est actus quo cognosco animal & universale aut genus: res vero sic cognita ut potius ratio illa quæ rei ut cognite attribuitur, & in ea per hujusmodi actum reflexum resultat, dicitur. *Secunda Intentio obiectiva*: & tales sunt rationes illæ universales, generis, & aliæ omnes logicæ: universalitas enim vel ratio generis v. non attribuitur animali nisi ut per intellectum à suis inferioribus præciso, & ex alio actum quo sic præcisum cognoscitur iterum reflexe in ordine ad eadem

inferiora ut aptum inesse eis & prædicari de illis: similiter ratio propositionis, seu unio inter prædicatum & subjectum præsupponit illa extrema prius cognita aut apprehensa, & resultat solum per actum subsequenter quo unum de alio enunciatur; & sic proportionaliter de aliis, Quamvis autem nomen primæ & secundæ intentionis sit commune tam formali quam objectivæ, absolute tamen usurpari solet pro objectiva. His prælibatis.

*Dico objectum formale & adequatum logicæ esse ens rationis directivum operationum intellectus, atque adeo logicam recte definiri scientiam talis entis, & non realis, Est contra plures, præsertim Recentiores, existimantes objectum logicæ esse ens reale, scilicet ipsas rationes intellectus.*

*Ut autem proleatur conclusio prænotandum est, quod alias iustius explicabimus, ens rationis licet id quod non habet esse nisi in intellectu objectivè, ita ut illo non cogitante penitus evanescat, ut chimæ: ens vero reale, quod habet esse in rerum natura & nullo intellectu de ipso cogitante. Hoc posito.*

*Probatur conclusio.* Objectum formale alicuius scientiæ dicitur illud quod per se & ratione sui consideratur ab ea, ad differentiam materialis de quo non nisi ratione objecti formalis agit: atqui id quod per se consideratur à logica est rationis ens, ergo illud est objectum formale eius.

*De maiori huius Syllogismi non est difficultas*: sicut enim obiectum formale potentiae alicujus dicitur id quod per se & ratione sui attingitur ab illa, ut color à facultate visiva, materiale vero, quod non nisi ratione formalis, putà corpus ratione coloris sibi inhærentis; ita de obiecto scientiæ & cujusvis habitus proportionaliter dicendum.

*Minor verò sic suadetur*: logica agit per se & ex proprio instituto de secundis intentionibus directivis trium mentis operationum: atque illæ sunt de formali entia rationis: ergò. *Maior est indubitata* ut diximus in suppositione prima: *minor verò probatur sic*. Ens rationis dicitur id quod non habet esse nisi in intellectu objective: atqui secundæ intentiones, quamvis quoad materiale, quæ sunt res ipsæ quibus applicantur, sint à parte rei, quoad suas tamen rationes formales non habent esse nisi objective in intellectu: ergo.

*Probatur minor*: nam rationes formales constitutivæ secundarum intentionum universalis, generis, speciei, definitionis, divisionis, termini, propositionis, argumentationis, & similium, nihil aliud sunt quàm relationes quædam seu habitudines, putà naturæ superioris ad inferiora, genericæ ad species, specificæ ad individua, orationis manifestativæ ad rei essentiam vel partes explicandas, prædicati ad subjectum, vocis ad propositionem

nem quam componit vel terminat, antecedentis vel præmissarum ad conclusionem illatam, & sic de aliis: atqui illæ habitudines aut relationes habent tantum esse objective, in intellectu comparante, componente, inferente, illoque cessante penitus evanescent, ut manifestum est; nec quiquam, reale intelligitur advenire aut deperire rebus ipsis per hoc quod ex eis formentur aut formari desinant propositiones, definitiones, & similia, subindeque attribuantur ipsis aut ab eis removeantur illæ relationes: ergo.

*Respondebis negando secundas intentiones Logicales consistere formaliter in huiusmodi relationibus, sed in ipsis operationibus intellectus, aut quod in idem recidit, in denominationibus extrinsecis ab illis operationibus desumptis, ita ut universale v. g. nihil aliud sit quam natura superior prout ab actu intellectus extrinsece denominatur præeisa à suis inferioribus aut comparata ad ipsa; propositio sit formaliter ipsa extrema ut per actum iudicii extrinsece etiam dicuntur enunciata aut unita; argumentatio pariter, ipsum antecedens & consequens quatenus unum denominatur illatum ex alio per actum discursus: relationes vero illæ sint tantum quid consequens & non constitutio secundum intentionum, atq; ita non erunt id quod consideratur per se ab ipsa Logica sed ipsæ operationes, subindeque quid reale.*

*Sed*

*Sed contra sic arguo:* secundæ intentiones logicales, seu per se consideratæ à logica, sunt intentiones objectivæ, non verò formales: sed secundæ intentiones objectivæ consistunt formaliter in illis relationibus ( licet formales ex quibus resultant, sint ipsæ operationes: ) ergo. *Maiores in primis est evidens*, logica enim considerat secundas intentiones propositionis, definitionis, & hujusmodi in rebus ipsis cognitis in quibus formantur: ergo objectivas. *Minor vero non est minus clara:* nam hæc propositio objectiva v. g. Homo est animal, intelligitur à nobis & concipitur habere intrinsece rationem propositionis, & denominari intrinsece talis, dicere vero contrarium, est ire contra mentem & modum concipiendi communem: atqui non intelligitur denominari intrinsece propositio ab ipsa operatione intellectus enunciante unum de alio, sed tantum extrinsece ut patet: ergo solum à relatione unionis inter prædicatum & subjectum, quæ ex illa operatione intelligitur resultare, subindeque in illa formaliter consistit. Et sic de aliis intentionibus. Ex quibus omnibus.

*Inferes primo ens rationis directivum operationum intellectus, seu secundo intentionale, esse objectum non solum formale, sed etiam totale & adequatum Logica, ut asseritur in conclusione; non vero ens rationis communissime sump-*  
*tum*

tum prout complectitur tam secundas intentiones, quam figmenta, & alia; nec ex opposito solum syllogismum aut demonstrationem, vel etiam triplicem modum sciendi, definitionem, divisionem, argumentationem, ut nonnulli autemant.

*Ratio est*, quia objectum totale & adæquatum dicitur illud quod ita scientiâ adæquat, ut totum consideretur per se ab illa; & præter ipsum, nihil; seu quod habet has duas conditiones, prima est ut ambiat & comprehendat omnia de quibus per se in illa scientia differitur; secunda, ut nihil ulterius comprehendat: arqui ens rationis secundo intentionale & directivum operationum intellectus comprehendit omnia de quibus per se agitur in Logica, vel tanquam sui species ut definitionem, divisionem, propositionem, argumentationem; vel tanquam partes, ut terminos, universalialia, & huiusmodi; vel tanquam proprietates, ut suppositionem, appellationem, oppositionem, æquipollentiam, conversionem, probationem, reductionem, & similia; nihilque amplius sub se comprehendit; & *ratio est*, quia illa omnia conducunt ad directionem operationum intellectus, ut patet ex dictis initio huius proleg. & nulla alia rationis entia ad id deserviunt, ut constat de figmentis, de negationibus, de relationibus dextri ad sinistrum, Creatoris ad creaturam; subindeque illa omnia & sola comprehenduntur

per

per se sub ente rationis directivo intellectu: ergo illud erit objectum adæquatum logicæ non verò ens rationis communissime sumptum, cum comprehendat ea etiam, quæ non considerantur à Logica, nec ex adverso solus syllogismus aut demonstratio, vel triplex modus sciendi, cum non comprehendat omnia; erunt tamen hæc objecta partialia, principaliora cum ad ea cætera omnia ordinentur.

*Inferes secundo objectum materiale Logicæ esse res ipsas quatenus cognitæ, seu prout sunt objective in intellectu:* objectum enim materiale dicitur illud cui applicatur formale, quodque ratione illius dumtaxat consideratur, atqui secundæ intentiones, quæ sunt objectum formale Logicæ applicantur rebus ipsis ut cognitis, sicut supra ostensum est, nec res illæ considerantur à Logica, nisi ratione secundarum intentionum, quæ in eis attenduntur: ergo. Et hac ratione substantia, quantitas, qualitas, & alia realia quæ non considerantur à Logica nisi quatenus attenditur in eis ratio generis, speciei & similium, pertinent tantum ad objectum materiale Logicæ.

*Inferes tertio, aliud esse finem, aliud objectum Logicæ:* Objectum enim dicitur id de quo agit, nempe secundæ intentiones: finis verò dicitur id cujus gratia de illis differit, qui est dirigere mediâ illarum notiâ intellectum ne aberret in posterum in definiendo, dividendo & discurrendo tam circa propriam materiam, secun-

secundarum intentionū & hic est finis proximus logicæ quam circa materiam alienam seu objecta aliarum scientiarum qui est finis remotus ejusdē. *Obijcies* 1. Objectum Logicæ sunt operationes intellectus : atqui illæ sunt ens reale: ergo Minor est per se evidens. Major verò probatur, objectum formale Logicæ sunt secundæ intentiones : atqui illæ nihil aliud sunt reipsa quam ipsæ operationes intellectus, non quidem absolute sumptæ, sed ut dirigibiles aut directæ, seu ut redactæ ad formam definitionis, &c. ergo hoc modo erunt objectum Logicæ.

*Confirmatur* : definitio, propositio, argumentatio nihil aliud sunt quàm simplex apprehensio rei per genus & differentiam, aut iudicium de ea aliquid affirmans vel negans vel actus unum ex alio inferens : vel quod in idem redit, sunt tantum denominationes extrinsecæ in rebus ab hujusmodi operationibus petitæ: ergo.

*Confirmatur* 2. Nam licet ex illis operationibus quibus definimus, enunciamus unum de alio, aut inferimus, non resultarent in rebus relationes rationis, adhuc haberent rationem definitionis, &c. ergo ipsæ operationes sunt secundæ intentiones & objectum Logicæ, relationes verò illæ per accidens ipsis conjunguntur.

*Ad objectionem nego maiorem* : ad probationem ejus distinguo maiorem: objectum Logicæ sunt secundæ intentiones *objectivæ* concedo :  
for-



*formales nego.* Similiter ad minorem respondeo secundas intentiones, non objectivas, sed formales esse ipsas operationes intellectus, quæ dicuntur dirigibiles aut directæ, non quasi in forma definitionis aut aliarum intentionum dispositæ vel redactæ, ut falsò supponit arguens (cum non operationes intellectus sed res ipsæ mediis illis operationibus ad formas hujusmodi secundarum intentionum redigantur: ) sed quia ex præsupposita illarum notitia natæ sunt procedere rectè & sine errore: unde

*Ad 1. & 2. confirmationem respondeo.* antecedens utriusque esse verum de definitione, propositione, & argumentatione formalibus, non de objectivis, quæ tamen, sunt formale objectum Logicæ: unde negatur utriusque consecutio.

*Instabis:* Logica considerat per se primò argumentationem formalem: ergò idem dicendum de definitione & aliis, *Probaturs antecedens:* considerat enim demonstrationem ut est argumentatio seu syllogismus faciens scire: atqui demonstratio formalis est quæ facit scire, non verò objectiva: ergò, *Probaturs minor:* causa enim assensus scientifici conclusionis sunt assensus majoris & minoris, qui constituunt demonstrationem formalem non verò ipsæ propositiones objectivè sumptæ, aut forma syllogistica ex parte demonstrationis objectivæ se tenens, quæ cum sit quid rationis non potest sine dubio causare ens reale quale est scientia. ergò.

Re-

*Respondeo negando antecedens : ad probationem respondeo*, quòd tam demonstratio formalis, sive assensus quibus constat : quàm demonstratio objectiva, seu ipsæ propositiones & dispositio syllogistica ipsarum, dicuntur facere scire : illa quidem per modum causæ effectivæ scientiæ, *hac verò per modum conditionis objectivæ sine qua assensus illi non efficerent scientiam* : & hoc secundo modo consideratur formaliter & per se à Logica, non autem primò : Logica enim considerat tantum, per se loquendo, conditiones ex parte propositionum objectivè sumptarum requisitas ad generandam scientiam. *His positis distinguo illam majorem* : Considerat demonstrationem ut est syllogismus faciens scire *per modum causæ*, nego : *per modum conditionis*, concedo : similiter dicendum ad minorem & ad alia quæ subduntur, quæ probant tantum demonstrationem objectivam aut dispositionem syllogisticam non posse esse veram causam scientiæ ; non verò quod non sit conditio indispensabiliter requisita, sicut significatio vocibus prolatis ad causandas rerum species in auditu, & in sacramentis ad causandam gratiam in anima.

*Obijcies 2.* Logica dirigit operationes intellectus : ergo sunt objectum ejus : unde etiam communiter dicitur versari circa illas.

*Respondeo negando consequentiam ex 3. colla-*

*rollario.* Dicitur ergò versari circa hujusmodi operationes *non tanquam circa objectum*, nisi ad summum materiale, quatenus de illis nonnihil differit ratione secundarum intentionum: *sed sicut circa finem*, ejus enim scopus, & finis est dirigere intellectum & operationes ejus, ut illo loco diximus.

*Obiicies 3.* Specificativum Logicæ debet esse aliquid reale: sed objectum est specificativum ejus, ergò. *Minor est certa*, quælibet enim facultas specificatur à proprio objecto, & per ordinem ad illud definitur ac distinguitur ab aliis. *Major verò probatur*, quod tribuit realem differentiam debet esse quid reale, sed specificativum, Logicæ tribuit ipsi realem differentiam, nam distinguit realiter Logicam ab omnibus aliis scientiis:

*Respondeo distinguendo majorem: Specificativum intrinsecum, concedo. extrinsecum, nego:* Objectum verò est tantum specificativum extrinsecum scientiæ, intrinsecum verò est ordo ad illud objectum, qui realis est. *Ad probationem majoris distinguo:* Quod tribuit realem differentiam per modum principii intrinseci, aut causæ, concedo: per modum objecti aut termini extrinsecè terminantis, nego: objectum autem specificativum non tribuit differentiam realem primo modo, sed tantum secundo, quatenus est id per habitudinem ad quod Logica differt ab aliis scientiis.

*Instabis.* Illa habitudo seu ordo ad objectum est

est realis, ergò & ipsum objectum debet esse reale. *Probaturs consequentia*: ordo realis debet esse ad terminum realem: objectum est terminus illius ordinis: ergò, &c.

*Respondedo negando consequentiam*, ad probationem respondeo maiorem esse veram de ordine seu relatione reali prædicamentali, non de transcendentali, qualis est ordo specificativus scientiæ. *Ratio disparitatis ex dicendis in prædicamento relationis est*, quia relatio prædicamentalis (quæ dicitur talis quia constituit illud speciale prædicamentum) est accidens rei superadditum, cuius totum esse est se habere ad terminum, quem subinde exposcit realiter existentem ut ipsa sit à parterei: relatio verò transcendentalis (quæ talis appellatur eo quod omnia transcendat & per omnia rerum genera divagetur) est duntaxat aliqua connotatio, seu ipsamet rei entitas ut connotans, aliquid extrinsecum sive existens à parterei, sive non.

*Obijcies 4.* Ens rationis non est scibile: ergò non est obiectum Logicæ quæ est scientia: *Antecedens probatur*: quod non est ens non est cognoscibile aut scibile, scibilitas enim & cognoscibilitas est proprietas entis, unde est illud effatum, *Quod non est, sciri non potest.* atqui ens rationis non est ens, saltem propriè & simpliciter: ergò non est scibile propriè & simpliciter loquendo.

*Re-*

*Respondeo negando antecedens: ad probationem respondeo quod ut aliquid sit simpliciter scibile, non requiritur quod sit ens simpliciter, sed sufficit quod sit ens secundum quid, habens proprietates de se demonstrabiles, quale est objectum Logicæ, de secundis enim intentionibus demonstrantur multæ affectiones & proprietates, ut patet ex dictis supra proleg. 3. concl. 1. Vide ibi.*

## PROLEGOMENON V.

*An Logica rectè dividatur penes diversas objecti partes, & intellectus operationes, ubi varia entis rationis afferuntur divisiones.*

**O**BJECTUM Logicæ demonstravimus esse ens rationis directivum operationum intellectus: cujus subinde diversæ partes diversis Logicæ partibus subjiciuntur. In quas verò partes hujusmodi ens rationis, & consequenter ipsa Logica dividatur, ut intelligas.

*Nota ens rationis in communi (quod ut diximus proleg. præcedenti) appellatur id quod habet tantum cognosci seu esse in intellectu objectivè, subindeque consistit in aliqua entitate ficta quam intellectus apprehendit in rebus, dum eas cognoscit aliter quàm in se sint, (ut fusius explicabitur in Metaphysica) dividit*  
*primò*

*primò in illud quod habet fundamentum in rebus ipsis*, ut est relatio Dei ad creaturas e. g. sine qua non possumus Deum ut Creatorem concipere; & *in illud quod absq̃ ullo fundamento & necessitate ad libitum efformat intellectus*, ut sunt chimææ & alia pura figmenta quibus omisiss

Ens rationis habens fundamentum in re subdividitur in Negationem ( sub qua comprehendo privationem ) & Relationem, *pro quo Nota*, negationem posse sumi duobus modis, *primò materialiter* prout est à parte rei mera carentia formæ, sive in subjecto inepto, qua ratione dicitur simplex negatio, sive in subjecto apto, quo modo appellatur privatio: *secundò formaliter*, prout à nobis concipitur instar cujusdam formæ positivæ, concipimus enim cæcitatem verb. gr. instar cujusdam qualitatis malè afficiētis oculum, tenebras & privationem lucis ad modum alicujus formæ nigræ in aere: & hoc posteriori modo accipitur, in præfata divisione. *Cujus sufficiencia ex eo convincitur*, quia nullum formari potest ens rationis cum fundamento in re, quod non reducatur ad negationem, vel ad relationem. Vel enim formatur concipiendo non ens seu aliquam negationem aliter quam sit; id est ad modum entis & alicujus positivī, & sic est negatio ut patet; vel concipiendo ens & aliquid positivum, aliter etiam quàm se habeat, puta cognoscendo ipsum in ordine ad aliud,

ad

ad quod à parte rei non ordinatur , ut cum concipimus Deum in ordine ad creaturas, animal in comparatione ad species , vel distinguendo per conceptū aut uniendo quod à parte rei non est distinctum aut unitum, sed idem, ut animal & rationale in homine; & hoc ens rationis semper est relatio . sive simplicis comparationis, ut in prioribus exemplis de Deo & de animali- sive distinctionis aut unionis, ut in aliis , nec unquam cogitur intellectus concipere aliquid positivū, aliter quam in se sit , subindeq; nec in ejus cognitione format, cum fundamento seu ex necessitate, ens rationis nisi referendo aliquo ex modis dictis aut similibus, ut attentè cōsideranti patebit; atq; adeò omne ens rationis tale erit relativum. Relicto autem ente rationis negativo:

*Ens relationis relativum seu relatio rationis subdividitur in eam, quæ fundatur immediate in ente reali in se spectato; & in eam quæ fundatur in ipso ut cognito, seu quod idem est in denominatione extrinseca petita ab actu intellectus; & in illam quæ fundatur in eo ut volito, seu per voluntatem ad aliquid deputatō, quod pariter idem est ac fundari in denominatione sumpta ab actu seu beneplacito voluntatis. Primi generis est relatio Creatoris ad creaturas e. g. cujus fundamentum est ipsamet Omnipotentia quā illas creavit, idē enim intellectus noster refert Deum ad crea-*

creaturas, quia Deus illas produxit. Secundi generis est relatio universalitatis seu genericitatis v. g. in animali respectu suorum inferiorum, cujus fundamentum est ipsum animal ut præcisum ab ipsis seu cognitum non cognitum illis, ideo enim animal fundatur & per actum subsequentem & reflexum suscipit relationem illam ad sua inferiora, quia prius ab illis abstractum fuit. Tertii denique generis est relatio vocis significativæ e. g. ad rem significatam, quæ fundatur in ipsa voce ut per voluntatem humanam instituta & deputata ad significandum, ideo siquidem intellectus noster refert hanc vocem, Leo, ad naturam rugibilem, quia homines decreverunt ut illam significaret. Omisissis relationibus rationis primi & tertii generis, quæ ad nostrum institutum non pertinent.

*Relatio rationis fundata in rebus ut cognitis, quæ hac de causa appellatur secunda intentio, ut præcedenti prolegomeno vidimus, dividitur in eam quæ fundatur & resultat in rebus ut cognitis per simplicem apprehensionem, qualis est v. g. relatio genericitatis in animali in quo resultat per actum quo simpliciter apprehenditur in ordine ad sua inferiora, & in illam quæ resultat in rebus per actum iudicii, ut relatio unionis inter prædicatum & subiectum, & illam denique, quæ per actum discursus, ut relatio antecedentis aut præmissarum ad conclusionem.*  
illa-



illatam. Et hæ sunt partes objecti logicæ seu entis rationis directivi operationum mentis, quod est idem ac secunda intentio, ut loco citato vidimus, quæ dicitur & est directiva intellectus, eò quòd per notitiam illius perficitur & instruitur mens in modo exercendi rectè & absque errore operationem illam ex quâ nata est quælibet hujusmodi intentio resultare. His positis

*Dico Logicam rectè dividi in tres partes juxta tres prædictas partes objecti formalis ipsius, seu tria genera secundarum intentionum directivarum trium mentis operationum ex quibus resultant: nec tamen sunt tres habitus etiam partiales, sed unus simplex.*

*Prima pars est per se evidens:* sicut enim una totalis facultas dividitur ab alia penes objectum totale diversum, ita diversæ partes ejusdem facultatis rectè secernuntur ab invicem penes diversa objecta partialia: igitur legitima erit Logicæ partitio penes illud triplex genus secundarum intentionum directivarum, primæ, secundæ, & tertiæ operationis. Vide dicenda initio cujusque partis.

*Secunda verò pars conclusionis probabitur in Metaphysica, ex eo quòd hujusmodi objecta partialia conveniant in una communi & simplici ratione formali, sub qua attinguntur à logica, ex quo sequitur ipsam esse unicum simplicemque habitum.*



# PRIMA PARS LOGICÆ.

*De Ente rationis directivo prima operationis  
intellectus.*

S E U

*De Pradicabilibus & Pradicamentis.*



PRIMA igitur pars Logicæ illud sibi explicandum vindicat *Ens rationis* *en* / *ve* *secundas intentiones*, quarum notitia dirigitur intellectus in prima sua operatione, *i. in simplici rerum apprehensione*, quæ tunc censetur directa, quando res simplices apprehenduntur, ut sunt in se, quod fit per definitionem & divisionem: ad definitionem verò & divisionem ordinantur prædicabilia & prædicamenta, ad eas enim necesse est nosse rationes genericas, específicas, differentiales, proprietates, accidentales, per quas res definitur aut dividitur: Quæ important duo, nempe  
iplas

ipsas secundas intentiones prædicabilium  
 generis, speciei & huiusmodi. & res ipsas seu  
 perfectiones reales prædicamentorum, sub-  
 stantiæ, quantitatis, qualitatis, & aliorum,  
 quæ subeunt illas intentiones & ab eis deno-  
 minantur. Unde de his in hac prima parte  
 acturi sumus, non quidem de definitione aut  
 divisione, de quibus ea quæ in prolegome-  
 nis parvæ logicæ prælibavimus, abundè suf-  
 ficient, sed aliis quæ ad ipsas ordinantur j. de  
 universalibus seu prædicabilibus, & de præ-  
 dicamentis quæ licet materialiter sint res ip-  
 sæ, de formali tamen important secundam  
 intentionem; cum nihil aliud sit prædica-  
 mentum quàm series seu coordinatio  
 ipsorum prædicabilium quæ fit  
 per intellectum.



G

IN



# IN ISAGOGEN Porphyrri.

De V. Vniuersalibus.

DISPUTATIO I.

*De Vniuersalibus in communi.*

SECTIO I.

*An dentur Vniuersalia in rebus.*



**V**NIVERSALE, quod generaliter loquendo nihil aliud est quam aliquid unum habens ordinem ad plura, solet diuidi in Vniuersale in causando, in significando, in essendo aut pradicando.

Vniuersale in causando dicitur qualibet causa communis, quæ scilicet una existens varios producit effectus, ut DEUS OPTIMUS MAXIMUS, Supernæ mentes, Orbes

Orbes cœlestes. *Universale in significando aut representando est vox aut conceptus communis, ut vox Homo, aut species ipsius in mente, quæ una existens representat aut significat plura, vel naturam pluribus communem. Universale verò in essendo aut prædicando est natura ipsa communis, quæ nimirum una cum sit, inest multis ( actu vel aptitudine ) & prædicatur de illis.* unde definitur communiter hoc universale. *unum in multis aptum prædicari de eis.* ut Animal, Homo, & hujusmodi. Differunt autem universale in essendo & in prædicando sicut essentia & proprietas; quia cum ex inesse sequatur dici aut prædicari, ex eo quòd universale sit unum in multis, sequitur tanquam propria passio ipsius quòd sit aptum prædicari de illis; & ideo modò per unum, modò per aliud definitur, cum hoc tamen discrimine, quòd definitio quæ datur per habitudinem ad essendum in multis cum dicitur universale esse unum aptum inesse pluribus, est essentialis, quæ verò per ordinem ad prædicandum assignatur dicendo universale esse unum aptum prædicari de multis, est solum descriptiva, siquidem datur per proprietatem. Hoc posito.

Non est quæstio de universalibus in causando, quæ absolute sunt res singulares, ut perspicuum est, nec ad institutum logicum spectant; neque de universalibus in signifi-

cando aut repræsentando, quæ sunt solum in vocibus aut conceptibus, quæ pariter singularia quædam sunt absolute: sed de universalibus in essendo sive prædicando j. de naturis communibus utrum scilicet reperiantur in rebus.

Negant Nominales, contententes sola nomina, aut conceptus formales (qui appellari possunt nomina interna ad differentiam externarum vocum) esse universalia, negantes correspondere ipsis conceptus obiectivos aut naturas communes in rebus, sed singularia duntaxat: propter quod, quia de singularibus nihil certò sciri aut demonstrari potest utpote contingentibus, fluxis, & mutabilibus, scientias à rebus omninò abstulerunt, secuti in hoc vestigia nonnullorū veterum, Heracliti scilicet & Cratyli, & totius gregis Epicureorū in eo solum dissidentes ab eis, quod illas de nominibus aut signis (quæ sola agnoscebant universalia, subindeque perpetua & necessaria) haberi posse concesserūt: ex quo Nominales dicti sunt, quod scilicet tantum tribuissent:

In altero extremo est sententia Platonis (si Aristoteli i. *Metap. c. 6.* ejus discipulo credamus) admittentis universalia à parte rei à singularibus separata, præsertim verò naturas específicas substantiarum quarum participatione individua habeant esse tanquam a veris principiis. Mediam autem viā sequendo,

*Dico*

Dico dari à parte rei universalia, non tamen à parte rei separata à singularibus sed in eis existentia.

Pro intelligentia adverte, universale, cum sit concretum quoddam, duo importare, unum de materiali, nempe rem ipsam aut naturam qua denominatur universalis: alterum de formali, scilicet universalitatem, qua est forma denominans. Hic agimus solum de universali, quoad materiale, sectione sequenti acturi de formali. Sensus igitur conclusionis est. prater vocabula aut conceptus formales dari à parte rei naturas aut conceptus obiectivos communes ipsis correspondentes, seu res qua denominantur universales; eas tamen non existere seorsim à singularibus, sed in iisdem.

Prima pars probatur contra Nominales. I. sic. Dantur conceptus & voces communes. ergò & res communes seu universales. Antecedens ultrò concedunt. Probatur consequentia: voces communes significant res: non significant res singulares, alias nullum esset discrimen inter vocem communem, puta hanc, Homo, & singularem ut Petrus: ergò significant res seu naturas communes. Respondebis, vocem communem significare non naturam communem sed omnia singularia, in quo differt à voce singulari quæ unicum duntaxat individuum significat. Contra, quia ista propositio esset falsa, Petrus est homo, sensus enim

esset, Petrus est omnia singularia humana.

2. Sic: Naturæ quæ non sunt secundum se & essentialiter singulares, sunt communes & universales; singulare enim & universale opponuntur: atqui dantur à parte rei naturæ quæ secundum se & sua prædicata essentialia non sunt singulares: ergo. Probat minor: illa non est secundum se singularis, quæ reperiri potest & de facto reperitur in multis, singulare enim est in uno tantum, sed natura humana v. g. reperitur in Petro, Paulo &c. ergo.

Tertio. Dantur scientiæ de rebus ipsis non de singularibus, cum sint contingentia: ergo de universalibus quæ sunt necessaria & perpetua, subindeque dantur illa in rebus. *Major probatur*, Physica enim v. g. de re ipsa significata per hoc nomen *Homo*, non verò de nomine illo demonstrat quod sit disciplinæ capax: & sic de aliis ergo.

*Secunda verò pars conclusionis, qua Platonicas ideas destruit, ostenditur* 1. Sic: Quod est de essentia rei, non est realiter separatum ab illa, alias idem esset realiter separatum à seipso: sed naturæ communes sunt de essentia singularium: ergo non sunt realiter separatae ab illis. *Patet minor*. Natura humana est natura communis: sed illa est de essentia singularium, Petrus enim est essentialiter homo, similiter Paulus & alii: ergo.

2. Quia



2. Quia illæ naturæ separatæ essent communes, ut vult Plato, & non essent communes, sed singulares, cum quælibet haberet suam propriam entitatem hanc numero distinctam à qualibet alia re: *quod confirmatur ex eo*, quod unaquæque facta esset per aliquam actionem certam & determinatam quæ non nisi ad aliquid determinatum subindeque singulare terminatur: ergò sententia Platonis contradictionem implicat.

*Obijcies.* Implicat naturam esse universalem, & non esse ab indiuiduis separatam: ergò vel non dantur naturæ universales à parte rei, contra primam partem conclusionis, vel illæ sunt à singularibus separatæ contra secundam *Probat*ur *antecedens* quidquid est in indiuiduis & singularibus, est singulare, utpote identificatum cum illis aut per illa contractum: ergò implicat quod aliqua natura sit universalis, & quod simul sit in indiuiduis, aliàs esset simul universalis & singularis.

*Respondeo negando antecedens, ad probationem respondeo*, dupliciter posse aliquid dici singulare, vel per se, vel per accidens. Singulare per se dicitur id quod in sua propria essentia & ratione formali includit singularitatem, ita ut nequeat intelligi sine illa, ut Petrus, Paulus. Singulare verò per accidens dicitur illud quod secundum se est aliquid commune, quia scilicet in sua ratione essentiali singularitatem non includit,

et, potestque sine illa intelligi, nihilominus ex conjunctione cum individujs & singularibus per accidens, & ratione illorum singularizatur, ut homo & quælibet alia natura communis. Hoc posito *respondetur ad illam probationem distinguendo antecedens*. Quidquid est in individujs est singulare, vel per se, vel per accidens, concedo: per se, nego: & nego consequentiam: ad probationem ibi subjunctam respondeo illam naturam esse universalem per se, & singularem per aliud aut per accidees, in quo nulla est implicancia.

### §. Unicus.

*Quomodo distinguantur Universalia à singularibus.*

CUM naturæ universales non existant separatae ab individujs, ut ostensum est contra Platonem, videndum restat an aliqua saltem ratione ab illis distinguantur. Pro quo

*Nota distinctionem aliquorum inter se aliam esse realem, aliam Rationis. Distinctio Realis est qua reperitur inter ea quorum unum à parte rei & ante opus intellectus non est aliud: quæ rursum est duplex, alia realis major, seu distinctio rei à re, qualis reperitur inter Petrum & Paulum, materiam & formam, & similia quorū*  
unum

unum differt ab alio sicut res à re; alia re-  
 ales minor, quæ dicitur etiam modalis aut forma-  
 lis, quæ videlicet intercedit inter rem & modum  
 puta inter corpus & ubi ipsius, inter Petrum  
 & ejus sessionem, vel inter modum & mo-  
 dum, ut inter sessionem & ubi (supponen-  
 do hæc esse & dici posse in aliquo sensu  
 modos, de quo disput. 9.) vel inter duas  
 formalitates, quarum una ante opus intel-  
 lectus non est alia, ut inter actualem inhæ-  
 rentiam accidentis & ejus existentiam quæ  
 sine illa habere potest, ut patet in mysterio  
 Eucharistiæ, vel inter subsistentiam & ex-  
 istentiam substantiæ, juxta opinionem quæ  
 eas distinguit ante opus intellectus, de quo  
 in Metaphysica. *Distinctio autem rationis est*  
*illa, quam facit intellectus inter ea quæ à*  
*parte rei sunt idem, separando ea per con-*  
*ceptum; Estque etiam duplex: alia quæ di-*  
*citur distinctio Rationis ratiocinantis, quæ est*  
*quando intellectus absque ullo fundamento di-*  
*stinguit, & diversis conceptibus cognoscit quæ à*  
*parte rei sunt idem, ut cum eundem Petrum*  
*distinguit in prædicatum & subiectum in*  
*hac propositione, Petrus est hic homo, Pe-*  
*trus est Petrus, alia, quæ appellatur distinctio*  
*Rationis ratiocinata seu virtualis, cui nimi-*  
*rum respondet aliquod fundamentum in re præ-*  
*bens occasionem intellectui, ut unam rem*  
*velut duas concipiat, quo pacto se habent*  
*miseriordia, & justitia, & alia attributa*

in Deo, quæ licet sint una simplicissima essentia, propter distinctos tamen effectus à nobis concipiuntur ut distinctæ perfectiones.

*Sed sciendum inter has distinctiones, Realem scilicet & Rationis, Scotum statuere quandam distinctionem mediam, quam vult esse minorem distinctione reali, & maiorem distinctione rationis. Quam hoc unico argumento cum ceteris Philosophis rejicio. Inter duo contradictoria nullum datur medium: atqui distinctio realis & distinctio rationis sunt duo membra contradictoriè opposita, aut certè contradictionem involventia, quæ dividunt distinctionem ut sic: ergò inter illas non datur ulla distinctio media. Probat un minor: distinctio quæ est ante omnem mentis operationem, & distinctio quæ non est ante omnem mentis operationem, sed beneficio illius, contradictionem inter se involvunt: atqui distinctio, quæ est ante omnem mentis operationem est realis, & distinctio quæ non est ante omnem mentis operationem sed illius duntaxat beneficio, est distinctio rationis: ergò Hic prælibatis.*

*Dico I. inter naturas Vniuersales & earum singularia nullam intercedere distinctionem ante operationem intellectus; nec generaliter loquendo inter naturam ullam superiorem & inferiori, puta inter substantiam, corpus, vivens, animal, hominem, & individuum, in eodem Pe-*

tro e.g. Hæc conclusio est contra Scotum, qui inter hos gradus ponit suam distinctionem mediam, ex cujus proinde refutatione jam à nobis facta delumi potest prima nostra probatio.

*Probatur verò insuper conclusio Ratione fundamentali supponendo ex dicendis in Physicapar. 4. disp. 1. sect. 3. Unam solum esse formam substantialem in quolibet composito, quæ ordine quodam tribuit ei omnes gradus metaphysicos, ita ut eadem anima rationalis in Petro e.g. quatenus est forma substantialis tribuat ei gradum genericum substantiæ, quatenus corporea (supple ut quo & in esse formæ, modo alias explicando, entitativè enim spiritalis est) præbeat ei gradum corporis; prout vivēs seu forma vegetativa, gradum viventis; prout sensitiva, gradum animalis; prout rationalis, gradum specificum hominis, prout hæc (per ordinem ad hanc numero materiam sigillatam quantitatē, de quo in Metaphysica) rationem individualē talis hominis seu Petri: Ex quo sic argumentor*  
 Eo modo distinguuntur in uno & eodem individuo illi gradus seu naturæ universales ab inferioribus, quo distinguuntur in forma tribuente eos: atqui in formā non distinguuntur ante operationem intellectus: ergò. *Major est evidens, cum enim effectus formalis alicujus formæ nihil aliud sit quam ipsa forma ut communicata, nulla est distinctio in esse-*

effectibus formalibus nisi quæ reperitur in forma aut formis tribuētibus illos subjecto: hujusmodi autem gradus nihil aliud sunt quam effectus formales formæ substantialis quæ ut dixi prout est præcisè forma substantialis & differt ab accidentali, dat esse substantiale, prout &c. *Minor verò probatur*: quia jam nō esset unica forma sed totidem distinctæ tanquam res à re quor gradus: hoc autem est omninō falsum, ut loco suprā citato ostendetur: ergo. *Probaturs sequela majoris*, nā quilibet gradus formæ est forma ipsa, gradus substantialis in ipsa est ipsamet in quantum substantialis & sic de aliis: ergo si illi gradus distinguantur ante omnem mentis operationem, distinguuntur ipsæ formæ; & cum aliunde quælibet forma sit res quædam, distinguuntur sicut res & res.

*Dico 2. naturas universales distinguuntur virtualiter, seu distinctione rationis ratiocinata à singularibus, & idem dico de distinctione graduum genericorum à specificis, aut à differentiis.*

*Ratio est evidens*: diversa enim principia à quibus radicaliter sumuntur natura specifica & singularitas, nempe forma & materia signata; item diversæ perfectiones aut operationes propriæ vel communes, quæ procedunt aut exercentur ab uno & eodem individuo, putà Petro, sufficientissimum præbent intellectui fundamentum distinguendi in ipso diversos gradus & conceptus  
 obje-

objectivos, puta gradum substantiæ quatenus videt ipsum per se subsistere, quod habet commune cum Angelis; corporis, quatenus cernit in ipso quantitatem & extensionem, in quo convenit cum lapide; viventis, prout in illo deprehendit operationes vegetandi communes ipsi cum plantis, animalis, quatenus videt ipsum sentire cum brutis; hominis aut rationalis, prout videt ipsum discurrere, quod est ipsi commune cum aliis similibus individuis. Quæ distinctio virtualis seu rationis ratiocinata sufficit ut hi gradus aut conceptus objectivi explicari queant diversis definitionibus, quæ sunt inadæquatæ sicut & ipsi conceptus; item ut de eis verificentur contradictoria, puta quod natura humana in Petro sit ratio conveniendi cum aliis, Petreitas non sit ratio conveniendi sed differendi ab illis: & sic de aliis.

## SECTION II.

*An Natura sint formaliter Vniuersales  
ante opus intellectus.*

**D**ICO. Quamvis natura, quæ denominantur Vniuersales, sint à parte rei, prout superiori sectione statuimus, non tamen sunt aut de-

*nominantur formaliter universales à parte rei, sed solum per intellectum. Quod est universale esse à parte rei solum quoad materiale, non verò quoad formale seu quoad universalitatem quæ est forma constitutiva universalis. Est contra Scotum, Scotistas, & alios nonnullos.*

*Probatur:* quia in triplici tantum statu potest natura considerari: *vel secundum se*, prout importat solum sua prædicata essentialia, aut proprias passionibus: *vel ut est in individuis*, prout importat nedum prædicata essentialia & proprietates, sed etiam singularitatem, existentiam, & accidentia realia quæ illi in eo statu conveniunt: *vel tandem in intellectu*, prout importat quedam accidentia rationis quæ ipsi per operationem illius attribuuntur, quatenus ab eo cognoscitur aliter quam sit, puta ut præcisa à suis inferioribus, ut ordinata seu relata ad illa. Quidquid ergo convenit naturæ, vel convenit ipsi secundum se, vel ut est in individuis, vel ut est in intellectu: sed universalitas seu unitas & aptitudo ad essendum in multis (in quibus universalitas consistit) non competit naturæ secundum se, nec ut est in individuis: ergo tantum ut est in intellectu. *Probatur minor & in primis* quod universalitas non conveniat naturæ in secundo statu, seu ut est in individuis, res est evidens, cum ut talis sit singularis & incommunicabilis, quod universalitati repugnat: quòd verò nõ competit



petat illi secundum se & in priori statu, de quo est difficultas, probatur etiam facile. Quia naturæ secundum se conveniunt tantum sua prædicata essentialia & proprietates quæ essentialiam ut sic consequuntur: sed universalitas nec est prædicatum essentialiale, nec proprietas naturæ: ergo. *Probatur minor*, & primo quod non sit prædicatum essentialiale, est per se notum. neque enim in conceptu aut definitione essentiali naturæ humanæ, v. g. importatur universalitas seu aptitudo ad essendum in multis. Quod verò nec sit proprietas ejus probatur hac ratione quæ convincit à fortiori non esse prædicatum essentialiale, quia scilicet alias conveniret etiam inferioribus ejus, ut patet de risibilibus quæ ideo convenit Petro, Paulo, & aliis, quia convenit homini secundum se tanquam proprietas: ergo si universalitas pariter esset proprietas ejus, conveniret etiam illis, & sic Petrus, aut natura per Petreitatem contracta diceretur universalis, quod implicat eum ut talis sit singularis & incommunicabilis.

*Totus hic discursus potest sub hac etiam forma proponi.* Quidquid convenit naturæ, vel est de essentia ejus aut proprietas, vel est accidens reale, vel accidens rationis: universalitas nec est de essentia naturæ aut ejus proprietas, alias comitaretur eam in omni statu, etiam contractionis; nec est accidens reale illius, cum accidens reale conveniat per se primo indi-

individuis, naturæ vero communi non nisi ratione individuorum, ex opposito proprietatis: ergo est accidens rationis quod intendimus.

*Respondebis universalitatem esse proprietatem convenientem naturæ secundum se, non absolute & simpliciter, sicut risibilitas ipsi competit quæ propterea descendit in individua, sed reduplicativè ut præcisæ seu distinctæ ante omnem mentis operationem à differentiis contrahentibus, distinctione vel actuali juxta Scotum, vel saltem virtuali juxta alios nonnullos, sub hac enim consideratione videtur naturæ esse una, utpote non importans differentias ipsam dividentes & multiplicantes, & apta inesse multis, cum ut talis non sit determinata ad unum, sed indifferens: unde non sequitur universalitatem illam comitari naturam in omni statu etiam contractionis ad individua, cum conveniat ei solum ut distinctæ & præcisæ, subindèque ut non contractæ.*

*Sed contra:* Quia naturæ ut contractæ per differentias est eadem realiter ac naturæ ut ab illis abstracta vel distincta sive actualiter (dato quod admitteretur distinctio illa media Scoti inter naturam communem & differentias contrahentes, quam sectione præcedenti eliminavimus) sive virtualiter, illa enim diversa consideratio aut reduplicatio non variat ipsam naturam à parte rei: ergo si universalitas competeret illi à parte rei ut distinctæ, factua-

actualiter à differentiis, vel ut virtualiter prævenit ipsas, conveniret etiam (realiter loquendo, licet non formaliter reduplicativè) eidem contractæ & conjunctæ cum illis.

*Confirmatur conclusio, & impugnatur magis responsio adversariorum.* Quamvis enim natura secundum se sit una & apta ad essendum in multis *unitate & aptitudine negativâ*, quatenus secundum se non est divisa nec determinata ad unum, sed indifferens? *non tamen unitate & aptitudine positivâ*, quasi secundum se id habeat quod indivisa & immultiplicata manens possit simul reperiri in pluribus: atqui de ratione universalis est esse unum aptum inesse multis hoc secundo modo, & non primo tantum, ergo natura non est secundum se universalis. *Minor est evidens*, sicut enim de ratione universalis in causando aut repræsentando est quod unum existens natum sit causare aut repræsentare plura: ita de ratione universalis in essendo, de quo hic agimus, est quod unum & indivisum manens natum sit inesse multis, in quo consistit unitas & aptitudo positiva. *Major* verò præterquam quod jam probata est ab inconvenienti quod sequeretur, videlicet quod si unitas illa & aptitudo conveniret naturæ secundum se, competere etiam ei ut contractæ ad individua, juxta illud, quod convenit naturæ secundum se, convenit ipsi in omni statu, (quod ut dicemus in antepredicamentis intelligitur de prædi-

prædicatis realibus & positivis, non de negativis, unde non concludit naturam, ex eo quod secundum se sit negativè una & apta inesse multis. j. non divisa, & non determinata ad unum, debere esse talem etiam prout est contracta :) præter hoc, inquam *probat* sic: Natura non est apta inesse multis eadem & indivisa manens, etiam secundum gradum specificum aut genericum, (nam de individuali suppono id esse proprium naturæ Divinæ quod videlicet eadem numero reperiatur in tribus suppositis,) si totidem multiplicentur realiter naturæ specificæ aut genericæ, quot inferiora ipsarum: atqui sic est: ergo. *Probat* minor duorum enim realiter indistinctorum multiplicato uno multiplicatur & aliud, loquendo de rebus creatis & finitis (quod addo propter divinam naturam quæ ob suam infinitatem & fecunditatem est eadem, & non multiplicata in tribus personis à quibus tamen non distinguitur nisi virtualiter :) atqui natura humana v.g. natura animalis & quælibet alia natura communis non distinguitur realiter à suis inferioribus aut differentiis ipsam contrahentibus, *ut* §. superiori ostensum est, ergo sicut illa multiplicantur, ita & ipsa natura realiter multiplicabitur & dividetur in eis.

*Supere*st igitur universalitatem competere naturæ in tertio tantum statu, scilicet prout est obiectivè in intellectu: ibi enim sortitur unitatem  
& ap-

& aptitudinem quæ sunt de ratione universalitatis, unitatem quidem, quatenus præscinditur à differentiis eam dividētib; & multiplicātib; , hoc est cognoscitur non cognitis illis, unitatem verò cum habitudine ad inferiora, quatenus juxta dicenda §. seq. comparatur ad illa ut uniformiter participabilis ab ipsis, seu ut apta inesse eis eadem & indivisa per intellectum manens. Horum autem fundamentum est unitas formalis quam habet natura à parte rei & inferioribus, ut in sequentibus constabit: illa enim est quæ intellectui occasionem præbet præscindendæ naturam ab hujusmodi inferioribus, eamque concipiendi ut unam cum aptitudine ad essendum in illis.

*Obijctes* 1. Universale est unum aptum inesse multis: natura ex se & ante omnem mentis operationem est una apta inesse multis: ergo ex se ante omne opus intellectus est universalis. *Probat*ur minor dupliciter: primo, quia secundum se & sua prædicata essentialia non est divisa aut plures, ergo una; *Item*, ut talis non est determinata ad unum aliquod particulare, ergo indifferens & apta ad essendum in multis.

*Secundo*, Quia ab actu ad potentiam seu aptitudinem valet consequentia: natura autem ante omnem operationem intellectus est actu in multis una & eadem: ergo à fortiori ante omnem mentis operationem est apta ut sit in illis.

illis eadem manens. *Probatur minor*: unitas idem est ac indivisum, natura humana est indivisa, licet non materialiter, saltem formaliter in suis inferioribus, cum in eis non dividatur per differentias formales, sed tantum materiales, ergo.

*Respondeo negando minorem simpliciter. Ad primam probationem distinguo* utramque consequentiam, Est una & apta, *simpliciter*, id est unitate & aptitudine positiva, nego: *secundum quid*, id est negativā, concedo, sed hæc non sufficit ut sit & dicatur universalis nisi etiam secundum quid seu negativē. Ad secundam verò probationem ut respondeatur adverte unitatem, quantum attinet ad propositum, aliam esse formalem, aliam materialem. Unitas formalis est ipsa natura ut carens divisione formali. j. divisione causata per differentias essentielles, sive sint genericæ, & dicitur unitas formalis generica, qualis est unitas animalis, in homine, leone, & aliis, sive specificæ, & dicitur unitas formalis specifica, qualis est unitas naturæ humanæ in Petro, & Paulo, & cæteris, unitas verò materialis est eadem natura ut carens divisione etiam materiali. j. per differentias materiales & individuales causatā, qualis est unitas naturæ humanæ in Petro in quo nullo modo dividitur etiam materialiter. Quas unitates constat in primis esse à parte rei, cum nihil aliud sint quam ipsæ naturæ, genericæ aut specificæ & individualis, ut indi-

indivisa: secundò non esse realiter inter se distinctas, sicut nec huiusmodi naturas aut gradus cum in eodem supposito attenduntur, sed tantum virtualiter, juxta dicta §. præced. Tertiò illud quod est unum unitatè tantum formali non esse unum simpliciter, cum compariatur realem divisionem. *Ex quo in forma nego simpliciter minorem illius secunda probationis: ad probationem distinguo minorem, natura humana est indivisa, simpliciter nego, imò est simpliciter divisa ratione differentiarum individualium eam realiter dividantium & multiplicantium. Est indivisa secundum quid, & cum addito j. in divisione formali concedo.*

*Instabis.* Ratio univoca & quæ definitur unâ & eadem planè definitione, dicitur una simpliciter & indivisa: atqui natura humana in Petro, Paulo, & aliis est huiusmodi: ergo est una simpliciter & indivisa in illis secundum gradum specificum. Et idem argumentum fieri potest de natura generica animalis, & similibus.

*Respondeo* dici unam simpliciter non prout est à parte rei, sed prout est in intellectu, quæ ratione est univoca & definitur unica definitione. *Dices,* Est univoca & definitur unica definitione secundum quod est à parte rei: ergo à parte rei est una & eadem simpliciter secundum illum gradum qui definitur. *Distinguo* antecedens, si ly secundum reduplicet rationem quæ definitur aut dicitur univoca, conce-

concedo: si rationem, aut conditionem à qua id habet, nego. Id enim quod unica definitione definitur, aut dicitur univocum, est natura ipsa: id verò unde hoc habet, vel conditio sine qua non, est unitas quam sortitur in intellectu præscindente, quæ propterea unitas præcisionis solet appellari.

*Obijcies 2.* Posito uno relativo ponitur & aliud ipsi correlatum, sunt enim simul naturæ, ut trademus disp. de relat. Atqui particulare & universale sunt correlativa. ergo posito particulari, ponitur universale: sed istud est ante omnem mentis operationem: ergo & istud.

*Respondeo, concesso toto primo syllogismo, distinguendo Minorem subsumptam: & Consequens, concedendo particulare esse ante omnem mentis operationem quoad materiale, id est, quoad naturam ipsam quæ particularis denominatur, & similiter universalis, negando verò de utroque quantum ad formale, qui est respectus seu habitudo naturæ inferioris, aut minus latè patentis ad latius patentem & superiorem, aut è contra, quæ habitudo seu relatio non est realis ut constat, cum naturæ illæ si in iisdem suppositis attendantur, sint realiter idem. Unde etiam cum res dividuntur in particulares & universales, intelligenda est divisio de universalibus & particularibus materialiter.*

*Dices:* Natura superior, v.g. humana non est



est ex se singularis formaliter; ergo est formaliter universalis. Nego consequentiam, datur enim medium, nempe universale materialiter, seu quod in idem redit, Universale negativè, quod est ipsa natura prout secundum se non est determinata ad unum, sed indifferens ut determinetur & contrahatur, vel positivè & formaliter universalis fiat.

*Objicies 3.* Objecta scientiarum realium, ut Physicæ, & similia sunt à parte rei: sed illa sunt universalia: ergo.

*Respondeo* esse universalia materialiter, scientiæ enim illæ sunt de naturis ipsis quæ universalitati subternuntur, non verò de ipsa universalitate cujus consideratio ad solam Logicam pertinet, ac subinde debet esse secunda intentio & ens rationis.

## §. I.

*Per quam operationem Natura fiat formaliter Universalis.*

**R**ELINQUITUR ergo Universale quoad formale, seu quoad unitatem & aptitudinem positivam ad existendum in multis, non esse à parte rei, sed solum per intellectum. Modò resolvendum est per quam illius operationem fiat: & est difficultas de tribus, nempe de abstractione intellectus agentis.

ris, de abstractione seu præcisiva cognitione intellectus possibilis, & de cognitione comparativa ejusdem. Quod ut intelligas.

Adverte hunc esse processum nostrarum cognitionum. Inprimis enim, cum nihil sit in intellectu quod prius non fuerit in sensu, necesse est ad hoc ut intellectus valeat aliquod objectum cognoscere, puta naturam humanam, quod prius speciem ejus acceperit mediis sensibus, ita ut primum omnium necesse sit aliquod vel aliqua illius naturæ singularia obijci sensibus externis, quibus species sui repræsentativas imprimant, v. g. quod Petrus obijciatur oculo, & in eum sui similitudinem immittat, quæ dicitur species impressa, qua fecundatus oculus visionem elicit circa hujusmodi objectum. Ex vi autem hujus visionis & speciei in oculo receptæ, aut illa mediante imprimit objectum aliam speciem sensui communi. & aliam deinde phantasiam, quæ repræsentat adhuc objectum mere materiale. j. cum omnibus suis conditionibus individualibus & materialibus, V. G. Petrum ut affectum tali vel tali colore, & similibus, ideoque species illa in phantasia recepta est maximè materialis, & hac de causa non potest ad intellectum possibilem transire, aut aliam sibi similem in illo producere, utpote qui sit potentia spiritualis, subindèque incapax accidentis sensibilis & materialis, qualis est illa species.

Ne tamen intellectus Patibilis careret speciebus ad intellectionem omnino necessariis, sed illas posset à phantasia recipere, indidit nobis natura provida aliam facultatem, quæ dicitur intellectus Agens, qui ex phantasmatibus, seu ex speciebus in phantasia residentibus naturalque individuales representantibus eliciat & abstrahat alias species spiritualiores representantes solam naturam communem absque individuis & materialibus conditionibus, easque immitat & imprimat intellectui patibili, qui ideo talis appellatur, quia huiusmodi species recipit, (recipere enim, *ut ait Aristoteles*, est quoddam pati.) diciturque etiam possibilis, eo quod possibiliter sit omnia beneficio illarum specierum; cum enim sint formales similitudines rerum, seu res ipsæ in esse intelligibili, per receptionem earum dici potest fieri res ipsæ, ut etiam tradit Aristoteles dicens. *lib. 3. de anima. intellectum intelligendo fieri omnia*: Alter verò dicitur intellectus Agens, quia producit huiusmodi species in intellectu patibili. *Sed de his plura in libris de anima.*

Intellectus verò Possibilis specie illa representante naturam communem fecundatus potest dupliciter ferri in huiusmodi naturam: *primò directe cognoscendo eam secundum sua predicata essentialia, non cognoscendo singularia, sed ab ipsis præscedendo: secundo reflexè,*

H

quatenus

quatenus postquam præscindit per unum actum naturam à suis inferioribus, per alium subsequentem cognoscit eandem in ordine ad illa inferiora ut aptam inesse ipsis & prædicari de eis. His positis.

*Actio intellectus agentis, quâ producit & à phantasmatibus abstrahit speciem representantem solam naturam, non representatis, directe saltem, inferioribus, dicitur abstractio intellectus agentis, quia in esse representativo separat & abstrahit naturam à singularibus. Actio intellectus possibilis, quâ per speciem illam in se receptam cognoscit naturam non cognitis inferioribus, appellatur cognitio præcisiva seu abstractio intellectus possibilis, quia scilicet separat in cognoscendo, & præscindit naturam ab inferioribus, quatenus eam cognoscit non cognitis illis. Denique illa actio quâ idem intellectus naturam sic præcisam cognoscit rursum in ordine ad inferiora ut aptam inesse illis & prædicari de ipsis, dicitur cognitio reflexa & comparativa: reflexa quidem, quia versatur circa naturam iam cognitam & præcisam per actum præcedentem: comparativa vero, quia non attingit illam absolute & secundum se præcisè, sed respectivè & comparativè ad inferiora.*

*Hæc autem comparatio dupliciter fieri potest: primò simpliciter apprehendendo naturam in ordine ad sua inferiora ut aptam prædicari de illis, non affirmando aut prædicando eam actualiter de ipsis*

ipsis; & hac appellatur comparatio simplex: secundo predicando actu, & hac dicitur comparatio composita. De his ergo actionibus procedit questio, per quam illarum natura fiat formaliter universalis. Pro resolutione.

Dico naturam non fieri universalem formaliter per abstractionem intellectus agentis, nec etiam per præcisionem intellectus possibilis, sed per comparationem duntaxat simplicem. Primum pars est contra Scotum, secunda contra Toletum & alios, tertia est communiter Thomistarum.

Probatur: per illam operationem natura fit formaliter universalis, per quam ipsi attribuitur unitas & aptitudo positiva ad essendum in multis, atqui nec per abstractionem intellectus agentis, nec per præcisionem intellectus possibilis, sed per solam cognitionem comparativam attribuitur illi huiusmodi unitas & aptitudo positiva: ergo. Maior est evidens ex dictis supra, ubi ostendimus universalitatem consistere in unitate illa & aptitudine aut ordine positivo ad inferiora. Minor verò probatur: per illam operationem attribuitur naturæ unitas & habitudo positiva ad inferiora, per quam apprehenditur in illa, cum enim non conveniat ipsi a parte rei, sed solum per intellectum, ut supra ostensum est, totum esse eius est apprehendi seu obijci intellectui: atqui non apprehenditur

henditur in natura unitas hujusmodi & habitudo positiva ad inferiora, nisi per cognitionem comparativam: ergo per illam ipsi attribuitur, non per alias. *Probatur minor*: & primò de abstractione intellectus agentis res est nimis evidens, hujusmodi enim abstractio non est cognitio (cum ipse intellectus agens non sit potentia cognoscitiva, *ut suppono ex dicendis lib. 3. de anima*) sed est aliqua alia actio ibi explicanda, qua speciem intelligibilem à phantasmatibus abstrahit; ergo per illam abstractionem non apprehendimus aut cognoscimus in natura unitatem illam & positivam habitudinem ad inferiora. De abstractione verò intellectus possibilis, facile etiam probatur: quamvis enim per illam apprehendatur natura ut una, quatenus per eam cognoscitur sine inferioribus aut differentiis ipsam dividentibus & multiplicantibus, non tamen ut una apta inesse multis, in qua unitate conjuncta cum hujusmodi positiva aptitudine aut ordine consistit formaliter universalitas: ergo per hujusmodi abstractionem non apprehenditur in natura unitas & aptitudo propria universalis. *Probatur antecedens*: per illam operationem non cognoscitur natura ut una positivè apta inesse multis, per quam cognoscitur sine illis: atqui per abstractionem intellectus possibilis cognoscitur natura sine inferioribus, idè enim dicitur abstractio seu præcisio naturæ, quia est cogni-

cognitio ipsius præcisè non cognitis ejus inferioribus: ergo per illam non apprehenditur in natura unitas illa cum habitudine ad inferiora, sed solum per cognitionem comparativam, quæ ideo talis dicitur quia per illam non cognoscitur natura absolutè, sicut per præcisivam, sed comparativè & per respectum ad inferiora, seu ut relata ad illa.

*Confirmatur & explicatur:* Universale est unum cum habitudine & ordine ad multa quibus inest aut inesse potest: ergo per illam actionem fit universale, per quam cognoscitur natura ut una, non quomocunque, sed cum ordine illo ad multa: atqui illa est actio comparativa, ut constat ex ipsis terminis: ergo per illam solam fit universale. *Declaratur magis, & urgetur ratio:* Universale formalissimè dicit respectum seu relationem ad inferiora, ut constat ex ejus definitione: non relationem realem, cum natura non distinguatur realiter à suis inferioribus, quæ esset conditio requisita ut realiter diceretur referri ad illa: erga rationis: atqui relatio rationis non fit nisi per cognitionem comparativam; ergo nec universale aut universalitas fit nisi per illam: non quidem per compositam, quæ est actualis prædicatio, subindeque supponit jam universale seu prædicabile factum; sed per simplicem, quæ comparat superius ad inferiora ut unum quid aptum inesse illis, ac de eis

prædicari, sicque facit prædicabile; comparatio verò composita seu actualis prædicatio facit prædicatum.

*Pro Majori verò dictorum dicendorumque intelligentia, & objectionum solutione, diligenter distingue inter Vniuersale fundamentaliter, quod est natura cui ab intellectu applicatur universalitas: & Vniuersale formaliter, quod est eadem natura ut affecta illa universalitate: item inter Vniuersale fundamentaliter remote, quod supra appellauimus universale materialiter, quod est ipsa natura à parte rei quatenus est una unitate formali, seu non diuisa formaliter aut essentialiter in suis inferioribus; & Vniuersale fundamentaliter proxime, quod est eadem natura ut abstracta ab inferioribus, ipsi enim ut tali proximè & immediatè attribuitur aut applicatur universalitas: & istud solet appellari universale metaphysicum, eo quod Metaphysicæ maximè & veluti per antonomasiam competat considerare rationes abstractas: universale verò formaliter dicitur universale Logicum, quia ad Logicæ considerationem per se spectat, cum de formali sit relatio rationis & secunda intentio. Hoc posito.*

*Ad Obiecta.* Tunc natura est universalis quando est denudata à conditionibus singularibus: atqui per abstractionem intellectus agentis aut possibilis denudatur ab illis: ergo. *Probatur minor:* tunc natura est

univer-



universalis per intellectum, quando in illo habet eas conditiones, cum quibus esset: universalis à parte rei si illas à parte rei haberet: atqui si à parte rei naturæ esset abstracta & separata ab individuis, ut finge-  
bat Plato, hoc ipso esset universalis: ergo erit universalis per intellectum hoc ipso quod erit præcisa & abstracta per illum.

*Respondeo negando maiorem: ad probationem concessa maiore, ad minorem respondendo, nego naturam fore universalem à parte rei hoc ipso præcise quòd esset separata realiter ab individuis, sed quòd sic separata haberet ordinem realem quo uniformiter respiceret illa: unde similiter ad Consequentiam respondeo non fore naturam universalem per intellectum hoc ipso præcise quòd per illum erit abstracta, sed quòd sic abstractæ communicabitur relatio rationis seu positivus ordo ad inferiora, quòd non fit nisi per actum comparativum super-  
venientem.*

*Dices: quare natura realiter separata haberet hoc ipso ordinem realem ad inferiora, separata verò per intellectum non habet hoc ipso ordinem rationis ad illa, sed requiritur alia ratio comparativa? Respondeo, quia existens realiter separata esset ex sua natura participabilis ab inferioribus; separata verò per præcisionem intellectus non intelligitur hoc ipso ut participabilis positivè, sed*

tantum per cognitionem comparativam.

*Instabis*: hoc ipso quod est abstracta à singularibus non est singularis; ergo communis & indifferens ac participabilis ab inferioribus: ergo universalis.

Respondeo concessio antecedente distinguendo primum consequens: Ergo communis, indifferens, participabilis, *negativè*, concedo: *positivè*, nego. Et similiter distinguo secundum consequens, concedendo de universali *negativè*, non *positivè*, ( *qua distinctio explicata est §. præced.* ) vel etiam de universali fundamentaliter, non formaliter.

*Urgebis*: quod non est formaliter singulare est formaliter universale: natura ut præcisa non est formaliter singularis: ergo. *Ad hoc negatur major*, datur enim medium ut diximus §. sup. nempe universale fundamentaliter tum remotè ( *de quo ibi sub nomine universalis materialiter* ) tum proximè qualis est natura præcisa.

*Dices*: posito fundamento proximo resultat ratio, ut patet de relationibus realibus, posita enim generatione, quæ est fundamentum paternitatis, resultat in homine generante paternitas: sed per actum præcisionis, ut nos volumus, natura sit proximum fundamentum relationis universalitatis: ergo per eundem resultat huiusmodi ratio.

*Respondeo distinguendo maiorem*: Posito fundamento

*damiento proximo & simul termino, concedo: fundamento tantum, nego.* Quantumvis enim poneretur generatio activa ex parte parentum, si non poneretur passiva seu entitas filii producta, nunquam resultaret relatio paternitatis. Per actionem vero præcisivam ponitur tantum fundamentum proximum relationis universalis, non terminus, j. inferiora quæ per illam non attinguntur, sed solum per comparativam. *Vnde in forma distinguo minorem:* Ponitur fundamentum proximum, tantum, cōcedo: fundamentum simul & terminus, nego: & nego pariter consequentiam.

§. 2.

### *Quotuplex sit Vniversale.*

**S**ERMO est semper de universali formaliter seu logico. *Pro resolutione.*

Dico, quinque esse universalia seu predicabilia, scilicet Genus, Differentiam, Speciem, Proprium, & Accidens: nec plura nec pauciora.

*Probatur:* Universale est unum in multis: ergo tot erunt universalia, quot modis contingit unum esse in multis: sed quinque tantum modis potest unum inesse multis: ergo tantum quinque erunt universalia. *Antecedens & prima consequentia*

H 5

patenti:

*patent: minor autem subsumpta probatur: Quod* inest multis, vel est in illis ut aliquid essentialle, vel ut aliquid accidentale: atqui tribus tantum modis potest aliquid inesse multis ut quid essentialle, duobus vero ut quid accidentale: ergo. *Probatur minor: Quod* inest multis ut aliquid essentialle, vel inest eis ut pars essentialle, vel ut tota & completa essentia: si ut pars, vel potentialis & contrahibilis, & sic constituitur genus, ut animal quod est pars hominis contrahibilis per rationale; vel actualis & perfectiva contrahensque partem potentialem, & sic constituitur differentia, ut rationale quod contrahit & perficit animal: si ut tota essentia ex parte illa potentiali & actuali coalita, sic constituitur species, ut Homo. Quod autem inest multis ut aliquid eis accidentale, vel inest necessario, & convertitur cum essentia illorum, quamvis sit extra ipsam, & illud est proprium, ut risibile respectu hominis; vel ut aliquid mere contingens quod potest abesse & adesse, & istud est accidens quantum prædicabile, ut esse album respectu hominis vel parietis. Nullus vero est alius modus quo aliquid unum sit aptum inesse multis, quæ erat minor probanda.

*Probari potest secundo conclusio eodem plane modo ex ratione prædicabilis, quæ est proprietas universalis, sic: Prædicabile est unum aptum prædicari de multis: ergo tot erunt prædicabilia quot modis poterit unum prædicari de multis:*

multis: atqui quinque tantum modis potest unum prædicari de multis: ergo. *Probatur minor:* Quod prædicatur de multis vel prædicatur essentialiter vel accidentaliter: si essentialiter, tribus tantum modis, nempe vel ut pars potentialis, vel ut pars actualis, vel ut tota essentia; si accidentaliter, duobus modis, vel necessario & convertibiliter. vel mere contingenter: Ergo &c.

*Ex quibus habes primò* Universale ut sic prius dividendum esse in essentialia & accidentalia: postmodum essentialia subdividendum esse in genus, differentiam, & speciem: accidentale verò in proprium & accedens.

*Habes secundo solutionem obiectionum qua fieri possunt contra conclusionem.*

*Obijcitur enim:* Omne universale vel inest multis essentialiter, vel accidentaliter: ergo universale adæquatè dividitur in duas tantum species.

*Ad quod respondendum est ex dictis concesso antecedente distinguendo consequens:* Dividitur adæquatè in duas species subalternas, id est subdivisibiles in alias, *concedo:* infimas & atomas. *nego.* Universale enim essentialia subdividitur in genus, differentiam, & speciem: accidentale in proprium & accedens; subindèque quinque erunt species atomæ universalis ut sic.

*Instas:* ex hac solutione sequitur fore

multò plura universalia, nam genus subdividitur in supremum, subalternum & infimum: differentia pariter in infimam & subalternam: & idem proportionaliter dicendum de cæteris, ut constat.

*Respondeo negando illam sequelam, ad probationem respondeo* illud esse verum de genere materialiter aut metaphysicè sumpto seu primo-intentionaliter pro gradu seu natura quæ subest genereitati; non verò de genere sumpto formaliter & logicè seu secundo. intentionaliter pro ipsa genereitate quæ gradui supremo subalterno, & infimo competat diversus modus essendi in multis aut prædicandi de illis. Genus enim supremum, subalternum, & infimum in eodem planè modo essendi aut prædicandi conveniunt, nempe per modum partis potentialis. Idem proportionaliter respondeo de differentia subalterna & infima, & de aliis.

*Dices:* sunt decem prædicamenta: ergo decem prædicabilia.

*Respond. o negando consequentiam;* aliunde enim sumitur numerus prædicabilium, nempe ex diverso modo essendi in inferioribus, ut ostensum est; aliunde prædicamentorum, videlicet ex diverso modo essendi in primâ substantia aut prædicandi de ea ut latius explicabitur in Antepædicamentis dum de prædicamentorum numero agemus.

*Vtrum Vniuersale sit genus respectu Quinque  
Pradicabilium.*

**D**ICO Vniuersale esse Genus ad quinque  
pradicabilia, subindeq; diuisio Vniuersalis  
in illa quinque membra est diuisio generis in spe-  
cies.

*Probatnr.* Genus est quod prædicatur de  
pluribus specie differentibus, in quid, ut infra  
explicabimus : sed universale prædicatur in  
quid de genere, differentia, specie, proprio,  
& accidente, tanquam de membris specie in-  
ter se differentibus. ergo universale est genus  
respectu illorum. *Probatnr minor :* In primis,  
quod differant specie ab invicem in ratione  
universalis, constat ex precedenti §. siquidem  
habent diversum modum essendi in multis  
& prædicandi de illis, ut ibi ostensum est : quod  
autem universale prædicetur de illis in quid,  
etiam patet, inquirenti enim quid sit genus,  
rectè responderetur esse universale, & simili-  
ter de aliis: ergo.

*Nec refert si dicas* genus debere univocè &  
æqualiter cōvenire suis speciebus, universa-  
le autem non videtur æqualiter dici de illis  
quinque aut univocè ipsis competere, ergo  
non erit genus respectu illorum. *Pro-  
batnr minor :* nam quod inest multis ut essen-  
tiale, perfectioni modo videtur esse univer-  
sale

sale quàm illud quod inest & prædicatur ut quid accidentale: genus autem, differentia & species insunt & prædicantur ut quædam essentialia, proprium verò & accidēs ut prædicata accidentalia: ergo tria priora erūt perfectiori modo universalia subindēq; ratio universalis nō cōpetet illis omib<sup>9</sup> æqualiter.

*Non, inquam, refert: universali enim ut sic in suo conceptu essentiali, nihil aliud importat nisi quod sit unum aptum inesse multis, abstractendo à modo essendi essentiali vel accidentali: atqui esse unum aptum inesse multis, æqualiter convenit iis quæ essentialiter & quæ accidentaliter insunt: ergo ratio universalis æqualiter convenit suis inferioribus. Probatur minor: inæqualitas enim quæ petitur ex parte differentiarum, non tollit æqualitatem rationis genericæ, ut patet in animali quod æqualiter & univocè participatur à suis inferioribus, quamvis per differentias inæquales nemperationale & irrationale, contrahatur ad illa: atqui tota inæqualitas in proposito petitur ex parte differentiarū quæ sunt modi essendi essentialiter vel accidentaliter in multis: ergo per hoc non tollitur quominus ratio generica universalis, quæ nihil aliud importat quàm esse unum in multis, æqualiter participetur ab eo quod inest ut quid essentialē, & ab eo quod inest solum accidentaliter.*

*Ex quibus in forma; nego minorem: ad probationem.*



*bationem distingua maiorem:* Quod inest multis ut quid essentiale, est universale perfectiori modo, perfectione se tenente ex parte rationis generica universalis ut sic, nego: ex parte differentiarum, concedo: sed hæc maior perfectio & inæqualitas non tollit univocationem, ut explicatum est: & eodem modo distinguendum est consequens, minore concessa.

*Obicies.* Si universale esset genus ad quinque prædicabilia, sequeretur speciem imò & individuum prædicari de suo genere etiam directè: consequens est falsum, neque enim dici potest, in prædicatione directâ, Animal est homo, aut, Animal est Petrus: ergo falsum etiam, est antecedens. *Sequela maioris probatur:* si enim universale sit genus respectu quinque prædicabilium, genus prædicabitur de illo, & verum erit dicere, Universale est genus, Universale est hoc genus: atqui genus ut sic est una species ex illis quinque, & hoc numero genus, seu potius hæc numero genereitas, quæ attribuitur universali dum ad illa quinque cõparatur, est unum individuum illius speciei distinctum numericè à genereitate quæ attribuitur animali, colori, aut alteri naturæ potentiâli in ordine ad suas species: ergo species prædicabitur directè de suo genere, & similiter individuum.

*Constat, amplius:* Si Universale esset genus ad quinque, una species prædicaretur de alia ejusdem generis: consequens

quens est falsum; neque enim v. g. Leo quæ est una species animalis prædicari potest de homine, dicendo, Homo est leo, aut è contra: ergo. *Sequela majoris probatur*: si universale sit genus respectu quinque prædicabilium, generis, differentię, speciei &c. vera est hæc propositio, Genus est species universalis: atqui genus & species sunt duæ species universalis: ergo.

*Ad objectionem distinguo majorem*: *Sequerentur speciem aut individuum prædicari directe de suo genere prædicatione essentiali*, nego, *accidentali & denominativa*, concedo in secundis intentionibus, non in prædicatis realibus de quibus procedunt exempla illa in minori adducta. *Ad probationem majoris respondeo* propositiones aut prædicationes illas generis de universali esse tantum accidentales: sicut enim accidit animali quod abstrahatur à suis speciebus & comparetur ad illas, sicque attribuitur ipsi secunda intentio generis; ita universali in ordine ad genus, differentiam, &c. Quare autem in secundis intentionibus species & individuum prædicari possint hoc modo. i. prædicatione directa de suo genere saltem accidentaliter, ratio est: quia pendent ab intellectu qui unā secundam intentionem potest superaddere alteri, subindeque eam prædicari de illa, v. gr. in proposito, concipiendo enim universale in ordine ad quinque prædicabilia, super-

superaddit ipsi secundam intentionem genericitatis, quæ est species ejus, & quidem hanc numero quæ est individuum: in rebus vero id non pender ab intellectu.

*Ad confirmationem distinguendum est eodem modo.* Intellectus enim concipiens vicissim genus, differentiam, speciem, proprium, & accidens, in ordine ad universale, prout ei subjiciuntur tanquam suo generi, & singula de propriis inferioribus tanquam de individuis prædicantur (puta genus aut genericitas de hac & illa genericitate, & sic de aliis) attribuit singulis secundam intentionem speciei, quæ subinde de illis prædicatur prædicatione non essentiali sed accidentali, & hoc sensu verum est genus esse speciem, nempe universalis.

Ex his inferes solutionem aliarum objectionum, ut quod sequeretur idem contineri sub seipso, siquidem sub universali continetur genus, atque adeo si universale sit genus, universale continebitur sub universali: item quod definitio generis, quod est prima species universalis, conveniet ipsi universali, si verum sit universale esse genus, atque ita coincidet cū hujusmodi prima specie, Quæ omnia & similia solvuntur cum distinctione allata, dicendo idem contineri posse sub seipso, non essentialiter sed accidentaliter in hujusmodi secundis intentionibus, & eodem modo definitionem generis seu primæ speciei

ciei universalis convenire ipsi universali: nec  
 sequitur illa coincidere, quia universale ut  
 sic solum denominativè habet & accidenta-  
 liter quod sit prædicabile de multis specie  
 differentibus, (quæ est definitio generis) ip-  
 sum vero genus id habet ex sua propria natu-  
 ra & essentia: quemadmodum paries deno-  
 minativè tantum est albus, & disgregativus  
 visus: ipsa vero albedo, seu album reduplica-  
 tivè ut album, id ex propria natura habet.





## DISPUTATIO II.

*De Universalibus in particulari.*

Juxta leges methodi compositionis, postquam de ratione generica universalis egimus, convenienter singularum ejus specierum hic aggredimur tractationem.

## S E C T I O I.

*Adducuntur singulorum Universalium seu prædicabilium definitiones.*



U m genus, differentia, species, proprium, & accidens sint species universalis ut sic, propriæ ipsorum rationes & definitiones desumi debent ex additione propriæ cujusque differentię (quæ ut supra vidimus ex diverso modo essendi in multis petitur) ad rationem illam genericam universalis, quæ in eo consistit quod sit unum aptum inesse multis & prædicari de illis. *Atque ita Genus recte defi-*

definitur: Vnum aptum inesse multis tanquam pars aut gradus potentialis, differentia tanquam pars actualis & perfectiva generis, species tanquam tota essentia ex genere & differentia coalescens, proprium tanquam accidens necessarium & cum rei essentia convertibile, accidens denique commune ut quid contingens quod potest abesse & adesse, quæ definitiones coincidunt cum istis sequentibus.

Genus est natura potentialis universalis, seu una apta inesse multis: & quia esse naturam potentialem seu contrahibilem per differentias essentielles est posse inesse multis specie differentibus, ideo etiam hæc definitio eadem est ac ista: Genus est unum aptum inesse multis specie differentibus, ac prædicari de illis in quid incompletum: dicitur prædicari in quid, quia & est de essentia, & enunciatur ad modum per se stantis, seu termino absoluto, quæ duæ conditiones sunt necessariae ut aliquid dicatur prædicari in quid j. ad interrogationem factam per quid, ut si quærat, quid sit homo, resp. Est animal, Additur incompletum, per quod differt genus à specie quæ prædicatur etiam in quid, sed completè i. tanquam tota essentia.

Differentia est pars actualis seu natura perfectiva; una apta inesse multis, ut rationale: & quia ex qua parte est essentialis rei, debet prædicari essentialiter, ex qua verò parte perficit & determinat, & ut ita loquar qualificat

*lificat genus*, debet prædicari in quale, i. e-  
nunciari termino connotativo sive adjectivo,  
idedò ista definitio coincidit cum hac: *Dif-*  
*ferentia est unum aptum inesse multis & prædi-*  
*cari de illis in quale essentiale*, seu ut alii di-  
cunt, *in quale quid*: unde si postquam ad  
quæstionem quid sit homo, responsum est  
esse animal, quæratnr rursus, quale animal  
sit, responderi debet esse rationale.

*Species est natura completa, prout una apta*  
*inesse multis*. Hoc autem ipso quod est  
completa & totalis essentia suorum infe-  
riorum, non debent huiusmodi inferiora  
differre ab invicem differentia essentiali,  
(alias ipsa natura specifica non esset nisi  
pars essentiae) sed singularitate duntaxat  
quæ est differentia solum materialis & ve-  
luti accidentalis respectu naturæ specificæ;  
idedò rectè etiam definitur species quod sit  
*Vnum aptum inesse multis solo numero seu sin-*  
*gularitate differentibus & prædicari de illis in*  
*quid completum*: dicitur prædicari in quid,  
quod est ipsi commune cum gene-  
re: additur completum in quo differt ab  
illo.

*Proprium verò definitur Accidens ne-*  
*cessarium & cum rei essentia convertibile*  
*unum aptum inesse multis*: Et quia hoc  
ipso quod est extra rei essentiam, & signi-  
ficatur termino connotativo, prædicatur  
accidentaliter & in quale, necessariò ta-  
men

men ex qua parte habet necessariam cum essentia connexionem, ideo etiam rectè definitur. *Unum aptum inesse multis & prædicari de illis in quale accidentale necessarium.*

*Accidens denique commune, quod est quintum prædicabile definiri debet accidens contingens universale, sive unum aptum inesse multis & prædicari de illis in quale accidentale contingens: Ex qua enim parte est accidens & termino connotativo significatur, debet prædicari in quale accidentale, quatenus verò est accidens contingens. j, quod potest adesse & abesse, dicitur prædicari contingenter. Unde habes aliter differentiã prædicari in quale, aliter proprium & accidens: illa enim, quia est de essentia, prædicatur in quale essentiali: proprium verò & accidens, quia extra essentiam sunt, in quale accidentale.*

Et hæ omnes definitiones, ut constar, explicant proprias rationes quinque prædicabilium in concreto sumptorum: si autem definire eadem velis in abstracto, sic dicendum erit.

*Genericitas est universalitas natura potentialis, seu, unitas & aptitudo ejus ad essendum in multis; Differentiãlitas est universalitas natura actualis & perfectiva. Specieitas, natura completa. i. ex genere & differentiã constituta: Proprietateitas, natura accidentalis necessaria & convertibilis cum essentia: Accidentaleitas denique natura merè contingentis.*



In quibus definitionibus invertitur ordo, qui in prioribus servatus fuerat: dum enim prædicabilia in concreto definivimus, loco generis proprium statuimus subjectum cuiusque universalitatis, loco verò differentiarum ipsammet universalitatem ut sic, & utrumque in recto; è contra verò definiendo ipsa in abstracto, loco generis statuimus universalitatem ut sic in recto, in obliquo verò proprium subjectum cuiusque universalitatis, putà naturam potentialem in definitione generis, quia illa est subjectum proprium cui generalitas applicatur: & sic de cæteris.

Qua etiam ratione & cum eodem discrimine definiuntur accidentia realia in concreto & in abstracto. Si enim in concreto definiantur, loco generis statui debet proprium subjectum accidentis quod definitur, loco verò differentiarum, gradus superior illius, qui est communis ipsi & aliis ejusdem generis accidentibus, utrumque vero poni debet in recto: ut patet in exemplo illo ab Aristotele & D. Thoma sæpius usurpato: Simum est nasus curvus: nasus enim est proprium subjectum similitudinis, curvitas autem est gradus superior ad similitudinem, gibbositatem, claudicantiam & ad alias rerum curvitates. Si autem definiendum sit accidens in abstracto, debet è converso poni gradus superior in recto, & proprium subjectum in obliquo: dicendo, v. g. Similitudo est curvi-

tas nasci. Quæ omnia intelligenda sunt, quādo proprium accidentis subjectum nobis innotescit, si enim illud ignoremus, definiendum erit aut potius describendum per effectus nobis notiores, aut quid simile.

Ratio autem hujus diversitatis definiendi accidentia tam realia quàm rationis, in concreto aut abstracto est, quia concretum convenit in subjecto cum aliis pluribus ejusdem subjecti accidentibus & differt in forma: abstractum è contra convenit in forma cum aliis ejusdem generis abstractis & differt per subjectum aut per habitudinem ad illud, ut in iisdem exemplis cerni potest. Vide sect. seq. sub finem.

## S E C T I O II.

### *De Genere & Differentia.*

**D**E his duobus Prædicabilibus simul agimus, quia cum sint gradus Metaphysici ex quibus natura totalis & specifica constituitur, specialem habent inter se connexionem, ratione cujus præcipuæ, quæ hic agiandæ sunt difficultates, sunt utrique communes.

## §. I.

*Vnde sumantur Genus & Differentia, tam in substantiis quàm in accidentibus.*

**P**ROCEDIT difficultas de genere & differentia metaphysicè aut primo intentionaliter sumptis. j. de gradibus metaphysicis animalis, v, g. & rationalis, quibus, per intellectum applicantur secundæ intentiones logicales genericitatis & differentialitatis. *Pro Resolutione.*

Dico 1. in substantiis corporeis gradum genericum & differentialem sumi, ut à principio seu fundamento proximo, à tota rei essentia seu compositi entitate diversimodè spectata; gradum quidem genericum ab ea secundum quod consideratur ut indeterminata, potentialis, perfectibilis seu contrahibilis & determinabilis; gradum verò differentialem ab eadem secundum quod habet rationem determinativam, actuativam & perfectivam.

*Probatum & explicatur.* Ab eo dicuntur proximè desumi isti gradus, quod præbet immediatè fundamentum præscindendi aut distinguendi ipsos in eadem essentia aut composito: sed ipsamet tota rei entitas considerata ut indeterminata, ut potentialis, & perfectibilis, præbet immediatè fundamentum gradus generici, ut perfectiva verò aut determinata,

gradus differentialis: ergo ab eadem sic diversimodè spectata desumuntur proximè illi gradus. *Probaturs minor & declaratur ex dictis superiori disput. sect. 1. §. un.* Eadem enim entitas Petri, v. g. considerata ut principium & radix subsistendi fundat immediatè gradum genericum & supremum substantiæ communem angelis: ut radix quantitatis seu extensionis corporeæ gradum corporis communem lapidibus; ut radix vitæ vegetativæ, gradum viventis communem plantis; ut radix vitæ sensitivæ, gradum animalis communem brutis; ut radix aut principium discurrendi, gradum rationalis: constat autem hujusmodi entitatem sub prioribus rationibus considerari ut indeterminatam potentialem, & perfectibilem, sub posterioribus ut determinativam, actuativam & perfectivam præcedentium, item gradus priores esse genericos, posteriores differentiales respectu illorum: ergo illos fundat in quantum indeterminata, hos in quantum determinativa, &c. Quæ omnia idem significant ac si dicamus gradum genericum esse totam rei aut compositi entitatem secundum rationem communem, gradum verò differentialem esse eandem secundum rationem propriam & specialem.

*Eadem doctrina proportionaliter applicanda est substantiis spiritualibus, ita ut in illis gradus genericus desumatur à tota simplice rei entitate ut communi & contrahibili, differentialis*

tialis verò ab eadem ut determinativa sui ipsius sub priori ratione spectatæ. Atque ita in Gabriele v.g. gradus genericus substantiæ erat tota & simplex eius entitas considerata secundum rationem subsistendi communem ipsi cum rebus corporeis: gradus spiritus, eadem spectata secundum rationem immaterialitatis & spiritualitatis communis omnibus Angelis: gradus talis spiritus ipsa eadem secundum rationem tantæ, vel tantæ spiritualitatis & perfectionis ipsi speciei Gabrielis propriæ, sub qua postrema ratione entitas illa est determinativa & contractiva sui ipsius sub priori spectatæ; & sub illa, primæ.

*Idem de accidentibus suo modo dicendum est:* in albedine enim, v.g. ubi distinguimus gradum qualitatis, gradum coloris, & gradum albedinis, gradus ille supremus qualitatis nihil aliud est quàm ipsa albedinis entitas secundum quod est potentialis, & convenit cum aliis, putà cum calore, sapore, odore, & similibus, in constituendo subjectum quale: gradus coloris, eadem secundum quod ab illis differt & cum nigredine, v.g. rubore & aliis convenit in constituendo coloratum: & gradus albedinis, secundum id quod habet peculiare, nempe constituere album, sub qua ratione est determinativa suimet sub priori ratione consideratæ.

*Eadem doctrina verificari etiam potest de accidente inconcreto: ita ut in albo esse quale, in*

quo cōvenit cum calido v.g. sapido & alijs; esse coloratum, in quo differt ab eis, & convenit cum nigro, & similibus; esse albū, quod est ipsi proprium & peculiare; sic fit una & eadem entitas concreta ex subiecto & forma albedinis vel ut qualitas est, vel ut color, vel ut albedo reduplicativè: sub qua ultima ratione, id est, in quantum entitas concreta ex subiecto & forma illa ut albedo est, determinat seipsam ut concretam ex eodem subiecto & eadem forma prout est color ut sic: sicut sub hac ratione est determinativa sui ipsius, ut constitutæ ex illa forma, prout est qualitas absolutè.

*Dico 2. In substantiis corporis genus sumitur à materia, & differentia à forma tanquam à principiis radicalibus.* Sensus est quòd quamvis genus non importet solam materiam, nec differentia solam formam, sed utrumque totam compositi entitatem diversimodè consideratam, & ab ea sumantur tanquam à proximo & adæquato principio aut fundamento, ut ostensum est: prima tamen radix & fundamentum remotum huiusmodi graduum sint materia & forma.

*Et Ratio est,* quia primum in unoquoque genere est radix & causa cæterorum eiusdem generis: materia autem est prima in genere potentialitatis, cum sit pura potentia; & similiter forma substantialis in genere actualitatis, cum sit primus actus, ut dicitur in  
 physica:

physica : ergo illa est radix omnium graduum potentialium compositi in quo est, hæc verò actualium : sed gradus generici sunt potentiales, differentiales verò sunt actuales : ergo.

*Explicatur magis* : Gradus genericus est tota entitas rei in quantum potentialis & contrahibilis ; gradus verò differentialis est eadē ut actualis & contracta : ergo id unde habet res ut sit potentialis erit prima radix gradus generici ; id verò ex quo provenit quod sit actuata, erit prima radix gradus differentialis : atqui habet ex materia quod sit potentialis, ex forma verò quod sit actuata perfecta & contracta : ergo. *Probaturs minor* : Entitas enim totius compositi consideratur ut magis vel minus potentialis secundum quod magis vel minus accedit ad potentialitatem materiæ, & recedit aut abstrahit ab actualitate formæ ; gradus enim genericus substantiæ, e. g. qui est omnium potentialissimus, est compositum ex materia & forma tribuente tantum esse substantiale ; gradus corporis, ex eadem ut tribuente esse corporeum, præscindendo ab ulterioribus gradibus, & sic de aliis : è contra verò gradus differentialis est idem compositum secundum quod magis accedit ad ultimam actualitatem formæ, v. g. rationale importat totum coalescens ex materia & forma ut tribuente ultimam perfectionem, & actualitatem essentialem.

Hæc verò doctrina de principio radicali

generis & differentiae, non habet locum in substantiis spiritualibus, ut constat, cum non habeant materiam & formam. Habet tamen quodammodo locum in accidentibus, quatenus ex majori vel minori accessu ad potentialitatem subiecti, quod est materia accidentis, vel ad actualitatem ipsius formae accidentalis entitas ejus consideratur ut magis vel minus potentialis aut actualis: entitas enim albi aut albedinis, v.g. consideratur ut potentialissima secundum quod habet aut tribuit solum esse quale, quod est propè accedere ad potentialitatem subiecti, & habere aut tribuere minimum de actualitate formae: intelligitur verò actualissima, secundum quod habet aut tribuit esse album, quæ est tota actualitas essentialis illius formae.

*Obiicies*: gradus genericus & individualis non possunt desumi ex eadem radice, cum sint oppositi: sed gradus individualis sumitur à materia tanquam à prima radice, ut videmus in *Metaphysica* dum de principio unitatis individualis agimus: ergo non gradus genericus.

*Respondeo non desumi ex eadem radice*: quia gradus genericus sumitur à materia secundum se spectata, individualis verò ab illa ut signata quantitate, sicut loco citato explicabimus.

*Obiicies 2.* Accidens sumit suam differentiam à subiecto, cum ex dictis sect. superiori de-



ri definiatur, saltem in abstracto per ordinem ad illud: ergo non desumit ab eo gradum genericum, ut hic dicimus.

*Respondeo utrumque esse verum, & quod desumat gradum genericum, & quod desumat gradum differentialem à subjecto: genericum à subjecto ut sic, differentialem à subjecto ut proprio, quatenus propria ratio & actualitas formæ sumitur per ordinem ad illud.*

§. 3.

*Vtrum genus & differentia pradicentur ut partes vel ut tota.*

**SUPPONO 1.** quòd suprà Disp. præced. sect. I. ostendimus, gradum genericum & differentialem non distingui à se invicem ante omnem mentis operationem, sed sola ratione ratiocinata.

**Suppono 2.** huiusmodi gradus posse dup'iciter sumi: primò ut partes; secundo ut tota quadam potentialia. Tunc sumuntur ut partes, quando considerantur ut componentes speciem, puta animal & rationale hominem, componentes inquam, non compositione reali, quæ est realiter distinctorum unio, sed rationis, sicut partes illæ ratione tantum distinguuntur, quæ de causa appellatur etiam compositio logica, nonnunquam etiam metaphysica, ea scilicet ratione qua gradus illi sic per intellectum distincti aut præcisi solent appellari

gradus metaphysici, *ut aliàs diximus*. Quia  
 verò de ratione partium, quæ talium est sese  
 mutuo excludere, ideò gradus illos sumi ut  
 partes est sumi ut sese mutuo excludentes,  
 seu cum omnimoda præcisione unius ab al-  
 tero: v.g. animal sumitur ut pars, quatenus  
 consideratur ut principium sentiendi tantum,  
 & rationale quatenus consideratur ut prin-  
 cipium ratiocinandi præcisè, excludendo a-  
 lias perfectiones, quamvis à parte rei & ma-  
 terialiter sint eadem entitas totius. *Sumuntur*  
*verò ut tota potentialia, quatenus significant*  
*naturas superiores abstractas ab inferioribus &*  
*per illas contrahibiles* ita ut animal, v.g. acci-  
 piatur ut totum potentiale, non quatenus  
 significat principium sentiendi præcisè, ex-  
 cludendo principium ratiocinandi (sicut  
 quando accipitur ut pars) sed prout significat  
 ipsum habens principium sentiendi seu na-  
 turam sensitivam, quod habens ut sic est de-  
 terminabile & contrahibile per hominem &  
 brutum; subindeque licet abstractione uni-  
 versali, quæ est superioris ab inferioribus vel  
 ab inferiorum differentiis, præscindat à ra-  
 tionali & irrationali, non tamen abstrac-  
 tione formali quæ est partis à comparte, nec cõ-  
 sequenter excludit illa, sed in potentia con-  
 tinet, & est contrahibile per illa. Similiter ra-  
 tionale consideratur ut totum potentiale,  
 non in quantum significat principium ratio-  
 cinandi excludendo principium sentiendi,  
 sed

sed prout significat habens principium rationandi, sub qua consideratione non excludit animal, sed in potentia & confuse illud importat, sicut & alia omnia quæ reperiuntur ex parte subjecti, cui attribuitur. *His positis.*

*Dico Genus non predicari de speciebus, nec differentiam de suis inferioribus, in quantum partes, sed ut tota potentialia.*

*Probatur.* Ad prædicationem formalem, de qua est quæstio, requiritur quod prædicatū contineat in potentia totum, quod subjectū continet actu: atqui genus sumptum ut pars non continet in potentia totum id quod actu includitur in specie, non enim ut tale continet differentiam quam potius excludit, sicut pars partem: Similiter differentia sumpta ut pars non continet in potentia genus quod in eius inferioribus actu includitur: ergo genus & differentia non prædicantur ut partes, sed ut tota potentialia. *Minor constat ex secundo notabili. Major verò supponitur ex dicendis disput. sequenti de prædicatione formali.* & facile interim suadetur: ut enim hoc dicatur esse illud, v.g. homo dicatur esse rationalis, necesse est quod sint idem: non actu, ita ut rationale importet actu totum id quod homo actu importat, aliàs esset prædicatio identica: ergo in potentia & confuse, id est, quod prædicatum confuse & in potentia importet totum quod subjectum actu & distinctè seu explicitè includit.

*Obiicies 1.* Genus & differentia in hoc feceruntur à specie, quod hæc prædicatur ut tota essentia, illa verò ut partes: ergo falsa conclusio.

*Respondeo* *secerni in hoc* quod illa prædicentur ut partes & incompletè ex parte rei quam significant, species verò ut essentia totalis ex illis constituta: cum quo tamen stat ut ex parte modi prædicandi enunciari debeant ut tota potentialia, quod est commune omnibus universalibus, ut amplius constabit loco superius citato.

*Obiicies 2.* Animal consideratum ut pars potentialis importat & continet in potentia species & earum differentias: ergo potest prædicari, si non ut pars actualis, saltem ut pars potentialis.

*Respondeo negando antecedens*, animal enim ut pars potentialis idè est, ac ut pars non actu sed aptitudine componens unà cum rationali hominem, sub qua proinde ratione etiam excludit rationale tanquam compartem.

## §. 3.

*Virum genus includat actu differentias, & vicissim differentia genus.*

**D**ICO genus non continere actu & formaliter differentias sui divisivas, sed tantum in potentia.

*Pro-*

*Probatur primò ex dictis:* quia animal, v.g. importat actu solum gradum sentiendi: sed in conceptu gradus sentiendi non includitur actu gradus ratiocinandi, qui est differentia inferior; ergo genus non includit actu differentias inferiores. *Minor patet,* alias quidquid participaret gradum sentiendi, includeret etiam gradum ratiocinandi: ex quo.

*Probatur 2.* Genus non continet actu & formaliter nisi quod est de ejus essentia: sed rationale & irrationale, quæ sunt differentia divisivæ animalis, non sunt de ejus essentia, alias homo qui est animal, esset simul rationalis & irrationalis.

*Dico 2. E converso etiam differentia illa non includunt actu genus, nec differentiam superiorem aut subalternam: puta rationale non includit animal aut sensibile.*

*Probatur 1.* Quia rationale de formali dicit tantum naturam ut est principium ratiocinandi præcisè, sicut animal importat actu eandem ut est principium sentiendi. atqui principium ratiocinandi ut tale non est nec dici potest formaliter principium sentiendi: ergo rationale non importat formaliter animal.

*Probatur 2.* Quia si rationale & irrationale includerent actu & formaliter animal aut sensibile, jam non essent differentia primò diversæ, siquidem convenirent in aliquo univocè, nempe in ratione animalis & sensibilis,

bilis, primò autem diversa dicuntur illa quæ in nullo univocè conveniunt: consequens verò est falsum: ergo & illud unde sequitur. *Probatur minor*: differentiarum enim, juxta omnes philosophos primò diversæ esse debent, nam si in aliquo convenirent, deberent differre ab invicem per alias differentias, & hæ per alias rursum, & sic in infinitum. Ex quibus.

*Dico 3. nec genus de differentiis, nec differentias de genere prædicari formaliter.*

*Probatur*: quia ad prædicationem formalem requiritur, quòd subjectum includat actu prædicatum, istud vero in potentia subjectum, atqui nec genus includit actu differentias, nec differentia genus, ut probatum est: ergo differentia nequeunt formaliter prædicari de genere, nec è converso genus de differentiis.

#### §. 4.

*Utrum genus salvari possit in unica specie.*

**P**ROCEDIT etiam hæc quæstio, sicut & præcedentes de genere non logicè sumpto prout definitur: Id quod de pluribus speciebus, aut de rebus specie differentibus prædicatur, sic enim evidens est requirere plures species quæ dentur actu vel dari possint, ut de eis enunciari valeat: sed de eodem mera-

physicè

physicè accepto, prout est gradus potentialis contrahibilis & perfectibilis per differentias inferiores: *Quaritur ergo, an sub hac ratione intelligatur perfectè salvari, seu habere totam suam perfectionem, quam essentialiter postulat in unica specie, vel solum in pluribus.* Pro resolutione.

*Dico Genus metaphysicè sumptum non posse salvari in unica specie.*

*Probatur:* quia genus metaphysicè sumptum est totum potentiale, seu gradus essentialiter determinabilis & perfectibilis per differentias inferiores: ergo non intelligitur perfectè salvari & satiari nisi perficiatur per illas omnes differentias: atqui animal, v. g. non perficitur in una specie nisi per unam differentiam, puta per rationale in homine: ergo in unica specie non perfectè salvatur seu non habet totam perfectionem essentialem, cuius est capax.

*Confirmatur:* potentia non satiatur perfectè nisi per actum adæquatum: sed genus est potentia respectu omnium differentiarum, per quas contrahibile est tanquam per actum adæquatum: ergo non satiatur nisi per omnes differentias, subindeque non per unam tantum. *Explicatur magis:* sicut enim materia prima est pura potentia physica respectu formarum, ita genus est potentia logica respectu differentiarum: ergo sicut materia prima (loquendo de sublunari) non satiatur per unam

formam, ita nec genus per unam differentiā.

*Obiicies.* In homine, e.g. reperitur & salvatur tota & perfecta ratio animalis, etiam si non essent aliæ species animalis, sicut re ipsa non erunt post diem iudicii: ergo salvatur gradus metaphysicus generis in una specie.

*Respondeo* salvari totam rationem gradus generici physicè spectati secundum suam materialem entitatem, quatenus est vivens sensitivum, e. g. imò & metaphysicè si consideretur in ratione partis unā cum differentiā speciem constituentis; non autem si spectetur ut est totum potentiale, & gradus metaphysicus essentialiter determinabilis per differentias inferiores, ut enim hoc modo salvetur, debent dari illæ differentiæ, subindèque plures species.

§. 5.

### *Quid & quotuplex sit Differentia.*

**D**ICO I. Differentia metaphysicè aut primò intentionaliter sumpta est gradus actualis determinans genus, faciensque differre ea quæ genere conveniunt: logicè verò & secundo intentionaliter accepta est idem gradus seu natura actualis prout intelligitur apta inesse multis & predicari de illis, seu quod in idem redit, est id quod predicatur de multis in quale essentielle. Tota hæc conclusio explicata manet ex dictis sect. I.

Dico



**Dico 1.** *Differentia alia est Communis, alia Propria, alia Propriissima:* hæc tamen divisio non est generis in species, sed analogi in analogata.

*Explicatur prima pars conclusionis:* differentia communis nihil aliud est quam accidens aliquod commune, quatenus facit unum ab alio contingenter differre, ut albedo quæ distinguit hominem Gallum ab Æthiope: differentia propria est accidens proprium, quatenus facit accidentaliter necessarium differre illud cui convenit ab aliis, ut risibile: differentia denique propriissima est differentia essentialis & specifica, qua species ab invicem essentialiter distinguuntur, ut rationale. Ex quibus

*Probatur secunda pars conclusionis.* Omne genus participatur æqualiter à suis speciebus: sed differentia ut sic non participatur æqualiter à differentia communi, propria, & maximè propria: ergo non est genus ad illas, subindeque præfata divisio non erit generis in species. *Probatur minor:* Quod participatur ab uno secundum quid, & ab alio simpliciter: non participatur ex æquo ab illis: atqui propria ratio differentie participatur simpliciter à solâ differentia maximè propria, ab aliis verò duabus secundum quid: ergo. *Probatur minor:* propria & essentialis ratio differentie ut sic est facere differre ea quæ genere conveniunt: atqui sola differentia ma-  
ximè

maximè propria facit simpliciter differre, aliæ verò duæ secundum quid; etenim illa facit differre essentialiter, hæ autem tantum accidentaliter: ergo:

*Maneat igitur illam divisionem non esse univoci in univocata, aut generis in species, sed analogi in analogata: differentia enim analogicè dicitur de communi, propria, & maxime propria, qua analogia & similitudo consistit in hoc, quod sicut differentia propriissima seu specifica facit differre essentialiter, ita alia duæ accidentaliter.*

*Obiicies.* Universale in communi dicitur univocè de quinque prædicabilibus, sicut genus de suis speciebus: ergo etiam differentia ut sic de differentia, communi, propria, & maxime propria. *Probatur consequentia:* si enim aliquid obstat, maxime quia differentia propria & communis faciunt differre tantum accidentaliter, propriissima verò essentialiter: atqui hoc non impedit quo minus differentia ut sic dicatur univocè de illis: ergo. *Probatur minor:* Genus & species prædicantur essentialiter de suis inferioribus, proprium verò & accidens solum accidentaliter, & nihilominus universale ut sic dicitur univocè de illis: ergo similiter etiam si differentia propriissima faciat essentialiter differre; aliæ verò solum accidentaliter, poterit tamen differentia ut sic dici de illis univocè.

*Respondeo concesso antecedente negando consequentiam.*

*sequentiam : ad probationem nego minorem : ad cuius item probationem concedo antecedens , & nego consequentiam & paritatem. Ratio Disparitatis est, quia de conceptu essentiali universalis ut sic est solum , quod sit unum aptum inesse multis & prædicari de illis, non autem quod prædicetur essentialiter, sed ab hoc abstrahit , unde tota ratio eius salvatur in proprio & accidente , etiamsi accidentaliter solum prædicentur : at verò de ratione differentia , quæ est secundum prædicabile , est quod faciat simpliciter , ac proinde essentialiter differre ea quæ genere conveniunt, quod non salvatur in differentia communi & propria, sed solum in differentia propriissima.*

*Ex his ergo habes solam differentiam propriissimam constituere hoc secundum prædicabile, quia hac sola facit differre, simpliciter loquendo, eique conveniunt definitiones conclusionis primæ allatæ, non verò differentia communi & propria.*

## §. 6.

*Per ordinem ad quæ inferiora differentia constituitur universalis.*

**D**ICO differentiam subalternam constitui universalem per ordinem ad species inferiores, puta sensibile per respectum ad hominem, leonem , & huiusmodi ; infimam verò per ordinem ad individua.

*Probat. Quælibet natura constituitur univer-*

universalis per ordinem ad sua inferiora : at-  
qui sensibile, v.g. comparatur ad hominem,  
leonem, & alias species, item rationale ad Pe-  
trum, Paulum, & alia individua tanquam ad  
sua inferiora: ergo sensibile constituitur uni-  
versale per respectum ad huiusmodi species,  
& rationale per ordinem ad individua.

*Ex quo refutata manet quorundam opinio*  
asserentium differentiam subalternam con-  
stitui universalem per ordinem ad genus, aut  
speciem subalternam, quam constituit, puta  
sensible per ordinem ad animal; & differen-  
tiam infimam per comparisonem ad speciẽ  
atomam: hoc enim aperte falsum est, quia diffe-  
rentia subalterna & infima non habent ra-  
tionem superioris respectu speciei subalter-  
næ & infimæ, sed æqualis, siquidem conver-  
tuntur cum illis.

*Obiicies* : Hæ prædicationes, Animal est  
sensitivum, Homo est rationalis, sunt for-  
males : ergo alicuius prædicabilis : non alte-  
rius quàm differentia : ergo differentia est  
prædicabilis, subindèque universalis per or-  
dinem ad speciem subalternam aut infimam  
respective.

*Respondeo* huiusmodi prædicationes esse se-  
cundi prædicabilis seu differentia, reductivè, non  
directè, unde nihil sequitur contra nos. Nec  
verò omnis prædicatio formalis unius de  
alio pertinet directè ad aliquod prædicabile,  
sed plurimæ reductivè solum, ut patet in  
præ-

prædicatione entis de suis inferioribus, quæ reducitur ad genus; in ea quâ anima rationalis enunciat de hac & illa, quæ reducitur ad speciem: & sic de aliis proportionaliter.

### S E C T I O III.

#### De Specie.

**D**VOBUS modis potest considerari species: *primò per respectum ad genus cui subiicitur: secundo per ordinem ad individua de quibus predicatur.* Priori modo definitur. *Id quod immediate subiicitur generi. & dicitur immediate ad differentiam individuorum quæ non nisi mediante specie generi subiiciuntur.* Posteriori autem modo sumpta definitur. *Id quod predicatur de multis solo numero differentibus in quid.* Prima definitio competit speciei etiam subalternæ: non vero secunda: utraque vero convenit speciei atomæ. Sed circa hoc oritur prima difficultas, de qua sit.

#### §. I.

*Utrum species quæ subiectibilis sit prædicabilis  
& universalis.*

**S**ENSUS est utrū gradus specificus v. g. natura humana, qui media intellectus operatione sortiri potest ambos illos respectus, subiectibilitatis in ordine ad suū genus: & prædicabilitatis in ordine  
ad

*ad individua hoc ipso & ex vi eiusdem actus intelligatur habere hunc secundum respectum, ex quo habet primum: seu hoc ipso intelligatur esse formaliter universalis & prædicabilis de suis inferioribus, quod intelligitur subiici generi, puta animali: Quo sensu respondendo ad quesitum.*

*Dico, Speciem qua subiicibilem non esse hoc ipso formaliter universalem, sed tantum fundamentaliter.*

*Probat. Natura non est universalis formaliter nisi quatenus comparatur ad sua inferiora & concipitur ut una apta inesse illis ac prædicari de eis: atqui hoc ipso quod subijcitur generi, non continuo & per eundem actum comparatur ad sua inferiora: ergo. Probat. minor: potest enim considerari species in ordine ad suum genus eique subijci, aut genus de illa prædicari, nullatenus cogitando de inferioribus ipsius speciei, ut constat: ergo non hoc ipso & ex vi eiusdem actus subijcitur generi & ad inferiora comparatur.*

*Obijcies I. Quod subijcitur immediate generi, est universale, singularia enim tantum mediate ipsi subiiciuntur: atqui species qua subiicibilis est id, quod immediate subijcitur generi: ergo est hoc ipso universalis.*

*Respondeo maiorem & consequentiam esse veras, de universali fundamentaliter seu metaphysicè, non formaliter. j. hoc ipso est quid abstractum*

*Etum à singularibus*, sed non continuo comparatum ad illa: & hoc est quod asserit conclusio.

*Objicies 2.* Sub ea ratione aliquid est universale, qua universale ut sic prædicatur de illo: atqui universale prædicatur de specie ut subiiçibili: ergo species ut subiiçibilis est universalis. *Probatur minor*: Universale ut sic prædicatur de genere, differentia, specie, proprio, & accidente, tanquam genus de speciebus quæ ipsi ut tali subiiçiuntur: ergo prædicatur de qualibet illarum ut subiiçibili.

*Respondeo negando minorem & consequentiã* de specie sumpta pro ipsa natura specifica seu gradu metaphysico qui substernitur secundæ intentioni specieitatis, quo sensu procedit quæsitum: *esto* de specie sumpta pro ipsamet secunda intentione huius tertii prædicabilis, de qua non est quæstio, & de ea solum procedit minoris probatio. Dixi, *Esto*, quia etiam hoc posteriori modo accepta species, licet sit universalis hoc ipso quod subiiçitur suo generi seu universali ut sic, non tamen ex eo formaliter quod ipsi subiiçiatur aut quod universale de ea prædicetur, sed potius præsuppositive, beneficio scilicet alterius præcedentis actus: sicut homo non habet rationem animalis ex eo formaliter quod subiiçitur ipsi animal in propositione, sed præsupponitur eam habere.

## §. 2.

*Vtrum species salvetur in unico  
individuo.*

**Q**UOD supra de genere determinavimus, id nunc de specie resolvendum est, nūm scilicet quemadmodum illud in una specie salvari nequit, sic nec species in unico individuo: sumendo speciem sicut sumebamus genus, nempe metaphysicè pro ipso gradu seu natura quæ subest secundæ intentioni universalitatis: nam utrū species logicè accepta, prout est formaliter universalis, salvari queat in uno individuo, dicetur paragr. seq. *Pro resolutione ergo propositæ difficultatis.*

*Dico, quod quamvis genus non salvetur in unica specie secundum totam suam perfectionem quam essentialiter exposcit; species tamen perfecte salvatur in unico individuo.*

*Probat ex discrimine inter genus & speciem: ideo enim genus metaphysicè sumptum non intelligitur perfectè salvari aut totam suam perfectionem habere in una specie, ut loco citato vidimus, quia est totum quoddam potentiale perfectibile essentialiter per differentias divisivas quas sortiri non potest, nisi in pluribus & diversis speciebus: atqui è contrà natura specifica, puta humana, est totum actuale non perfectibile essentialiter per differentias*



*Utrum species quæ subiectionis, &c.* 215  
ferentias individuales, sed tantum materialiter divisibile per illas : ergo salvatur secundum totam suam perfectionem in unico individuo.

*Confirmatur conclusio. & simul probatur minor præcedentis syllogismi :* neque enim Petreitas. Pauleitas, & similes differentię individuales aliquam essentialem perfectionem addunt naturę humanę, aliàs diversificarent eam essentialiter ; sed addunt tantum hæc-eitatem quæ est differentia tantum materialis & veluti accidentalis, cum desumatur à materia, ut connotante quantitatem hanc numero.

*Obiicies.* Gradus specificus est totum potentiale respectu individuorum, & contrahibile per individuales differentias, sicut genericus per específicas : ergo sicut gradus genericus non intelligitur perfectè salvari in una specie, ita nec specificus in unico individuo.

*Respondeo negando paritatem, & in antecedente, & in consequente :* gradus enim specificus est potentialis & contrahibilis logicè tantum, quatenus est indifferens & potest prædicari de hoc & illo individuo ; non autem metaphysice, quasi essentialiter perficiatur per differentias individuales, sicut gradus genericus per específicas, sed solum materialiter & veluti accidentaliter dividitur per eas, ut dictum est.

§.3. *Utrum*

## §. 3.

*Utrum Species unicum habens individuum subeat intentionem Universalis?*

**N**OTA naturarum specificarum alias esse, quæ actu habent plura individua quales sunt Homo, Leo, & similes: alias quæ unicum duntaxat: sed rursus hæ sunt in duplici differentia, aliæ enim sunt quæ unicum quidem actu habent individuum, sed plura aptitudine, ut Sol, Phœnix, & hujusmodi; aliæ quæ unicum tam actu quàm aptitudine, qualis est, juxta Divi Thomæ doctrinam, quælibet species Angelica; puta Michaelis, Gabrielis, & aliorum: docet enim *Præceptor Angelicus* 1. p. q. 50. a. 4. omnes Angelos differre inter se specie, & unumquemque ita suam speciem implere, ut repugnet intra eandem esse plures numero distinctos, eo scilicet quod careant materia, quæ sola, juxta doctrinam ejusdem Angelici Doctoris potest esse principium naturam specificam materialiter & numericè multiplicans. Hoc posito.

Certum est nedum naturas específicas, quæ actu habent plura individua à parte rei, sed etiam eas quæ unicum de facto habent, plura tamen aptitudine, posse subire secundam intentionem universalis, huiusque tertii prædicabilis, cum de ratione

tionem

et longe ejus non sit esse actu in multis, sed solum aptitudine

*Difficultas solum est de aliis qua tam actu quam aptitudine unicuique duntaxat habent, ita ut à parte rei repugnet ipsis habere plura. Pro resolutione.*

*Dico naturam specificam, qua secundum se unicum tam actu quam potentia individuum habet (qualis est ut supposui ex Divo Thoma natura specifica cujuslibet Angeli) posse etiam subire secundam intentionem universalem & speciei predicabilis ex modo nostro concipiendi. Quod est huiusmodi naturam esse universalem secundum rationem tantum. Potest enim universale distingui in illud quod est tale secundum rem & rationem, quod scilicet nendum ex modo nostro concipiendi intelligitur aptum inesse multis, sed de facto ipsis inest aut inesse potest à parte rei, ut natura humana; & illud quod est secundum rationem tantum, quod nimirum quamvis à parte rei & ut in se est nequeat communicari pluribus, id tamen ex modo nostro intelligendi ipsi non repugnat. Talem ergo asserit conclusio nostra esse naturam Angelicam.*

*Probaturque sic. Universale est unum aptum inesse multis: natura specifica Angeli ex modo nostro concipiendi est una apta inesse multis: ergo ex modo nostro concipiendi est universalis. Probatur minor: Ut natura concipiatur una apta inesse multis non requiri-*

tur quod actu habeat multa, sed quod possit illa habere, sed natura specifica Angeli, quamvis ut in se est, nequeat habere plura individua, potest tamen illa habere quantum est ex modo nostro concipiendi. *Probaturs minor*: ideo enim naturæ specificæ Angeli ut in se est repugnat habere plura individua, quia in se est singularis; sensu inferius explicando; & ideo ex se est singularis, quia immaterialis, subindeq; carens principio multiplicationis numericæ quod est materia: atqui à nobis non intelligitur ut talis sed concipitur ad modum rei corporeæ, proindeque ut abstracta à singularitate & immultiplicabilitate: ergo ex modo quo à nobis intelligitur, non repugnat ipsi habere plura individua. *Probaturs minor*: quia pro hoc mortali statu conjunctionis animæ cum corpore intelligimus omnia, etiam spiritualia per species à rebus corporeis, mediis sensibus, receptas, eas subindè per se primo repræsentantes, cetera vero ad modum ipsarum: repræsentantes, inquam, non ut contractas per individuales & materiales differentias, sic enim nimis materiales forent & ipsæ species nec consequenter in intellectu, qui est potentia spiritualis, recipi possent: ergo ut abstractas ab illis: ergo sic eas cognoscimus, unumquodque enim cognoscitur prout per speciem repræsentatur.

*Confirmatur conclusio & explicatur*: ideo

natura

natura specifica corporea considerata ut est in se, est capax universalitatis, quia secundum se non importat singularitatem, sed potest ab eâ præscindi, & sic præcisa comparari ad plura: atqui hoc, quod natura corporea habet secundum se, natura spiritualis habet prout est in intellectu, cum ibi sit ad modum & instar illius, ergo licet ut est in se, non sit capax universalitatis, erit tamen prout est in nostro intellectu.

*Dico:* Ergo & natura Divina poterit fieri universalis ex modo nostro concipiendi, cū similiter intelligatur pro hoc statu ad modum rei corporeæ, subindeque possit ut talis à singularitate præscindi, sicut natura angelica.

*Sed contra:* quia natura specifica angeli ex modo nostro intelligendi abstrahitur à singularitate nedum exercitâ hic & nunc, quæ est ipsi omnino accidentalis, sed etiam signatâ & veluti vagâ quæ nō est de primaria ejus ratione, sed se habet ad summum ut proprietatis logicalis respectu ejus, quatenus ex eo quod sit immaterialis, consequitur per modum cujusdam attributi necessarij, quod sit numero immultiplicabilis & individua: quemadmodum ex eo quod substantia non sit in subjecto consequitur ut proprietas attributalis & indistincta quod non habeat contrarium. At verò natura Divina, licet, quâ parte concipitur à nobis imperfectissime ad modum etiam rei corporeæ, intelligatur ut

abstracta à singularitate exercita, quæ est extra rationem eius sic conceptæ, (tamen si secundum se sit ei essentialissima;) nō abstrahit tamen à singularitate signata, quæ est ipsi essentialis etiam ex modo nostro intelligendi, ita ut sine illa implicet formari conceptum Dei quemcunque tandem; *cum nomine Dei intelligatur ab omnibus ens aliquod supra omne ens, substantia supra omnem substantiam, subindeque aliquid quod non potest esse nec intelligi nisi unum.* Ergo licet natura angelica possit ex modo nostro concipiendi fieri universalis, non tamen Divina. *Probatur consequentia:* quia naturæ angelicæ, ex eo quod abstrahatur ex modo nostro concipiendi à singularitate tam exercita quam signata, non repugnat ut tali, comparari ad plura individua, quæ quantum est ex vi illius status habere posset; Divinæ vero naturæ id repugnat ob rationem oppositam; ergo, &c.

*Fundamentum ergo proximum universalitatis in natura angelica erit status quem habet in intellectu nostro, rei veluti corporeæ & à singularitate abstractæ: fundamentum verò remotum erit distinctio veluti virtualis naturæ specificæ à singularitate quæ respectu illius se habet, ut dixi, sicut proprietas; hinc enim oritur quod natura illa ex modo nostro concipiendi abstrahi possit ab huiusmodi singularitate nedum exercita sicut natura Divina, sed etiam signata: quæ deum distinctio*

distinctio fundatur in ipsa natura angelica  
quæ secundum se importat primariò sua tantum  
prædicata essentialia inter quæ non est  
immultiplicabilitas aut individualitas, quæ  
solum ex illis consequitur. j. ex spiritualitate  
& immaterialitate, ut diximus. Ex quibus  
omnibus faciliè solves objectiones.

*Obiicitur enim primo:* Ad rationem univ-  
ersalis requiritur, quod natura cum funda-  
mento in re abstrahatur à suis inferioribus, &  
deinde quod compareretur ad illa, aliàs uni-  
versalitas illa erit merè fictitia: atqui natura  
specifica angeli nequit cum fundamento in  
re abstrahi ab inferioribus, nec subinde com-  
parari ad illa: ergo &c. *Probat minor & pri-  
mo quoad primam partem,* quia illa natura  
non habet plura inferiora, sed unicum ut  
supposuimus: *& si dicas* naturam specificam  
abstrahi ab inferioribus nihil aliud esse  
quam illam concipi non concepto ullo sin-  
gulari, sive à parte rei habeat plura sive non:  
*Contra,* quia nullum est fundamentum sic  
concipiendi aut abstrahendi naturam speci-  
ficam angeli, fundamentum enim huiusmo-  
di abstractionis naturæ specificæ ab indivi-  
duali sunt diversa principia à quibus desu-  
muntur hi gradus, nempe materia & forma:  
atqui natura angelica non sunt huiusmodi  
principia, sed ab uno & eodem sumitur indi-  
vidualitas à quo unitas specifica, videlicet ab  
eadem simplici entitate quæ ex se indivi-  
dualis

dualis est hoc ipso quod immaterialis : ergo, &c. *Secunda vero pars eiusdem minoris facile etiam suadetur* : quia ut natura specifica comparetur ad plura individua, debent illa saltem esse possibilia : sed non sunt possibilia naturæ specificæ angeli plura individua : ergo, &c. *Probatur minor*, quia ut supposuimus implicat contradictionem, quod solo numero multiplicetur huiusmodi natura, quippe quæ essentialiter caret principio numericæ multiplicationis.

*Respondeo distinguendo maiorem* : Cum fundamento in re, proximo vel remoto concedo : Proximo, nego : Similiter ad minorem : Nequit abstrahi cum fundamento in re, proximo, concedo : istud enim se tenet ex parte nostri modi intelligendi : remoto, nego, hoc siquidem est virtualis illa distinctio singularitatis à natura specifica. *Ad probationem primæ partis minoris recte respondetur ibidem* : ad replicam nego antecedens : ad probationem eius, permissa maiore, quæ absolutè non habet verum nisi in substantiis corporeis, ut supra docuimus, *distinguo minorem* : Non sunt huiusmodi principia in natura angelica secundum se, concedo : ex modo nostro intelligendi, seu secundum statum quem habet in mente nostra ; nego, ibi enim est ad modum rei compositæ habentis formam in materia ut loquitur D. Thomas 1. p. q. 13. a. 9. *Similiter ad probationem secundæ partis eiusdem minoris*  
distin-



*distinguo minorem:* non suntabilia naturæ angelicæ plura individua prout in se est, concedo: prout à nobis concipitur, nego.

*Dices:* illa individua possibilia vel sunt realia, vel fictitia: non realia, cum nequeant dari à parte rei: nec fictitia, aliàs natura angelica intelligeretur prædicari posse de individuis seu angelis fictitiis.

*Respondeo,* esse realia ex modo nostro intelligendi, cum ex modo tantum nostro intelligendi dari possint.

*Instabis:* hoc est esse fictitia: *Respondeo id negando,* quia concipiuntur possibilia cum fundamento in re modo explicato.

*Obiicitur 2.* Non potest cum fundamento natura aliqua concipi sub aliqua ratione repugnante essentia illius: sed universalitas seu aptitudo ad essendum in multis repugnat essentia specificæ angeli, cum essentialiter careat principio numericæ multiplicationis & sit singularis: ergo, &c.

*Confirmatur* sequeretur individuū ex modo nostro intelligendi posse fieri universale.

*Ad objectionem respondeo universalitatem non repugnare essentia angeli primario & directe, sed proprietati eius & secundariò seu ex consequenti:* singularitas enim seu immultiplicabilitas ut diximus se habet solum ut proprietas ejus.

*Ad confirmationem nego sequelam,* quia individuum, quò tale importat singularitatem

saltem signatam, cui universalitas directè repugnat, natura verò specifica angeli quamvis secundum se importet singularitatem, non tamen ex modo nostro concipiendi, sicut nec natura specifica corporea ad cuius modum concipitur.

## §. 4.

*De Correlativo speciei, nempe Individuo.*

**C**VM propria inferiora speciei, ipsique correlativa sint individua, ut perfectè natura huius tertii prædicabilis explicetur, aliquid breviter de individuo subjungendum est.

*Individuum autem duobus modis accipi potest, sicut & ipsa species, nempe primo intentionaliter, & secundo intentionaliter. Primo intentionaliter sumptum est quælibet natura singularis, sive sit substantialis, sive accidentalis: ut Hæc albedo, Hic homo, Petrus: Bucephalus, & huiusmodi. Individuum secundo intentionaliter acceptum est eadem natura singularis quatenus media intellectus operatione dicit relationem subiicitæ ad speciem, vel prædicabilitatis ad seipsam: priori modo definitur sic, Individuum est id quod subiicitur speciei: posteriori sic, Individuum est quod de uno solo prædicatur, seu natura singularis quæ de seipsa solum enuncia-*

*enunciatur*, unde istæ sunt propriæ prædicationes individui, Petrus est hic homo, Hic homo est Paulus & sic de aliis.

*Dices*: Petrus prædicatur de pluribus: ergo falsum est individuum esse id, quod de uno solo prædicatur.

*Respondeo* prædicari de pluribus quoad nomen, quatenus istud nomen Petrus pluribus imponitur: non vero quoad rem significatam, quatenus scilicet designat hunc hominem singularem. Vnde negatur consequentia, etenim per individuum non intelligimus nomen, sed naturam hanc singularem ad quam significandam imponitur nomen, quæ natura singularis de seipfa solum enunciatur.

*Dices* 2. Individuum etiam secundum rem significatam dicitur de pluribus: nam istæ prædicationes sunt veræ, Petrus est individuum j. natura singularis: Paulus est individuum: ergo, individuum etiam secundum rem significatam non est id quod de uno tantum prædicatur. Idem argumentum fieri potest de persona, supposito, singulari, & similibus, quæ idem significare videntur ac individuum; nam verum est dicere, Petrus est persona, Paulus est persona & sic de cæteris.

*Respondeo* duplex distingui individuum, aliud vagum, aliud determinatum: individuum vagum idem est ac individuum ut sic & in communi seu ut dici solet in actu signato, quale de-

signant ista nomina, Individuum, Singulare, Natura singularis, Quidam homo, & similia: *individuum vero determinatum idem est ac individuum hoc in particulari designatum*, puta Petrus, quem digito indico, & potest dici individuum *in actu exercito*; & hoc modo significatur & exprimi solet vocabulis propriis, vel etiam communibus per pronomen demonstrativum determinatis, ut, Petrus, Hic homo. Hæc natura singularis. Hoc posito, *ad argumentum distinguo antecedens, & de individuo vago concedo, de individuo determinato nego*, unde nihil contra nos, qui de individuo tantum determinato loquimur in ea definitione.

— Potest autem individuum determinari ac designari per quædam accidentia, quæ licet singula diversis competere queant tota tamen eorum collectio nequit nisi uni esse propria: hujusmodi autem accidentia quibus designari ac veluti definiiri potest quodlibet individuum, sunt præcipuè quæ hæc arminibus comprehenduntur.

*Forma, figura, locus, tempus, cum nomine sanguinis.*

*Patria, sunt septem quæ non habet unus & alter.*

## S E C T I O IV.

*De Proprio, quarto predicabili.*

**Q**UATUOR modis sumitur proprium, primo modo dicitur illud quod convenit soli, sed non omni. ut esse medicum, quod competit soli homini, non tamen omni: secundo modo est contra est illud quod convenit omni sed non soli, ut esse bipedem quod omni sed non soli homini competit: tertio modo dicitur id quod convenit & omni & soli, sed non semper, ut canescere, quod convenit omni homini & soli non semper, sed solum in senectute (hoc exemplum ponitur à Porphyrio, valeat quantum poterit:) tandem quarto modo dicitur proprium, illud quod convenit omni soli & semper, ut homini esse risibile.

Sensus hujus divisionis est, proprium aliud esse quod prædicatur de solis alicuius speciei inferioribus, sed non de omnibus: aliud de omnibus sed non de solis: aliud de omnibus & solis sed non semper: aliud denique de omnibus, solis, & semper.

Dico 1. Solum proprium quarto modo, i. illud quod prædicatur de omnibus alicuius speciei in-

ferioribus & de solis ac semper, habet rationem quarti prædicabilis, proprium vero primo, secundo, & tertio modo pertinet ad quintum prædicabile.

*Probat*ur: Proprium quod constituit quartum prædicabile, est illud quod prædicatur de pluribus in quale accidentale necessarium, ut sect. 1. explicuimus: atqui solum proprium quarto modo id habet: ergo illud solum constituit quantum prædicabile. *Probat*ur minor: illud solum prædicatur necessario de aliquo, quod habet necessariam connexionem cum eo, ita ut salva eius essentia non possit negari de illo: atqui solum proprium quarto modo est tale, non vero proprium tribus prioribus modis, etenim salva essentia Petri negari potest de illo quod sit medicus, quod sit bipes, quod in senectute canescat, non tamen quod sit risibilis, cuius ratio est quia risibilitas & quodlibet proprium quarto modo, licet non sit de essentia rei oritur tamen & profluit necessario ab illa, atque ita necessariam cum ea habet connexionem, unde posita essentia necesse est poni & proprietatem, & ablatam auferri, ac e contra: unde Aristoteles definiens proprium ait esse id quod soli inest & conuersum de re prædicatur: Vt est homo, ergo est risibilis. Est risibilis, ergo est homo: Item: Non est risibilis, ergo non est homo: non est homo, ergo non est risibilis.

*Dica* 2. Proprium infimum constituitur

in

*Utrum species qua subiectibilis, &c. 219*  
*in ratione universalis per ordinem ad indi-*  
*dua, non vero per respectum ad speciem cum qua*  
*convertitur. Hac conclusio facile colligitur ex his*  
*qua supra sect. 2. §. ult. diximus de differentia in-*  
*fima.*

*Probatur & explicatur:* duplex enim est  
proprium: aliud infimum, quod consequitur  
differentiam infimam seu specialissimam,  
subindeque cum specie atomica convertitur,  
ut risibile, quod consequitur rationalitatem  
& convertitur cum homine: aliud subalter-  
num, quod dimanat à differentia subalterna  
& cum specie subalterna convertitur ut dor-  
mitivum, quod dimanat à sensibili & con-  
vertibiliter de animali prædicatur. *Hoc posito*  
*sic suadetur conclusio.*

Universale est unum in multis, subinde-  
que debet dicere ordinem ad plura inferiora:  
atqui risibile, v.g. non potest dicere ordinem  
ad alia inferiora quam ad individua: ergo  
constituitur universale per ordinem ad indivi-  
dua. *Probatur minor:* Risibile enim compara-  
tur vel ad hominem vel ad individua ejus,  
respectu primi est prædicatum æquale con-  
vertitur enim cum homine; respectu vero in-  
dividuorum habet rationem superioris at-  
que adeo illa dumtaxat respicere potest ut  
inferiora: unde istæ sunt prædicationes hu-  
jus quarti prædicabilis, Petrus est risibilis,  
Paulus est risibilis, &c. Hæc vero, Homo est  
risibilis, cum sit prædicatio æqualis de æ-

quali, nō pertinet directe ad hoc prædicabile, quod ut tale prædicari debet de inferioribus per ordinem ad quæ dicitur universale & prædicabile: pertinet tamen reductivè.

Quod diximus de proprio infimo comparatione individuorum, dicendum est de proprio subalterno in ordine ad species inferiores, ita ut per respectum ad illas fiat universale, & non per ordinem ad speciem subalternam cum qua convertitur.

## S E C T I O V.

### *De Accidente Quinto Prædicabili.*

**D**uplex solet distingui *Accidens*, *Physicum* scilicet & *logicum*. *Accidens* *Physicum* est quod distinguitur contra substantiam, & definitur *Ens in alio*, dividiturque in novem genera seu prædicamenta, quantitatem, qualitatem, &c. propter quod etiam appellatur *accidens prædicamentale*. *Accidens vero logicum seu prædicabile dicitur* id omne quod non est de essentia aut quidditativo conceptu rei, nec propria ejus passio quicquid tandem illud sit, sive sit ens reale sive ens rationis, sive sit entitative & physice substantia sive accidens, quo sensu non solum prædicata

harum.



harum propositionem (Paries est albus, Homo est doctus, Animal est genus) & similium dicuntur accidentia; sed etiam istarum (Animal est rationale, Cathedra est lignea, &c.) quia licet ista sint entitative substantialia, non tamen sunt de essentia subjecti aut proprietates eam necessario consequentes sicut nec illa, neque enim est de quidditate aut exigentia cathedræ quod sit ex ligno, nec animalis quod sit rationale. Quo fit has prædicationes & similes esse contingentes ad hoc quintum prædicabile spectantes.

Proinde accidens in hac secunda acceptione, prout scilicet complectitur omne id quod non est de essentia rei aut ejus proprietas, constituit quintum prædicabile, quod à Porphyrio ita definitur: *Accidens est quod potest abesse & adesse sine subjecti corruptione.* Cuius definitionis sensus non est, accidens posse indifferenter adesse & abesse realiter à subiecto cum plura sint accidentia naturaliter saltem inseparabilia, ut albedo à cygno, sed quod possit adesse & abesse per intellectum, id est, affirmari aut negari indifferenter salva ejus essentia. Hoc posito.

Dico .i. legitimam esse præfatam huius quinti prædicabilis definitionem: *Accidens est quod potest adesse & abesse sine subjecti corruptione.*

Probat. : quia hæc coincidit cum illa quam supra sect. i. attulimus, nempe, *Acci-*  
*dens*

*dens est id quod predicatur de pluribus in quale contingenter, quæ legitima est: cum per eam explicetur & id in quo istud prædicabile quantum convenit cum aliis prædicabilibus, & illud in quo differt ab eis: ergo & ista legitima erit. Antecedens probatur, nam ut statim dicebamus sensus hujus definitionis (Accidens est quod adest & abest sine subjecti corruptione) est ille, Accidens est id quod indifferenter affirmatur aut negatur de subiecto salva ejus essentia: atqui hoc est prædicari contingenter: etenim de aliquo contingenter prædicari nihil aliud est quam prædicatum ita de illo affirmari ut absque præjudicio essentia ipsius possit de eo negari, aut e converso ergo, &c.*

*Objicies.* Sunt quædam accidentia quæ non possunt adesse & abesse à subiecto, etiam sensu à nobis explicato j. per intellectum, scilicet per affirmationem aut negationem: ergo præfata definitio non est legitima. *Probatur antecedens:* Albedo enim est accidens respectu cygni, v.g. & de eo prædicatur prædicatione quinti prædicabilis: atqui illa nequit abesse & adesse j. indifferenter affirmari aut negari de cygno ergo, &c. *Probatur minor:* quia hæc propositio, cygnus non est albus, est falsa: ergo albedo nequit de eo negari.

*Respondeo* me non dixisse accidens esse id quod potest indifferenter adesse & abesse, affirmari

firmari aut negari; *absolute*, sed tantum cum addito, scilicet *salva essentia subiecti*, seu *absque eius destructione*: Ex quo in forma distinguo *antecedens*: Sunt quædam accidentia quæ non possunt negari, *absolute* concedo, cum hoc addito, *salva essentia subiecti*, nego: unde hæc propositio cygnus non est albus, vel cygnus est niger *absolute*, prolata falsa est: si vero dicatur, cygnus non est albus aut est niger *salva sua essentia*, vera est.

*Instabis.* Mora & existentia sunt accidentia logica, & tamen mors nequit adesse j. affirmari, nec existentia abesse, seu negari de homine: e. g. *salva ipsius essentia*. ergo responsio nulla.

*Respondeo*, quod quamvis non possint affirmari aut negari *salva essentia in actu exercito*, id est *salva entitate ipsa hominis* prout est hic & nunc à parte rei; possunt tamen *salva essentia in actu signato*. j. *salvis predicatis essentialibus, seu definitione*: ita ut quamvis dicatur. Homo est mortuus, aut, Homo non existit, adhuc nihilominus verum sit dicere hominem esse animal rationale; quod non esset si diceretur Homo est hinnibilis, aut homo non est risibilis: eo quod hinnibilitas necessariam habet connexionem cum irrationalitate, & risibilitas cum rationalitate; mors autem & existentia solum contingentem: indifferens siquidem est secundum se id quod dicitur ad essendum actu, vel non; se-  
cus

cus vero ad effendum ut ita dicam, risibile, vel hinnibile necessario enim est risibile.


*Urgebis*: unum ex prædicatis essentialibus hominis est vivens: atqui mors nequit affirmari de homine sine destructione huiusmodi prædicati: ergo destruit aliquod prædicatum essentialē.

*Respondeo distinguendo maiorem*: *Vivens in actu signato, seu nominaliter sumptum*, prout importat tantum vitam aptitudinalem, concedo: *Vivens in actu exercito, seu participaliter sumptum* quatenus importat vitam actua-lem, nego: hoc secundo modo acceptum destruitur per mortem, non autem primo, atque ita non sequitur destrui prædicatum essentialē, sed tantum accidentale, vita enim actualis & exercita contingenter convenit homini, sicut & existentia.

*Dico 2. Accidens constituitur in esse universalis & quinti prædicabilis per ordinem ad subiecta quæ denominat, non vero per respectum ad propria inferiora quibus essentialiter competis.* Unde hæ prædicationes sunt quinti prædicabilis, Petrus est albus, Ioannes est coloratus: non vero istæ, Hoc album est album, aut Album est coloratum.

*Ratio est manifesta* quia album essentialiter & non contingenter prædicatur de hoc & illo albo, sicut etiam coloratum, nec possunt de illis, salva eorum essentia negari: utrumque vero contingenter prædicatur de Petro, de Ioan-

Ioanne, de pariete, & potest salva eorum essentia negari de ipsis. Idem proportionaliter dicendum est de omnibus aliis: ergo, &c.



## DISPUTATIO III.

### *De proprietatibus universalium.*

**E**XAMINATA essentia & speciebus universalis, consequens est ut de proprietatibus eius aliquid subjungamus. *Dua autem sunt potissimum affectiones universalium: altera quæ convenit ipsis ratione materialis, videlicet esse perpetuum, ipsæ enim naturæ communes seu rerum essentia, quæ subternuntur universalitati, dicuntur & sunt perpetuæ, sensu postea explicando (juxta quem scientiæ dicuntur esse de rebus perpetuis, eo quod agant solum de naturis universalibus quæ perpetuæ sunt & immutabiles.) Altera competit eis ratione formalis, nempe esse prædicabile. nam ex eo quod aliquid sit unum in multis, in quo sita est ratio universalis, consequitur tamquam propria passio quod sit prædicabile de illis. De hac ergo duplici proprietate universalis agemus in hac duplici sectione sequenti.*

### SECTIO

## S E C T I O I.

*An Universalia sint perpetua?*

**A**DVERTE quæstionem hanc tripliciter posse intelligi: *Primo, utrum universalis sint perpetua quantum ad esse essentia: secundo: quantum ad esse existentia: Tertio, quantum ad esse quod significat veritatem propositionis, seu connexionem prædicati cum subiecto. Hoc posito, incipiendo à certioribus.*

*Dico I. Universalia nullatenus esse perpetua quantum ad existentiam. Est contra Platonem qui dicebat naturas universales exstitisse ab æterno & ante singularia, à quibus volebat eas esse separatas.*

*Probatur tamen conclusio ex opposito fundamento. Singularia non habent existentiam ab æterno, cum non fuerint ab æterno producta, ut fides docet, & videbimus in libris de cælo, ubi ostendemus mundum non fuisse conditum ab æterno sed in tempore, juxta illud, *In principio creavit Deus cælum & terram*: atqui naturæ universales sunt identificatæ cum singularibus, & non separatæ ab illis ut supra ostensum est: ergo non existunt ab æterno.*

*Dico*

*Dico 2. Universalia non esse positive perpetua quantum ad esse essentia, sed negative solum.* Sensus primæ partis est naturas universales non habuisse ab æterno & antequam singularia producerentur, aliquam entitatem seu realitatem essentiæ extra Deum, *Dico extra Deum*, quia naturas illas esse ab æterno in Deo tanquam in prima causa efficienti & exemplari, non nego, sed suppono; sub qua tamen ratione non tam sunt essentiæ creaturarum, quam ipsa creatrix essentia, *ut loquitur D. Thomas*, eo scilicet quia eas continet non formaliter ut sunt in seipsis, sed eminenter seclusis imperfectionibus. *Sic intellecta*

*Prima pars conclusionis probatur*: Omne quod est extra Deum est productum, nihil enim est improductum & à seipso, nisi Deus; atqui naturæ secundum entitatem essentiæ non sunt productæ ab æterno: ergo non sunt ab æterno quoad entitatem essentiæ. *Minor probatur*: Omne ens productum seu extra causas possum, existit, cum existentia, in re quæ causas habet, nihil aliud sit quam positio ipsius extra illas (*existentia enim, juxta nominis etymon, dicitur quasi extra causas aut extra nihil existentia*): atqui naturæ non existunt ab æterno ut conclusione præcedenti ostensum est: ergo non sunt ab æterno productæ.

*Secunda vero pars suadetur ex discrimine, inter æternum positive & æternum negative.*

*Æternum*

*Æternum enim Positive dicitur illud quod habet in se positivam durationem æternam & infinitam, id est principio & fine carentem, ratione cujus ad omne omnino tempus imaginabile, præteritum, præsens, & futurum se extendit: æternum vero Negative dicitur id, quod de se non est determinatum ad aliquod certum tempus, sed indifferens ad hoc vel aliud. Eo modo quo universale positive dicitur illud quod habet positivum ordinem seu aptitudinem ad existendum in multis: negative vero, quod non est determinatum ad unum, sed indifferens, Ex quo sic argumentor. Quamvis enim essentia rerum non habeant in se durationem realem infinitam, ratione cujus ad omne tempus se extendant, ut jam probatum est, non tamen etiam ex se & sua ratione sunt determinatæ ad aliquod certum tempus, sed indifferentes ad hoc vel ad illud, homo enim secundum suam essentiam non importat nec sibi determinat aliquod tempus in particulari in quo debeat esse, sed ut sic abstrahit ab omni tempore, cum sub illo statu non importet nisi sua prædicata essentialia: concluditur ergo, quod quamvis universalia non sint perpetua positive secundum esse essentia, dici tamen possunt perpetua negative. Et quod dico de hoc quod est esse perpetua, idem censendum est de hoc quod est esse ubique, esse ingenerabilia, esse incorruptibilia, & hujusmodi: hæc enim omnia*

nia



nia conveniunt eis, non positive, quasi sint in omni loco, quasi non generentur aut corrumpantur, seu non oriantur vel intereant ortis aut peremptis individuis; sed negative quatenus secundum se non important principia suæ generationis aut corruptionis, nec sunt determinata ad aliquem certum locum: unde de illis verificatur illud, *Quod ubique est nullibi est*, quia ea tantum ratione dicuntur esse *ubique & immensa*, quatenus non sunt in aliquo loco, sed indifferentia ad omnem locum; non vero quia sint in omni loco sicut Deus, qui ideo dicitur immensus & esse ubique positive.

*Dico 3. universalia esse perpetua etiam negative, quantum ad esse quod significat veritatem propositionis sive connexionem prædicati cum subiecto: quod alii aliis terminis, dicunt, nempe propositiones universales & necessarias esse æternæ veritatis.*

*Probat*ur, esse quod significat veritatem propositionis est esse copulæ; seu illud quo in propositione hoc dicitur esse illud, puta Homo esse animal rationale: atqui universalia quantum ad illud esse sunt perpetua negative, non positive: ergo, &c. *Probat*ur minor: Ut essent positive perpetua quantum ad illud esse, deberet dari ab æterno connexio positiva inter prædicatum & subiectum, inter hominem, v. g. & animal rationale, siquæ deberent illa extrema esse à parte rei ab

æterno; ut vero sint negative æterna sufficere connexio seu identitas negativa, seu quod idem est, negatio diversitatis inter illa, quæ connexio aut diversitatis negatio verè reperitur inter hominem & animal rationale, etsi nō existant, siquidem animal quod de essentia hominis non est nec esse potest aliud ab ipso.

*Ex quibus inferitur quomodo propositiones universales & necessaria dicantur esse æterna veritatis: quatenus scilicet in illis connexio prædicati cum subjecto, quæ est veritas fundamentalis & objectiva, abstrahit ab omni tempore, quod est esse æternas negative. Agitur hic de veritate fundamentali & objectiva, quia loquimur de ea quæ reperitur in rebus ipsis: quamvis inde inferatur prædictas propositiones esse etiam veras ab æterno veritate formali in intellectu Divino, cū Deus connexionem illam prædicati cum subjecto ab æterno cognoscat.*

*Inferitur etiam discrimen inter propositiones necessarias & contingentes, quare scilicet illa dicantur esse æterna veritatis, non ista: quia scilicet in illis copula & connexio prædicati cum subjecto abstrahit à tempore, eo quod secundum se uniantur extrema illa; secus vero in contingentibus, unde ad veritatem istarum requiritur quod extrema de facto existant secundum tempus importatum per verbum copulans.*

*Dices:*

*Dices:* Ista propositio, Antichristus erit, est vera ab æterno, tum ex parte ipsius objecti, tum ex parte intellectus Divini: & idem dici potest de aliis propositionibus contingentibus in ordine ad Divinum intellectum, qui ab æterno earum veritatem cognoscit: ergo sunt æternæ veritatis sicut necessariæ.

*Respondeo distinguendo antecedens: Per se & ratione connexionis necessaria prædicati cum subiecto, nego: per accidens ratione decreti Divini ita determinantis, concedo: & nego consequentiam, propositiones enim necessariæ id habent ex natura sua.*

*Obijcies contra duas præcedentes conclusiones Naturæ universales, antequam singularia producantur, nihil sunt: ergo falsum est eas esse negativè etiam perpetuas, sive quoad esse essentia, sive quoad esse, quod significat veritatem propositionis.*

*Respondeo concessio antecedente negando consequentiam: quia naturas universales esse negativè perpetuas quantum ad esse essentia: aut quantum ad veritatem propositionum, quæ de illis efformari queunt, nihil aliud est quam eas in suo conceptu essentiali, & quantum ad connexionem seu identitatem negativam attributorum essentialium cum ipsis, abstrahere ab omni tempore quod verissimum est, etiamsi illæ naturæ nihil ponant in te ab æterno.*

## S E C T I O II.

*An & quomodo Vniversalia sint prædicabilia  
de suis Inferioribus, in concreto scilicet  
an in abstracto.*

**C**ERTUM est in primis universalia omnia esse prædicabilia de suis inferioribus quibus insunt, ut enim sæpius diximus ex inesse sequitur prædicari tanquam proprietas: unde solum restat resolvendum quomodo de illis prædicari debeant, quæ est secunda pars tituli, pro cuius elucidatione.

*Adverte primò, illud esse diferimen inter concretum & abstractum, sicut alias diximus quod concretum significat formam ut in subiecto vel supposito, v. g. Album significat albedinem ut subiecto inhærentem, Homo humanitatem ut concretam aut conjunctam supposito: abstractum verò significat eandem formam secundum se & quasi per se stantem & solitarie sumptam, ac veluti à subiecto abstractam, non quod revera in subiecto non sit, sed quia nomen abstractum eā ut in subiecto existentem non significat. Unde concretum & abstractum in ejusdem formæ signifi-*

nificatione conveniunt, Album quippe & albedo eandem planè formam designant, differunt verò in modo significandi illam, quatenus illud significat eam ut conjunctā cum subjecto, istud secundum se, sensu explicato. Unde ulterius habes abstracta significare ut partes, concreta verò ut tota. Albedo enim v. g. solam formam qua subjectum constituitur album, significat, quod inde ut talis habet rationem partis componentis actu vel aptitudine, una cum subjecto, totum accidentale, nempe album: Album verò significat illud totum ex subjecto & albedine coalescens, idem enim est Album, ac habens albedinem. *Sed circa hoc.*

*Adverte Secunda.* quod quamvis omne abstractum significetur ut pars, illud tamen inter abstracta substantialia & accidentalia intercedit discrimen, quod abstracta substantialia, v. g. Humanitas & Animalitas, non solū significantur ut partes; sed sunt re ipsa partes, siquidem una cum supposito cōstituunt unum per se, quod non nisi ex partibus quæ sint reverà tales & incompletè coalescere potest, ex entibus enim completis nō potest fieri unum nisi per accidens: Abstracta verò accidentalia, ut Albedo, Color, & alia licet quodammodo significantur ut partes, quatenus una cum subjecto cōstituūt quoddam totum accidentale, puta Album, aut coloratum, re ipsa tamen non sunt veræ partes,

sed potius tota aut totales & completæ essentialiter in proprio genere, cum nihil desit colori, e. g. intra proprium genus qualitatis per quod essentialiter compleri debeat, nec etiam ordinetur ad complendum essentialiter aliud, sed solum ad perficiendam accidentaliter substantiam, ex qua & ex huiusmodi accidente fit tantum unum per accidens, ~~nam~~ ex entibus diversorum prædicamentorum & in suo genere completis coalescens. Ex quibus ulterius habes, quod cum abstractum substantiale sit essentialiter principium seu pars sui concreti, debet semper sumi ut tale, humanitas, v. g. ut principium, quo, homo est homo, animalitas ut id quo animal est animal: at vero abstractum accidentale, cum sit tantum secundum quid & accidentaliter pars, absolute verò ens cōpletum in suo genere, per ordinem quidem ad concretum accidentale debet sumi ut pars aut principium quo illud est tale, sed absolute habet rationem totius, & intelligi debet veluti ad modum per se subsistentis,

*Adverte tertio prædicationem unius de alio esse triplicem, nempe materialem, identicam, & formalem. Prædicatio materialis est, quando prædicatum est idem materialiter & realiter cum subiecto, formaliter tamen diversum ab illo, ita ut nec actu nec potentia ipsum includat aut contineat, sed potius excludat, vel partim, ut*  
in

in hac propositione, Humanitas est rationalitas, ubi rationalitas excludit animalitatem, quæ est pars humanitatis; vel omnino ut in ista. Animal est rationale, ubi subjectum & prædicatum mutuò se excludunt, cum sint compartes de quarum ratione est mutua exclusio. *Prædicatio autem identica est ea*, in qua prædicatum est omnino idem cum subjecto tam realiter quàm formaliter, ita ut non solum in potentia & confuse sed etiam actu & explicitè importet idem quod subjectum, ut si dicas, Petrus est Petrus, vel ensis est gladius. *Prædicatio verò formalis mediat inter duas priores*, est enim ea in qua prædicatum nec omnino est diversum a subjecto formaliter, eo modo quo in prædicatione materiali; nec etiam omnino idem ut in identica, sed medio modo, ita ut subjectum includat prædicatum actu, prædicatum verò in potentia solum & confuse contineat subjectum, quatenus est determinabile & contrahibile per illud aut ad illud sive essentialiter ut animal ad hominē, sive accidentaliter ut album per dulce, unde hæ propositiones sūt formales, Homo est animal dulce (de signato lacte, e.g.) est album: & sic de aliis. His positis.

*Dico primo, genus & speciem in substantiis prædicari debere de suis inferioribus in concreto, in accidentibus verò in abstracto.* Sensus est in prædicatione formali horum duorum prædicabilium prædicata & sub-

substantialia debere significari terminis concretis, hoc modo. Homo est animal, Petrus est homo, in accidentalibus verò, terminis abstractis, ut albedo est color: non verò è contra, dicendo Humanitas est animalitas, aut, Album est coloratum; quamvis enim hæc posterior prædicatio sit formalis, non est propria prædicatio generis aut speciei, sed reductivè duntaxat ad eam pertinet, quod constabit ex probationibus,

*Probatur primò ergò conclusio:* quia eo modo debent prædicata generica & specifica enuncitari de suis inferioribus, quod subeunt rationem generis & speciei: atqui substantiæ non subeunt rationem generis & speciei nisi in concreto, nec accidentia nisi in abstracto: ergò, &c. *Probatur minor,* quia duæ exiguntur conditiones ut aliquid habere possit rationem generis vel speciei, *Prima* est, quod sit totum quoddam in potentia continens inferiora. *Secunda,* quod sit unum per se: illa deest substantiis in abstracto, quæ habent rationem partis ut diximus in notabili secundo; hæc deest accidentibus in concreto quæ licet quoad rem significatam, nempe formam, sint entia per se, sunt tamen quoad modum significandi entia per accidens; significant enim formam ut conjunctam cum subjecto, quæ duo sunt entia completa ex quibus non nisi unum per accidens



-eidentis consurgere potest: ergo substantiæ non induunt rationem generis & speciei, nisi in concreto, accidentia verò in abstracto.

Quod si in prædicationibus horum duorum prædicabilium prædicata substantialia debeant esse concreta, accidentalia verò abstracta, ut ratio adducta convincit, consequenter etiam subjecta eodem modo significari debent; *Et ratio est*, quia concretum nõ prædicatur saltem prædicatione formali de abstracto, sicut nec è contra: neque enim hæ propositiones sunt veræ, Humanitas est animal. Album est albedo. aut è converso: Quod ex eo probatur, quia totum nequit prædicari de parte, nec pars de toto, neque enim dicere possumus, Homo est anima. Homo est corpus, brachium, aut huiusmodi nec vicissim, Anima, corpus, aut brachium est homo: quia scilicet in vera & formali prædicatione unum extremum debet continere actu vel potentia totum quod aliud importat; nec plus nec minus, alias falso diceretur hoc esse illud; quod non habet pars respectu totius, nec totum comparatione partis, minus enim importat pars quàm totum: subsumendo autem constat concretum esse totum, abstractum verò esse partem, ergo &c.

*Dixi concretum non prædicari, saltem prædicatione formali de abstracto, vel è converso:*

ut inverterem *quadam esse concreta & abstracta qua de se invicem enunciari possunt saltem prädicatione materiali*, videlicet prädicata transcendentalia & Divina : hæ namque propositiones, Deus est Deitas, aut, Deitas est Deus, Ens est entitas, Entitas est verum, Bonum est veritas, & similes veræ sunt in sensu materiali: eo quod in illis abstractū non est pars concreti: neque enim ens aut Deus aliquid important ex parte rei significatæ, quod non important entitas & Deitas. Quia tamen hujusmodi abstracta, etsi reverà non sint partes concretorum, nihilominus quodammodo significantur ut tales, *ideò non prädicantur prädicatione formali de illis concretis qua significantur ut tota, nec è converso, sed prädicatione tantum materiali ut dixi.*

*Probatur secundo conclusio specialiter quoad primam partem.* Quia in prädicatione formali prädicatum debet continere in potentia subjectum, ut sæpius dictum est: atqui in substantiis solum concretum id habet, non verò abstractum: ergò, &c. *Probatur minor*: Animal enim continet in potentia hominem, quatenus ad ipsum contrahi potest per rationale: at verò animalitas non continet in potentia humanitatem, quia & est pars humanitatis, & significatur ut pars, pars verò ut pars non continet totum: ergò &c.

*Dices*

*Dices*, ita se habet animalitas ad humanitatem, sicut animal ad hominem, quemadmodum enim homo constat animali & rationali, ita humanitas animalitate & rationalitate: ergo sicut animal continet in potentia hominem, & prædicatur prædicatione formali de illo, ita dicendum de animalitate respectu humanitatis.

*Respondeo eodem modo se habere materialiter, non autem formaliter, ob diversum modum significandi*, quamvis enim utrumq; sit pars, attamen animal significatur ut totum, & sic confuse & in potentia continet rationale, animalitas verò significatur ut pars subindeq; ut excludens, non verò ut in potentia continens aliam partem hoc est rationalitatem.

*Instabis*: Animalitas significatur solum ut pars sui concreti, scilicet animalis, non verò ut pars abstracti inferioris, nempe humanitatis, sicut color significatur ut pars colorati non verò albedinis: ergo sicut hac de causa abstractum accidentale non prædicatur quidem de suo concreto, bene tamen de abstracto inferiori, ita & substantiale.

*Respondeo negando antecedens & paritatem: ratio disparitatis* inter animalitatem respectu humanitatis, & colorem respectu albedinis est, quia animalitas significatur ut id quo animal ( prout condistinctum à rationali subindeque prout pars cum eo hominem componens ) est animal, atque adeo signifi-

catur etiam ut condistincta à rationalitate, & ut pars cum ea humanitatem constituens: Color verò non sic, sed significatur ut id quo coloratum ( prout est totum potentiale respectu albi, nigri & hnjusmodi ) est coloratum, proindeque licet significetur ut pars illius, non tamen ut pars albedinis, sed ut in potentia eam continens, atque ita prædicatur formaliter de illa non verò animalitas de humanitate.

*Ex his ergo habes abstracta substantialia non prædicari de abstractis inferioribus formaliter, sed tantum prædicatione materiali; ut in exemplo illo. Humanitas est animalitas.*

*Dico 2. differentiam, proprium & accidens debere prædicari in concreto de suis inferioribus; Ratio est in promptu, quia hæc tria universalia prædicantur in quale, ut dictum est: ad veritatem autem prædicationis quæ fit in quale, necesse est quod prædicatum significetur adjectivè seu per modum adjacentis subiecto, quod non contingeret, si prædicaretur in abstracto quod significat formam ad modum per se stantis; ergo, &c.*



*In Librum Categoriarum  
Aristotelis.*

DISPUTATIO I,  
Ordine IV.

*De Antepredicamentis.*



**C**ATEGORIÆ seu Predica-  
menta ( à verbo Græco  
κατηγορεω j. enuncio aut  
prædico ) dicuntur series seu  
coordinaciones predicabilium,  
in quibus superiora de inferioribus predicantur,  
ut infra suo loco explicabitur. Antepredica-  
menta verò appellantur quadam ad eorum  
notitiam & explicationem necessariò præcogno-  
scenda, de quibus in sectionibus sequentibus.

SECTIO

---

## S E C T I O I.

### De Univocis, Æquivocis, Analogis, & Denominativis.

**Q**UIA prædicamenta scilicet, *substantia, quantitas, qualitas, relatio, actio, passio, quando, ubi, situs, habere*, possunt tripliciter comparari: *Primò* ad ens cujus sunt membra dividenda analogata ipsumq; proinde respectu illorum est analogum; *Secundò*, singula ad sua propria inferiora respectu quorum sunt univoca, & illa subinde membra univocata ipsorum: *Tertiò*, ad se invicem, maximè verò novem prædicamenta accidentium ad primum quod est substantia respectu cujus sunt denominativa, (substantia enim denominatur quanta aut extensa à quantitate, relata à relatione, &c.) ideo ad faciliorem intelligentiam prædicamentorum explicandum est prius *quid sint univoca, analogæ & denominativa*: & quia analogæ sunt media inter univoca & purè æquivoca, ideo dicemus etiam quid sint æquivoca.

*Adverte autem quod jam insinuavimus, aliud esse univocum univocans, aliud univocum univocatum, similiter aliud analo-*

gum analogans, aliud analogum analogatum, & idem de æquivoco: univocum univocans est ipsum nomen quod dicitur univocum, ut Animal: univoca verò univocata dicuntur illa quæ in tali nomine conveniunt, ut Homo, Equus, & hujusmodi: idem dic proportionaliter de analogis & æquivocis, His positis.

Dico 1. univocum univocans est nomen immediate significans rationem aliquam in pluribus simpliciter eandem (ut alias diximus, terminum univocum qui idem est, definientes) seu, est nomen significans plura non ut diversa, sed ut in aliqua ratione simpliciter convenientia, in idem enim redit hæc descriptio Exemplum est in hoc nomine, Animal; quod significat rationem viventis sensitivi in homine & bruto simpliciter eandem, aut quod idem est significat hominem & brutum non secundum proprias differentias ac diversa sunt, sed quatenus in illa ratione conveniunt, quæ eodem planè modo in illis reperitur.

Unde constat rectè definiri ab Aristotele univoca (subaudi) univocata dum ait univoca esse ea quorum nomen commune est, & ratio per illud nomen significata eadem: patet exemplo in homine, equo, leone, & cæteris quæ conveniunt tum in nomine animalis, tum in ratione seu essentia per illud importata quæ reperitur in illis eadem.

Dico 2. *Æquivocum æquivocans* è *contrario* est nomen significans immediate plura, omnino ut diversa, & non ut convenientia in aliqua ratione, quæ per illud nomen significetur. Exemplum est in hoc nomine, Canis, quod immediate significat animal latrabile, piscem aliquem & quoddam fidus quod Canis aut Canicula solet appellari, significat (inquam) illa secundum proprias differentias absolute, & non ut in aliqua ratione ullo modo conveniunt. Dixi. *Quæ per illud nomen significetur*: quia ut nomen sit æquivocum, non requiritur quod ea quæ significat, in nulla proflus ratione convenient, sed sufficit quod non convenient, in aliqua ratione quæ per illud nomen importetur: unde licet canis terrestris seu larrabilis, canis marinus, & canis celestis, univoce convenient in ratione substantiæ & corporis; nomen tamen canis est æquivocum respectu illorum, quia non significat ea secundum quod convenient in illa ratione sed secundum proprias differentias & ut diversa sunt.

*Ex quibus sequitur* æquivoca æquivocata recte posse definiri, *Ea quorum nomen commune est, ratio vero per illud nomen significata omnino diversa*. Patet in exemplo illo de cane terrestri, marino, & sidereo, quibus commune est nomen canis, ratio vero per illud importata, ut loquitur Aristoteles, illi nemini accommodata omnino diversa, siquidem significat



ficat immediate proprias illorum rationes ut diversæ sunt, & non ut in aliquo convenientes.

Dico 3. *Analogum analogans* (quod mediat, inter univocum & pure æquivocum, quamvis magis accedat ad istud) est nomen significans immediate rationem simpliciter diversam in multis, secundum quid vero eandem: seu quod idem est significans immediate plura simpliciter diversa, & tamen in aliqua ratione aliququaliter secundum quid convenientia. Exemplum sit tum in hoc nomine, sanum, quod immediate significat rationem sanitatis in animali, medicina, & urina; (nam & animal dicitur sanum, & medicina dicitur sana, & urina similiter) significat inquam sanitatem aut rationem sani in illis simpliciter diversam (alio enim modo animal dicitur sanum, quatenus scilicet habet in se sanitatem, alio modo medicina quatenus illam causat, & alio urina quatenus illam significat,) secundum quid tamen eandem, quatenus per habitudinem aut respectum ad eandem sanitatem omnia illa dicuntur aut denominantur sana: tum in nomine Entis, quod juxta dicenda in Metaphysica, per se primo & immediate significat rationem essendi in substantia & accidente simpliciter diversam, in illa enim est ratio essendi per se, in hoc ratio essendi in alio; secundum quid tamen eandem. quatenus

tenus etiam per habitudinem ad eandem entitatem, aut secundum quandam inter se proportionem vel proportionalitatem, modo infra & loco citato explicando, dicuntur entia. In idem autem redit dicere illa significare rationem sani aut entis simpliciter diversam, secundum quid verò eandem in huiusmodi inferioribus, ac dicere quòd significant inferiora illa ut simpliciter diversa & secundum quid convenientia in illis rationibus, modo explicato.

*Vnde habes analogum non importare solum in potentia sua analogata, sicut univocum sua univocata, nec ex adverso importare illa actu explicito sicut equivocum importat sua equivocata: sed medio modo, id est, actu implicito & confuso: quod idem est ac importare non rationem aliquam simpliciter & perfectè præcisam ab illis, sicut univocum: nec etiam proprias rationes eorum explicitè, sicut equivocum; sed rationem aliquam secundum quid imperfectè præcisam ab eis, seu quod idem est, rationes ipsorum prout secundum quid & imperfectè conveniunt in aliquo, puta ens rationem substantiæ & accidentis prout aliquo qualiter conveniunt in ratione essendi, quod est importare seu significare rationes proprias huiusmodi analogatorum implicitè & in confuso. Constat hoc corollarium ex ipsa discrimine inter univocum, æ-*  

*quivocum.*

quivocum & analogum, quod alias non salvaretur.

*Habes 2. analogia analogata rectè definiri ea, quorum nomen commune est, ratio vero per illud nomen significata simpliciter diversa, & secundum quid eadem. Patet in eis exemplis de animali, medicina, & urina, comparatione sani: & de substantia & accidente respectu entis.*

Adverte autem Analoga comprehensa esse ab Aristotele sub nomine æquivocorum quæ ab ipso definiuntur in communi, *Ea quorum nomen commune est, ratio verò nomini accommodata diversa, & dividuntur communiter in æquivoca à casu, quæ dicuntur purè æquivoca, quorum scilicet ratio per nomen significata est omninò diversa, & de his in secunda conclusione; & æquivoca à consilio, quorum ratio est simpliciter diversa, secundum quid eadem & hæc sunt quæ speciali nomine dicuntur analogia, de quibus statim. Illa dicuntur æquivoca à casu, quia casu & temerè factum est in eis ut idem nomen plura significaret; hæc à consilio, quia in ipsis id factum est de industria attenta scilicet habitudine aut proportionem vel similitudinem unius significati cum altero.*

*Dico 4. Denominativa dicuntur concreta accidentalia, quatenus denominantur talia à forma quam significant, & huiusmodi denominationem subjecto tribuunt. e.g. Album est denominati-*

una & eadem sanitas; diversam vero quoad habitudines ad ipsum, quibus ab eis respicitur, quæ sunt habitudines subjecti causæ, vel figm. *Dicitur autem hac analogia Attributionis*, vel quia principale analogatum tribuit denominationem aliis analogatis minus præcipuis; medicina enim & urina denominantur sanæ à sanitate animalis, quod est principale analogatum: vel, quod in idem redit, quia minus principalia analogata dicuntur talia (puta sana per attributionem aut habitudinem ad primum à quo denominatio huiusmodi ad ipsa derivatur.

*Analogia autem Proportionis vel Proportionalitatis dicuntur ea quorum nomen commune est, ratio vero significata per nomen est simpliciter diversa in illis, eadem vero secundum aliquam proportionem aut similitudinem.* Cujusmodi sunt E. G. Cor, fons, & instans, in ratione principii conveniunt enim in hoc nomine *principium*; cor enim dicitur principium vitæ, fons, rivuli aut fluminis; *instans*, temporis: ratio per illud nomen significata est simpliciter diversa in illis, ut constat: alio enim & longe diverso modo cor principiat quàm fons, & alio fons quàm instans: sed tamen est eadem seu similis proportionaliter, quæ proportionalis & imperfecta similitudo aut identitas consistit in hoc quod sicut se habet ratio principiandi vitam in corde, ita aliquo modo ratio principiandi fluvium

vium in fonte, aut tempus vel horam in instanti. *Talia sunt etiam substantia & accidens in ratione entis*, quod licet fit analogum attributionis respectu ipsorum, quatenus significat rationem essendi simpliciter & propriè quam habet substantia ut subjectum aut quasi subjectum accidentia ut affectiones, effectus, aut signa ipsius (quod est illam esse eandem in eis secundum terminum, diversam verò secundum huiusmodi habitudines subjecti, affectionis, aut signi, ad illum, ut de ratione sani dicebamus, & magis patebit ex dicendis :) *est tamen etiam analogum proportionalitatis comparatione eorundem*, quatenus significat rationem essendi qualemunque, quæ est simpliciter diversa in eis, utpote quæ in substantia est ratio essendi per se; in accidenti vero ratio essendi in alio; proportionaliter forma similis, quatenus sicut se habet ratio essendi per se in illa, ita in accidenti ratio essendi in alio. Sic etiam dicendum de homine vero & de homine picto in ratione hominis, ita enim se habet homo pictus ad suam formam, ut verus ad suam: sic de risu prati (prata enim dicuntur ridere) & de risu hominis qui sicut testatur bene esse ipsius, ita amœnitas, quæ dicitur risus prati, testatur bene esse ipsius prati, atque ita conveniunt analogicè analogiâ proportionalitatis in ratione risus. *Sed advertendum, huiusmodi analogiam aliam esse proportionalitatis propria,*

*propria*, quæ est quando ratio illa proportionaliter similis reperitur propriè in omnibus analogatis, ut ratio principii, & ratio entis in exemplis primo loco adductis: *aliam impro-  
pria*, quando propriè est in uno, in alio aut aliis impropriè & metaphoricè, ut in posterioribus exemplis de homine vero & picto, de risu prati & de risu hominis. *Ex quibus omnibus.*

*Probatam manet conclusio, duplicem scilicet esse analogiam in genere.* Analogia enim ut sic est aliqualis convenientia multorum in aliqua ratione per nomen ipsis commune importata: ergo quot modis contingere potest ut sint idem aut convenientiant aliqualiter in illa ratione, quæ simpliciter diversa est, totidè constituendæ erunt diversæ analogiæ: atqui duobus tantum modis, loquendo in genere, id contingere potest; primo ita ut ratio illa sit eadem solum secundum terminum, quatenus omnia denominantur per ordinem ad idem, in quo consistit ratio analogiæ attributionis; secundo ita ut sit eadem secundum aliquam similitudinem quam habet ratio propria unius analogati cum ratione propria alterius, quæ est analogia proportionalitatis, ut explicuimus: ergo. Dixi *in genere* quia possunt ulterius subdividi ut de analogia proportionalitatis vidimus. *Vnde*

*Inferes discrimen inter analogiam attributionis & proportionalitatis stare præcisè in tribus illis*

illis conditionibus à Caietano assignatis. Cajet.  
*Opusc. de analogia nominum Prima*, quod ratio significata per analogum attributionis quæ tale sit uni tantum analogato intrinseca (quod ideo appellatur principale analogatum; unde & pro ipso stat analogum per se sumptum; ) in aliis vero minus præcipuis sit tantum per extrinsecam denominationem, quod patet in exemplis illis de sano & de ente, sanitas enim Soli animali est intrinseca, sicut & soli substantiæ ratio essendi simpliciter & propriè, sub quâ significatione ens est analogum attributionis, ut vidimus; medicinæ vero aut urinæ & accidentibus sunt extrinsecæ rationes illæ & ab eis denominantur ut causæ signa, vel effectus, aut affectiones earum. Ex qua prima conditione sequuntur alie duæ, nempe quod ratio illa per analogum attributionis significata sit una & non multiplicata realiter in analogatis; & quod principale analogatum ponatur in definitione cæterorum; prior sequitur ex eo, quod ratio illa non reperiatur intrinsecè nisi in primo analogato, & ab illa una cætera extrinsecè denominantur, atque ita non debeat multiplicari ad multiplicationem illorum; ex quo etiam sequitur ultima, cum enim minus principalia analogata non suscipiant denominationem nisi per ordinem ad primum, consequens est ut non possint definiri qua talia nisi per ordinem ad illud: unde si definienda sit medicina

cina ut sana, dicitur esse causa sanitatis animalis; si urina, dicitur esse signum illius; & idem dic de accidente quod sub hac consideratione definitur Entis ( id est substantiæ ) ens, seu modus, affectio, passio, vel quid hujusmodi. *At vero conditiones analogie proportionalitatis sunt oppositæ*, ita ut ratio per analogum proportionalitatis importata intrinseca sit ( vel propriè vel metaphoricè, respective juxta superius dicta de analogis proportionalitatis propriæ & impropriæ. ) omnibus analogatis; atque adeo realiter multiplicata in illis, sicut ratio univoci, puta animalis, aut hominis, realiter multiplicatur in suis inferioribus, quæ est secunda conditio; & quod unum analogatum non definiatur per aliud, quæ est tertia.

*Quod totum patet in ente prout significat rationem essendi qualemcunque*, qua ratione est analogum proportionalitatis ut vidimus; ratio enim illa intrinsecè reperitur in substantia & in accidentibus: atque adeo non est una sed realiter distincta in illis, sicut & ipsa distinguuntur; & cum unumquodque illorum denominetur ab ea ratione sibi intrinseca, debet consequenter per illam absolute & sine ordine ad aliud definiri; licet quemadmodum ratio unius est proportionaliter ratio alterius aut ei aliquo modo similis, ita & definitio.

*Dixi quæ tale, quia ratio per illud, non ut est,*



est analogum attributionis, importata potest esse omnibus intrinseca; sicut è contrarium significata per analogum proportionalitatis, non ut tale, potest non esse intrinseca omnibus; quod utrumque contingit in ente ut vidimus.

## S E C T I O I.

*De Complexis & Incomplexis, nec non de  
duabus Regulis antepredicamentalis.*

**P**PRIMUM ergo antepredicamentum, seu ad categoriarum notitiam præcognoscendum, sunt univoca, æquivoca, analogæ & denominativa, de quibus in superiori sectione.

*Secundum*, de quo hic primo loco agimus, est divisio entis in complexum & incomplexum, quam his terminis tradit Philosophus. Eorum quæ dicuntur, alia cum complexione dicuntur, ut homo albus, alia sine complexione. ut Homo, Sensus est: Rerum quæ significantur nominibus, aliæ sunt complexæ, aliæ incomplexæ, id est, aliæ concipiuntur pluribus conceptibus, aliæ concipiunturque termino complexo, aliæ concipiuntur uno conceptu & signifi-

significantur termino incomplexo. Hæc divisio separat ea quæ per se ponuntur in prædicamento ab iis, quæ non ponuntur nisi per partes: res enim incomplexæ, ut Homo, per se ponuntur, complexæ verò, ut homo albus, non nisi per partes, siquidem homo seorsim collocatur in prædicamento, & albedo etiam seorsim in alio.

*Tertium est una Regula qua sic habet, Quando aliquid prædicatur (subaudi quidditativè) de aliquo subiecto, quidquid prædicatur (quidditativè) de prædicato, prædicatur etiam (quidditativè) de subiecto.* Ut quia animal quidditativè prædicatur de homine, quicquid prædicatur quidditativè de animali, puta quòd sit vivens, corpus, substantia, prædicatur etiam quidditativè & essentialiter de homine. Dixi subaudiendum esse *Quidditativè*, cum hac enim restrictione habet rationem antepædicamenti regula illa, ad coordinandam scilicet & dignoscendam prædicabilium seriem essentialem, quamvis vera sit etiã universaliter intellecta de omnibus prædicatis realibus & positivis; quòd addo, quia de prædicatis rationis aut negativis non habet verum, quia variatur suppositio de simplici in realè: unde licet de natura humana v. g. prædicetur quòd sit species, quòd sit æterna aut ubique negativè, non tamen de Petro.

*Quartum est alia Regula, qua his terminis exprimitur: Diversorum generum & non sub-*

M

alterna-

*alternatim positorum diversa sunt specie differentia, subalternatim verò positorum nihil prohibet easdem differentias esse. Explicatur, Genera subalternatim posita dicuntur ea, quorum unum sub altero continetur, ut sunt substantia, corpus, vivens & animal: corpus enim ponitur sub substantia, vivens sub corpore &c. E converso non subalternatim sunt ea quorum unum sub altero non collocatur, ut animal & planta. Sensus ergo est quod quamvis genera quæ prædictam inter se habent subordinationem, possint per easdem differentias, mediatè, vel immediatè contrahi, ( Vivens enim v, g. contrahitur immediatè, per sensitivum, corpus verò mediatè, unde æque potest definiri animal, dicendo quod sit substantia sensitiva, vel corpus sensitivum, ) illa tamen quæ hoc modo inter se non subalternantur, quamvis subordinentur uni tertio, sicut animal & planta viventi, non possunt contrahi per easdem differentias essentielles. Ratio est, tum quia diversis essentialiter potentiis diversi debent actus essentielles correspondere, cum ab eis sumatur diversitas illa potentiarum: atqui duo genera, quorum unum non continetur sub alia, sunt diversæ essentialiter potentiæ metaphysicæ. actus verò ipsis correspondentes sunt differentia ipsæ essentielles: ergo. Tum quia si duo genera disparata contraherentur per eandem*

eandem differentiam essentialem, jam una & eadem species, quæ per talem differentiam constitueretur, poneretur sub diversis generibus, quod est absurdum.

Dixi, non posse diversa genera non subalternata contrahi per easdem differentias essentielles: nihil obstat quominus habere possint easdem differentias accidentales, ut patet in animali gressibili & volatili, quæ sunt duo genera subalternata animali ut sic, sed non inter se, utrumque autem dividitur per bipes & quadrupes tanquam per differentias accidentales.

## SECTION III.

### De Divisione Entis in decem Prædicamenta.

**V**LTIMUM Antepredicamentum est divisio entis incomplexi in decem suprema genera, sub quibus omnia continentur. *Ens enim incomplexum* aliud est *Substantia*, ut *Hommo*: aliud *Quantitas*, ut *Linea*, aliud *Qualitas*, ut *Albedo*: aliud *Relatio*, ut *Paternitas*, aliud *Vbi*, ut *Sursum*: aliud *Quando*, ut *Hieri*: aliud *Situs*, ut *Sessio*: aliud *Habere* seu *Habi-*

*ens*, ut Vestitum esse aliud Actio, ut calefacere, aliud passio, ut Calefieri.

Circa hanc divisionem plura supponenda sunt ex Metaphysica quæ hic examinari non possunt.

*Primum est ens universalissimè & latissimè sumptum dividi primò in ens reale & ens rationis*, ens reale in creatum & increatum, qui est solus Deus O. M. Ens reale creatum in substantiam, quæ constituit unum prædicamentum, & accidens quod subdividitur in novem genera accidentium, & sic habetur denarius numerus prædicamentorum, qui magis innititur communi sensui Philosophorum, quàm alicui firmæ rationi.

*Potest tamen suaderi advertendo, quod alias jam innuimus, aliunde peti numerum prædicabilium & prædicamentorum.* Cum enim universale seu prædicabile sit Unum aptum inesse multis & prædicari de illis tanquam de suis inferioribus, numerus prædicabilium sumitur ex diverso modo essendi in propriis inferioribus & prædicandi de illis: unde quia quinque tantum modis potest aliquid esse in suis inferioribus, nempe vel tanquam pars essentialis potentialis, vel tanquam pars essentialis actualis, vel tanquam essentia completa ex illis partibus coalescens, vel ut accidens necessarium, vel ut accidens purè contingens, inde fit quòd quinque tantum sunt præ-

prædicabilia. At verò prædicamenta sunt diversæ series aut coordinationes generum & specierum inter se subordinatorum, diversis modis de prima substantia prædicabilium, ita quòd diversitas illa prædicamentorum ex diverso modo prædicandì, non de propriis inferioribus, sed de eadem prima substantia, defumatur: hujusmodi autem coordinationes diversimodè de prima substantia prædicabilium decem esse possunt nec plures nec pauciores, *quod sic ostendo*, quidquid enim prædicatur de Petro aut de quavis alia substantia prima & singulari, vel est de ejus essentia, vel extra essentiam: si sit essentiale, ut cum dico, Petrus est homo, animal, vivens, corpus, substantia, constituitur categoria substantiæ: si verò est extra essentiam ejus, vel est prædicatum purè absolutum, vel purè relativum, vel medio modo se habens, id est, absolutum, connotans tamen aliquid extrinsecum. Si sit purè absolutum, aut convenit ipsi ratione materiæ, & illud est quantitas: aut ratione formæ, & est qualitas: si purè relativum, est ipsa relatio: si verò absolutum, connotans tamen aliquid extrinsecum, vel connotat illud ut principium activum à quo emanat, & est actio; vel ut principium passivum in quo recipitur, & est passio, vel ut mensuram magnitudinis ambientem & mensurantem molem ipsius corpoream, sive

absolutè sumptam, & est ubi, sive spectatam cum debito ordine partium, & est situs; vel ut mensuram durationis, & est quando, vel denique ut ornamentum & tegumentum corporis, & est habitus: (quæ mensura magnitudinis est locus; durationis, tempus; ornamentorum & tegumentorum, vestes aut arma: ) nullus autem alius modus effendi in prima substantia aut prædicandi de illa videretur excogitari posse, ergo decem erunt nec plures nec pauciores hujusmodi prædicabilium coordinationes, atque adeo decem prædicamenta, subindeque prædicta divisionis entis creati adæquata.

*Secundum ex Metaphysica supponendum est præfatas divisiones entis non esse univocas sed analogas, ita ut non solum ens communissimè sumptum sit analogum respectu entis realis & entis rationis, ens reale respectu creati & increati, seu Dei & Creaturarum, sed etiam ens creatum respectu substantiæ & accidentis, & accidens respectu novem prædicamentorum. Si enim ens creatum esset univocum respectu substantiæ & accidentium, jam esset genus respectu illorum, & sic non essent decem suprema genera, nec subinde decem prædicamenta, seu unicum, nempe ens: & similiter si accidens esset univocum ad novem genera accidentium, esset quoque genus comparatione illorum. & sic duo tantum darentur ad summum prædicamentum nem-*

ta: nempe substantia & accidens: hæc autem  
quanivis à nonnullis admiffa fuerint, sunt  
tamen contra torrentem philosophorum  
communi consensu admittentium decem  
suprema gênera. Fundamentum autem & ra-  
tiones cur ens non sit univocum sed analo-  
gum, ponemus in Metaphysica.

§. Unicus.

*Quanam ponantur in Prædicamento &  
quomodo.*

**S**I verum sit id, quod superius supposui-  
mus, videlicet Ens quod immediatè divi-  
ditur in decem prædicamenta, non esse ens  
latissimè sumptum, prout ambit ens reale &  
ens rationis; nec etiam ens reale in tota sua  
latitudine prout complectitur creatum & in-  
creatum, sed duntaxat ens reale creatum, *ma-  
nifestum relinquitur primò ens rationis non po-  
ni in aliquo prædicamento*; quod enim non  
continetur sub diviso, nequit collocari sub  
aliquo membrorum dividendum; si ergo di-  
visum in proposito sit ens reale creatum, ens  
rationis quod non continetur sub illo non  
continebitur etiam sub ullo prædicamento-  
rum ipsum dividendum. Non nego quidem  
absolutè entia rationis posse collocari in  
prædicamento, seu in illis posse seriem præ-  
dicamentalem coordinari, præsertim in se-



cundis intentionibus, nam sub relatione rationis, ut sic, collocatur secunda intentio tanquam sub genere supremo, sub secunda intentione universalitas, verb. grat. sub universalitate genereitas, quæ est species infima, sub genereitate hæc genereitas tanquam ejus individuum: sed intendo duntaxat non collocari entia rationis sub aliquo ex decem assignatis prædicamentis quæ realia sunt.

*Relinquitur secundo Deum non poni in prædicamento: quia etiam non continetur sub ente illo quod dividitur in decem prædicamenta.*

Verum ne ea quæ probanda sunt, supponamus, ex ipsamet definitione prædicamenti habere possumus quænam sub aliquo ex decem enumeratis collocentur: *Advertendo dupliciter posse aliquid poni in prædicamento, directe, scilicet & indirecte, directe ea collocantur quæ in recta linea sub supremo genere ponuntur, indirecte verò illa quæ ad latus, & de quibus supremum genus non prædicatur, sunt tamen aliquid pertinens vel tanquam partes, vel aliquo alio modo, ad ea de quibus enuntiatur.*

*Prædicamentum ergo, ut ex dictis colligitur, est series seu coordinatio prædicabilium de aliquo, superiorum & inferiorum, sub uno supremo genere. Ex qua definitione inferuntur tres conditiones necessariae ut aliquid directe in prædicamento collocetur.*

*Prima*

*Prima est ut contineatur sub aliquo ex decem generibus supremis: ad quod necesse est primò, quòd sit ens reale: de ente enim rationis nulum supremum genus ex assignatis potest simpliciter enuntiari, cum non possit dici absolute & sine addito, Chimæra est substantia, sed tantum addendo, ficta; nec similiter, Universalitas est relatio, sed cum addito, rationis, & sic de aliis: & ratio est quia ens rationis non est simpliciter ens, atque adeò nec simpliciter relatio aut quid simile ex decem generibus. Necesse est præterea quòd sit ens reale creatum & finitum, ens enim increatum & infinitum cum sit actus purissimus non includit aliquid potentiale, atque adeò nec continetur sub ullo genere quod potentialissimum est, nec illud includit, de quo plura in prædicamento substantiæ.*

*Secundu est, quòd sit Vniuersale seu Pradicabile: ad quod etiam requiritur quòd sit finitum, & quòd sit incomplexum: quòd sit univocum, quòd sit ens per se & completum: ens enim infinitum seu Deus nequit habere rationem universalis, nedum quia essentialissimè est singularis, sed etiam quia nequit concipi ut quid potentiale, ut dictum est, nec subinde ut prædicabile de pluribus, quæ sint plura in nomine & ratione Dei, quod ad rationem universalis requiritur, ut patet in Platone & Socrate v.g. qui sunt plures in nomine & ratione hominis, at verò Pater, Filius*

& Spiritus sanctus licet sint plures in ratione personæ, non tamen in ratione Dei, nec dicuntur tres Dii, sicut Plato & Socrates dicuntur duo homines, sed solum tres personæ Divinæ. *Complexa etiam, æquivoca, analoga, entia per accidens; excluduntur à ratione universalis, atque adeo & à prædicamentis, defectu unitatis aut in modo significandi vel concipiendi; aut in re ipsa significata. Excluduntur etiam partes & entia incompleta, universale enim habet rationem totius potentialis.*


*Tertia denique, quod sit universale aut prædicabile, non quaecunque, sed essentialem habens coordinationem & seriem cum aliis per modum superioris aut inferioris: ad quod necesse est quod sit genus aut species, neque enim differentia talem habent coordinationem, siue inter se, siue cum generibus aut speciebus, ut, constat, & multò minus proprium aut accidens.*

Unde tandem fit in linea recta prædicamentali sola genera & species collocari, & individuum tanquam basim & fundamentum, differentias vero proprium & accidens solum indirectè, quod idem dicendum est de omnibus aliis, quæ pertinent quomodo cunque ad entia directè collocata vel tanquam partes illorum, vel alio quovis modo. Adverte autem me locutum fuisse de proprio & accidente in concreto sumptis, qua ratione constituunt quantum & quintum prædicabile: nam si  
sumantur

fumantur in abstracto, ponuntur in linea re-  
cta suorum prædicamentorum, cum ut sic  
possint habere rationem generum & specie-  
rum respectu suorum inferiorum.

Ut autem quilibet sibi formare valeat se-  
riem prædicabilium in quolibet prædica-  
mento, lubet exemplum subijcere in prædi-  
camento substantiæ, apponendo hic *Arbo-  
rem Porphyrii* communiter appellatam, quia  
Auctor ille in Capite de specie primus om-  
nium seriem hanc prædicabilium sub-  
stantialium sic in modum Arbo-  
ris coordinavit, oculisve  
subiecit.





*Diffinit. I. Quid ponatur in predic. Cap. 277*

In qua figura considerandi sunt in primis circuli, qui ponuntur in medio, deinde qui ad utrumque latus.


In circulis mediis ponuntur genera & species quæ directè pertinent ad prædicamentum. In supremo quidem circulo ponitur substantia ut genus generalissimum, quod nullum aliud supra se agnoscit genus; ens enim quod de illa & de aliis prædicamentis enunciat, cum sit analogum, non habet rationem generis respectu illorum. Sub substantia immediatè collocatur corp<sup>2</sup>, sub quo (si omnia genera) in hac serie coordinabilia adducerentur) immediatè poni deberet generabile, corpus enim dividi debet in alterabile, & inalterabile, sicq; ex corpore tanquã gradu generico & ex alterabili tanquã gradu differentiali coalescit generabile; sub quo rursus collocandum esset mixtum tanquam genus superius ad vivens: etenim generabile dividitur per simplex & compositum tanquã per differentias essentielles, unde ex gradu generico generabilis, & ex gradu differentiali compositi resultat mixtum, quod dividitur immediatè in animatum & inanimatum, atq; ex ratione mixti & animati cõsurgit vivens. Verùm quia hanc seriem prædicamenti substantiæ in exemplum duntaxat adduxit *Porphyrus*, ideo non curavit in ea ita exactè collocare omnia genera, sed corpus quod immediatè dividendum foret per alterabile

rabile & inalterabile, dividit per differentias medias, nempe animatum & inanimatum. Sub vivente verò collocatur animal, quod licet per ordinem ad brutum sit tantum genus subalternum (nam brutum in plures species subdividitur, imo & in plura genera inferiora; evidens enim est magis differre animalia volatilia à terrestribus & aquatilibus, quam differant inter se, atque adeò plus quam specie, subindeque si texeretur series prædicamentalis equi v. g. deberet sub animali collocari brutum, & sub bruto alius adhuc gradus genericus innominatus communis omnibus brutis terrestribus, & sub illo equus) licet inquam per ordinem ad brutum ita se habeat, in ordine tamen ad hominem est genus infimum, siquidem homo non dividitur ulterius in diversas species. Unde tandem in infimo circulo figuræ adductæ immediate sub animali collocatur homo tanquam species specialissima seu infima, in quo differt à gradibus superioribus qui sunt species comparatione illorum quæ supra se habent, & genera comparatione inferiorum: homo autem ita est species ut non sit genus. Individuum verò ponitur non tanquam pars intrinseca prædicamenti (prædicamentum enim est series prædicabilium) sed tanquam basis cui cætera innituntur, ut tota arbor radici.

Ad latus verò dextrum ponuntur differentie proprie dictæ & positivæ, quæ simul  
divi-

dividunt gradum superiorem & constituunt inferiorem.

Ad latus denique sinistrum collocantur differentiae impropriae & negativae, vice differentiarum positivarum quas ignoramus. Neque enim imaginandum est incorporeū, inanimatum, insensitivum, irrationale, & similia, esse peculiāres differentias constitutivas rerum ( unaquæque enim res per differentiam positivam constitui debet ) sed sunt quaedam negationes illis annexae: differentia enim constitutiva Angeli incorporea esse debet, similiter differentia positiva constitutiva lapidis debet esse inanimata, & sic de aliis. Unde cum nos hujusmodi differentias proprias & positivas ignoremus, designamus eas per negationes ei annexas. Hæc de Antepredicamentis.



## DISPUTATIO I.

### *De Predicamento Substantia.*

**A**bsolutis quæ ad Prædicamentorum notitiam & explicationem prærequirerantur, incipimus jam de singulis tractare & primo de substantia de qua sit.

SEC-



## S E C T I O I.

*Quid sit substantia, & qualis eius divisio in primam & secundam.*

**S**ubstantia, quæ suam etymologiam ducit tum à subsistendo per se, tum à substantiando aliis nempe accidentibus, *dupliciter, quantum ad propositum spectat, sumi potest. Primò latissimè*, prout distinguitur ab accidente, & ambit illud omne, quod non est in alio tanquam in subjecto inhætionis, & collocatur sive directè, sive indirectè in hoc primo prædicamento: & hoc modo sumpta substantia definiri debet. *Ens per se subsistens abstrahendo ab eo quod subsistat completè vel incompletè*; qua ratione materia, forma, differentia substantiales imò ipsi modi substantiales, puta, subsistentia & existentia, & similia dicuntur substantiæ. *Secundò sumi potest magis stricte & propriè pro substantia completa & directè posita in linea prædicamentali, juxta quam acceptionem.*

Dico 1. Substantia prædicamentalis, seu directè collocata in prædicamento, rectè definitur. *Ens per se completè subsistens.*

*Expla*

*Explicatur* : dicitur imprimis *Ens*, in quo analogicè convenit substantia cum accidente : dicitur *per se subsistens*, in quo differt ab illo, accidens enim est ens in alio, id est inhærens substantiæ, non verò subsistens per se : additur denique *completè*, per quod substantia completa & directè in prædicamento collocata secernitur ab incompleta, & indirectè solum in eodem posita.

*Obijcies* : Humanitas Christi est substantia : atqui illa non est ens per se subsistens : ergo substantia non rectè definitur *Ens per se subsistens*. *Probat minor* : Humanitas Christi subsistit in Verbo Divino, seu per substantiam & personalitatem illius : ergo non subsistit per se.

*Respondeo concessa majori negando minorem* : ad probationem minoris concesso antecedente nego consequentiam : ut enim aliquid dicatur subsistere per se, sufficit quod non sit in alio tanquam in subjecto inhæSIONIS, quod est proprium accidentis quamvis sit in alio tanquam in supposito gerente vices proprii : humanitas autem Christi hoc secundo modo duntaxat est in Verbo Divino, scilicet tanquam in supposito : seu subsistit per personalitatem Verbi gerentem vices propriæ, quam debebat habere in primo instanti suæ cōceptionis in utero Beatissimæ Virginis, sed fuit miraculosè impedita & loco ejus fuit substituta personalitas Verbi. Addo quod quam-

vis ex suppositione Humanitas Christi actus non subsisteret ulla subsistentia, adhuc tamen illi competeret definitio tradita, quia de ratione substantiæ creatæ non est per se subsistere actu, sed tantum in aptitudine.

Vnde Adverte in præfata definitione ly *per se subsistens* posse dupliciter sumi. Primo *participialiter*, qua ratione significat subsistentiam actualem & exercitam: *secundo nominaliter*, prout significat subsistentiam in actu signato seu aptitudinalem; & hoc posteriori modo accipi debet in definitione substantiæ prædicamentalis ly *per se subsistens*. Sicut enim de essentia accidentis non est actualiter inharere subjecto: sed tantum aptitudinaliter, ut patet in quantitate, & aliis accidentibus Eucharisticis, quæ ibi servant totam suam essentiam, nec tamen ulli subjecto actu inharere, cum destructa fuerit substantia panis quæ erat illorum subjectum: ita de essentia substantiæ prædicamentalis non est actualiter per se subsistere, sed tantum aptitudinaliter, id est, habere exigentiam & aptitudinem ut per se subsistat. Soli enim substantiæ Divinæ essentiale est actu subsistere & existere: unde Deus, seu substantia prout dicitur de Deo est ens per se subsistens participialiter, substantia verò creata nominaliter duntaxat.

Dico 2. Substantia prædicamentalis aut directe in prædicamento collocata recte dividitur in primam & secundam. Proba-

*Probat*ur: Substantia prima idem est ac substantia particularis, Substantia secunda idem ac substantia universalis: atqui substantia directè in prædicamento collocata alia est particularis, nempe ipsa individua quæ ponuntur tanquam basis lineæ prædicamentalis, alia verò est universalis, nempe omnes gradus superiores, ut homo, animal, vivens corpus, substantia: ergo illa divisio est bona & adæquata. Unde Aristoteles definiens substantias secundas dixit esse genera & species; subindeq; voluit substantias primas esse individua.

*Dico 3. divisionem substantia in primam & secundam esse divisionem subjecti in accidentia.*

*Probat*ur: Nam dividere substantiam in primam & secundam, est dividere illam in particularem & universalem, ut diximus conclusionè præcedenti: atqui divisio substantiæ in universalem & particularem est divisio subjecti in accidentia, universalitas siquidem & particularitas accidentaliter adveniunt substantiæ secundum se considerata, ut est ens per se subsistens completè, adveniunt, inquam, illi media operatione intellectus concipientis illam, vel ut communem & universalem, vel ut particularem: ergo &c. Unde illa divisio, substantia alia est universalis, alia particularis, similis est huic, Homo alius est albus, alius niger: nisi quod universalitas & particularitas sunt accidentia  
ratio-

rationis & secundæ intentiones; albedo autem & nigredo sunt accidentia realia.

*Objicies contra secundam conclusionem, In bona divisione unum membrum non debet includere aliud: atqui substantia prima includit secundam: ergo non est bona illa divisio. Probatur minor* subjectum includit prædicatum: atqui substantia secunda prædicatur de prima, ut cum dico, Petrus est animal, est vivens, est corpus, est substantia, ergo substantia prima includit secundam.

*Respondeo unum membrum non debere includere aliud formaliter, posse tamen includere illud materialiter: nego autem quod secunda substantia includatur in prima formaliter, & quod de illa formaliter prædicetur; neque enim verum est dicere, Petrus est substantia secunda, seu universalis, sed tantum materialiter, id est illud quod denominatur substantia secunda, scilicet animal, vivens, & hujusmodi prædicatur de prima.*

*Dices, saltem divisum in præfata divisione coincidit cum uno membro dividendi ergo erit vitiosa. Probatur antecedens, nam alterum membrum dividens est substantia secunda: atqui illud quod dividitur in primam & secundam substantiam est ipsa substantia secunda: ergo. Probatur minor, illud quod dividitur est substantia in communi: atqui substantia in communi est ipsa substantia secunda: ergo, &c.*

*Respon-*

*Respondeo negando antecedens: ad probationem nego minorem. Ad probationem minoris distinguo majorem. Divisum est substantia in communi negativè, id est, prout abstrahit à prima & secunda, seu ab universali & particulari, quatenus præcisè est ens per se subsistens, concedo, est substantia in communi, positivè, quatenus idem est ac substantia universalis, nego.*

---

## S E C T I O II.

### *Quanam in Pradicamento Substantia collocentur.*

**E**X doctrina generali pro omnibus prædicamentis, *disput. super sect. 3 §. unic. tradita*, facile haberi potest resolutio difficultatis circa istud agitari solitæ, *an videlicet nedum omnes substantia creata, in quibus intellectus noster seriem illam generum & specierum qua de ipsis enunciantur, distinguit, sed etiam Deus ipse & Christus Dominus sub illo collocentur. Unde breviter.*

*Dico 1. Deum nec directè nec indirectè in prædicamento substantia collocari.*

*Probatur, Quod non constat genere & differentia non ponitur directè in prædicamento*

camento: sed Deus non constat genere & differentia, ergo *Major est evidens*, illud enim solum dicitur poni in linea recta prædicamenti, de quo gradus generici & specifici superiores enunciantur, subindeque quod hujusmodi gradus, atque ita compositionem ex genere & differentia in se includit. *Minor verò probatur*, quod constat genere & differentia, componitur ex actu & potentia. genus enim est gradus potentialis, & differentia gradus actualis, sed Deus non componitur hoc modo: *Probatur minor*, quia Deus est actus purissimus & simplicissimus: ergo omnem omnino potentialitatem omnemque compositionem excludens.

*Respondebis*, excludere omnem potentialitatem & compositionem realem, non verò rationis, qualis est compositio ex genere & differentia.

*Sed contra primò*, quia debet concipi ut actus purissimus & simplicissimus, aliàs non concipitur ut Deus, sed ut quid aliud quod sibi fingit intellectus, ergò debet etiam per intellectum, & rationem excludere omnem omnino potentialitatem & compositionem & non solum à parte rei. *Secundò*, quia sicut distinctio rationis ratiocinatæ debet fundari in aliqua distinctione reali, ita compositio in aliqua reali compositione, in hoc enim differunt à compositione & distinctione rationis ratiocinantis; quæ dicitur illa, quæ  
fingi-

figitur sine fundamento in ulla compositione aut distinctione quæ sit à parte rei: sed compositio ex genere & differentia est compositio rationis ratiocinata, cum sit secunda intentio quæ habet fundamentum in re, ergo ubicunque formatur ab intellectu, debet fundari in aliqua reali compositione, ut etiam patet inductione, nam in rebus materialibus fundatur in compositione physica ex materia & forma, ex quibus ut aliàs diximus, sumuntur radicaliter genus & differentia, in spiritualibus, ac generaliter in omnibus, in compositione metaphysica ex esse & essentia: sed in Deo nulla est talis compositio realis, ergo nec rationis ex genere & differentia. *Nec obstat si dicas admitti ab omnibus distinctionem rationis ratiocinata in Deo inter attributa*, nam revera illa fundatur in aliqua distinctione reali, nempe effectuum ad extra productorum & connotatorum, penes quos attributa distinguimus: at verò cum ratio generica & differentialis sint absolutæ, & non connotent aliquid ad extra, maxime in substantiis, ut rationes illas aut gradus in Deo distingueremus, deberet pro fundamento supponi in ipso absolute aliqua realis distinctio & compositio.

*Confirmatur primò*: nam fundamentum & ratio distinguendi in creaturis diversos gradus, sunt diversæ realiter perfectiones quæ ab illis gradibus dimanant, puta à  
gradu



gradu substantiæ, ipsa subsistentia aut existentia per se, à gradu corporis quantitas aut formalis extensio, à gradu viventis vegetatio, à gradu animalis sensatio, & sic de aliis, atqui in Deo non dantur diversæ realiter perfectiones à diversis gradibus dimanantes, ergo nullum est in eo fundamentum distinguendi & præscindendi eos.

*Confirmatur Secundo*, si in Deo conciperetur aliqua compositio ex genere & differentia, maximè ex ratione substantiæ in qua conveniret cum aliis, & ex ratione infinitatis per quam differret: sed hæc non: ergo. *Probat minor*, quia gradus genericus propriè dictus debet esse perfectè præcisus à differentiali, sed ratio substantiæ in Deo non potest perfectè præscindi ab infinitate, seu perfectè cognosci sine illa, siquidem quidquid concipitur in Deo debet concipi ut infinitum: ergo.

*Secunda verò pars conclusionis manifesta est*, illud enim dicitur poni in prædicamento indirectè seu reductivè, quod quodammodo pertinet ad constitutionem ejus quod directè in eo collocatur, sive tanquam pars ejus, sive ut differentia, sive alio quovis modo: atqui Deus nullo prorsus modo pertinet ad constitutionem intrinsecam substantiæ creatæ, quæ sola in hoc prædicamento directè collocatur ut ex prima conclusionis parte probatum manet: ergo Deus non ponitur  
etiam

etiam reductivè in hoc prædicamento, sed est supra omnia prædicamenta, utpote causa & principium effectivum, finale & exemplar illorum omnium.

*Obiicies* Illud ponitur directè in prædicamento cui convenit definitio substantiæ prædicamentalis: atqui definitio illa convenit Deo: ergo. *Probatur minor*: substantia prædicamentalis definitur ens per se completè subsistens: sed Deus est ens &c. ergo.

*Respondeo negando minorem*: ad probationem *distinguo majorem*: Substantia prædicamentalis est ens per se subsistens, *nominaliter*, seu quod idem est, *aptitudinaliter*, concedo: *participialiter*, id est, *actualiter*, nego: sola enim aptitudo ad subsistendum, & non actualis subsistentia est de essentia substantiæ prædicamentalis, alias non esset gradus potentialis, nec subinde genericus. Similiter, *distinguo minorem*: Deus est ens per se subsistens, *participialiter*, concedo: *nominaliter* seu *aptitudinaliter duntaxat*, nego: unde & nego consequentiam. Vide dicta de hac distinctione sect. superiori.

*Dico 2.* Christus tamen Dominus directè in hoc prædicamento collocatur, tanquam homo aut natura humana individuum.

*Probatur*: quia ut homo est ejusdem rationis & naturæ cum aliis: ergo sicut alii ponuntur ita ipse.

*Obiicies 1.* Christus est Deus: ergo si Christus

N

Istus

stus ponitur in prædicamento, etiam Deus ponitur, quod negavimus.

*Respondeo distinguendo consequens, si poneretur ratione persona, concedo: si ratione natura assumpta, nego.*

*Dices; ergo non debet concedi absolute Christum poni in prædicamento, sed solum cum addito, ratione natura assumpta.*

*Respondeo id negando: quia de se facit hunc sensum illa propositio, nam poni in prædicamento appellat supra ipsam naturam assumptam juxta dicta in parva Logica par. 1. sect. 2. sub fin. vide ibi. Unde si arguatur sic: Christus ponitur in prædicamento, sed Christus est Deus, ergo Deus ponitur in prædicamento: concessis præmissis absque distinctione si velis neganda est consequentia, quia variatur appellatio de formali in materialem, nam ly poni in prædicamento appellat in majori supra formale Christi, id est, supra humanitatem, & in conclusione supra materiale, id est, supra personam & ipsum Deum in se.*

*Obicies 2. Christus est ens per accidens: ergo non ponitur directè in prædicamento, juxta eam quæ supra diximus de conditionibus in ente prædicamentali requisitis. Antecedens probatur: quod constat pluribus naturis completis est ens per accidens: atqui Christus constat duabus naturis completis, nempe Divinam & humanam: ergo est ens per accidens.*

*Respondgo negando antecedens: ad probatio-*

*nem*

*nem distinguo maiorem: si illæ naturæ habeant qualibet suum esse & suam subsistentiam, concedo: si subsistant per eandem subsistentiam idemque esse, nego: natura autem humana quæ est in Christo, non habet suam subsistentiam & existentiam propriam, sed subsistit per verbi personalitatem, Divinæque naturæ existentiam.*

---

## S E C T I O III.

*De Proprietatibus substantia.*

**D**UPLICIS generis sunt proprietates, ut aliàs de accidentibus diximus: *aliæ enim sunt physicae aut predicamentales, quæ sunt ipsa accidentia propria ab essentia realiter dimanantia, subindèque realiter distincta ab ipsa, & ad specialia predicamenta spectantia, ut risibilitas: aliæ verò Logicae & attributales seu predicabiles, quæ sunt predicata quædam quæ quidem non sunt de essentia rei, ipsi tamen sunt propria, & ab ea non realiter sed virtualiter censentur dimanare & distingui, cuiusmodi sunt unum, verum, bonum respectu entis ut in Metaphysica docebimus, sunt enim quædā prædicata aut modi vel formalitates quæ ex ipsa ratione entis dicuntur dimanare tanquam à causa*

virtuali aut ratione à priori, quatenus ita se habent respectu illius ut si causam aliquam haberent in rebus à qua realiter deberent dimanare, illa non alia esset quam ratio entis. Hoc posito non inquirimus hic de proprietatibus physicis consequentibus gradum substantiæ ut sic, quæ non sunt aliæ quam ipsa subsistentia & existentia per se, sed de attributibus & logicis, inter quas hæc sunt scitu digniores.

*Prima est, quod substantia non sit in subjecto.*

Quæ proprietas convenit tam primæ quam secundæ substantiæ, neutra enim esse potest in subjecto inhæsionis, de quo hic loquimur, siquidem in hoc differt substantia ut sic ab accidente: quamvis secundæ substantiæ sint in prima tanquam in subjecto prædicationis, quandoquidem gradus superiores substantia, corpus, vivens, & alii qui secundæ substantiæ appellantur, de individuis quæ sunt & dicuntur substantiæ primæ, enunciantur.

*Secunda est, quod substantia non habeat contrarium, intellige, propriè dictum. Ratio est, quia contraria sunt quæ sub eodem genere maximè distāt, & ab eodem subjecto mutuo se expellunt, ut calor & frigus ab aqua: substantia autem nō est in subjecto ut ab eo expelli queat, sed per se subsistit: ergo non potest dici propriè habere contrarium, sed impropriè quatenus una destruit aliam ut aqua ignem.*

ignem, mediis qualitatibus quæ solæ sunt propriè contrariæ, ut suo loco dicemus.

*Tertia proprietas substantia est, quod non suscipiat magis & minus.* Cujus sensus non est quod una substantia non possit esse nobilior & perfectior altera ejusdem speciei, ut enim in libris de anima ostendetur, anima unius hominis potest esse individualiter perfectior etiam in substantia quàm anima alterius: sed quod una & eadem non possit esse modo magis modo minus perfecta substantialiter. *Ratio est* quia perfectio substantialis; quæ sita est in hoc quod est per se subsistere, consistit in indivisibili. De quo in libris de generatione dum de intensiōe qualitatū.

*Quarta denique proprietas est, quod substantia sit subjectum contrariorum, intellige subjectum quod seu ultimum:* nam esse subjectum quo, hoc est, id quo mediante accidentia contraria recipiuntur in substantia, puta albedo & nigredo in pariete, convenit quantitati, nisi enim paries esset extensus beneficio quantitatis, denigrari non posset aut dealbari: Substantia ergo est subjectum quod, id est, id in quo ultimatè recipiuntur contraria. Et hæc proprietas sicut & prima convenit substantiæ quarto modo, secus aliæ quæ competunt etiam aliis à substantia, ut suis locis constabit.



## DISPUTATIO VI.

*De Pradicamento Quantitatis.*

## S E C T I O I.

*Quid sit Quantitas, seu in quo Ratio  
ejus essentialis consistat.*

**M**ulta sunt in quantitate, de quibus con-  
troverti potest in quonam illorum sita  
sit ejus essentia aut formalis ratio.

*Primum est, extensio partium in se, seu in or-  
dine ad ipsum totum quantum; qua consistit in  
hoc quod est habere partes extra partes quoad  
distinctionem earum inter se, etiamsi una non sit  
extra aliam quoad locum. Et hac extensione  
gaudet quantitas corporis Christi sub specie-  
bus etiam Eucharisticis, nam ibi etiam una  
pars ejus distinguitur procul dubio realiter  
ab alia, puta caput à scapulis, scapulæ à  
brachiis, &c. quamvis non occupent diver-  
sum locum, imò nullum; corpus enim Chri-  
sti non localiter, sed sacramentaliter hoc est  
modò*

modo quodam indivisibili & ineffabili ponitur totum sub totis speciebus aut accidentibus panis & vini, & totum sub qualibet vel minima particula illarum.

*Secundum est, extensio partium in loco, seu in ordine ad spatium; qua consistit in eo quod una pars non solum sit extra aliam quoad suam entitatem, sed etiam quoad spatium seu locum, ita ut una sit extra locum alterius: qualis extensio reperitur in corpore Christi Domini prout est in cœlio, & in nobis, ac omnibus aliis rebus naturalibus.*

*Tertium est impenetrabilitas, qua nihil aliud est quàm repugnantia quam habet una quantitas seu unum corpus quantitate affectum & localiter extensum, ut penetretur ab alio & sit in eodem loco aut spatio cum illo.*

*Quartum est divisibilitas, id est, aptitudo quam habet quantitas ut dividatur in suas partes.*

*Quintum est ratio mensura, qua consistit in hoc quod per quantitatem cognoscere possumus magnitudinem aut parvitatem rerum. Ubi adverte Quantitatem esse mensuram intrinsecam subjecti cui inest, quatenus deservit ad dignoscendam ejus magnitudinem; & extrinsecam respectu aliarum rerum, quatenus ea utimur ad res alias mensurandas, puta ulnâ ad mensurandum pannum ejusque quantitatem cognoscendam: unde mensura communiter definitur id, quo quantitas rei, id est, ejus*



*eius magnitudo aut parvitas dignoscitur. His positis.*

*Dico propriam & essentialem rationem quantitatis sitam esse in extensione partium in seipsa, seu in toto; cætera verò, nempe extensionem localem illarum partium, impenetrabilitatem, divisibilitatem, & rationem mensura, esse tantum proprietates ejus.*

*Probatur:* Essentia cujusque rei est id, quod concipitur primum in illa, cætera verò quæ ex illo consequuntur sunt tantum ejus affectiones & proprietates: atqui in quantitate primum omnium, & veluti radix cæterorum concipitur extensio partium in se: ergo in illo consistit essentia ipsius, reliqua verò erunt ejus proprietates: *Probatur minor:* ideò enim quantitas habet partes extensas in ordine ad locum, quia prius habet illas in seipsa, & ideò est impenetrabilis, ideò divisibilis, ideò aliorum mensura, quia localiter extensa; non verò è converso: ergo extensio in se est primum omnium & radix aliorum.

*Confirmatur:* Quantitas reperitur secundum suam rationem essentialem in corpore Christi Domini sub speciebus Eucharisticis: atqui ibi habet tantum extensionem partium in ordine ad se, non verò in ordine ad locum, nec subinde impenetrabilitatem quæ in solo corpore localiter extenso reperitur, nec divisibilitatem, nec rationem mensura quæ etiã loca-

localem supponunt extensionem : ergo essentia quantitatis, in illa extensione in ordine ad se posita est.

*Respondebis*, reperiri in corpore Christi Domini in Eucharistia extensionem non quidem actualement sed aptitudinalement in ordine ad locum, & in hac consistere formalem & essentialement rationem quantitatis, non verò in extensione aut positione partium in se propter rationem statim in objectione subjiciendam.

*Sed contra* : quia extensio illa aptitudinalis in ordine ad locum, non est aliud quam ipsa formalis extensio in se : ergo responsio nulla. *Probatur antecedens* : in tantum enim aliquid est aptum extendi in ordine ad locum, in quantum est extensum in se : ergo aptitudo ad extensionem localem est ipsa extensio in se.

*Ex dictis sequitur hanc esse definitionem essentialement quantitatis predicamentalis, quod videlicet sit Accidens extensivum substantia in se : seu, Accidens habens partes, easque tribuens subiecto in seipso* ; datur enim per effectum formalem primum & essentialement quantitatis.

*Obicies* : Substantia corporea habet extensionem in seipsa, seu partes inter se distinctas, puta caput, brachia, & huiusmodi independentes à quantitate : ergo quantitas non tribuit substantia extensionem aut partes in seipsa, ergo tantum in ordine ad lo-

cum sensu explicato, ac subinde malè definita est à nobis quantitas.

*Huic argumento plenè satisfiet in lib. de anima*, ubi ostendemus substantiam corpoream remota quãtitate fore inextensam & indivisibilem, nec habituram actu partes illas integrales. *Vnde juxta ibi dicenda. negandum est antecedēs*, sicut negaretur si diceretur: substantia corporea est alba aut disgregativa visus independenter ab albedine: sicut enim effectus formalis & proprius albedinis est tribuere subjecto esse album, ita quantitatis constituere illud extensum aut partes eï tribuere; atque ita sicut impossibile est esse album absque albedine, ita esse extensum aut habere partes sine quantitate. *Dixi integrales*: nam physica, id est, materia & forma, independentes sunt à quantitate.

## S E C T I O II.

### *De divisione Quantitatis in Continuum & Discretam.*

**Q**UANTITAS ut sic immediate dividitur in Continuum & Discretam.

*Continua est illa, cujus partes copulantur termino communi; id est, aliquo indivisibili utramque partem hinc inde afficiente: ut linea cujus partes uniuntur punctis; superficies à qua*

(à qua non differt locus nisi accidentaliter, ut sect. seq. videbimus) lineis: corpus, superficiebus: motus, indivisibilibus propriis ipsis quæ dicuntur mutata esse: & tempus instantibus.

*Discreta verò est contra est illa cuius partes sunt disjunctæ nulloq; termino communi aut vinculo unitæ: ut numerus, qui constat unitatibus; & oratio vocalis, quæ constat vocibus aut syllabis inquantum longis aut brevibus, quæ nullo communi vinculo copulantur. His positis*

*Dico divisionem illam quantitatis in continuam & discretam, esse univocam & generis in species.*

*Probatnr:* Illa divisio est univoca & generis in species, in qua ratio aliqua communis & generica dividitur per essentielles differentias: ista est talis: ergo. *Probatnr minor:* quia habere partes, in quo sita est ratio generica quantitatis, essentialiter dividitur per hoc quod est habere partes unitas, in quo consistit essentia quantitatis continuæ; & habere partes discretas quæ est propria differentia quantitatis discretæ, ut patet ex definitionibus allatis: ergo, &c.

*Obicies:* quantitas discreta aut numerus non est vera species quantitatis: ergo illa divisio non est univoca & generis in species.

*Huic argumento satisfiet plenè infra sect. 4. interim negatur antecedens.*

## S E C T I O III.

*De speciebus Quantitatis Continua.*

**E**X præcedenti sectione relinquitur quantitatem continuam subdividi in *lineam*, *superficiem*, *corpus*, *motum* & *tempus*. Dubium verò est utrum hæc quoq; divisio aut subdivisio sit univoca generis in species, seu quod in idem redit, *utrum hæc omnia sint verè species quantitatis. Pro resolutione.*

*Dico I. Linea, superficies & corpus, sunt veræ & distinctæ species quantitatis continuæ.*

*Probat.* Quantitas continua est illa cujus partes termino communi copulantur: ergo illæ erunt veræ & diversæ species quantitatis continuæ, quarum partes diversis terminis uniuntur: atqui tales sunt linea, superficies & corpus: ergo. *Minor subsumpta probatur:* linea enim est quantitas cujus partes continuantur punctis, superficies lineis, corpus superficiebus, ut jam suprâ definivimus, cum quibus definitionibus coincidunt hæc, quibus.

*Linea definitur quantitas continua in longum: superficies in longum & latum: corpus in longum, latum & profundum. Quod hæc definitiones coincidunt cum præcedentibus, patet, quia longitudo quæ est propria & formalis ratio lineæ continuatur punctis: lati-*

latitudo quæ est constitutiva superficiæ, lineis; & profunditas quam de formali importat corpus, superficiebus. *Per quod etiam satisfiet argumento quo.*

*Obiicitur contra conclusionem sic:* una species non debet includere aliam: atqui corpus includit superficiem, superficies item lineam, siquidem corpus est quantitas cujus partes superficiebus, & partes superficierum lineis copulantur, ergo non sunt veræ & diversæ species quantitatis continuæ.

*Huic inquam argumento satisfit ex dictis:* verum siquidem est unam speciem non debere formaliter includere aut importare aliam, potest tamen eam de materiali importare: sicque contingit in proposito, superficies enim solum de materiali importat lineam seu longitudinem, de formali verò latitudinem: similiter corpus licet trinam importet dimensionem, solā tamē profunditatem dicit de formali, alias verò duas, longitudinem scilicet & latitudinem, de materiali tantum & præsuppositivè. Sed pro majori intelligentia.

*Adverte superficiem & lineam dupliciter spectari posse:* vel ea ratione qua continuæ & divisibiles sunt sua propria & speciali divisibilitate & continuitate, linea in longum, superficies in latum; & hoc modo sunt veræ & diversæ species sub quantitate continua tanquam sub genere subalterno directè col-

locatæ, ut probatum relinquitur, nec una formaliter ut talis includitur in alia aut aliâ ut talem formaliter includit: vel eâ ratione qua sunt indivisibiles, linea in latum, superficies in profundum; & sub hac formalitate linea includitur in superficie, & superficies in corpore, tanquam indivisibilia copulantiæ eorum partes, quæ proinde ut sic solum indirectè & reductivè ad quantitatem spectant, sicut unitas & punctum; ipsâ verò propriâ earum divisibilitas & extensio solum materialiter se habet ibi.

*Dico 2. Locus non est species quantitatis distincta à superficie. Probatur:* quia locus nihil aliud est quàm superficies ultima corporis continentis, id est, superficies immediate ambiens corpus locatum: ergo non differt essentialiter & specificè à superficie, sed tantum accidentaliter penes hoc quod est continere & ambire corpus locatum. *Quod confirmatur exemplo:* superficies concava dolii comparata ad ipsum dolium cui inhaeret, dicitur superficies simpliciter & absolute: comparata verò ad vinum quod continet, dicitur locus eius: illa autem continentia est merè accidentalis respectu superficiiei: ergo locus addit tantum aliquid superficiiei accidentale, subindeque accidentaliter tantum ab ea distinguitur.

*Dico 3. Motus & tempus non sunt vera species quantitatis continua, sed reductivè tantum ad eam pertinent.* *Proba-*

*Probatur* : quia licet habeant partes aliquibus indivisibilibus tanquam communibus terminis copulatas, aliunde tamen sunt entia valde incompleta quæ in linea recta prædicamenti sedem non habent, ut aliàs diximus: ergo non sunt veræ species quantitatis continuæ. *Antecedens probatur & declaratur explicando breviter in quo consistant motus & tempus. Pro quo.*

*Advertè*, quòd quando aliquod subiectum acquirit successive formam aliquam, E.g. calorem, albedinem, novum ubi, aut huiusmodi, quinque sunt ibi distinguenda. *Primum est*, emanatio & veluti egressus illius formæ, putà caloris, ab agente producente ipsam. *Secundum est*, receptio illius in passio aut subiecto cui illam imprimit agens abstrahendo ab eo quod recipiatur vel tota simul, vel paulatim & successive per partes. *Tertium est* ipsa successiva receptio seu acquisitio talis formæ in prædicto subiecto. *Quartum* duratio vel mora illius successivæ acquisitionis & receptionis. *Quintum denique*, forma ipsa acquisita. Primum appellatur actio; secundum, passio: tertium, motus, seu mutatio subiecti formam per partes successive acquirentis: quartum, tempus: quintum, effectus per respectum ad actionem, aut terminus per ordinem ad motum.

*Ex quibus constat motum esse quid valde imperfectum & incompletum*; cum nihil addat



addat supra actionem, passionem, & terminum, nisi successionem quandam quæ est modus aliquis: & ideo meritò inter post-prædicamenta numeratur motus ut videbimus. Quod si motus est quid incompletum, multò magis tempus quod nihil aliud est quàm duratio ejus, subindeque aliqua ejus affectio seu proprietas: inintelligibile autem est proprietatem rei alicuius incompletæ esse quid completum: ergo, &c.

*Maneat ergo, tres tantum esse veras species quantitatis continuæ, lineam, superficiem, & corpus* (sumptum pro quantitate trinam habente dimensionem, nam sumptum pro materia, aut pro composito physico ex materia & forma in categoria substantiæ collocatur, priori modo indirectè, posteriori directè: ) motum verò & tempus non esse veras species, sed reductivè id quantitatem continuam spectare, quatenus incompletè ejus naturam participant, habent enim suo modo partes indivisibilibus copulatas, nam motus constat partialibus mutationibus seu acquisitionibus termini per mutata continuatis: tempus, partialibus durationibus copulatis per instantia. Sed de his fusiùs in Physica.

*Maneat etiam consequenter, præfatam divisionem quantitatis continuæ, quatenus respicit omnia illa quinque membra, non esse generis in species, sed analogi in analogata, cum ratio divisi conveniat simpliciter lineæ, super-*

superficiæ, & corpori; mutui verò & temporis secundum quid.

---

## SECTIO IV.

### *De Quantitate Discretâ, seu Numero.*

**Q**UAMVIS quâtitas discreta dividatur in numerum & orationem, supponit tamen titulus, ex infra dicendis nomine quantitatis discretæ solum numerum simpliciter loquendo venire intelligendum: ostendemus enim in hac sectione orationem non esse veram & propriam speciem quantitatis: imò & de ipso numero non est mediocris difficultas, quæ ut resolvatur.

*Adverte primò Numerum solere definiri multitudinem mensuratam per unum: siue multitudinem unitatum, id est, rerum à se invicem divisarum & in seipsis indivisarum, siquidem unitas nihil aliud est quam res indivisa in se & divisa à qualibet alia.*

*Adverte secundò numerum esse duplicem: alterum transcendentalem, qui per omnia genera divagatur: alterum quantitativum & prædicamentalem, qui ad hanc specialem categoriam*

regoriam spectat. Numerus transcendentalis est multitudo unitatum transcendentalium, id est, entitatum quarumcunque prout indivisarum in se & divisarum ab aliis: ut Ternarius angelorum, Quaternarius virtutum cardinalium, &c. Numerus verò prædicamentalis aut quantitativus est multitudo unitatum quantitativarum, id est, quantitatum continuarum à se invicem discretarum & in se ipsis indivisarum: ut Ternarius linearum, Quaternarius superficierum, aut corporum. His positis.

Difficultas non parva est, *utrum numerus ille quantitativus ponatur directe in hoc prædicamento*: de transcendentali enim qui constat rebus aliorum prædicamentorum, non potest oriri dubium, cum non participet rationem quantitatis ut sub ea collocari queat, nec habeat unitatem quam alia genera aut prædicamenta requirunt ut possit in eis reponi, ut enim sub genere substantiæ aut qualitatis aliquid collocetur, debet esse una substantia, una qualitas, & sic de aliis: ternarius autem angelorum non est una substantia, nec quaternarius virtutum una qualitas. Quoad numerum verò quantitativum

Dico primò huiusmodi numerum esse veram speciem quantitatis directe in hoc prædicamento collocandam. Contra Suarem & alios contendentes esse ens per accidens.

dens subindeque à prædicamento excludendum.

*Probatur tamen conclusio* : Illa est vera species quantitatis, de qua ipsa quantitas, quæ est supremum genus hujus prædicamenti, essentialiter enunciatur : sed enunciatur essentialiter de numero quantitativo : ergo. *Major est per se evidens. Minor verò probatur* : nam totum id quod est de ratione quantitatis prædicamentalis, competit numero quantitativo : ergo enunciatur de illo. *Probatur antecedens* : de ratione quantitatis, ut sic est habere partes, abstrahendo ab hoc quod illæ partes sint unitæ termino communi, vel discretæ ab invicem : atqui numerus quantitativus habet partes, nempe discretas & termino communi non unitas, in quo differt à quantitate continua : ergo totum id quod est de essentia quantitatis ut sic, abstrahendo à continua & discreta, convenit numero.

*Respondebis*, quantitatem ut sic, seu hoc quod est habere partes, non dici univocè sed tantum analogicè de numero quantitativo, quia non constat partibus simpliciter, sed ipsis quantitativis continuis totalibus & completis.

*Sed contra primò*, quia quantitates continuæ, ex quibus componitur numerus id habent quòd sint & tota, & partes simpliciter : ergo constat partibus simpliciter. *Probatur*

ANTE-

*antecedens*: totum est illud quod componitur ex partibus, pars verò simpliciter dicitur quod natum est cum alio aut aliis componere unum per se; atqui eadem quantitas continua, puta palmaris, componitur ex partibus, in quas potest in infinitum dividi, ut videbimus in *Physica*, & simul nata est cū aliis similibus constituere unam per se quantitatem majorem, puta ulnam: ergo & est totum & est pars simpliciter: Et hoc est omninò proprium quantitati, ex eo quod (mathematicè & secundum se spectata) semper nata est & dividi in partes, & sic est totum; & continuari cum aliis, & sic est pars.

*Contra secundo*: quia numerus constat quantitatibus continuis, non ut quantitates sunt, sed ut unitates: atqui hoc modo sunt incompletæ & partes simpliciter: ergo constat partibus simpliciter. *Major est evidens*: numerus enim est multitudo unitatum: ergo constat formaliter unitatibus. *Minor verò probatur*: Indivisibile quantitatis in quantum tale est quid incompletum, ut patet in linea e. g. quæ licet in quantum est extensa & divisibilis in longum sit ens completum & vera species directè collocata in hoc prædicamento; tamen in quantum est indivisibilis in latum, seu ut caret divisibilitate propria superficiæ, sub qua ratione est terminus communis copulans partes ejus, est quid incompletum & indirectè  
tan-

tantum pertinens ad hanc categoriam, ratione scilicet ipsius superficiei in qua includitur: Atqui unitas in quantum talis, est proprium indivisibile quantitatis discretæ sed numeri, qui ultimò dividitur & resolvitur in unitates, ipsæ verò ut tales non sunt ulterius resolvable in alias, cum iis actu non consent (unitas enim non componitur actu ex unitatibus, alias esset numerus, non unitas: ) ergo unitas quantitativa formaliter in quantum talis, est quid incompletum, & ponitur solum reductivè in categoria ratione numeri; quamvis materialiter, ut est ipsamet quantitas continua, sit ens completum & vera species directè ad hanc categoriam spectans. Ex quibus ad difficiliores objectiones responderi poterit.

*Obiicitur enim primò*: Quod ponitur in prædicamento directè & tanquam vera species, debet esse unum per se: atqui numerus etiam quantitativus non est unum per se, sed per accidens: ergo. *Probat minor*: quod constat pluribus entibus actu completis non est unum per se seu unius essentialis, sed aggregatum per accidens ex pluribus: atqui numerus quantitativus constat pluribus entibus actu completis: ergo. *Probat minor*; constat enim pluribus quantitativis continuis, putà pluribus lineis, aut pluribus superficiebus, vel pluribus

COR-

corporibus quantitativis: atqui illa sunt entia completa: ergo.

*Respondeo negando minorem. Ad probationem concedo absolute maiorem, & nego etiam minorem: ad cuius etiam probationem respondeo distinguendo dupliciter juxta duos modos quibus responsionem adversariorum superius impugnavimus. Juxta primum modum distinguo maiorem, sic: Constat pluribus quantitativis continuis, in quantum singulae componuntur ex suis partibus, nego: in quantum possunt componere & continuari cum aliis, mathematicè loquendo, concedo: Similiter ad minorem: sunt entia completa, priori modo, concedo: posteriori, nego. Juxta secundum, qui ferè in idem redit, distinguo etiam illam maiorem: Constat pluribus quantitativis, ut quantitates sunt simpliciter, nego: ut unitates, concedo: Atqui hujusmodi sunt entia completa, ut quantitates, concedo: ut unitates, nego. Neque ad hoc necesse est dicere, quod nonnulli dicunt unitatem quantitativam esse aliquem modum realiter formaliter distinctum à quantitate quam constituit unam, ad differentiam unitatis transcendentalis quæ nihil superaddit enti, sed est ipsummet ens ut indivisum in se & divisum à quolibet alio: Non est inquam necesse ad hoc recurrere, & illud discrimen inter unitatem prædicamentalem & transcenden-*

cendentalem statuere: tùm quia sicut quodlibet aliud ens seipso est unum hoc ipso quod indivisum in se secluso quocumque alio realiter distincto, ita & ipsa quantitas: tùm quia sufficienter salvatur, quomodo illa unitas, etsi non sit aliquis modus realiter superadditus ipsi quantitati, sit nihilominus aliquid incompletum, ut supra explicuimus.

*Obiicies 2. & instabis:* Quæ non uniuntur inter se (esto sint incompleta) non efficiunt unum per se; sed unitates quantitativæ seu partes numeri non uniuntur inter se, sed sunt ab invicem discretæ & disjunctæ: ergo numerus, qui ex illis conficitur, non est unum per se seu ens unius essentia.

*Respondeo majorem esse veram in aliis generibus, in genere quantitatis falsam:* unde & similiter consequens distinguendum est: *Non est unum per se, unitate aliorum generum, concedo, quantitatis, nego.* Ratio disparitatis est, quia alia genera, putà substantia, cum in suo conceptu nullam importent pluralitatem, exactiorem unitatem postulant: quantitas verò in suo conceptu essentiali pluralitatem importat partium, abstrahendo à continuatione aut discretionem sive separationem illorum; & ideo unitas quam petit est omnium per se unitatum minima, utpote quæ



quæ compatitur cum hujusmodi pluralitate partium sive continuarum, sive discretarum, cum de se ab utrisque abstrahat.

*Instabis*: plura ut plura non faciunt unum in quocunque tandem genere: sed partes numeri constituunt ipsum ut plures sunt, quandoquidem ut discretæ & separatæ: ergo non faciunt unum.

*Respondeo distinguendo*: Plura ut plura disparata, concedo: ordinata ad se invicem, nego: numerus autem de quo loquimur non constituitur ex pluribus quantitativis disparatis, puta binarius ex linea & superficie: sed ex pluribus inter se ordinatis & continuabilibus, ut ex duabus lineis, vel ex duabus superficiebus, &c.

*Adverte autem numerum quantitativum solere distingui in numerum formalem, qui dicitur numerus numerans seu numerus abstractus; & materialem, qui appellatur numerus numeratus seu concretus. Numerus formalis est ipse numerus secundum se & suam rationem formalem spectatus ut constituitur ex ipsis unitatibus quantitativis præcisè, ut Ternarius ut sic: numerus materialis est idem prout applicatus rebus, ut Ternarius hominû.*

*Adverte præterea ultimam unitatem dare speciem numero, nam tertia unitas est qua constituit ternarium. Quæ unitas ultima in numero numerato non est determinata, neque*  
cuius

enim in ternario hominum datur aliquis qui sit determinatè ultimus illius numeri aut tertius, sed tantum in numero numerante. Hæc de numero.

*Dico 2. Orationem non esse veram speciem quantitatis.* Sumitur hic oratio pro numero seu multitudine vocum aut prolationum seu syllabarum ordine quodam sibi succedentium. *Quo posito.*

*Probatur conclusio:* quia in oratione illa vocali nihil est quod possit habere rationem quantitatis nisi extensio illa seu duratio cujuslibet syllabæ ratione cujus dicitur longa vel brevis apud Grammaticos: atqui talis duratio longa vel brevis prolationis syllabæ non sufficit ut oratio dicatur species quantitatis, ergo, &c. *Probatur minor:* duratio illa seu morula quæ consumitur in prolatione cujuslibet syllabæ, nihil aliud est quam tempus ipsius intrinsicum: ergo cum tempus nō constituat speciem quantitatis, ut scilicet. sup. ostendimus, nec etiam duratio illa discreta syllabarum eam constituet, ac proinde nec oratio, quæ prout hic sumitur, est multitudo syllabarū quatenus brevium aut longarum, seu quatenus unaquæque cum brevi aut longiori duratiuncula profertur: unde *reductivè tantum ad hoc predicamentum pertinebit, & non directe, quia est quid incompletum, ut supra diximus de tempore.*

---

## SECTION V.

### *De proprietatibus Quantitatis eiusque coordinatione, in serie Prædi- camentali.*

**E**X dictis sectione prima habes proprietates physicas quantitatis esse *extensionem localem, impenetrabilitatem, divisibilitatem, & rationem mensuræ, intrinsecā quidem respectu subjecti proprii, extrinsecā comparatione aliorum*. Proprietates verò logicæ aut prædicabiles, de quibus hic per se inquitur, sunt potissimum tres.

*Prima est, quod quantitas non habeat contrarium: & hæc convenit omni, sed non soli, competit enim substantiæ ut supra vidimus.*


*Secunda est, quod non suscipiat magis & minus, nam eadem quantitas non dicitur modò magis, modò minus quantitas, (ad hoc enim requireretur quod in una & eadem parte subjecti esset modò magis, modò minus extensa, quod repugnat, siquidem non extenditur nisi per hoc quod est in pluribus partibus, aut melius quod habet plures par-*

res in subiecto quàm antea : } quamvis dicatur & sit modò major modò minor, ad quod sufficit quod addantur ei vel detrahantur partes in diversis partibus subiecti. Et hæc etiam proprietas est illi communis cum substantia, & cum aliis prædicamentis à qualitate distinctis ut constabit.

*Tercia est ut secundum quantitatem dicantur res æquales vel inæquales: & hac convenit quarto modo, id est, omni & soli quantitati & semper. Sed adverte quod sicut quantitas alia est molis; de qua hætenus egimus; alia virtutis qua est qualibet perfectio sive spiritalis, sive corporea: ita etiam dupliciter unum dici potest æquale alteri, primò quantitativè & quoad molem corporeâ, sicut duæ lineæ, aut duo corpora ejusdem magnitudinis: Secundo quantum ad perfectionem, sicut unus homo dicitur alteri æqualis in scientia aut virtute. Esse æquale vel inæquale hoc secundo modo non est proprietas quantitatis molis ut constat, sed per omnia genera divagatur, secus primo modo.*

*Arbor autem quantitatis sive series prædicabilium ipsius, ut ex dictis colligi potest, ita debet ordinari, ut primò quantitas ut sic, quæ est supremum genus, dividatur in continuam & discretam. Continua in lineam, superficiem, & corpus, quæ sunt species infimæ, nam linea curva vel recta, superficies quadrata vel circularis, corpus pyramidale aut rotundum, & similia, non sunt differentia essentialis*

harum specierum divisivæ, sed solum accidentales, quippe quæ ex rebus aliorum prædicamentorum sumuntur, ex figura videlicet, quæ est de prædicamento qualitatis. Discreta verò quantitas seu numerus dividi debet in parem & imparem: numerus par in binarium, quaternarium, &c. impar in ternarium (qui definitur numerus impar primus, ex eo quòd nullum habeat priorem se imparem) quinarium, septenarium, & similes, qui sunt species infimæ.



## DISPUTATIO VII.

### *De Prædicamento Relationis.*

**P**RO intelligentia eorum quæ in huius disputationis decursu dicentur, explicandi sunt ipso in limine *hi termini, relatio, relativum, subiectum relationis, fundamentum, terminus, correlativum, extremum.*

*Relatio est accidens cuius totum esse est ad aliud se habere (supple) ut quo: sensus enim est relationem esse id quo mediante subiectum refertur; seu cuius effectus formalis est referre subiectum cui inest, ad aliud.*

*Rela-*

*Relativum* verò est concretum relationis, sicut album est concretum albedinis; unde idem sonat ac habens relationem, seu habens se ad aliud, supple, ut quòd: quo sensu: intelligenda est definitio Aristotelis dicentis: *relativa esse ea quorum totum esse est ad aliud se habere.*

*Subiectum relationis* est id, cui relatio inest: & differt à relativo sicut paries ab albo: quemadmodum enim paries significat subiectum cui albedo inest, album verò importat utrumque; ita in proposito subiectum relationis significat id quod substernitur relationi, relativum verò significat & relationem & subiectum, seu melius, relationem ut in subiecto.

*Fundamentum autem relationis* nihil aliud est, quam causa seu ratio cur subiectum referatur seu relationem habeat ad aliud.

*Terminus relationis* dicitur id: ad quod formaliter terminatur relatio: sicut filius est terminus relationis paternitatis, & obiectum est terminus relationis scientiæ ad ipsum, & sic de aliis.

*Correlativum* dicitur ipse terminus quando vicissim refertur ad id cuius habitudinem terminat, ut filius, qui ad patrem correfertur: si verò non correfertur, appellatur simpliciter terminus.

*Extrema* verò dicuntur relativum & *Peripinus*, seu id quod refertur & id quod rela-

tionem ejus terminat, sive correferatur, sive  
non.

## S E C T I O I.

### *Quid sit Relatio Prædicamen- talis.*

**D**ico 1. Relatio prædicamentalis rectè de-  
finitur, *Accidens reale, cuius totum esse est  
ad aliud se habere, (supple.) ut quod; seu referre  
subjectum ad aliud.*

*Probatur declarando singulas particulas.* Di-  
citur, *accidens*, per quod excluduntur ab hoc  
prædicamento relationes Divinæ Paternita-  
tis, Filiationis, Spirationis, per quas personæ  
Sanctissimæ Trinitatis constituuntur, quæ  
sunt ipsamet Dei substantia, atque ita sicut  
non ponitur hæc in categoria substantiæ, sic  
nec relationes illæ in hoc prædicamento, id-  
que ob easdem rationes quas facilè huic pro-  
posito applicabis. Dicitur, *accidens reale*, ut  
excludantur relationes rationis, ob rationem  
in antepædicamentis adductam dum de  
conditionibus in entè categorico requisitis  
ageremus. Et quamvis nonnulli censuerint  
relationem prædicamentalem non esse rea-  
lem quoad rationem *ad*, (in relatione enim  
duplex

duplex ratio distinguitur, nempe ratio communis accidentis quæ est esse *in* subjecto, & ratio specialis ac veluti differentialis ipsius relationis quæ est referre *ad* aliud; immeritò tamen, cum à parte rei & ante omnem mentis operationem referat unum ad aliud.

Additur denique, *cuius totum esse est ad aliud se habere*, ut denotetur relationem prædicamentalem esse purum respectum ad aliud, excludanturque ab hac categoria relationes secundum dici & transcendentales, quarum totum esse non est ad aliud se habere seu referre unum ad aliud, nec sunt puri respectus, sed vel res omninò absolutæ in suo esse, quæ tamen intelliguntur, significantur aut dicuntur in ordine ad aliud sicut Deus ut omnipotens, ut Creator, ut dominus, in ordine ad creaturas, qui propterea relativus dici potest secundum intelligi aut secundum dici ad ipsas; vel absolutæ simpliciter, cum hoc tamen connotantes essentialiter, aliquid extrinsecū, sive ut causam, sive ut effectum, sive ut objectū, aut subjectū, vel aliquo alio modo, sicut res creatæ, quæ ut tales saltem connotant extrinsece Deū ut Creatorem, & insuper aliæ suos effectus, aliæ objecta à quibus specificantur, aliæ subjecta quibus insunt, vel quid simile, ita ut nulla sit res creata quantumvis absoluta quæ alicujus extrinseci non importet connotationem, subindeque transcendentalem relationem, quæ, ni-



hil aliud est quam huiusmodi connotatio, seu ipsamet entitas rei absolutæ ut connotans illud extrinsecum: diciturque relatio transcendentalis eo quod per omnia genera divagatur & in omnibus rerum creatarum formalitatibus includitur: estque fundamentum relationis prædicamentalis in eis, quando reliquæ adsunt conditiones: relatio enim transcendentalis genitoris ad genitum, v.g. quæ nihil aliud est quam ipsemet homo generans, vel ipsius potentia generativa ut connotans alium à se productum, sicut causa effectum, fundat relationem paternitatis, quæ prædicamentalis est; similiter relatio transcendentalis potentiæ aut habitus, putà scientiæ vel virtutis, ad objectum proprium, categoricam fundat habitudinem mensurati ad mensuram, de qua infra. *Vnde inferes non esse idem generaliter loquendo relationem transcendentalem, & relationem quæ appellatur secundum dici. Relativum enim secundum dici appellatur id omne, quod etsi non habeat relationem prædicamentalem ad aliud, nec transcendentalem, quæ ut mox diximus est fundamentum illius, dicitur tamen aut significatur ut respectivum ad aliud ut de Deo in quantum omnipotente, creatore, &c. dictum est. Superius dixi, si adsint alie conditiones, circa quas.*

*Dico 2. Quatuor conditiones requiruntur ad relationem prædicamentalem: prima est subiectum*

*Sum reale : secunda, fundamentum reale : ter-  
tia, terminus realis & realiter existens : quar-  
ta, distinctio realis inter fundamentum & ter-  
minum.*

*t Ratio prime conditionis est, quia accidens  
reale, qualis est ratio, nequit subjectari nisi  
in subiecto reali.*

*Ratio secunda est, quia fundamentum rela-  
tionis nihil aliud est quam causa seu ratio  
cur aliquid ad aliud referatur : atqui in hoc  
quod refertur realiter reperiri & assignari de-  
bet aliqua realis causa aut ratio talis relatio-  
nis, effectus enim realis causam realem ex-  
poscit: ergo.*

*Ratio tertia sumitur, ex propriissima ratione  
relationis prædicamentalis : cum enim totum  
ejus esse sit ad aliud se habere, - id est, referre  
suum subiectum ad terminum, ablato termi-  
no, necesse est & ipsam auferri. Unde defectu  
hujus conditionis Logica non dicit relatio-  
nem prædicamentalem ad suum objectum,  
quod non est quid reale sed rationis, sed so-  
lum transcendentalem, ut alias dicebamus,  
sicut etiam genitor ad genitum mortuum, &  
sic de aliis.*

*Ratio tandem quarta conditionis ex eodem ca-  
pite sumitur, si enim relatio prædicamentalis  
est verus & realis ordo unius ad aliud, hoc est,  
subiecti & fundamenti ad terminum, consti-  
tuens hujusmodi extrema inter se opposita,  
oppositione relativa, ergo realiter & ante*

omne opus intellectus terminus debet esse aliud à fundamento, ejusdem enim ad seipsum nequit dari realis relatio aut oppositio. Et hujus defectu conditionis, similitudò & æqualitas, quæ reperitur inter personas Divinas ratione unius & ejusdem essentiæ, non est relatio realis: & si per impossibile una & eadem albedo esset in duobus parietibus, similitudo illorum nequaquam etiam esset realis relatio sed identitas.

*Hæ omnes conditiones clara sunt in hoc exemplo. Paternitas, v.g. est relatio prædicamentalis, cujus subjectum est Petrus, fundamentum est potentia generativa ipsius ad actum redacta, terminus verò est filius ab ipso genitus, inter quos realis intercedit distinctio.*

## SECTION II.

*De fundamento Relationis Prædicamentalis, ejusque distinctione ab illo.*

**T**RIPLEX assignari solet relationis prædicamentalis fundamentum. primum est, unitas & numerus: secundum, actio & passio: tertium, mensura & mensuratum.

*Unitas aut convenientia fundat relationem, idem*

*identitatis, similitudinis, aut æqualitatis*: ex eo enim quòd Perrus & Paulus convenient in una natura specifica aut generica, fit quòd referantur ad invicem relatione identitatis in tali natura: ex eo quòd in una quantitate aut magnitudine staturæ, oritur inter ipsos relatio æqualitatis: & ex eo quòd in una qualitate, putà albedine, relatio similitudinis: juxta illud Philosophi, *unum in substantia facit idem: unum in quantitate facit æquale; in qualitate, simile*. Numerus verò aut distinctio seu disconvenientia fundat relationes diversitatis, inæqualitatis, & dissimilitudinis: ex eo enim quòd in Petro & Paulo fit diversa numero & individualiter natura, confurgit inter ipsos relatio diversitatis in tali natura individua: ex eo quòd diversa quantitas aut staturæ magnitudo, relatio inæqualitatis: dissimilitudinis—verò ex eo quòd disconvenient in qualitate, putà colore. Et sic de aliis.

*Actio autem & passio fundant relationem agentis ad passum aut effectum, & è converso effectus vel passi ad ipsum agens*. v. g. generatio activa in homine generante: fundat relationem paternitatis ad filium, & vicissim generatio passiva in homine genito, relationem filiationis ad patrem, & sic de aliis. Ideò enim pater refertur ad filium, quia ipsum genuit, & è converso ideò filius correfertur ad patrem, quia ab ipso genitus est.

*Dices* : desinente fundamento non remanet relatio: atqui remanet transacta actione, puta paternitas transacta generatione: ergo actio non est fundamentum relationis. *Praesertim*, quia actio transiens, de qua est sermo, non residet in ipso agente in quo subjectatur relatio illa, sed transit ad passum & in eo recipitur, ut dicemus in *Physica*.

*Respondeo*, fundamentum relationis agentis ad passum, & vicissim passi ad agens non esse actionem aut passionem in abstracto sumptas, quæ transeunt; sed in concreto, quæ nihil aliud sunt quam potentia activæ aut passivæ, ( seu potentia generandi activè, v. g. quæ est in Patre, & generandi passivè quæ est in filio) ut ad actum vel exercitium reductæ, & illæ manent in huiusmodi subjectis quamdiu illa subjecta manent. *Ex quibus facile respondebitur informæ.*

*Denique ratio mensurabilis fundat in re qua mensuratur, relationem ad propriam mensuram, hoc est ad id per quod eius perfectionem cognoscimus & veluti metimur.* Unde quia omnes potentia, v. g. omnes actus & habitus mensurantur quoad suam perfectionem ab objectis, ita ut tantò perfectiores sint tantò perfectius aut nobilius respiciunt objectum aut nobiliori modo illud attingunt, ideo dicunt relationem prædicamentalem ad illud ( si adsint omnes conditiones de quibus supra) quæ dicitur relatio mensurati ad mensuram:

ram : ad mensuram inquam perfectionis, non enim hic loquimur de mensura quantitatis : id est, per quam cognoscimus molem & quantitatem rei, qualis est nilna respectu panni : inter hanc enim mensuram & illud mensuratum intercedit relatio primi generis, scilicet æqualitatis vel inæqualitatis, fundata supra convenientiam vel disconvenientiam in magnitudine, non verò relatio hujus tertii generis, hoc est mensurati ad mensuram perfectionis.

*Ex quibus inferes, relationes primi & secundi generis, id est, quæ fundantur in unitate & numero, in actione & passione, esse mutuas, quando utrumque extremum est ejusdem ordinis & capax relationis realis & accidentalis. Sensus est relationes primi & secundi generis postulare ut relationi ex parte unius extremi se tenenti correspondeat ex parte alterius alia relatio : siue sit æquiparantia, ut dicitur, id est ejusdem rationis & appellationis cum illa, qua ratione relationi similitudinis existenti in pariete A. verb. gr, correspondet altera relatio, quæ dicitur etiam similitudo, in pariete B. siue sit disquiparantia, hoc est, diverse rationis & appellationis ab ea quam terminat & mutuo respicit, quo modo paternitati correspondet filiatio. Dixi, Quando utrumque extremum est ejusdem ordinis & capax, &c. Si enim alterum extremum sit superioris ordinis & incapax relationis ad aliud, tunc*

tunc non erit mutua relatio : ut patet, tum in maternitate B. Virginis, cui, etiamsi sit secundi generis, non correspondet realis relatio filiationis ex parte Christi Domini, quia suppositum ejus in quo deberet recipi, non est capax accidentis realis, utpote divinum : tum in relatione creaturæ ad creatorem, cui ob eandem rationem non correspondet ex parte Dei relatio realis. *At verò relationes tertii generis, id est, fundata in mensura & mensurato, aut in mensuratione vel mensurabilitate unius ab alio, non sunt ex natura sua mutua : solum enim ex parte mensurati reperitur realis relatio ad mensuram, & non e contra : potentia enim v. g. realiter refertur ad objectum, scientia ad suum scibile, creaturæ ad Deum ut ad suum exemplar & mensuram suarum perfectionum (quæ per majorem vel minorem accessum ad perfectiones divinas dignoscuntur, sicut etiam perfectio scientiæ aut potentiæ per suorum objectorum perfectionem aut nobilitatem : ) non tamen e converso Deus correfertur ad creaturas in ratione exemplaris aut ideæ illarum, sicut nec in ratione creatoris, ut dicebamus; nec similiter objectum ad potentiam, aut scibile ad scientiam.*

*Et ratio disparitatis est, quia in relationibus tertii generis fundamentum est tantum in uno extremo, nempe in mensurato, quod suam perfectionem & specificationem desumit*

Int ab altero, scilicet mensura, quæ omnino invariata manet ex parte sui. At verò in relationibus primi & secundi generis fundamentum ponitur ex parte utriusque extremi, puta albedo ex parte amborum parietum, actio & passio aut potius potentia activa & passiva ad actum & exercitium redactæ, ex parte agentis & passi, & sic de aliis. Et hæc de prima parte tituli.

§. I.

*Resolvitur secunda pars tituli sectionis de distinctione relationis à fundamento.*

**D**ICO relationem predicamentalem distinguui realiter, saltem distinctione minori à suo fundamento. Ita Thomistæ omnes.

*Probatur primo*, Relatio est id quo unum extremum refertur à parte rei ad aliud: sed non refertur per ipsum fundamentum formaliter, sed per quid distinctum à parte rei ab ipso: ergo relatio est quid distinctum à parte rei à fundamento. *Probatur minor*: fundamentum ipsum est quid absolutum, puta albedo quæ fundat relationem similitudinum unius parietis albi ad alterum etiam album: ergo non est id per quod extremum refertur, quod debet esse relativum & purus respectus.



*Confirmatur & urgetur illa ratio ex illo axioma in quo fundatur, quod scilicet illud quod non est tale per se, debet fieri tale per aliud: sed unum extremum aut fundamentum non refertur per seipsum ad alterum: ergo refertur per aliud realiter distinctum, quod est relatio. Minor de qua sola ambigi posset; jam probata est, quod enim est essentialiter absolutum non refertur per seipsum, siquidem absolutum & relativum diversa sunt: sed fundamentum est quid essentialiter absolutum, cum sit qualitas, quantitas, substantia aut quid alterius prædicamenti à relatione: ergo.*

*Probaturs secundo, aut adhuc magis confirmatur ratio præcedens, hoc modo: Fundamentum non refertur per seipsum sed per aliud, seu per relationem distinctam & superadditam, si manente fundamento pereat ipsa relatio: atqui sic est: ergo. Major est evidēs, aliās enim idē periret & remaneret Minor verò probatur facile: nā remanēte albedine in pariete A. perit sine dubio relatio similitudinis quā habebat ad parietem B. si hic desinat esse albus. atqui illa albedo erat fundamētū talis relationis: ergo remanēte fundamēto perit relatio.*

*Ad hac argumenta responderi potest fundamentum non referri per seipsum absolute & per se sumptum, sed sumptum cum termino quem connotat, ita ut connotatio illa, quæ erit ipsa relatio, nihil aliud sit in recto quam ipsa.*

ipsamet realis entitas fundamenti, puta albedinis, ut connotans in obliquo terminum: *vel juxta alios*: aggregatum ex entitate fundamenti & entitate termini in recto & ex æquo importatis: atque ita quando dicitur, quod remanente fundamento perit relatio si destruaturs terminus, non est intelligendum quod pereat ex parte illius extremi superstitis aliqua entitas aut realitas ipsi intrinseca, sed sola connotatio, ad quod sufficit quod pereat alterum extremum connotatum.

*Sed contra*; id per quod unum extremum refertur ad aliud, est aliqua realitas seu reale accidens cujus totum esse est se habere ad aliud, sic enim definitur relatio ut vidim<sup>9</sup>; sed fundamentum sive per se sumptum sive cum termino non est realitas cujus totum esse sit ad aliud se habere, sed semper manet entitativè & realiter quid absolutum: ergo nullo modo refertur per seipsum, sed per aliquam realitatem distinctam, quæ subinde perit, & non solum connotatum extrinsecum.

*Probaturs tertio conclusio, ratione petita ex relationibus, quæ fundantur immediatè in substantia*, qualis est relatio identitatis inter Petrum & Paulum fundata in natura specifica, & relatio diversitatis inter eosdem fundata in differentia individuali. *Sic autem arguo*. Accidens realiter distinguitur à substantia: sed relatio identitatis v. g. est accidens, fun-

fundamentum verò ejus substantia : ergo distinguitur realiter a fundamento. *Probat-ur major* : quod non subsistit per se à parte rei , sed inhæret alteri , distinguitur realiter ab eo quod subsistit & non inhæret , alias idem subsisteret & non subsisteret , inhæreret & non inhæreret à parte rei : atqui primum competit accidenti , secundum verò substantiæ : ergo.

*Respondebis accidens physicum distingui realiter à substantia* : illud enim est quod inhæret, non verò accidens logicum quod dicitur id omne quod non est de essentia aut quidditate rei , siue realiter sit entitas substantialis & per se subsistens , siue accidentalis & inhærens : ratio autem illa est accidens tantum logicum, inquiunt auctores oppositi.

*Sed contra* : quia continetur sub relatione prædicamentali quæ est verum accidens Physicum, cum sit unum ex membris dividendibus accidens ut sic, prout accidens distinguitur contra substantiam : ergo responsio nulla,

*Objicies primò*, si ratio esset aliqua entitas aut realitas distincta à fundamento , admittendæ forent infinitæ propemodum relationum entitates è suis fundamentis identidem pullulantes & veluti fornicantes, nam si vel una musca producat in rerum natura , exurgunt continuò , tum in ipsa in ordine ad alia omnia , tum in aliis omnibus  
in or-

in ordine ad ipsam, innumeræ relationes identitatis vel diversitatis, similitudinis aut dissimilitudinis, propinquitatis vel distantiae; atque ita innumeræ producuntur entitates & realitates distinctæ si nostra opinio sit vera: Consequens autem videtur omnino absurdum, quod scilicet ad productionem unius muscæ tanta fiat mutatio in universo: ergo.

*Confirmatur*: quia nulla potest assignari causa huiusmodi entitatis aut realitatis distinctæ à fundamento: ergo non datur. *Probat*ur *antecedens*: quando enim dealbatur aliquis paries Romæ v. g. & per hoc alius paries albus Tolosæ existens incipit habere relationem similitudinis ad ipsum, quænam assignari potest causa productiva hujus novæ entitatis in hoc pariete Tolosæ existente: quem suppono jam album, nullamq; de novo fieri circa ipsum mutationem? *Ex quo ulterius sic arguo*: quia paries hic absque ulla sui mutatione incipit referri ad alterum per solâ illius mutationem & dealbationem: ergo relatio illa non est entitas aliqua superaddita, quæ mutationem induceret in hoc pariete, siquidem esset in eo aliquid reale quod antea non erat.

*Ad objectionem nego sequelâ*, quia non exurgunt novæ & distinctæ relationes nisi ponatur novum fundamentum aut novus terminus formalis, ut videbimus infra: quando autem pro-

producitur in rerū natura aliquod individu-  
um, aut fit in ipso aliqua nova mutatio, po-  
nitur quidem ex parte ipsius fundamentū, ac  
subinde relatio ad alia, nō tamen ē contra re-  
sultant continuō in aliis novæ relationes ad  
ipsum; quia nec novū fundamentū ponitur  
ex parte illorū sed manent immutata ut sup-  
pono, nec etiam novus terminus formalis ex  
parte individui recenter producti, terminat  
enim relationē aliorum ad se sub eadem ra-  
tione formali sub qua alia terminant, puta  
sub ratione convenientis vel disconvenientis  
in natura, in qualitate, aut huiusmodi, ita ut  
individuū ipsum noviter productū, sit tātū  
terminus materialis ad cuius multiplicationē  
non multiplicatur relatio ut infra dicemus.

*Ad confirmationem nego antecedens*; causa  
enim relationis est eadem quæ fundamenti,  
eadem siquidē actio quæ terminatur ad en-  
titatem fundamenti, puta ad albedinem pa-  
rietis existentis Tolosę, terminatur secunda-  
riō ad entitatem relationis quæ ex illo per  
simplicem resultantiam consequitur statim  
atq; ponitur terminus, ubicunq; tandem ille  
ponatur aut producat. Nec requiritur  
quod actio illa aut causa quæ produxit fun-  
damentū, tunc sit formaliter & in seipsa,  
quando resultat relatio, sed sufficit quod re-  
maneat virtualiter in ipso fundamento, qua-  
tenus istud manet determinatū ad huiusmo-  
di relationem quamprimum terminus po-  
natur

netur à parte rei. Ex quibus habes causam relationis esse tum ipsum agens producens fundamentum, tum ipsum fundamentum; illud per veram & propriam actionem secundario terminatam ad relationem, ut dixi; istud per simplicem resultantiam quæ est actio impropria: terminus verò aut positio ipsius à parte rei, concurrit solum ut conditio sine qua relatio, quæ est purus respectus ad ipsum, non resultat.

*Obijcies 2.* Si relatio distinguatur realiter à suo fundamento, dabitur processus in infinitum in assignandis relationum relationibus: consequens non est admittendum &c. *Probaturs sequela majoris*: quia supra unam relationem fundabitur alia, & supra hanc tertia, & sic in infinitum: ergo &c. *Probaturs antecedens*: quia eadem ratione quâ albedo A debet referri ad albedinem B per relationem similitudinis superadditam, debet & similitudo albedinis A referri ad similitudinem albedinis B per aliam relationem, & hæc per aliam & sic deinceps.

*Respondeo negando sequelã.* *Ad probationem respondeo*, unam relationem non fundare aliam, sed per seipsam referri: sicut enim actio, quia est essentialiter egressus aut emanatio ab agente per seipsam fit & emanat ab illo, & non per aliam actionem distinctam; ita etiam relatio, quia est essentialiter respectus ad aliud, debet per seipsam respicere illud, &  
non

non per alium respectum. Ex quo patet discrimen inter albedinem & similitudinem in albedine fundatam: albedo enim, cum fons absolutum, non refertur per se ad aliam albedinem, subindèque referri debet per relationem superadditam; at verò similitudo per se & essentialiter respicit aliam similitudinem.

*Instabis:* Esto quælibet relatio per seipsam referatur ad aliam relationem sibi correspondentem, puta similitudo ad similitudinem, paternitas ad filiationem, non tamen per seipsam referetur ad alias relationes disparatas, puta una paternitas ad aliam paternitatem cui est similis, & sic de aliis: similiter quamvis per seipsam referatur ad suum terminum, non tamen per seipsam referetur ad suam causam, ad suum subiectum aut fundamentum, ergo per relationes superadditas.

*Respondeo,* quamlibet relationem per seipsam referri *primario ad terminum* vel (si mutua sit) ad relationem aut relationes sibi correspondentes: *secundario autem ad alia omnia ad quæ potest dicere ordinem sive similitudinis, sive dissimilitudinis, sive effectus ad causam, sive quocumq; alio modo:* quia cum sit essentialiter respectus & purus respectus, non debet respicere per aliud sed per seipsum.

*Dices:* Paternitas A. non refertur per seipsam, etiam secundario, ad paternitatem B. si manente paternitate A. pereat ille respectus quem

quem dicebat ad paternitatem B. sicut nos supra in probatione conclusionis arguebamus: atqui sic est, desinit enim respectus paternitatis A, ad paternitatem B, per hoc solū quod ista desinat esse, aut destruat: ergo.

*Respondet id verum fore si periret respectus ille quoad suam entitatem*, sicut contingeret in casu probationis cōclusionis nostræ quæ procedebat ex suppositione quod periret terminus ejus primarius; non verò si pereat aut desinat solum quoad aliquam terminationem materiale & secundariam; ut in proposito.

*Objicies 3.* Entitas illa relationis realiter superaddita fundamento non est necessaria, sed omninò superflua & inutilis: ergo non est admittenda, juxta illud commune effatū, *quod pro sunt multiplicanda entia sine necessitate. Probatur antecedens*, si esset necessaria, maxime ad constituendum unum extremum formaliter relatum ad aliud: atqui ad hoc nō est necessaria. *Probatur hoc*: duo parietes albi ut sex, seclusa quacunque entitate relationis ab utraque albedine, distincta adhuc referrentur ad invicem relatione similitudinis: ergo non est necessaria ad hoc entitas illa distincta. *Probatur antecedens*: quia implicat duos parietes convenire in eodem gradu albedinis & non esse formaliter similes; atqui sine entitate illa relativa superaddita conveniunt in eodem gradu: ergo.

*Respon-*



Respondeo, entitatem illam aut formam relativam non esse superfluum, sed omnino necessariam ad illud munus: nec eâ seclusâ, sive per intellectum, sive realiter (si per possibile vel impossibile Deus eam auferret vel suspenderet posito fundamento & termino) duo parietes albi ut sex intelligerentur referri *ad se invicem formaliter, sed tantum fundamentaliter*, quatenus convenirent in eadem albedine, quæ convenientia est fundamentum relationis similitudinis. *Et si dicatur, quod illi parietes essent formaliter similes: distinguo: similitudine sumpta pro ipsa relatione, nego: pro ipsa convenientia in qua relatio fundatur, concedo.* Ex quibus patet ad alia quæ subduntur in objectione.

## S E C T I O III.

### *De termino Relationis.*

**R**ELATIO, ut supra diximus, alia est *mutua alia non mutua. Mutua est illa cui ex parte alterius extremi correspondet alia relatio*, quales sunt relationes primi & secundi generis, nam paternitati e. g. correspondet filiatio & similitudini similitudo ex parte termini. *Non mutua verò est illa cui ex parte termini non correspondet altera relatio, sed quid*  
*absol.*

*absolutum*, ejusmodi sunt relationes tertii generis. Hoc posito sit.

## §. I.

*Vtrum relationes mutua terminentur ad absolutum vel correlativum.*

**S**ENSUS est utrum paternitas, v, g. terminetur formaliter ad entitatem absolutam filii, vel ad ipsam filiationem sibi correspondentem, seu ad filium ut formaliter sibi correlativum. ad quod respondendo.

*Dico relationes mutuas terminari formaliter ad correlativum.*

*Probatur:* relatio mutua terminatur formaliter ad relationem alterius extremi sibi correspondentem, puta paternitas ad filiationem: ergo terminatur formaliter ad alterum extremum ut correlativum. *Probatur antecedens:* Relatio respicit formaliter terminum sibi relative oppositum: sed sola relatio ipsi correspondens, non verò entitas absoluta alterius extremi opponitur illi relative: ergo relatio illa, & non entitas absoluta erit ejus terminus formalis. *Major & minor hujus argumenti facili negotio suaderi possunt.* Major quidem ex eo, quod inter relationes mutuas detur oppositio relativa & reciproca, quæ consistit in hoc quod relatio respiciat realiter terminum, ex quo oritur quod ei opponatur & vicif-

vicissim terminus respiciat realiter relationem, subindeque ipsi etiam ex parte sui relativè adverteretur, in quo differt à termino relationis non mutuae, qui cum non corresponderetur ad relationem, non opponitur ei relativè quantum est ex parte sui. *Ex quibus minor etiam probata relinquitur*: sola enim relatio ex parte extremi terminantis se tenens, potest ratione sui respicere aliam relationem quam terminat, non verò entitas absoluta: ergo illa sola opponitur ei relativè.

*Obijcies 1.* Non omnis relatio mutua terminatur ad correlativum: ergo falsa conclusio. *Probaturs antecedens*, relatio effectus ad causam est mutua ex sua natura, cum sit secundi generis fundata in actione & passione, atqui illa non terminatur ad correlativum, ut patet de relatione creaturæ ad creatorem, cui non correspondet ex parte Dei relatio ad quam terminetur, alias Deus fuisset mutatus in tempore, recipiendo novam relationem ad creaturas: ergo, &c. *Idem argumentum fieri potest de relatione maternitatis in Beatissima Virgine*, cui ex parte Christi Domini non correspondet realis relatio filiationis ob incapacitatem suppositi Divini, in quo deberet recipi, & tamen relatio maternitatis ex sua natura est mutua.

*Respondeo ex dictis supra distinguendo majorem*: Relatio effectus ad causam ejusdem ordinis est mutua, concedo: ad causam superioris

*rioris ordinis*, nego. *Similiter ad minorem*. Relatio ad causam: *eiusdem ordinis*, non terminatur semper ad correlativum, nego: ad causam *superioris ordinis*, concedo: talis autem est relatio creaturæ ad creatorem. Deus enim est causa superioris ordinis & incapax relationis ad creaturas. Et idem dico de relatione maternitatis Beatæ Virginis ad Christum, cuius suppositum est Divinum atque adeo superioris ordinis.

*Obicies 2.* Terminus relationis etiam mutue debet antecedere illam: atqui relatio ipsi correspondens ex parte alterius extremi non antecedit eam, sed est simul natura cum illa, ut ex dicendis infra de proprietatibus relativorum constabit: ergo terminus relationis etiam mutue non est relatio seu correlatio, sed entitas absoluta termini, quæ relationem antecedit. *Major de qua sola est difficultas probatur*: illud antecedit relationem paternitatis v.g. quod prærequiritur ad hoc ut illa resultet: atqui terminus prærequiritur: ergo, &c. *Probatur minor*: ex communi axioma philosophorum dicentium, *relationem non resultare nisi posito fundamento & termino*, puta homine generante & homine genito, seu generatione activa & passiva.

*Respondet duplicem esse terminum relationis mutue*, puta paternitatis: *unum radicalem seu materiale*, alterum formalem:

radicalis est entitas absoluta geniti v. g. seu quod idem est generatio passiva: formalis verò est ipsa filiatione supra illam entitatem seu passivam generationem fundata & radicata. *Quo posito distinguo maiorem. Terminus radicalis debet antecedere relationem, concedo: formalis, nego: & similiter minore concessa distinguo consequens: Terminus radicalis relationis mutue non est correlatio sed entitas absoluta, concedo: Terminus formalis, nego: Ad probationem majoris, dicendum pariter est terminum quidem radicale præsupponi, & de illo intelligendum esse axioma illud, non autem de formali qui est simul natura in relationibus mutuis.*

*Instabis:* Illud idem quod est ratio fundandi paternitatem v. g. est ratio terminandi filiationem: atqui ratio fundandi est quid absolutum, cum ratio nequeat fundare relationem: ergo etiam ratio terminandi erit quid absolutum.

*Respondeo eodem modo:* Illud quod est ratio fundandi paternitatem est ratio radicalis terminandi filiationem, concedo: ratio formalis, nego: hæc enim est paternitas. *Qua solutio applicanda est consequenti, minori concessa.*

*Arguebis:* specificativum debet antecedere rem specificatam: atqui terminus formalis relationis est specificativum ejus: ergo antecedit ipsam, subindeque erit aliquid absolutum.

*Respon-*

*Respondeo distinguendo maiorem* : Specificativum per modum causæ subjecti, vel objecti, aut alicujus alterius quod causalitatem quandam respectu specificati importet concedo : specificativum per modum puri termini, nego : Specificativum autem formale relationis respicitur ab ipsa per modum puri termini in quo differt relatio prædicamentalis à transcendentali quæ respicit ipsum per modum causæ vel efficientis vel materialis &c.

*Obijcies 3.* Si relativum mutuum terminetur formaliter ad correlativum, puta pater ad filium, non poterit cognosci nec definiri nisi per ipsum, siquidem relativum nequit cognosci neq; definiri nisi per suum terminum: consequens autem est falsum: ergo & antecedens.

*Probaturs minor* : si definiremus unum relativum per aliud sibi correlatum, idem posset poni in definitione sui ipsius: consequens est falsum jã enim esset notius & ignotius seipso: ergo &c. *Probaturs sequela majoris*, si definiremus patrem per filium formaliter ut filius est dicendo. Pater est ille qui habet filium, tunc loco filii poterit substitui definitio ejus quæ erit hæc, Filius est ille qui habet patrem, & ita definitio patris talis erit, Pater est ille, qui genuit eum qui habet patrem: atqui hoc est idem poni in definitione sui ipsius ergo &c. *Major ultimi syllogismi probatur ex communi dicto Philosophorum asserentium, loco nominis in definitione possit licere*

substituere ejus definitionem, puta vivens sensibile loco animalis positi in definitione hominis, ita ut indifferenter dici possit, Homo est animal rationale, vel, Homo est vivens sensitivum rationale: ergo loco filii in definitione patris positi licebit ponere ejus definitionem.

*Respondeo, concessa sequela majoris, negando minorem: ad probationem nego sequelam majoris:* Ad cujus item probationem respondeo negando loco termini in definitione relationis positi posse substitui ejus definitionem: *& ad illud dictum philosophorum respondeo id intelligendum esse de eo quod ponitur in definitione tanquam pars intrinseca definiti, perinde enim est quod in definitione hominis ponatur animal, vel animalis definitio, id est, vivens sensitivum; non autem de eo, quod ponitur in definitione tanquam extrinsecum connotatum aut terminus: quia scilicet terminus ponitur in definitione relativi ut terminans aut vicissim respiciens ipsum, quod minus nequit præstare per suam definitionem utpote quæ includit ipsum relativum.*

## §. 2.

*Utrum relatio etiam non mutua terminetur ad correlativum vel ad absolutum.*

**D**ICO relationem non mutuat terminari formaliter ad absolutum, & non ad correlativum.

Pro-

*Probatur* : Terminari ad correlativum est respicere aliud ad se mutuò relatum : atqui contra naturam relationis non mutuae est quod respiciat aliud ad se mutuò relatum : ergo contra naturam ejus est quod terminetur ad correlativum. *Major est evidens* : *Minor verò probatur* : non potest aliquid mutuò referri sine relatione, sicut non potest esse album sine albedine : atqui in termino relationis non mutuae non reperitur relatio realis ad id cujus est terminus : in hoc siquidem differt à termino relationis mutuae : ergo terminus relationis non mutuae, non correfertur à parte rei ad ipsam.

*Respondetur* : Terminum relationis non mutuae esse relatum extrinsecè denominatione petita à relatione existente in alio extremo, sicut paries dicitur extrinsecè visus à visione existente in oculo. Et in hoc sensu relatio non mutua dicitur terminari ad correlativum, & non eo modo quo relatio mutua cujus terminus est & dicitur intrinsecè correlativus à relatione existente in ipso.

*Sed contra* : quia terminus relationis non mutuae nequit dici etiam extrinsecè relatus à relatione existente in altero extremo : ergo nulla solutio. *Probatur antecedens* : esse relatum ad aliud quomodo-cunque tandem, est dicere ordinem ad illud : atqui terminus relationis non mu-



tuz non dicit ordinem ad illam, sed solum terminat habitudinem ejus ad se: ergo nullo modo dici potest relatus ad eam; *Vnde non est paritas in exemplo adducto*: quamvis enim panes dicatur visus à visione existente in oculo, non tamen terminus dici potest relatus à relatione existente in alio extremo: *Ratio disparitatis est*, quia esse visum nihil aliud est quàm terminare visionem; esse verò relatum est dicere relationē ad aliud. Quod si velis ly esse relatum, esse quid commune, & ad id quod refertur, & ad id quod terminat relationem, hoc sensu nullum est inconveniens admittere relationem, non mutuam terminari ad relativum, sed hoc est abuti terminis.

*Obiectes 1.* Relatio etiā non mutua est simul natura cum suo termino: ergo ejus terminus est quid relativum. *Antecedens probatur*, quia una ex proprietatibus relativorum ut sic est quod sint simul natura, ut infra dicetur: *Consequentia verò ex eo suadetur*, quia absolutum est prius natura relativo: ergo ut terminus relationis non mutuz sit simul natura cum ipsa debet esse correlativus.

*Respondeo 1. negando antecedens*; esse enim simul naturā propriē loquendo solis competit relativis mutuis. *ut sectione quinta dicetur.*

*Respondeo 2.* relationem non mutuam esse simul natura cum suo termino reduplicati-

cativè ut terminante, non autem cum ipso absolutè & materialiter considerato, Ex quo non sequitur terminum ejus esse correlativum. Unde ad probationem consequentiæ distinguo antecedens: absolutum materialiter sumptum est prius natura relativo, concedo: Absolutum reduplicativè ut terminans relationem nego.

*Objicies 2.* Quod opponitur alteri relativè est relatum: atqui terminus cujuscunq; relationis etiam non mutue opponitur ipsi relativè: ergo est relativus. *Minor probatur:* eadem oppositione opponitur terminus relationi, quâ relatio opponitur termino: atqui relatio opponitur termino relativè, ut de se constat: ergo & terminus relationi. *Major probatur;* quia hæc est natura oppositorum, ut qua oppositione unum alteri opponitur, eadem alterum opponatur & ipsi.

*Respondeo distinguendo majorem:* Quod opponitur relativè alteri tanquam in se habens rationem formalem talis oppositionis, est relativum concedo: si non habeat in se sed in illo altero rationem formalem hujusmodi oppositionis, nimirum relationem, nego. *In hoc ergo differt terminus relationis non mutua à termino mutua,* quod quamvis uterq; relativè opponatur relationi quam terminat, diversimodè tamen: terminus enim relationis mutue habet in se rationem formalem suæ oppositionis nempe relationem, ita ut ex parte

alterius extremi relatione cessante adhuc retineret oppositionem relativam cum illo : Terminus verò relationis non mutux non habet in se rationem formalem oppositionis relativæ, seu relationem ; unde etiam percunte relatione ex parte alterius extremi non amplius opponitur ipsi terminus oppositione relativa. *Per quod patet ad probationem minoris* : licet enim in relativis etiam non mutuis eadem oppositione opponatur terminus relationi, quâ relatio opponitur termino, terminus tamen non habet in se rationem formalem huiusmodi oppositionis, quod requireretur ut foret relativus.

*Obijcies 3.* Non omnis relatio non mutua terminatur ad absolutum : ergo falsa conclusio. *Probatur antecedens* : Relatio servitutis creaturæ ad Deum v. g. est relatio non mutua, cum Deus non sit capax mutux relationis ad creaturam : atqui illa nō terminatur ad Deum sub absoluta ratione Deitatis, ergo : &c. *Probatur minor* : quia alias illa relatio non esset quidditative cognoscibilis lumine naturali, quod sic ostenditur, quia non potest cognosci quidditative relatio, nisi quidditative cognoscatur ejus terminus : atqui Deus sub ratione absoluta Deitatis nequit lumine naturali quidditative cognosci : ergo

*Respondeo negando antecedens* : *Ad probationem respondeo* relationem servitutis creaturæ terminari ad Deum sub ratione *absolutæ*

*Dei*

*Deitatis ut habentis potentiam dominativam & coercitivam creaturarum sibi subditarum, sub qua ratione dici potest Deum esse quidd respectivum ad creaturas seu relativum secundum dici quatenus non potest intelligi nec dici aut explicari potentia illa denominativa nisi per respectum ad creaturas, non verò secundum esse, quod necessarium esset ut arguens haberet intentum; nego autem inde sequi relationem huiusmodi non posse quidditativè cognosci lumine naturali; Et ad probationem respondeo, ad quidditativam cognitionem relationis sufficere quod terminus quidditativè imperfectè cognoscatur. Deus autem, quamvis sub ratione absoluta Deitatis non possit perfectè quidditativè cognosci lumine naturali, bene tamen imperfectè, maximè prout importat potentiam denominativam, qua ratione terminat relationem servitutis creaturarum.*

---

## S E C T I O IV.

*De Unitate & Distinctione Relationum.*

**D**ICO Unitatem specificam Relationum desumendam esse, tanquam à totali & integra causa, ab unitate specifica tam sum-

damenti quàm termini :: distinctionem verò specificam à specifica alterius distinctione seu diversitate.

*Probat*ur : Unitas specifica cujuslibet naturæ sumitur ab unitate formali specificativum ipsius : atqui specificativum relationis est fundamentum simul & terminus : ergo unitas relationis requirit unitatem formalem tam fundamenti quam termini, ita ut si alterutrum formaliter diversificetur, diversificetur etiam specie ipsa relatio : *Probat*ur minor : ab eo specificatur totaliter & completè relatio, à quo in sua ratione essentiali dependet : atqui dependet tam à fundamento quàm à termino, cum sit essentialiter ordo unius ad alterum, id est, fundamenti ad terminum : ergo specificatur ab utroque, & subinde ab utroque simul sumit suam specificam unitatem, à fundamento quidem tanquam à causa efficiente, à termino verò tanquam à causa formali extrinseca, seu melius tanquam à connotato & complemento extrinsecò : vel, ut dicunt alii, à fundamento ininitivè, à termino completivè. Unde omnes relationes paternitatis sunt ejusdem speciei, quia habent idem specie fundamentum & eundem terminum, omnes enim fundantur in potentia generativa ad actum redacta, & terminantur ad filium. Similiter dic de omnibus relationibus similitudinis inter parietes albos v. g. & sic de aliis.

*Quod*

*¶ Quod si alterutrum, id est vel fundamentum vel terminus diversificetur, diversa etiam specie exurget relatio.* unde relatio nivis v.g. ad cygnum, quæ est similitudo in albedine, differt specie à relatione eiusdem nivis ad corvum, quæ est dissimilitudo; quia etsi habeant idem fundamentum ex parte nivis, scilicet albedinem, habent tamen diversos terminos: & è converso relatio mutua similitudinis cygni ad nivem, & relatio dissimilitudinis corvi ad eandem, sunt etiam specie diversæ; quia quamvis habeant eundem terminum, habent tamen diversa fundamenta. *Ratio autem* cur ad unitatem specificam relationis requiritur unitas specifica tam fundamenti quam termini, ad distinctionem vero sufficiat diversitas alterutrius, est quia unitas habet rationem boni, quod ex integra causa; distinctio vero rationem mali, quod ex unico defectu confurgit.

*Dico 2. unitatem & distinctionem numericam relationum desumendam esse ex unitate vel distinctione numerica subjecti cui inhaerent: unde in uno & eodem homine qui est pater plurium filiorum non dantur plures numero paternitates in ordine ad eos, sed illos omnes respicit una & eadem numero relatione, ob numericam unitatem subjecti, sicut è contra in pluribus filiis nequit esse una & eadem numero filiatio quia illi omnes respiciant*

unum patrem, sed filiatio unius realiter numerice distinguitur à filiatione alterius, ob numericam distinctionem subjectorum.

*Probaturs hac conclusio sic declarata, unitas & distinctio materialis accidentium, cujusmodi sunt relationes prædicamentales, desumi debent ab unitate vel distinctione materiæ ipsorum, quæ est subjectum: atqui unitas & distinctio numerica est materialis, sicut specifica est formalis: ergo desumi debet ex unitate vel distinctione numerica subjectorum. Major de qua sola posset dubitari, ex eo suadetur, quod ab eo sumi debent unitates specificæ & numericæ à quo petuntur differentiæ materiales & individuales: atqui differentia individualis petitur à materia & formalis à forma: Ergo &c. De hoc amplius in Metaphysica par. 1. Diss. 2. sect. 2.*

*Obiicies 1. Contra primam Conclusionem si ad unitatem specificam relationis requireretur unitas specifica tam fundamenti quam termini, ita ut ad diversitatem illius specificam sufficiat diversitas specifica alterutrius, sequeretur filium referri ad patrem & matrem distinctis specie relationibus: consequens non est admittendum: Ergo &c. Probaturs sequela majoris; quia filiatio terminatur & ad patrem & ad matrem: atqui paternitas & maternitas sunt relatio-*

nes

nes specie distinctæ: Ergo si ad specificam distinctionem relationis sufficiat diversitas specifica termini, sequetur in filio esse duas filiationes.

*Respondeo negando sequelam maioris: ad probationem distinguo minorem: Paternitas & maternitas sunt relationes distinctæ specie completa & adæquata, nego: incompleta & inadæquata, concedo.* Quando autem dicimus ad distinctionem specificam relationum sufficere quod habeant terminos specie distinctos intelligimus de terminis specie completa & adæquata distinctis, quales non sunt paternitas & maternitas: Cum enim ambæ fundentur in unica totali, completa & adæquata generatione prolis coalescente ex concursu partiali utriusq; parentis, non possunt specie completa & adæquata inter se distinguī, sed efficiunt unam completam relationem quæ est terminus filiationis.

*Obiicies 2. contra secundam conclusionem: In patre duos filios habente sunt duæ paternitates numero distinctæ: ergo falsa conclusio. Probatur antecedens: In patre sunt duæ solo numero distinctæ paternitates, si non referatur per unam & eandem ad utrumq; filium: atqui: ergo. Probatur minor: Illa non est una & eadem relatio cum alia, quæ pereunte, alia remanet: atqui pereunte relatione paternitatis in ordine ad alterum filium, quando obit, remanet relatio ad alium superstitem: Ergo.*

*Respon-*



*Respondeo negando antecedens: ad probationem nego minorem: Et ad probationem eius respondeo negando suppositum minoris, quod nimirum pereunte uno filio, altero superstitite, pereat illa relatio paternitatis quantum ad suam entitatem realem, sed solum quoad terminationem aliquam materiale. Ratio est, quia remanet adhuc terminus eius formalis in uno filio, nempe filiatio; & perit tantum terminus ejus materialis: seu quod idem est manet terminus formaliter, hoc est (ut dixi) filiatio quoad suam rationem formalem & specificam, & perit tantum quoad aliquam extensionem materiale, quia cum antea reperiretur in duplici subjecto. modo est in uno dumtaxat.*

*Instabis.* Pereunte altero filio pater non refertur realiter ad ipsum, cum tamen antea referretur. Ergo perit relatio realis quia ipsum respiciebat.

*Respondeo,* non perire quoad suam realem entitatem, quia remanet ejus terminus formalis, sed solum quoad unam terminationem materiale.

## S E C T I O V.

*Coordinatur arbor Relationis, adducuntur  
eius proprietates.*

**C**VM desint nomina diversos gradus genericos & específicos relationum exprimentia, non potest aliter eius prædicamentum coordinari, quam adducendo illius divisiones.

Relatio ergo prædicamentalis dividitur imprimis in tria illa genera relationum de quibus sect. 2. quæ genera sunt subalterna.

Deinde relationes primi generis subdividuntur in eas quæ fundantur in unitate seu convenientia, & in numero sive multiplicitate. Relationes fundatæ in unitate subdividuntur in eas quæ fundantur in unitate aut convenientia in substantia, & appellantur relationes identitatis; & quæ in convenientia quantitatis, dicunturque relationes æqualitatis, & quæ in convenientia aut unitate qualitatis, & sunt relationes similitudinis: similiter relationes fundatæ in numero seu diversitate aliæ sunt quæ fundantur in numero aut diversitate sive disconvenientia in natura, & appellantur relationes diversitatis, aliæ  
quæ

quæ in disconvenientia quantitatis aut magnitudinis, & dicuntur relationes inæqualitatis; aliæ quæ in numero seu disconvenientia qualitatum, & sunt relationes dissimilitudinis.

Relationes vero secundi generis subdividuntur in eas, quæ fundantur in actione, ut paternitas, & quæ in passione ut filiatio.

Relationes tandem tertii generis seu mensurati ad mensuram, diversificantur juxta diversitatem formalem potentiarum, habituum, & aliorum quæ & à diversis objectis mensurantur. Et hæc de divisione relationum.

*Prima autem proprietas relationis est, quod non habeat contrarium, intellige, ratione sui; ratione enim fundamenti potest interdum habere contrarium, quando videlicet relationes fundantur in qualitatibus contrariis, ut similitudo & dissimilitudo in albedine & nigredine. Quod autem relationes secundum se non habeant contrarietatem, patet in exemplo jam iam allato: similitudo enim & dissimilitudo saltem respectu diversorum possunt sese compati in eodem subjecto.*

*Secunda proprietas est, quod nulla relatio ratione sui suscipiat magis & minus, licet, ratione fundamenti id possit, paries enim albus ut tria est magis similis parieti albo ut quatuor quam sit paries albus ut unum.*

*Tertia*

*Tertia est, quod relativa dicantur ad convertentiam, id est quod unum explicetur per ordinem ad aliud in obliquo importatum, & illud vicissim explicetur per primum, sive ut alii dicunt, dici ad convertentiam est predicari de seipso cum implicatione alterius ut cum dicitur, Pater est filii pater, Filius est patris filius.*

*Quarta, quod relativa sint simul natura quæ similtas consistit in duobus: primum est quod mutuo se inferant: secundum, quod unum formaliter loquendo in quantum relativum non sit causa alterius, nec vicissim: unde quia hæc duplex conditio non habet locum nisi in relativis mutuis, ideo in illis solis videtur etiam habere locum similtas natura: quamvis etiam aliquando videatur convenire relativis etiam non mutuis si nimirum alterum extremum, nempe terminus, accipiat reduplicative ut terminans, puta si sumatur Deus ut Dominus reduplicative, id est, ut terminans relationem servitutis creaturarum; aut ut creator, id est ut terminans relationem creationis earundem ad se: nam sub tali reduplicacione est simul natura cum creaturis, quia valet hæc consequentia: est Dominus, ergo servus, & è converso, nec unum illorum ut sic est causa alterius. Et hæc proprietas sic explicata convenit relativis quarto modo: secus dicendum de tribus præcedentibus.*

*Ultima*

*Ultima est quod relativa sint simul cognitione & definitione, id est quod unum nequeat cognosci aut definiri nisi per aliud & vicissim, quod proprie & in rigore loquendo locum habet in rationibus mutuis, in non mutuis non ita proprie: quamvis enim relatio creaturæ ad Deum nequeat cognosci nisi cognito Deo, Deus tamen cognosci potest non cognita illa relatione. Si tamen Deus sumatur reduplicative, ut terminat illam relationem, id est quatenus est Dominus aut creator, erit simul cognitione & definitione cum illa: & hoc sensu hæc etiam proprietas convenit quarto modo.*



## DISPUTATIO VIII.

### *De Pradicamento Qualitatis.*

**Q**UALITAS generaliter loquendo dici potest *id omne quod actualiter determinat, & ut ita dicam qualificat aliud: unde sicut potest aliquod esse actuabile & determinabile duobus modis, nempe substantialiter, & accidentaliter, ita duplex potest assignari qualitas, altera substantialis, altera accidentalis.*

*Qualitas substantialis appellari potest ipsa forma substantialis* quatenus determinat materiam, & differentia quatenus determinat genus ad tale esse substantiale, puta, rationale.

*Qualitas vero accidentalis generaliter loquendo illud omne dici potest quod modificat seu de terminat substantiam ad aliquod esse accidentale* & quidem si illam proprie modificet & determinet in seipsa ad aliquod esse accidentale sicut albedo ad esse album, scientia ad esse doctum, dicitur simpliciter qualitas, & constituit hoc prædicamentum, ut ex dicendis constabit: si autem vel non determinet proprie & simpliciter loquendo substantiam, ut patet de quantitate, quæ non tam determinat substantiam, quam reddit determinabilem per alia accidentia, quæ mediante quantitate recipiuntur in substantia, eamque modificant & determinant; vel non determinet illam in ordine ad seipsam, sed in comparatione vel ordine ad aliud, sicut relatio determinat subiectum in ordine ad terminum; actio passum (in quo, ut dicemus in physica) recipitur in ordine ad agens; passio in ordine ad effectum; Ubi in ordine ad locum: sic non dicitur qualitas simpliciter. His positis sit.

## S E C T I O I.

*Quid & Quoruplex sit qualitas.*

**D**ICO I. *Qualitas predicamentalis recte definiri potest accidens completum modificativum seu determinativum substantia in seipsa.* Quam definitionem esse legitimam ex eo patet, quod in ea ponitur id in quo convenit qualitas, analogice saltem, cum aliis prædicamentis accidentium, nempe *ly accidens completum*; & id per quod secernitur ab illis, videlicet *ly determinativum &c.* ut enim modo dicebamus, quantitas non est simpliciter determinativa substantiæ; nec alia accidentia determinant & modificant illam absolute & in seipsa, sed in ordine ad terminum, ubi & situs, in ordine ad locum, quando, in ordine ad tempus, habitus, in ordine ad indumentum.

Et hæc definitio est explicatio illius quæ affertur à Philosopho dicente qualitatem esse illam, *secundum quam denominamur quales*, id est accidens, quo qualificatur ut ita dicam & determinatur substantia seu subiectum, modo explicato.

*Dico secundo: recte & adæquate dividitur quali-*

*qualitas in quatuor species: quarum prima est, dispositio & habitus, secunda, potentia aut impotentia ( hoc est debilior potentia : ) tertia, passio & patibilis qualitas : quarta, forma & figura.*

*Probatur bonitas & sufficientia huius divisionis : qualitas prædicamentalis est accidens modificativum seu determinativum substantiæ in seipsa : Ergo secundum diversas rationes modificandi & determinandi substantiam, diversæ erunt constituendæ species qualitatis, atqui quadrupliciter dumtaxat potest substantia determinari & veluti qualificari Ergo. Probatur minor & declaratur; substantia enim quadrupliciter potest intelligi indeterminata, & modificabilis: primo secundum suam naturam & suum esse; sic modificatur & determinatur per habitum & dispositionem ad bene esse scilicet aut male, secundo quantum ad operationem cuius est radicale principium, & sic determinatur per naturalem potentiam aut impotentiam, ad hoc scilicet operationum genus potius quam ad aliud. Tercio quantum ad passionem aut receptionem aliorum quorum est capax; & sic determinatur per qualitatem illam quæ dicitur passio vel patibilis qualitas quæ capacitatem illâ explet & actuat: quarto quantum ad suam extensionem aut quantitatem; & sic determinatur per formam & figuram, quæ partes, quas quantitas habet secundum se veluti confusas*



confusas & indeterminatas, ordinant & determinant ad talem vel dispositionem, non quidem in ordine ad locum, quod est proprium situs, sed in ordine ad se.

---

## SECTION II

*De prima specie qualitatis in habitum & dispositionem subdivisa.*

**D**ICO 1. Ratio essentialis huius primæ speciei consistit in hoc quod sit qualitas determinans subiectum ad hoc ut bene vel male se habeat secundum esse sua natura.

*Probatur:* quia in hac ratione conveniunt omnes qualitates huius speciei & per eam differunt ab aliis: Ergo illa est propria & essentialis ratio huius primæ speciei. *Probatur antecedens:* nam siue qualitates huius primæ speciei subiectentur in ipsa natura aut substantia rei, ut sanitas, ægrotudo, pulchritudo, deformitas, & ex supernaturalibus gratia quæ immediate inhæret ipsi substantiæ animæ; siue subiectentur in potentiis operativis, ut scientia, opinio, error in intellectu, virtutes & vitia in voluntate aut appetitu;

omnes

omnes tamen ordinantur ad bene aut male esse subiecti. Et quidem de prioribus res est evidens; nam secundum pulchritudinem aut sanitatem vel gratiam bene & convenienter se habet; secundum ægritudinem vero & deformitatem male & disconvenienter, de posterioribus autem idem dicendum est, quamvis enim scientia, virtus, & huiusmodi ad bene vel male operandum ordinantur, quia tamen bene vel male operari, puta intelligere, vel velle conducit & ordinatur ulterius ad bene vel male esse ipsius suppositi, ideo ad eundem finem censentur ordinari illæ qualitates. Quod autem per hoc differant qualitates huius speciei ab aliis constat. Nam secunda species qualitatis consistit in hoc, quod est disponere seu determinare subiectum in ordine ad operationem absolute sumptam: Tertia in ordine ad receptionem: quarta in ordine ad extensionem; abstrahendo ab hoc quod est bene vel male.

*Dico 2. prima species qualitatis sic definita & explicata recte in habitum & dispositionem subdividitur.*

Explicatur adducendo utriusque definitionem: *habitus enim est qualitas, secundum quam res bene aut male se habet, difficile mobilis: dispositio vero est qualitas secundum quam res bene vel male se habet facile mobilis.* Quæ definitiones sic debent intelligi, ut habitus sit qualitas difficile mobilis ex sua natura; dispositio

Q

170

*tio vero ex natura sua sit facile mobilis à subiecto*: Unde illa qualitas quæ ex natura sua est difficile mobilis, ex accidenti tamen, puta ex indispositione vel debilitate subiecti facile removeri potest ab illo, (ut scientia à tyronie, gratia, charitas, aliæque virtutes supernaturales ab homine viatore ob instabilitatem liberi arbitrii) erit essentialiter & quantum ad rem habitus, licet habeat modum seu statum dispositionis; & è contra qualitas ex natura sua facile mobilis, ut morbus, si per accidens puta ob complexionem infirmi fiat difficile mobilis, erit essentialiter & quoad rem dispositio, quoad modum vero seu statum erit habitus: qualitas tandem quæ non solum ex natura sua, sed ex omni parte est difficile mobilis dicitur habitus & secundum rem & secundum modum: quæ vero ex omni parte est facile mobilis, appellatur & secundum rem & secundum modum aut statum dispositio. Hoc posito.

*Membra præfata divisionis sunt habitus secundum rem, & dispositio etiam secundum rem.* Quod autem habitus habeat interdum statum dispositionis, & è contra dispositio modum habitus, hoc est per accidens nec variat essentiam illorum. Hæc diligenter sunt observanda pro intelligentia statim dicendorum.

*Dico 3. habitus secundum rem & dispositio secundum rem distinguuntur specie.*

*Probat*ur: quia habitus qui est talis secundum

dum rem est qualitas essentialiter difficile mobilis, dispositio vero est essentialiter facile mobilis: ergo differunt essentialiter & specificè. *Probaturs antecedens*: Quod cōvenit habitui & dispositioni ex propriis principiis à quibus specificantur, convenit eis essentialiter: atqui esse facile vel difficile mobiles cōvenit eis ex propriis principiis à quibus specificantur & per se pendent: ideo enim sanitas & ægrotudo sunt qualitates facile mobiles de se; quia temperamentū humorū à quo per se pendent facile transmutari & perturbari potest; è contra vero ideo scientia & virtutes sūt difficile mobiles ex se; quia ex natura sua habent firmissimas & immobiles causas ac principia, scientia demonstrationem, virtus bonum honestum, à quo specificatur: ergo &c.

*Obiicies* 1. una species non potest transire in aliam: atqui dispositio potest transire in habitum: Ergo dispositio & habitus non differunt specie. *Probaturs minor*: nam qualitas quæ modo est facile mobilis, potest fieri difficile mobilis si magis radiceatur & firmetur in subjecto. v.g. scientia tyonis, & virtus inchoata, & similes.

*Respondeo concessa maiore distinguendo minorem*: Dispositio quæ est secundum rem & essentialiter talis; nego: quæ est talis solum quoad modum & statum, essentialiter vero est habitus, concedo, similiter ad consequentiam. Ergo Dispositio non differt specie ab

habitu; Dispositio secundum rem, nego: secundum modum tantum, concedo. *Ad probationem respondeo*: qualitatē, quæ est facile mobilis secundum rem & ex essentia sua, nō posse fieri difficile mobilem essentialiter, sed solum eam quæ ex sua essentia esse petit difficile mobilis, & per accidens est facile mobilis, cujusmodi sunt scientia & virtus inchoatæ, unde non sequetur nisi quod dispositio quæ est talis secundum modum tantum, re ipsa vero est habitus, possit transire in habitum etiam secundum modum.

*Obijcies 2.* Opinio est verus habitus: atqui illa non est difficile mobilis ex propriis principiis, subindeq; nec essentialiter: Ergo. *Probatur minor* quia opinio innititur syllogismo probabili qui nō convincit intellectum, sicut demonstrativus: ergo si ideo scientia etiam in tyrone sit ex natura sua difficile mobilis quia innititur demonstrationi tanquā propria causæ & principio, opinio ob orationē oppositam erit essentialiter facile mobilis.

*Respondeo negando minorem.* Ad probationem distinguo antecedens: Innititur syllogismo probabili non convincenti intellectui de evidentia certitudinis concedo; de evidentia probabilitatis, nego.

*Obijcies 3.* vitia sunt veri habitus: atqui non sunt difficile mobilia à subjectis ex natura sua: ergo *Probatur minor*: quia non habent causas difficile mobiles, ideo enim virtus est  
diffi-

difficile mobilis, quia innititur bono honesto: quod cum sit rationi consonum, est quid immobile: vitia autem non inniuntur bono honesto, sed rationi dissono: ergo. &c.

*Respondeo: negando minorem: Ad probationem Respondeo,* vitia inniti bono proprio & delectabili dissono rationi, quod respectu naturæ corruptæ tam firmum & immobile est quam objectum virtutis seu bonum honestum & rationi consonum respectu naturæ puræ. *In forma ergo distinguo:* Ideo virtus est difficile mobilis quia innititur bono honesto præcise, nego quia innititur bono honesto ut motivo firmo & immobili (quantum est de se) concedo. *Ad minorem:* vitium innititur bono rationi dissono, ut tali præcise, nego: ut delectabili & ut motivo comparatione naturæ corruptæ & vitiatæ firmo & immobili, concedo.

---

### SECTION III.

*De reliquis speciebus qualitatibus.*

**S**ECUNDA species qualitatibus definiri potest proximum principium agendi simpliciter & absolute, vel resistendi: sicut calor ignis est proximum principium calefaciendi, intelle-

ctus intelligendi, voluntas volendi, durities resistendi.

Explicatur hæc definitio. Qualitas dicitur *principium proximum*, seu *principium formale* quo: ad differentiam radicalis principii quod est ipsamet forma substantialis. Additur *ly principium agendi simpliciter & absolute*, in quo differt hæc secunda species à prima: licet enim qualitates primæ speciei ordinentur saltem secundario ad agendum, vel mediate ut illæ quas diximus subiectari in natura, vel immediate, ut illæ quæ potentiis operativis inhærent; nihilominus non ordinantur ad operandum simpliciter & absolute, sed ad bene aut male operandum, seu ad operationem ut convenientem vel disconvenientem naturæ subiecti: At vero qualitates hujus secundæ speciei ordinantur ad absolute & simpliciter agendum, sive ad operationem absolute consideratam, abstrahendo ab eo quod bona sit vel mala, conveniens naturæ subiecti vel disconveniens: voluntas enim quæ pertinet ad hanc speciẽ, ordinatur ad volitionem absolute; virtus vero in eâ subiectata, quæ ad primam spectat ordinatur ad rectam volitionem: Intellectus similiter ordinatur ad intellectionem præcise; scientia vero ad rectam intellectionem, & sic de aliis.

Et quamvis in hoc etiam discriminentur qualitates primæ speciei; habitus pimum & dispositio, à qualitatibus secundæ, quod ex  
dantur

dantur ad facilius posse id quod ante simpliciter poteramus, istæ vero ad simpliciter posse id quod sine ipsis nullatenus possemus præstare; hæc tamen non est essentialis & adæquata differentia inter primam & secundam speciem, quia nonnullæ primæ speciei qualitates, scilicet habitus supernaturales & infusi, ordinantur non solum ad hoc ut facilius, sed etiã ut simpliciter possimus id quod sine illis nullo modo possumus. Essentialis ergo differentia inter primam & secundam speciem qualitatis est illa quam assignavimus, in hoc sita quod hæc ordinetur ad simpliciter agendum, id est, ad operationem sub ratione indifferentis abstrahentisve à bona vel mala. secus vero illa.

Additur tandem in præfata definitione *ly vel resistendi*: quia licet resistantia non sit proprie actus, habet tamen aliquam similitudinem actionis, & ejus principium ponitur in hac specie.

*Dividitur autem hac secunda species communiter in naturalem potentiam & impotentiam. Potentia dicitur principium forte & validum agendi vel resistendi, ut potentia visiva juvenis & durities adamantis. Impotentia vero in proposito non est idem ac privatio potentia, sed (ut jam supra diximus) dicitur principium debile agendi aut resistendi, ut potentia visiva senis, & mollities in cera. Ex quo patet potentiam & impotentiam in ordine ad eundem actum &*



objectum non distingui tanquam duas species, sed sicut perfectum & imperfectum intra eandem, præsertim cum eadem potentia visiva quæ modo est fortis fiat successivè temporis debilis.

*Tertia species dicitur qualitas sensibilis, id est, sensibus perceptibilis, quod sit proprium ipsorum objectum: ut calor, frigus humiditas, siccitas: sonus, odor, &c.*

*Dividitur autem in passionem & patibilem qualitatem. Passio in proposito dicitur qualitas sensibilis cito transiens: ut rubor ex verecundia. Patibilis vero qualitas dicitur ea qua diu permanet in subjecto: ut rubor à temperamento naturali insitus. Quia vero cito transire, vel diu in subjecto permanere sunt differentie inere accidentales respectu qualitatis sensibilis, puta ruboris; inde est quod non faciunt essentialiter differre qualitatem patibilem à passione, sed solum accidentaliter.*

*Dices: Elle facile vel difficile mobile à subjecto, sunt differentie essentialiter & specificè distinguentes habitum & dispositionem inter se: ergo etiam cito transire & diu permanere in subjecto, quod idem videtur ac facile vel difficile amoveri ab illo, erunt differentie essentielles patibilem qualitatem à passione specificè distinguentes, puta ruborem ex naturali temperamento, à rubore ex verecundia qui cito transiit.*

*Respondeo negando consequentiam & parita-*

tem ratio disparitatis est, quia esse facile vel difficile mobiles competit habitui & dispositioni ex natura suarum causarum à quibus per se petunt produci, subindeq; cōvenit illis essentialiter: passioni vero vel patibili qualitati non convenit cito transire aut diu permanere in subiecto ex natura causarum à quibus per se postulent produci; accidentale quippe est rubori quod producat ab hac vel illa causa permanente vel cito transeunte, in utroq; enim casu eandem habet essentialiam, eundem effectum formalem, qui est constituere hominem v.g. rubicundum: imo eadem causa, puta præsentiā sanguinis in facie, si parum duret, efficit passionem, scilicet ruborem transeuntem: si vero diu permaneat, efficit patibilem qualitatem id est, ruborem diuturnum.

*Dices secundo:* A passione non dicimur quales, puta à rubore cito transeunte non denominatur quis simpliciter rubicundus: ergo passio non est vera qualitas nec subinde eiusdem speciei cum patibili qualitate.

*Respondeo negando consequentiam* neq; enim ideo non denominamur simpliciter quales à passione, quasi ipsa non sit qualitas, prout hic à nobis usurpatur; sed quia à forma cito transeunte non fit simpliciter denominatio secundum communem modum loquendi hominum, apud quos parva illa duratio pro nihilo reputatur.

*Quarta denique species qualitatis, qua forma & figuram complectitur, definiri potest qualitas disponens partes quantitatis in se, puta efficiens, ut caput sit junctum collo, &c. Dixi, in se; nam disponere eas in ordine ad locum efficiendo quod una sit sursum, altera deorsum, pertinet ad situm ut supra jam innuimus.*

*Dividitur autem hæc species, prout insinuavimus, in formam & figuram, quæ non differunt essentialiter, sed solum accidentaliter penes hoc, quod forma est qualitas disponens partes quantitatis in rebus artificialibus, quo sensu dicitur forma turris, forma navis, &c. figura vero significat eandem qualitatem prout reperitur in rebus naturalibus quo pacto dicitur figura hominis, figura leonis, &c.*

---

## S E C T I O IV.

*Coordinatur predicamentum Qualitatis, eiusque proprietates assignantur.*

**Q**UALITAS, quæ est supremum genus, dividitur imprimis in quatuor species assignatas quæ sunt subalterna.

*Prima species subdividitur in habitum & dispo-*

*dispositionem.* Habitus rursus subdividitur in *acquisitum nostris actibus, & à Deo infusum.* Sub hoc continentur *virtutes Theologicae lumen gloria, & generaliter virtutes omnes quæ nobis à Deo supernaturaliter infunduntur.* Sub *acquisito* vero continentur *habitus intellectuales & morales.* *Intellectuales alii sunt semper veri, ut habitus primorum principiorum qui dicitur intelligentia, habitus sapientia, scientia, prudentia, artis: alii semper falsi ut error, hæresis: alii sunt boni, ut virtutes; alii mali ut vitia.*

*Dispositio autem continet sub se omnes qualitates corporales, quæ afficiunt subiectum ut bene vel male se habeat in se: ut sunt ægritudo & sanitas quæ resultant ex justo vel inordinato temperamento quatuor humorum aut primarum qualitatum; pulchritudo & deformitas, quæ ex figura, colore, & aliis huiusmodi oriuntur. Sub hac etiam specie continentur illæ qualitates, quibus ex frequenti exercitio membra ad aliquem actum faciuntur, ut est habitus illa aut facilitas, quæ acquiritur in digitis aut manibus ad pingendum, ad pulsandam citharam, & huiusmodi; in tibiis aut pedibus ad saltandum, chorizandum, & similia. Ratio autem huius asserti est, quia omnes huiusmodi qualitates causas habent de se variabiles, puta temperamentum, exercitium, aut quid simile, subindeque ad dispositionem pertinent & non ad habitum proprie.*

*Secunda vero species qualitaris dividitur in potentiam activam & potentiam passivam sive potius resistivam, (quia non omnis potentia passiva est qualitas, ut patet de potentia materiæ quæ cum sit eius essentia, est consequenter substantia & non qualitas.)*

*Potentia activa subdividitur in immanentem quæ est principium actionis remanentis in ipso operante, & transeuntem, quæ est principium actionis progredientis in passum. Rursus immanens dividitur in vegetativam, cognoscitivam, & appetitivam. Vegetativa in nutritivam augmentativam, & generativam. Cognoscitiva in intellectivam; sub qua continentur intellectus humanus & angelicus; & sensitivam, quæ complectitur sensus internos & externos. Ad potentiam cognoscitivam reducuntur species impressæ; quia ex natura sua ad illam complendam ordinantur tanquam actuum ipsius concausæ & conprincipia; licet probabile etiam sit eas sub specie habitus contineri, cum disponant subiectum ad bene esse naturæ ipsius. Species vero expressæ ad dispositionem censenda est pertinere, cum etiam disponat subiectum seu intellectum convenienter ad suam naturam, & sit facile mobilis, dureretque solum quamdiu actualis cognitio durat, cum tamen species impressa maneat etiam in non cogitantibus nec delectatur.*

Potentia

Potentia autem appetitiva dividitur in rationalem, quæ dicitur voluntas, & sensitivam quæ est duplex nempe concupiscibilis & irascibilis. Potentia verò atque virtus transiens continet sub se omnes potentias activas quæ producunt effectum in externo subjecto & agunt per actionem in illud progredientem: qualis est calor seu calefactiva potentia & similes.

Denique potentia passiva seu resistiva, quæ ut suo loco definivimus est principium recipiendi aut resistendi, continet sub se durum & molle,

Ad potentiam passivam reducitur ex qualitatibus supernaturalibus, character Baptismalis, qui est qualitas supernaturalis mediante Baptismi sacramento nobis infusa, quâ sumus capaces recipiendi cætera sacramenta.

Ad activam verò potentiam reducuntur, characteres Confirmationis & ordinis qui sunt actionum sacrarum principia, puta confessionis fidei coram tyranno, consecrationis Eucharisticæ &c.

Tertia species, quæ definita est qualitas sensibilis, sive sit citò transiens subindeque passio, sive diu perseverans, atque adeo patibilis qualitas dividitur in eas omnes qualitates quæ sensibus percipiuntur, nempe in colorem & lucem, quæ sunt proprium objectum visus; sonum, qui est objectum auditus; odorem, olfactus, saporem gustus, calorem frigus, hu-

miditatem, siccitatem tactus : hæ quatuor appellantur primæ qualitates, eò quod ex illis omnes aliæ fiunt aut resultant, suntque species infinitæ, sicut etiam lux; aliæ verò ut color, sonus, odor, sapor, in alias species subdividuntur.


*Quarta tandem species forma scilicet & figura* continent sub se omnes formas artefactorum, puta cathedræ, domus, turris. &c. omnes figuras tam rerum naturalium, ut hominis, leonis, & similibum, quàm eas quæ in Mathematicis considerantur, ut sunt triangulum, quadrangulū, circulus, pyramis, cylindrus, figura ovalis, sphaera & huiusmodi. Quantum verò ad proprietates qualitatis.

*Prima est, quod habeat contrarium* quæ si intelligatur de vera contrarietate, convenit soli qualitati, sed non omni, neq; enim forma, figura, aut lux, habent contraria.

*Secunda est, qualitatem suscipere magis & minus.* Et hæc non convenit omni: non enim competit figuræ nec multis aliis. Convenit tamen soli qualitati, illa enim sola potest intendi & remitti, ut ibi videbimus. Et licet una albedo non possit dici modò magis modò minus albedo, quia hoc denotaret dari magis & minus in essentia ipsius quod est falsum, cum rerum essentia in indivisibili consistant; idem tamē subjectum potest dici modo magis, modo minus album secundum eandem partem eo quod albedo potest in ea intendi aut remitti.

*Tertia*

*Tertia tandem ejus proprietas est, quod secundum qualitatem res dicantur similes aut dissimiles, id est, quod sit fundamentum relationum similitudinis vel dissimilitudinis, modo in prædicamento Relationis explicato: quemadmodum secundum quantitatem res dicuntur æquales vel inæquales. Et hæc proprietas, convenit qualitati quarto modo.*



## DISPUTATIO IX.

### *De Sex reliquis Prædicamentis.*

**P**RIUSQUAM de singulis his prædicamentis agamus, breviter resolvenda est quaestio illa, quâ de omnibus illis simul quæri solet *utrum sint tantum denominationes quadam extrinsecæ, an formæ intrinsecæ.* Docent aliqui esse meras denominationes extrinsecas, puta ubi, esse denominationem extrinsecam in corpore locato seu ubicato à loco petitam.

*Dico tamen 1. sex ultima prædicamenta non esse puras denominationes extrinsecas.*

*Probat: quia prædicamenta sunt in-*



ter se primò diversa : atqui non essent primò diversa si hæc ultima consisterent in denominatione extrinseca : ergo. *Probatur minor* : denominatio extrinseca non est primò diversa à forma denominante, cum sit ipsamet forma prout extrinsecè denominans subiectum ; atqui unum prædicamentum se haberet ad aliud sicut forma denominans ad extrinsecam denominationem quã tribuit ; v. g. locus qui est de prædicamento quantitatatis, ad ubi, quod ut volunt nihil aliud est quàm extrinseca denominatio à loco aut superficie ambiente & locante petita : ergo illa non essent primò diversa.

*Dico 2. Sex ultimas categorias esse entitates quasdam seu formalitates intrinsecas & absolutas, quæ resultant in rebus cum essentiali dependentia ab aliquo extrinseco, unde dici possunt relationes transcendentales, V. G. Vbi est aliquod accidens seu formalitas quædam realis & accidentalis resultans in corpore locato ex circumscriptione loci. Hæc conclusio sequitur ex præcedenti : si enim hæc prædicamenta non sint aliquid merè extrinsecum rebus quæ ab illis denominantur, cum aliunde sint realia, debent esse entitates aut formalitates reales rebus illis denominatis intrinsecæ.*

*Probatur insuper* : quia in singulis horum prædicamentorum tria tantum possunt considerari ; primò subiectum cui insunt,

vcl

vel quod ab eis denominatur, v. g. Petrus: secundo aliquid extrinsecum, ut locus à quo oritur ubi, tempus à quo sumitur prædicamentum quando, indumentum à quo petitur categoria habitus, &c. tertio aliqua entitas aut formalitas quæ Petrus intrinsecè afficiatur in ordine ad locum extremum v. g. quem occupat, per quam formalitatem intrinsecè denominetur præsens seu existens in hoc vel illo loco, atqui ex his tribus nihil potest in his categoriis nisi tertium, duo enim priora, putà Petrus & superficies locans, aut tempus extrinsecè durationem mensurans, pertinet ad alias categorias, substantiæ scilicet aut quantitatis: ergo, &c. idem argumentum fieri potest de aliis.

*Dixi in conclusione, esse formalitates absolutas, contra Scotum, qui putat esse relationes quasdam, quas appellat extrinsecus advenientes, hoc est ab aliquo extrinsecus adjacente resultantes, putà ubi esse meram relationem corporis locati ad locum ambientem ex quo oritur. Contra quem auctorem stat hoc argumentum, quia si hæc prædicamenta essent meræ relationes, ita ut totum illorum esse, esset ad aliud se habere, collocarentur omnia sub genere relationis, & sic essent tantum quatuor categoriæ: consequens est falsum & contra omnes philosophos. ergo &c. Addidi tamen posse dici relationes transcendentales, quia hujusmodi formalitates intrin-*

intrinsicæ & absolutæ connotant formaliter aliquid extrinsecum, sicut ubi locum à quo dependet; Quando, tempus, habitus indumentum, actio agens, &c.

*Obijcies*, res denominatur ubicata à loco in quo est : Ergo Ubi est denominatio extrinseca.

*Respondeo distinguendo antecedens* : denominatur ubicata à loco formaliter, nego: causaliter, concedo & nego consequentiam. Sensus est rem denominari ubicatam formaliter ab ipsa entitate sive formalitate intrinseca ubicationis; sed, quia hæc à loco dependet, dicitur denominari causaliter seu dependenter à loco.

Adverte autem sex ultima prædicamenta, imo & prædicamentum relationis, interdum appellari modos, non quod sint formalitates incompletæ quales sunt modi propriè dicti, sed quia debilissimam habent entitatem sicut illi.

## S E C T I O I.

*De duplici Prædicamento Actionis  
& Passionis.*

**D**ICO primò . supremum genus prædicamenti actionis, non est actio in tota sua latitudine.

latitudine sumpta prout definitur *Actus agens*, & complectitur tam actiones immanentes, id est quæ subjectantur in ipsismet potentiis eas elicientibus, ut sunt intellectio, volitio, sensatio; quàm transeuntes, id est, quæ transeunt in materiam externam, in qua producunt aliquem effectum, quales sunt calefactio, frigidificatio.

*Probatur*: quia actiones immanentes non pertinent ad hoc prædicamentum, sed collocantur in categoria qualitatis sub prima specie: ergo supremum genus hujus prædicamenti non est actio in tota sua latitudine, prout complectitur actiones etiam immanentes. *Probatur antecedens*: quia actiones immanentes ordinantur vel ad bene esse sui subjecti; ut actus scientifici & actus virtutum ad bene esse intellectus & voluntatis; vel ad malè esse hujusmodi facultatum, ut actus erroris aut vitii; ergo pertinent ad primam speciem qualitatis, & quidem ad dispositionem, quia sunt facile mobiles.

*Dico 2. Propria & essentialis ratio actionis*: quæ est supremum genus hujus prædicamenti, in eo consistit quod sit emanatio & veluti egressus effectus ab agente in passum seu in materiam externam.

*Probatur*: quia in hoc conveniunt omnes actiones transeuntes, quæ solæ, ut probavimus, collocantur in hoc prædicamento

camento, & differunt ab immanentibus, quæ non transeunt in materiam externam, sed in ipso agente subjectantur.

*Dico 3, Supremum genus predicamenti passionis non est passio amplissima sumpta, prout dicit receptionem cujuscumque: sed passio strictius & magis propriè sumpta prout est receptio forma seu effectus ab agente producti in materia externa: hæc conclusio sequitur ex præcedentibus.*

*Probatur: Passio enim hujus predicamenti constitutiva est receptio illius, cujus actio constitutiva præcedentis categoriæ est productio seu emanatio: atqui actio constitutiva præcedentis categoriæ non est emanatio qualiscumque ab agente, alias cõplecteretur actiones immanentes; sed emanatio effectus in materiã externam progredientis: ergo etiam passio non est receptio cujuscumque, alias receptio ipsius actionis immanentis in potentia eliciente pertinere ad hoc prædicamentum; sed receptio effectus, puta caloris in materia externa: unde sicut in prædicamento actionis collocantur omnes & solæ actiones transeuntes, ita in hoc omnes & solæ passionēs ex illis actionibus transeuntibus consecutæ, atque ita hæc erat legitima passionis prædicamentalis definitio, quod videlicet sit receptio effectus in materia externa.*

*Solet etiam definiri actio & passio hoc modo:*

*Actio*

*Actio est motus ut ab agente : Passio ut in passo seu subjecto, quæ definitiones coincidunt in re ipsa cum præcedentibus : motus enim est fieri ipsius termini seu ipse effectus ut in fieri; atque adeo idem est dicere, actionem esse motum ut ab agente, ac esse effectum ut ab illo, item, passionem esse motum ut in passo, ac esse effectum ut in ipso.*

*Ratio autem fundamentalis, omnium præcedentium conclusionum est, quia actio & passio harum categoriarum constitutivæ, sunt pura ut ita dicam actio, & pura passio, id est formaliter diversæ, & à se invicem, & à quolibet alio prædicamento, prædicamenta enim sunt impermixta: sola autem actio transiens, & passio ipsi correspondens, hoc est receptio effectus in materia externa sunt tales, nõ verò actio immanens & receptio ejusdẽ in potentia eliciente ipsam; ergò. Minor patebit in Physica, ubi ostendemus in actione transiente distingui realiter formaliter hæc quatuor, actionem, passionem, motum & terminum productum, cum tamen in actione immanente hæc non distinguantur, puta in visione, ipsa enim est actio & terminus productus, cum sit vera qualitas, nec sit motus propriè dicto, (ut loco illo videbimus,) subindeque non distinguitur à passione, id est à sui receptione, ubi enim non est motus à termino distinctus, non est etiam passio distincta, quæ nihil aliud est quàm motus ut in passo.*

SECTIO

## S E C T I O II.

## De Pradicamento Vbi.

**V**BI communissimè sumptum dicitur id ratione cuius res constituitur formaliter in loco: & dividi potest in *Vbi Divinum*, ratione cuius Deus dicitur esse ubique; & *Vbi creaturarum*, quod appellatur *Vbi definitivum*, per quod creatura ita est in uno loco ut non sit alibi, quod est propriè rem definiri & determinari localiter. Et hoc Ubi definitivum subdividitur in *Vbi circumscriptivum*, & *Vbi definitivum specialiter dictum*, appellando nomen divisi ad unum membrum dividens ut sæpe fieri solet. *Vbi circumscriptivum* est illud quod ita constituit rem in uno loco ut tota correspondeat toti loco, & partes illius partibus loci: & hoc est proprium Ubi rerum corporearum, quæ partes habent. *Vbi verò definitivum specialiter dictum* est illud quod ita constituit rem in loco, ut tota sit in toto loco, & tota in qualibet parte loci, & illud est proprium creaturarum spiritualium, Angelus enim qui totam occuparet aulam, v.g. totus esset in tota, & totus in qualibet parte illius

lius, cum careat partibus & sit indivisibilis. His positis,

*Dico supremum genus hujus pradicamenti est Vbi circumscriptivum : atque ita nec Vbi divinum, nec Vbi angelicum in hac categoria se-  
dem habent.*

Probat<sup>ur</sup> primò ex trita illa definitione ubi prædicamentalis à Gilberto Porretano tradita, *Opusc. de sex principiis*, quæ sic habet. *Vbi est circumscriptio corporis à circumscriptio-  
ne loci proveniens*, id est, accidens resul-  
tans in corpore ex circumscriptio-  
ne loci : quæ definitio non convenit nisi Ubi circum-  
scriptivo, ut de se constat : ergo illud solum  
constituit hoc prædicamentum.

Probat<sup>ur</sup> secundò, quia nec Ubi divinum  
nec Ubi angelicum in hac categoria collo-  
cantur, ut in conclusione subintulimus : er-  
go supremum genus illius non est Ubi ut ab-  
strahit à divino & definitivo specialiter di-  
ctò ac à circumscriptivo, sed est solum Ubi  
circumscriptivum. *Consequentia est evidens :  
Antecedens verò probatur, & primò quoad U-  
bi divinum* : nomine enim talis Ubi nihil po-  
test venire intelligendum nisi unum ex his  
tribus : nempe vel attributum immensitatis  
ratione cujus Deus potest esse ubique, vel a-  
ctualis diffusio aut præsentia ipsius in omni  
loco ; quæ nihil aliud dicit ex parte Dei quàm  
vel ipsammet ejus substantiam nudam quam  
nonnulli volunt constitui per seipsam in lo-  
co,



co, vel operationem illius ad extra, quæ res  
 producit & conservat, per quam tanquam  
 per rationem formalem volunt alii (Thomi-  
 stæ scilicet) Deum reddi rebus illis præsen-  
 tem, vel tertio respectus rationis in illa De-  
 reali præsentia aut diffusione fundatus, ex eo  
 enim quod incipiat in tempore fieri præsens  
 rebus, nõ per sui sed per illarum realem muta-  
 tionem concipitur advenire ipsi aliquis re-  
 spectus ad illas qui non habet esse nisi in in-  
 tellectu: subsumendo autem constat nullum  
 illorum trium poni in prædicamento hoc;  
 non quidem ipsam immensitatem aut sub-  
 stantiam vel operationem Divinam, quæ  
 sunt ipsemet Deus: nec relationem rationis;  
 ut est evidens: ergo. *Quoad secundam vero*  
*partem sic suadetur idem antecedens*, quia in  
 hoc prædicamento non ponitur nisi illud ubi  
 quod est tale propriè & univocè conveni-  
 ens cum ubi rerum corporearum: atqui ubi  
 Angelicum non est propriè & univocè ubi;  
 ergo. *Probat minor*: eo modo convenit ubi  
 Angelis quo convenit eis esse in loco: atqui  
 Angelis, non convenit propriè & univocè  
 esse in loco: sed tantum æquivoce, eo quod  
 nõ sint in loco ut contenti ab illo, sicut cor-  
 pora, sed ut continentes locū seu ut agentes  
 in ipsum, fiunt enim præsentēs loco per ope-  
 rationem quā circa illum aliquid efficiunt  
 puta motum. Ex quibus

*Inferes primo ad ubi circumscriptivum*  
 duo

*duo requiri, nempe, quantitatem in re ubicabili, & locum ambientem. Ratiō est;* quia Ubi circumscriptivum, cum sit accidens seu modus quidam resultans in re quæ dicitur ubicata, ex circumadjacentia loci cui toti correspondet res tota, & partes partibus, impossibile est reperiri in aliquo Ubi circumscriptivum, nisi detur in eo ratio totius & partium, subindeque quantitas (quæ hujusmodi rationem tribuit, ut suprà vidimus) & insuper locus ambiens.

*Inferes secundò:* quòd sicut substantia materialis, & quodlibet accidens corporeum ipsi inhærens extenduntur in se & in ordine ad locum beneficio quantitatis, ita etiam ubicantur per unicum ubi ipsius quantitatis, unde in uno & eodem composito non reperiuntur multæ ubicationes.

*Inferes tertio:* ex reali præsentia corporis Christi Domini in Eucharistia non resultare in eo aliquod Ubi: quia non fit præsens speciebus tanquam loco à quo circumscribatur, sed solum sacramentaliter & indivisibiliter, ita ut totum sit sub qualibet minima particula: quamvis autem illa corporis Christi præsentia appellari soleat Ubi Sacramentale, non tamen est Ubi simpliciter, cum non resultet ex loco, subindeque non ponitur in hoc prædicamento.

*Vbi circumscriptivum solet dividi in sex species, nempe in Vbi sursum, deorsum, ante, retro, dextrorsum, sinistrorsum.*

R

SECTIO

## S E C T I O III.

*De Pradicamento Quando.*

**D**ico primo: *Quando, ut est supremum genus huius pradicamenti recte definitur modus siue accidens in re durante ex adiacentia tēporis, à quo rei illius duratio mensuratur, relictum.*

*Declaratur:* sicut enim ex extrinseca circumscriptione loci resultat in re locata Ubi, per quod formaliter dicitur esse in tali vel tali loco, puta sursum, deorsum, &c. Sic ex adiacentia extrinseca temporis mensurantis durationem resultat in re durante Quando, per quod formaliter dicitur esse in tali vel tali tempore, ut Heri, Cras, &c. Unde sicut Ubi supponit ex parte rei locatæ quantitatem ipsi intrinsecam, per quam res illa fit apta ut ubicetur; & supponit etiam locum ex cuius extrinseca mensuratione seu circumscriptione resultat, & propterea Ubi neque est quantitas rei locatæ, neque locus ipse, sed quid ex loco relictum in re quanta; sic Quando supponit durationem ex parte ipsius rei, ratione cuius apta sit mensurari extrinsecè à tempore, supponit etiam tempus ipsum in quo sit res, & à quo extrinsecè mensuretur; subindeque Quando nec est duratio intrinseca rei à

tem-

tempore mensuratur, neque ipsum tempus mensurans (quæ ambo potius ad prædicamentum quantitatis spectant,) sed quid relictum in re durante ex eo quod à tempore extrinsecè mensuretur.

*Species autem huius categoriae sunt E. G. Hodie, Cras, Heri, nudius-tertius, Anno Superiori, &c.* Ad quaestionem enim quando res fuerit, sit, aut erit, his terminis respondemus, qui proinde varias huius prædicamenti species significant.

## S E C T I O IV.

## De prædicamento situs.

**D**ico primò: *Situs est accidens quoddam seu modus intrinsecus disponens partes rei locata in ordine ad locum.*

*Declaratur:* in hoc quod dicitur accidens seu modus intrinsecus, convenit analogicè cum aliis prædicamentis accidentium, præsertim cum ultimis quinque, quæ licet sint accidentia in propriis generibus suo modo completa sicut præcedentia, appellantur tamen modi propter suæ entitatis debilitatem. Per subsequentes verò particulas differt situs ab illis. Est tamen dubium utrum differat ab Ubi, pro cuius resolutione

*Dico: situs differt ab Ubi.*

*Probatur:* quia Ubi est accidens seu modus

intrinsecus rei locatæ ex circumscriptione loci proveniens, ratione cuius res locata cõmensuratur loco, ita ut una pars sit extra locum alterius: atqui situs addit supra hoc talẽ vel talem dispositionem partium in ordine ad locum, ratione cuius una est sursum, altera deorsũ, una recta, altera curva, &c. Ergo situs est aliquid ipsi Ubi superadditũ & ab eo distinctum. Quod confirmatur, quia variato Ubi potest manere idem situs, puta sessio in navi variante locum, subindeque & Ubi:

*Dividitur autem situs in naturalem, & præternaturalem.* Situs naturalis est dispositio partium corporis à natura ipsi conveniens, ut quòd caput hominis sit in Superiori loco (juxta illud, *os homini sublime dedit cælumque videre*) aliæ verò partes in inferiori magis vel minus. Præternaturalis verò situs est dispositio partium ad libitum acquisita, ut sessio, statio, cubatio, & similes.

## S E C T I O V.

### *De predicamento Habitus.*

**D**ICO: *Habitus ut constituit hoc predicamentum est accidens resultans in subiecto vestito, ex adjacentia indumenti.*

*Declaratur: non enim in præsentì sumitur*  
**Habitus**


*Habitus* pro prima specie qualitaris: nec etiã pro aliqua forma; aut formæ possessione de qua dicimus, à privatione ad habitum non dari regressum; nec etiam pro ipsa veste; sed pro aliquo accidente resultante in eo qui habet vestem, ex circumadjacentia ipsius vestis, per quod accidens tanquam per rationem formalem intrinsecam dicatur vestitus; eodem modo quo ex adjacentia loci, & temporis resultant *Ubi* & *Quando*, per quæ tanquam per rationes formales intrinsecas res dicuntur esse in loco aut in tempore.

*Dividitur autem Habitus in totidem species diversas quot sunt diversa ornamenta tam toti corpori quàm singulis partibus congruentia.* Et sic potest primò dividi in *Habitus* qui resultat ex adjacentia armorum, ratione cujus homo dicitur armatus, galeatus, &c. In eum qui resultat ex adjacentia vestium, qui potest subdividi in varias species secundum varia genera indumentorum, ut in eum qui resultat ex toga, ratione cujus homo dicitur togatus, &c. Hæc de prædicamentis.

*Quæ res tamen adhuc utrum illa omnia reatè inter se distinguantur.*

Respondeo de aliquibus certum esse distinguui, nempe de substantia, quantitate, qualitate, & relatione: quandoquidem quantitas potest esse sine substantia, ut constat in mysterio Eucharistiæ: potest etiam constitui qualitas, puta albedo remanente sub-

stantia, & quantitate; & idem de relatione constat ex dictis in eius categoria. Quantum verò ad alia sex idem dicendum cenſeo, ſi quodlibet illorum ſit forma quædam intrinſeca & abſoluta, & poteſt hac ratione, quæ de omnibus decem prædicamentis procedit, *probari*. Nam quæ ſunt à parte rei primò diverſa, realiter & ante omnem mentis operationem debent diſtingui: atqui decem ſuprema genera ſunt à parte rei primò diverſa, ſeu habent eſſentias diverſas ante omnem mentis operationem, & in nullo univocè convenientes: ergo. Juxta opinionem verò illam quæ tenet ſex ultima prædicamenta eſſe denominationes tantum extrinſecas, (quod procul dubio ſatis probabile videtur de Ubi, Quando, & Habitu) dicendum eſſet illa tria non diſtingui realiter ab aliis, quandoquidẽ Ubi nihil aliud eſſet quam ſuperficies ambiens, quæ eſt quantitas, & Quando nihil aliud quàm tempus extrinſecè menſurans, quod ad idem prædicamentum ſpectat: ſimiliter Habitus nihil eſſet niſi veſtimentum ipſum ut regens corpus ipſumque denominans extrinſecè veſtitum.



## DISPUTATIO X.

De post prædicamentis.

**P**OST PRÆDICAMENTA dicuntur affectiones quadam seu proprietates consequentes ad prædicamenta, aut quæ inter ipsa ad invicem comparata reperiuntur, in nullo tamen illorum ob suæ entitatis debilitatem & incompletionem directè collocantur: hujusmodi autem sunt quinque, oppositio, prioritas, simultas, motus, & modus habendi.

## S E C T I O I

De oppositione.

**O**PPOSITIO alia est rerum, alia propositionum: de secunda, egimus in parva logica: de prima verò, quæ constituit hoc primum post prædicamentum, subindeque est aliud reale, agemus hic. Ad eam verò exigitur in primis distinctio inter illa quæ dicuntur opponi, idem enim nequit opponi sibi

R +

ipsi:



ipsi: hæc tamen distinctio non sufficit, sed insuper necessaria est repugnantia, ratione cuius ea quæ dicuntur opposita eidem simul nequeant convenire. Et sic oppositio latè sumpta definitur repugnantia aliquorum quæ simul eidem convenire non possunt: quo pacto comprehendit etiam disparata, quæ tantum impropriè opposita sunt, ut arbor, & equus, neque enim hæc gaudent speciali oppositione.

Oppositio autem strictè sumpta, prout dividitur in quatuor genera oppositionum, scilicet in oppositionem relativam, contrariam, privativam, & contradictoriam, definitur repugnantia determinata aliquorum inter se. In hoc enim differt ab oppositione disparata, quòd hæc indifferenter dicit repugnantiam cum omnibus cum quibus in essentia non convenit, oppositio verò strictè sumpta determinatam importat repugnantiam unius extremi cum altero cui directe opponitur: hoc modo album opponitur nigro, virtus vitio.

Oppositio relativa est repugnantia seu impossibilitas duorum extremorum orta ex respectu seu relatione quam inter se important: & quidem si relatio fuerit mutua, oppositio erit etiam reciproca; si vero relatio sit in altero tantum extremo, oppositio relativa erit non mutua.

Oppositio contraria est repugnantia duarum formarum absolutarum, & positivarum quæ  
sub

sub eodem genere maximè distant & ab eodem subiecto mutuo se expellunt : ut frigus & calor, albedo & nigredo, virtus & vitium, quæ sub eodem genere qualitatis continentur. Adverte autem quadam contraria habere medium, ut album & nigrum, inter quæ mediat viride & cæruleum, sicut inter frigidum, & calidum mediat tepidum : quadam verò esse immediata, ut iustitiam, & iniustitiam.

Oppositio privativa est repugnantia inter formam & carentiam eius in subiecto apto ad illam habendam : qualis oppositio est inter visum, & cæcitatem. Explicando hoc genus oppositionis fecit mentionem Aristoteles illius axiomatis, à privatione ad habitum non datur regressus, per quod distinguit oppositionem privativam à contraria, in contrariis enim fit indifferenter mutatio àb uno ad aliud, ut dū subiectum ex calido fit frigidum, & rursum ex frigido calidum : sed in privativè oppositis, etsi è vidente possit fieri cæcus, non tamē ex cæco videns. Hoc tamen axioma non videtur universaliter admittendum, ignorantia enim est privatio scientiæ, & nox seu tenebræ privatio lucis, & tamen ab ignorantia ad scientiam, à tenebris ad lucem datur regressus. Verùm respondeo explicando illud axioma, duplicem esse privationem : aliam quæ tollit actum solum, seu actualem possessionem formæ, ut ignorantia possessionem scientiæ, & nox præsentiam lucis : aliam quæ non so-

lum aufert actum, sed etiam potentiam, ut cœcitas facultatem videndi; a privatione hoc secundo modo ad habitum non datur regressus naturaliter, & hoc modo intelligitur axioma: à privatione autem primi generis, quales sunt ignorantia & nox seu tenebra; datur regressus.

Oppositio tandem contradictoria est incompossibilitas inter ens & non ens: ut cum dico homo, non homo: quia dicitur & est omnium maxima oppositio, quia inter opposita contradictoria non datur medium, sicut datur inter alia: nam inter contraria datur medium participans ex utroque extremo, V. G; tepidum ex frigido & calido, vel saltem commune subiectum cui possunt successivè convenire: inter privativa etiam datur commune subiectum, ut per se patet: & insuper inter eadem privativè opposita, sicut etiam inter opposita relativè datur medium per negationem extremorum; puta lapis qui nec est videns nec cœcus, nec Pater nec Filius: at verò inter contradictoria nullum tale datur medium, quodlibet enim est vel non est.

## SECTION II.

*De prioritate, simulate, motu,  
& habere.*

**S**ECUNDUM postpradicamentam est prioritas, quæ est præcipuè triplex, alia temporis, alia naturæ, alia qua dicitur prioritas subsistendi insequentia.

Prius tempore dicitur illud quod antecedit aliud duratione aliqua reali temporis, aut exte instanti reali ipsius.

Prius verò naturæ dicitur illud quod est quies simul tempore, & in eodem instanti reali cū illo, attamen aliud dependet realiter ab ipso; uo modo rationale antecedit risibile. Quæ prioritas naturæ subdividitur in prioritatem quo & in quo. Prioritas naturæ in quo est quando unum dependet ab altero quod dicitur prius, & non vicissim istud ab illo: ut in exemplo adducto, risibilitas enim oritur & dependet à rationalitate, & non è converso; eoque illa est prior, ista posterior, instanti quo: & dicitur in quo quia est veluti instans, non temporis, sed naturæ aut rationis rationatæ, in quo illud quod dicitur prius, intelligitur esse sine posteriori. Prioritas verò à se est quando illa quæ sunt simul tempore,

mutuò à se dependent, nec unum intelligitur esse sine alio, unde est prioritas, & posteritas mutua: qualis reperitur inter materiam & formam.

*Prius denique subsistendi consequentiâ, dicitur illud à quo nō valet consequentia ad aliud, bene autem è contra ab isto ad illud: qua ratione omne superius dicitur prius suo inferiori, putà animal homine: ab animali enim ad hominem nequaquam valet consequentia, dicendo, est animal, ergo est homo; valet tamen è converso ab homine ad animal, dicendo, est homo, ergo est animal.*

*Aliqui præter istas prioritates aliam admittunt, voluntque concedendam esse in Divinis, quam appellant prioritatem originis, quæ dicunt Patrem æternum esse priorem Filio, quatenus Filius ab eo procedit, & utrumque priorem esse Spiritu Sancto qui ab ipsis originem ducit. Verum quia juxta Symbolum Athanasii in Trinitate nihil prius aut posterius, nō est admittenda aliqua prioritas inter personas Divinas, quia malè sonat, sed tantum ordo originis, quatenus Filius ducit originem à Patre, & Spiritus Sanctus ab utroque, absque ulla tamen dependentia quam prioritas & posterioritas naturæ impottant.*

*Tertium post prædicamentum est simultas, quæ pariter est triplex: una temporis, quo modo rationale & risibile sunt simul: altera naturæ, qualis reperitur inter relativa quæ se mutuo ponunt.*

ponunt & destruunt, & unum non est causa alterius: vide quæ de hac simultate diximus in prædicamento relationis: *tertia denique est simultas subsistendi consequentia*, quæ est idem ac convertibilitas, est enim inter illa quæ se mutuo inferunt, quamvis unum sit causa alterius, subindeque prius naturâ illo: quo modo rationale & risibile sunt simul.

*Quartum postprædicamentum est motus*, de quo aliquid diximus in prædicamento quantitatis, & fusius agemus in physica. *Sex autem enumerantur species eius, scilicet generatio, corruptio, augmentatio, diminutio, alteratio, & motus localis*: non quod sint propriè species, cum motus non sit propriè genus ut pote ens incompletum, sed impropriè, eo sensu quo quælibet membra dividendia consueverunt appellari species.

*Ultimum postprædicamentum est habere, seu modus habendi*, qui est multiplex: *primus est modus habendi, per inhærentiam*, quo pacto substantia dicitur habere accidens: *secundus per continentiam seu inclusionem*, quomodo vas dicitur habere aquam: *tertius per possessionem*, ut homo agrum: *quartus per relationem* ut pater filium: *quintus per circum se positionem*, ut homo vestem, arma, ex quibus resultat Habitus qui est unum, ex prædicamentis: & hæc de prima parte logicæ, seu de intentionibus primæ mentis operationis directivis.



# SECUNDA PARS

## LOGICÆ.

*De ente rationis directivo secundæ operationis intellectus.*

### SCILICET

*De Enuntiatione.*

**E**XPLICATIS secundis intentionibus, quarum notitiâ dirigitur prima operatio mentis seu simplex objecti apprehensio, ad eas progredimur, quæ dirigunt secundam, scilicet iudicium: (quæ actus dicitur compositio dum affirmat unum de alio, quia hoc est veluti ipsum componere cum eo; dum verò negat, appellatur divisio, quod veluti unum ab alio separet.) sicut autem prima operatio dirigitur notitiâ definitionis, divisionis, generis, differentię, & huiusmodi quæ per illam fiunt, ita hæc per notitiam propositionis & aliorum ad ipsam spectantium, quæ pariter per eam fabricantur.

*De ente rationis directivo secunda, &c. 399*  
tur; de quibus proinde per se agitur in hac parte.

Inscribitur autem pars hæc à Philosopho *πρὸς ἑρμηνείας*, id est, de interpretatione: quia propositio quæ hic per se consideratur tanquam proprium hujus partis, objectum, est veluti nostræ mentis interpret, illa enim est quâ conceptus nostros aliis aperimus & manifestamus.

Quia verò propositio constat nominibus tanquam partibus (quæ inde termini appellationem sortiuntur ut diximus parte prima logicæ parvæ) & verbo tanquam copulâ partes hujusmodi uniente; oratio vero se habet ut genus ad illam; insuper hæc omnia in ratione signi conveniunt; idè de signis, nomine, verbo, & oratione prius hic agitur, & deinde de ipsa enuntiatione.

*Signum autem in communi est id omne quod potentia cognoscitiva aliquid aliud à se representat. Ex qua definitione patet signum dicere habitudinem representativi ad rem representatam, & insuper ad potentiam cui illam representat.*

*Dividitur autem primò penes habitudinem ad potentiam, in signum formale & instrumentale. Signum formale, seu ut alii vocant internū, est illud quod est intra ipsam potentiam, & absque via sui cognitione aliud à se representat: ut species impressa & expressa, seu conceptus qui non debent necessariò cognosci, veluti per reflexionē,*

*ut res*



res representatas his meditantibus attingamus. Signum vero instrumentale seu extremum est illud quod est extra potentiam, & ex praesistente sui cognitione aliquid aliud à se representat sicut vestigium bovis deducit in cognitionem eius, fumus representat ignem, voces significant res. Et hoc signum est quod definitur à Diyo Augustino dicente, *Aug. 2. Doct. Christ. cap. 1. signum est quod præter speciem quam ingerit sensibus aliquid aliud facit in cognitionem venire.*

Dividitur secundo penes ordinem ad rem significatam seu representatam, in signum naturale, & ad placitum. Primum est quod ex sua natura aliquid aliud à se representat, ut fumus ignem, conceptus seu species expressa & etiam impressa, res ipsas, cum enim sint à parte rei formales similitudines illarum, consequens est ut ex natura sua, circumscripta omni humana institutione, eas representent.

Secundum est quod ex libera hominum impositione tantum representat, cujusmodi sunt voces quæ impositæ sunt ad significandum.

Adverte autem in hoc convenire conceptus, voces, & scripturam, quod significant seu representent res ut quod, quia scilicet ad eas significandas seu representandas ultimo ordinantur: in hoc vero differre, quod voces & scriptura significant etiam conceptus ut quo & minus principaliter, juxta illud Philosophi, Voces sunt eorum quæ in anima sunt passionum (id est conceptuum)

*rum*) nota, quod idem de scriptura dicendum esse constat. Et ratio est, quia, illud significant voces, & scriptura ut quo, quo mediante significant res: atqui non significant res nisi mediantibus conceptibus quos de illis prius efformamus, nisi enim temerè & pitarum aut pfitacorum more loquamur, et tantum voce exprimimus, quæ antea intellectu, vel saltem imaginatione concepimus, præsertim cum vox finiri soleat, sonus ore animalis prolatus cum imaginatione aliquid significandi. His positis.


*Nomen definitur vox significativa ad placitum sine tempore cuius nulla pars separata significat.*

*Verbum verò vox significativa cum tempore, cuius nulla pars separata significat, & est eorum quæ de aliquo dicuntur nota ( id est copula. )*

*Oratio denique, vox significativa ad placitum cuius partes separata significant.*

Explicantur hæ definitiones: conveniunt nomen, verbum & oratio in ratione vocis significativa ad placitum, seu ex libera hominum impositione, & discernuntur per hoc à vocibus non significativis seu quæ ab hominibus adhuc imposite non sunt ad significandum, ut blittiri, scindapsus, & huiusmodi: conveniunt in super nomen, & verbum in hoc quod sint voces incomplexa quarum partes separata non significant iuxta significationem totius,

*tius, ut aliàs in tractatu de terminis explicarum est: & differunt per hoc ab oratione qua est vox complexa seu ex pluribus vocibus composita, qua eodem modo significat separatim sumpta quo dum orationem integrant. Differunt verò nomen, & verbum inter se in hoc quòd verbum consignificat tempus, id est significat rem aliquam ut conjunctam cum certo & determinato tempore, presenti, praterito, aut futuro. V. G. Amo significat dilectionem seu amorem non ut cumque, sed ut conjunctum cum tempore presenti, Amavi cum tempore praterito, amabo cum futuro, & idem est de participio quod sub nomine verbi comprehenditur ut amans, amaturus, &c. nomen vero significat sine tempore V. G. Amor, ut est nomen significat absolutè dilectionem non consignificando tempus, sed abstrahendo à quocumque tempore. Insuper differunt, quòd verbum sit eorum qua de altero dicuntur nota, id est copula seu unio conjungens prædicatum cum subjecto de quo dicitur: nomen verè non est unio, sed pars unita, id est ipsum prædicatum aut subjectum.*



## IN DVOS LIBROS

PERI-HERMENIAS.

Aristotelis.

## DISPUTATIO VNICA.

*De propositione.*

Quoniam & quoduplex sit propositio, & quænam eius proprietates, sufficienter explicuimus in parva logica: duo tantum in duabus sequentibus sectionibus supersunt hic resolvenda.

## S E C T I O I.

*Vtrum propositio sit simplex qualitas.*

PROPOSITIO, ut vidimus loco citato, est, Oratio enuntiãs aliquid de alio, aut, significans verum vel falsum: quæ posterior definitio est solum descriptiva, prior vero essentialis.

Dividitur autem quantum attinet ad propositum; in propositionem mentalem, vocalem & scrip-

& scriptam. De vocali aut scripta non procedit quaestio in titulo proposita, certum enim est apud omnes illas esse compositas ex multis vocabulis prolatis aut scriptis: sed de sola mentali: pro cuius intelligentia.

*Adverte primò hunc esse processum nostri intellectus, ut antequam propositionem efficiat, aut unum extremum alteri uniat prius saltem naturâ unum conceptum prædicat, & alterum subiecti per simplicem ipsorum apprehensionem efformet; deinde verò si sibi visum fuerit, unum illorum extremorum de alio affirmet aut neget. Vnde etiam*

*Adverte secundò propositionem mentalem posse distingui duplicem, alteram apprehensivam, judicativam alteram. Prima est, quando solum apprehendimus subiectum, prædicatum, & copulam ipsius enunciabilis, suspendendo adhuc iudicium, quod contingit præsertim quando res nobis est incerta, ut cum quis profect mihi hoc enunciabile, Astra sunt paria: & de hoc non procedit difficultas, indubitatum enim est illam esse compositam seu conflata ex ipsis simplicibus conceptibus subiecti, prædicati, & copula. Secunda verò est quando unum extremum alteri determinatè iudicando attribuimus per affirmationem. aut ab eo removemus per negationem. In quo actu iudicii tria sunt consideranda: primum est ipse actus iudicans, unumque de alio effectivè enuntians, alterum objectum illius*

*Verum propositio sit simplex qualitas.* 409  
illius actus nempe enuntiatio illa quam  
facit, sive unio inter prædicatum & sub-  
jectum ex illo actu resultans, quæ dicitur  
propositio objectiva: & tertium, species expres-  
sa per illum actum formata, seu conceptus aut  
verbum mentis representans unionem illam ob-  
iectivam: quæ proinde species expressa aut  
verbum enuntiationem objectivam repræ-  
sentans dicitur propriè propositio formalis, &  
mentalis; sicut propositio vocalis dicuntur  
voces eandem objectivam enuntiationem  
significantes. Unde de illo conceptu proce-  
dit quæstio, an videlicet sit unicus & simplex,  
vel multiplex, & compositus, Pro resolu-  
tione.

*Dico propositionem mentalem esse simplicem  
qualitatem & non ex multis conceptibus forma-  
liter compositam.*

*Probatur:* Propositio mentalis nihil aliud est quam conceptus representans unionem prædicati cum subiecto factam per actum iudicii: atque ille conceptus est unicus & simplex, atque adeo simplex qualitas, conceptus enim mentis seu species expressa in prima specie qualitatis ponitur, ut suo loco diximus; ergo propositio mentalis est simplex qualitas. *Major relinquitur manifesta ex dictis. Minor verò probatur:* Conceptus mentis unico actu efformatus est unicus & simplex, unius enim actionis non potest esse nisi unus terminus, aut unus primarius effectus.  
qualis

qualis est conceptus seu species expressa respectu actus intellectus: sed conceptus representans compositionem prædicati cum subiecto efformatur per unicum actum iudicii: ergo. Et probatur minor: quilibet enim actus intellectus efformat verbum, seu speciem expressam representantem totum id quod per huiusmodi actum attingitur: sed per unicum actum iudicii attingitur unio prædicati cum subiecto, siquidem in hoc differt actus ille ab actibus simplicis apprehensionis, quod isti feruntur in extrema & copulam seorsim; actus vero iudicii per se primo in unionem extremorum, quod non est ferri in plura ut plura sunt, sed in plura ut unum: quod addo pro solutione alicujus rarisæ objectionis quæ dici posset & obijci, unum & eundem actum non posse ferri in plura: ergo &c.

*Obijcies primo.* In hoc differt intellectus noster ab Angelico, quod Angelicus per simplicem intuitum simul penetrat totum id quod est in objecto; noster vero intelligit componendo & dividendo, unde actus iudicii in nobis dicitur compositio aut divisio: ergo propositio mentalis, quæ per actum iudicii efformatur, erit qualitas composita. Probatur consequentia: terminus enim compositionis seu actus componentis est compositus: sed propositio mentalis est terminus aut effectus actus componentis: ergo est composita.

Respon-

*Respondeo differentiam stare in hoc, quod intellectus noster debet prius apprehendere diversis conceptibus prædicatum & subiectū, & postmodum componere unum cum alio, vel illud ab eo dividere & remove non quidem ex parte conceptus formalis, sed objectivi; unde sequitur solum propositionem objectivam esse compositam, non vero formalem: At vero intellectus Angelicus nullo prorsus modo componit aut dividit, sed sicut in principiis videt conclusiones, & ideo non discutit, ita in subiectis videt prædicata quæ conveniunt, aut repugnant ipsis, & ideo non opus habet ea cum ipsis componere per affirmationem, aut remove ab eis per negationem. In forma igitur distinguo secundam partem antecedentis & nego intellectum nostrum intelligere componendo aut dividendo ipsos conceptus formales, sed solum conceptus objectivos prædicati, & subiecti illis conceptibus formalibus correspondentes: unde & nego consequentiam. Ad probationem distinguo minorem, negando propositionem mentalem esse terminum actus, qui formaliter, seu ex parte ipsius formalis conceptus sit componens, sed solum objectivè seu ex parte objectivi conceptus: unde etiam distinguo in forma consequens: ergo est composita, formaliter & ex parte sui, nego: objectivè seu ex parte subiecti representati, concedo, quod est dicere propositionem objectivam (quæ non est qualitas, sed sunt res ipsæ seu conceptus objectivi*



objectivi (esse compositam supple compositione rationis.)

*Obiicies secundo* : propositio vocalis est composita ex pluribus vocibus: ergo & mentalis ex pluribus conceptibus. *Probatur consequentia* : quia propositio vocalis est signum mentalis : ergo si illa sit composita, etiam hæc.

*Respondeo negando consequentiam* : hoc est enim de perfectione intellectus nostri, quod unico verbo mentali seu conceptu repræsentet unionem prædicati cum subiecto, quæ non potest nisi per plures voces significari, juxta illud, *quæ sunt divisa in inferioribus sunt unita in superioribus. Unde etiam ad probationem, concessio antecedente, nego consequentiam* : ex eo enim quod signum sit aliquid compositum ex multis, non sequitur rem significatam debere esse compositam, quia possunt plura significare unum, sicuti unum quid potest significare plura, ut hæc vox *Canis*.

## SECTION II.

*Utrum Propositiones Contradictoriae de futuro Contingenti sint determinatè verae aut falsae.*

**C**ERTUM est primò contradictorias de presenti aut praterito esse determinatè veras aut falsas: ut, Petrus disputat, Petrus non disputat, Petrus disputavit, Petrus non disputavit, quia objectum illarum, seu id quod affirmant aut negant, est jam determinatum per hoc quod habet à parte rei, aut habuerit existentiam, vel determinatè non habet aut non habuerit illam: subindeque propositiones illae sunt determinatè conformes vel determinatè diffformes illi rei quam enuntiant, in qua conformitate vel diffformitate consistunt veritas vel falsitas.

Certum est secundò propositiones etiam de futuro contingenti esse determinatè veras aut determinate falsas ab aeterno in quolibet instanti reali, quia res quas enuntiant sunt ab aeterno determinatae à Deo ut eveniant, aut ut non eveniant tempore futuro. Sed difficultas est maxima utrum in eo instanti rationis seu in priori illo in quo concipimus Deum antecedere

S

secun-

secundum nostrum modum intelligendi sua decreta libera & aeterna quibus rerum futuritionem determinavit, propositiones de rebus illis futuris intelligantur esse determinate verae aut determinate falsae, puta ista, Petrus disputabit, Petrus non disputabit. Quod idem est ac quaerere, utrum illa propositiones de futuro sint verae determinate aut falsae dependenter à decreto Dei rei futuritionem determinante, vel independenter ab illo; & hoc si loquamur de veritate aut falsitate huiusmodi propositionum, rerumque futuritione, per ordinem ad causam primam. Quod si de illis agamus precise in ordine ad causam secundam, quæst. erit utrum prædicta propositiones, Petrus disputabit, Petrus non disputabit, sint determinate verae aut determinate falsae, antecedenter ad determinationem Petri quæ se disputaturum decernit, & independenter ab illa; vel solum dependenter ab ea, & illa præsupposita. Ad quam per celebrem questionem respondendo

Dico propositiones de futuro contingenti non esse determinate veras aut determinate falsas antecedenter ad determinationem causa præfertim primæ, & independenter ab illa. Dixi de futuro contingenti, i. de re quæ potest evenire vel non evenire: certum enim est propositiones de futuro necessario, id est quod non potest non evenire, esse determinate veras independenter ab omni causa libera decreto, seu determinatione, & propositiones de futuro impos-

sibiles,

*fibili, id est, quod non potest evenire, esse determinatè falsas.*

*Probatur Conclusio :* Propositio determinatè vera est illa, quæ est determinatè conformis suo objecto, seu rei per eam enuntiata, falsa verò quæ est disformis: atqui propositiones de futuro contingenti ante omnem causæ determinationem, nec sunt determinatè conformes, nec determinatè disformes suis objectis: ergo nec veræ nec falsæ ante illam. *Probatur minor*, non possunt esse determinatè conformes, aut disformes suis objectis, nisi talia objecta sint determinatè futura, aut determinatè non futura: atqui antecedenter ad omnem causæ determinationem nec sunt determinatè futura, nec determinatè non futura: ergo. *Major est evidens.* cum enim propositiones illæ affirmant aut negent res fore, non erunt conformes illis rebus, nisi res illæ verè sint futurae. *Minor verò probatur;* omne quod est determinatè futurum, vel est tale ex se & ex sua natura independentè ab alio, vel est tale ratione alterius, nimirum ex sua causa determinante ipsius futuritionem: sed illud quod enunciatur per propositionem de futuro contingenti, putà disputatio Petri, neutro modo est futurum determinatè antecedenter ad determinationem causæ, non quidem ex se & ex sua natura, alias necessario eveniret, & non

esset contingens, nec dependenter à determinatione suæ causæ, cum illam antecederet: ergo nullo modo est futurum in illo priori.

*Respondetis* rem illam quæ enuntiatur, nec esse futuram ante decretum Dei seu causæ determinationem, ex se & ex sua natura, nec ab alio seu dependenter à sua causa, ut convincit argumentum, sed esse futuram & verè enunciarì talem ex suppositione quod aliquando erit.

*Sed contra*, quia suppositio illa eventus pro tempore futuro est nulla & nullum planè habet fundamentum antecederent ad causæ determinationem: ergo ex vi illius suppositionis imaginariæ res non potest dici determinatè futura, nec subinde enuntiato determinatè vera. *Probatür antecedens*, quia antecederent ad causæ determinationem res est omnino indifferens, & non potest potius supponi quod eveniet quàm quod non eveniet, nam vel illa suppositio eventus potius quam non eventus fundaretur in causa determinante hujusmodi rei eventum, vel in ipsa natura rei quæ postulat ut eveniat: neutrum dici potest, cum causa tunc supponatur adhuc indeterminata, & effectus, seu res illa ex se sit omnino indifferens, ut eveniat, ergo suppositio illa eventus rei nullum ante causæ determinationem habet fundamentum.

*Dices*, illam fundari in ipsomet eventu  
rei

rei, quia videlicet ita de facto continget aliquando quod res illa ponatur à parte rei.

*Sed contra:* quia antecederet ad causæ determinationem ille eventus est omnino incertus, cum res sit plane indifferens ut eveniat aut non eveniat, ergo huiusmodi suppositio futuri eventus est plane fictitia omnique caret fundamento, antequam causa se determinet ad ponendum illum effectum à parte rei pro tempore futuro. *Ex quibus omnibus.*

*Inferes Deum non cognoscere futura contingentia, nisi post decretum, quo illorum futuritionem determinat, cum in signo seu instanti rationis antecedente illud non sint futura, sed tantum possibilis subindeque non nosse etiam pro illo signo propositiones de huiusmodi futuris contingentibus formatas, cum pro illo rationis instanti non sint vera nec falsa sed indifferentes: sicut res ipsa quas enuntiant.* Ex quibus ulterius inferitur in Theologia Divi Thomæ non dari in Deo scientiam aliquam mediam inter scientiam simplicis intelligentiæ quâ cognoscit res possibles & scientiam visionis quâ videt res futuras post decretum sibi que jam in æternitate præsentis: non dari inquam scientiam inter illas duas mediam quâ Deus cognoscat futura ante decretum (ut putant multi recentiores Theologi) cum pro tunc nulla sint futura, sed solum possibilis, ut constat ex dictis.

*Inferes secundo Fundamentum horum om-*

nium esse, quia futurum ut sit tale debet esse determinatum ad essendum tempore subsequenti, aliàs si sit indeterminatum & indifferens, est tantum possibile: cum vero contingens non sit determinatum à se (aliàs necessario eveniret & non foret contingens) debet esse determinatum in sua causa, ut sit futurum.

Obiicies primò, Propositionem esse veram aut falsam est esse conformem, aut difformem rei enuntiatae per illam, atqui antecederet ad causae determinationem propositio de futuro contingenti est determinatè conformis rei, quam enuntiat, vel determinatè difformis, ergo. *Probaturs Minor*, nam tunc aliqua propositio est determinatè conformis rei, quando ita se res habet sicut per ipsam propositionem enuntiatur: atqui ante determinationem seu decretum Dei res quæ est per istam propositionem verbi gratia, Antichristus erit, enuntiatur, ita se habet: ergo. *Probaturs minor*, ut res ita se habeat, sufficit quod existentia conveniat Antichristo pro tempore pro quo enuntiatur: atqui conveniet, ergo.

*Confirmatur*, Futurum dicitur illud, quod erit, atqui sic est ante decretum Dei, quod Antichristus erit, ergo.

*Ad Objectionem nego minorem primi & secundi syllogismi, ad probationem huius distingo Majorem, sufficit quod conveniat per se ex vi determinationis quã habeat pro tunc ad essendum*

dum tempore designato, concedo, per acci-  
dens ex vi determinationis quæ subsequitur  
postea, nego: Ita autem conveniet existentia  
Antichristo: ex vi scilicet determinationis  
seu decreti subsequentis in posteriori signo  
rationis, non ex eo quod in priori anteceden-  
ti pro quo efformatur propositio, sit deter-  
minata ad hoc, quod tamen necessarium es-  
set ut pro tunc verè diceretur fore pro tem-  
pore venturo.

*Ad confirmationem nego minorem*, non enim  
illo priori sic est quod Antichristus debeat  
aliquando fore, cum id sit planè indifferens,  
& nondum tunc determinatum.

*Objicies secundo & instabis*: in omni sig-  
no rationis est vera aliqua propositio de fu-  
turo in quo determinatè est habitura suam  
de inesse seu de præsentī aliquādo veram: sed  
hæc Antichristus erit: etiam in signo rationis  
antecedente Divinum decretum, est determi-  
natè habitura suam de inesse veram, scilicet  
hanc, Antichristus est, ergo in illo signo ra-  
tionis est vera. *Major est certa*, veritas enim  
propositionum de præterito, & de futuro re-  
gulatur per veritatem propositionum de  
præsentī, ita ut illa propositio de præterito  
sit vera quæ aliquando habuit suam de præ-  
sentī veram, illa vero falsa quæ falsam: & si-  
militer propositio de futuro verum habeat  
quæ aliquando habebit suam de præsentī  
veram. *Minor vero probatur*: quia adveniente



tempore, pro quo prædicitur quod Antichristus erit, verificabitur hæc propositio, Antichristus est: ergo in signo antecedente decretum Dei propositio illa (Antichristus erit) habitura erat suam de inesse veram, nempe Antichristus est.

*Respondeo conc. ssa maiore negando minorem,* sicut enim ante divinum decretum nihil est determinatum de futuro, vel non futuro adventu Antichristi, ita nihil certi de illo affirmari potest; num videlicet sit habiturus determinatè esse vel non habiturus, subindeque hæc propositio (Antichristus erit) pro illo priori efformata nondum concipitur habitura hanc (Antichristus est) aliquando veram potius quàm falsam, cum adhuc incertum sit tunc quid postea, in sequenti videlicet significationis, sit à Deo decernendum de Antichristo. Ex quo patet ad probationem minoris, concedo enim antecedens, vel si malis distinguo: verificabitur, ex vi illius prioris seu determinationis quæ tunc fit in Antichristo ad essendum tempore subsequenti, nego, ex vi determinationis quæ postea subsequitur veluti per accidens comparatione illius prioris instantis, concedo: sed hoc non sufficit ut pro illo priori propositio illa dicatur determinatè habitura suam de inesse veram: unde negatur consequentia.

*Dices,* Propositio de futuro non affirmatur nisi quod res illa erit, non autem quod sit determin-

terminata in se vel in sua causa ad hoc ut ponatur à parte rei, alias huiusmodi propositio antecedenter ad determinationem causæ esset falsa, siquidem esset difformis rei enunciatae, quæ pro tunc nec est determinata in se, cum sit merè indifferens, nec in sua causa quæ adhuc est indeterminata, atque adeo contradictoria ejus esset vera, sique incidere-  
remus in id ipsum quod cupimus vitare: ergo ut propositio de futuro contingenti sit vera non requiritur quod res sit determinata tunc, sed sufficit quod aliquando ponatur à parte rei quomodocunque tandem. *Consequentia patet*, illud enim sufficit propositioni, quod enunciatur per illam: sed non enunciatur quod res sit determinata ad existendum pro tempore futuro, ergo.

*Respondeo propositionem illam non affirmare quidem rem illam esse determinatam in se, aut in sua causa, alias esset falsa ut probat argumentū, supponere tamen illam determinationem, ut sit vera, quia nisi res ad existendum pro tempore futuro sit determinata, non potest dici futura, sed indifferens ad futuritionem vel non futuritionem: unde distinguo etiam consequentiam. Ad veritatem illius propositionis non requiritur illa determinatio tanquam res enunciata, concedo, tanquam conditio prærequisita, nego.*

*Ad Probationem respondeo requiri, & id quod enunciatur, & conditionem sine qua nequit verè enuntiari.*

*Obijcies Tertio*, Lex contradictoriarum est quod una sit vera, altera falsa, atqui ista, Antichristus peccabit, Antichristus non peccabit, sunt contradictoriae etiam antecederet ad decretum Dei de permissione peccati Antichristi: ergo in illo signo una est vera, altera falsa.

*Respondeo*, Legem contradictoriarum universaliter loquendo non esse illam, sed solum quod non possint esse simul verae nec simul falsae, ita ut si una sit vera, altera falsa esse debeat: & sic illa lex habet locum etiam in contradictoriis de futuro contingenti ante determinationem causae, tunc enim non sunt simul verae, nec simul falsae, sed indifferentes ad veritatem & falsitatem.

*Dices*, Illa propositio universalis, omnis homo disputabit, est falsa ante omnem causae determinationem: ergo ejus contradictoria, aliquis homo non disputabit, vera: atqui eadem est ratio de universalibus ac de singularibus: ergo singulares etiam, Petrus disputabit, Petrus non disputabit, erunt verae aut falsae.

*Respondeo*, Physicè loquendo eodem modo philosophandum esse de universalibus de futuro contingenti, ac de singularibus: atque ita propositio illa universalis pro tunc non est falsa physicè, cum res sit indeterminata, nec physicè repugnet quod omnis homo disputet: moraliter tamen & secundum communem

altr

æstimationem hominum censetur falsa, quia incredibile videtur quòd omnes se determinant ad disputandum : & eodem sensu altera contradictoria reputatur vera, quòd non habet locum in singularibus.

*Objicies quartò & urgebis:* Hæc disiunctiva est vera & necessaria ante omnem causæ determinationem, scilicet, Petrus peccabit vel Petrus non peccabit : ergo altera pars ejus est determinatè vera. Probatur consequentia, ad veritatem enim propositionis disiunctivæ requiritur quòd altera pars, sit vera, sicut ad veritatem copulativæ quòd utraque.

*Respondeo,* Propositionem illam posse sumi dupliciter : uno modo ut propriè disiunctivam ex duabus categoricis media disiunctione *Vel* unitis, ita ut sensus sit, vel Petrus erit disputans vel Petrus non erit disputans, & sic ad veritatem ejus requireretur veritas alterius partis determinatè & in particulari, ut probat argumentum : alio modo ut unam propositionem simplicem, de extremo tamen disjuncto, ita ut sit sensus, Petrus erit disputans vel non disputans, & hoc modo ut sit vera non est necesse, quòd alterum determinatè sit futurum, sed confusè & indeterminatè illud vel illud, sicut alias dicebamus de ista, ille vel ille oculus est necessarius ad videndum. *Vnde in forma distinguo antecedens, illa propositio est vera & necessaria, ut est propriè disiunctiva, nego; ut simplex de extremo disjuncto,*

*concedo*, hoc enim ex se determinatum est independenter ab omni libera voluntate & necessarium quod alterutrum sub disiunctione confusa evenire debeat : *nego autem consequentiam*, ad cuius probationem distinguendum pariter est de veritate propositionis propriè disiunctivæ & illius qua est tantum de extremo disiuncto.

*Dices*, erit saltem vera confuse & indeterminatè illa disiunctiva vel Petrus erit disputans vel Petrus non erit disputans : ergo altera categorica erit vera saltem sub disiunctione confusa, & indeterminatè, scilicet illa vel illa. Aliqui hoc concedunt, sed tamen,

*Respondeo id totum negando*, aliud enim est dicere quòd alterutrum indeterminatè & sub disiunctione debet evenire, nempe disputatio vel non disputatio, aliud quòd alterutra propositio indeterminatè est vera : ad primum enim sufficit quòd nō possit fieri quin alterutrum contingat : ad secundum requireretur quòd alterutra propositio hæc vel illa indeterminatè esset conformis rei enunciatae, & sic deberet res enunciata esse determinatè futura, ita ut tota indeterminatio se teneret ex parte propositionum, quatenus incertum nobis esset quænam conformis esset objecto, quænam difformis.

*Obicies ultimò* : veritas & falsitas sunt proprietates propositionum : ergo debent semper

semper illis competere.

*Respondeo esse proprietates, non absolutas, sed respectivas ad obiectum seu ad rem enunciata, ab illa dependentes, unde debent semper illis competere, quando res est determinatè talis, qualis enunciat, non autem in illo priori in quo est indifferens.*

*Dices, veritas & falsitas opponuntur contrariè, ergo debet altera convenire propositioni de futuro contingenti in quocumque priori.*

*Respondeo negando consequentiam, datur enim medium inter veritatem & falsitatem, non per participationem, sed per negationem huiusmodi extremorum contrariorum, quod medium est propositio illa in eo priori, quæ prout nunc nec est vera nec falsa. Hæc de secunda parte Logicæ.*





# TERTIA PARS LOGICÆ.

De Ente Rationis directivo tertia operationis  
intellectus.

SCILICET

De Argumentatione.



Argumentatio, qua dirigitur tertia mentis operatio seu discursus, (qui dicitur talis quia est veluti motus quo intellectus progreditur & discurret ab uno cognito ad aliud ex alio deductum, ex antecedente ad consequens, unde necessario importat plures actus nempe assensum ipsius antecedentis aut præmissarum, & assensum conclusionis ut ex antecedente vel præmissis deductæ: ) Argumentatio inquam qua dirigit hanc operationem, sicut definitio & divisio simplicem apprehensionem, & propositio iudicium, in multas dividitur species de quibus sufficienter in parva Logica  
egi.

egimus, praterquam de syllogismo qui omnes alius præcellit. Duo autem in illo sunt consideranda, nempe materiale, id est propositiones, quæ sunt materia proxima, & termini qui sunt materia remota: & formale id est dispositio huiusmodi terminorum & propositionum in forma & figura. Et quidem de syllogismo quoad formale, seu quoad figuras & modos, (de quibus Aristoteles in duobus libris Priorum Analyticorum) satis superque egimus loco citato: unde in præsentis superest dumtaxat agendum de illo ex parte materialis, penes quod

Dividitur primò ex parte materia remota in rectum & obliquum, Syllogismus rectus dicitur ille cujus omnes termini ponuntur in recto, obliquus in quo reperitur aliquis terminus in obliquo, qui interdum mutari debet in rectum ut bonitas aut vitium consequentiæ appareat.

Dividitur secundo ex parte ejusdem materia remota in communem & singularem seu expositivum, primus est, cujus medium est terminus communis, secundus, qui constat medio singulari, & vocatur expositivus & sensibilis, quia verbum ad sensum explicat unionem extremorum inter se per unionem quasi sensibilem ipsorum cum medio, qui syllogismus ut plurimùm formari debet in tertia figura, in qua medium bis subjicitur, quod maximè congruit medio singulari, ut Petrus est animal: Petrus est



est rationalis, ergo aliquod rationale est animal. Nihilominus tamen potest efformari in aliis etiā figuris, ut patet in hoc exemplo. Primogenitus Ludovici decimi tertius est rex Francorum, sed Ludovicus decimus quartus est ille Primogenitus, ergo Ludovicus decimus quartus est Rex Francorum.

*Adverte autem quod sicut in syllogismo communi medium in altera pramissarum debet perfecte distribui, ita ex opposito in syllogismo singulari seu expositorio medium debet esse ita singulare ut sit omnino incommunicabile, si enim communicabile sit, syllogismus singularis æquivalet syllogismo communi ex puris particularibus, atque adeo nihil concludet, ut in hoc exemplo, Hæc essentia Divina est pater, Hæc essentia divina est Filius, ergo Pater est Filius, quæ consequentia est nulla quia essentia Divina, quæ est medium, etsi singularis sit, est tamen communicabilis, sicut è converso non valet consequentia in hoc syllogismo communi: Aliquis homo est albus, Aliquis homo est Æthiops, ergo aliquis Æthiops est albus: quia licet homo qui est medium sit terminus communis, ibi tamen non se habet ut communis cum maneat indistributus.*

*Dividitur tertio ratione materia proxima in categoricum & hypotheticum. Primus est qui constat propositionibus categoricis, secundus vero qui constat altera saltem hypothetica*  
*seu*

*seu conjuncta*, ut si Sol lucet, dies est, atque Sol lucet: ergo.

*Dividitur quartó ratione ejusdem materia proxima in demonstrativum, probabilem & sophisticum.* Syllogismus demonstrativus est ille, qui constat propositionibus necessariis, certis & evidentibus, probabilis verò qui non certis sed probabilibus: sophisticus denique, qui falsis re ipsa sed apparenter veris. De his tribus (de quibus Aristoteles in duobus libris *Posteriorum analyticorum*, octo *Topi-  
corum*, & duobus *Elenchorum*) agemus in sequentibus, omissis aliis de quibus nihil superest dicendum.





IN DUOS LI-  
 bros Posteriorum  
 Aristotelis.

DISPUTATIO I.

*De Demonstratione.*

SECTIO I.

*Quid, & quotuplex sit Demonstratio.*

**D**ico 1. *demonstrationem in communi recte  
 definiri syllogismum constantem ex propo-  
 sitionibus necessariis, certis & evidentibus.*

*Probatur*, quia illa est propria & essen-  
 tialis ratio demonstrationis in communi,  
 in qua omnes demonstrationes conveniunt,  
 & per quam differunt à syllogismo proba-  
 bili & sophistico : atqui omnes demon-  
 stra-

strationes, siue sint *Propter quid*, siue *Quia*, siue a priori, siue a posteriori, de quibus infra, conveniunt in hoc, quod consent propositionibus necessariis, certis, & evidentibus, & per hoc differunt a syllogismo probabilis, qui constat propositionibus dumtaxat probabilibus, & a sophistico qui constat falsis apparenter solum veris. Ergo est illa propria ratio & legitima definitio demonstrationis ut sic.

Dico 2. *Demonstratio in communi legitime etiam definitur syllogismus faciens scire: quæ definitio est tantum descriptiva.*

*Probatur eadem ratione, quæ præcedens conclusio.* Quia in hoc conveniunt omnes demonstrationes, quod faciant scire, id est conclusionem certo & evidenter cognoscere, & per hoc idem differunt tum a syllogismo probabilis qui non causat assensum scientificum conclusionis, sed opinativum & incertum; tum a sophistico qui causat assensum erroneum & falsum. Quod autem illa definitio sit tantum descriptiva, patet, quia datur per causam dumtaxat extrinsecam definiti, nempe finalem, scientia enim est finis & effectus ad quem demonstratio per se primo ordinatur.

Dico 3. *Demonstrationem in communi recte dividi in demonstrationem Propter quid, & demonstrationem Quia.*

*Demonstratio Propter quid est syllogismus constans præmissis necessariis, certis, & evidenti-*

dentibus, assumentibus pro medio causam ad-  
 aquatam conclusionis, vel, quod in idem re-  
 dit: est syllogismus faciens scire, id est, rem  
 certò & evidenter cognoscere per causam pro-  
 priam & adaquatam ipsius, sive sit vera &  
 realis causa, id est, verè & realiter influens  
 (saltem per resultantiam) in proprietatem  
 quæ demonstratur; qualis est rationalitas  
 respectu risibilitatis, sive sit tantum causa  
 virtualis ejus, id est, non realiter influens in  
 illam; sed veluti æquivalenter; quia scili-  
 cet est talis naturæ quod si id cujus dicitur  
 causa virtualis haberet veram & realem cau-  
 sam à qua per realem influxum procederet,  
 non aliam haberet quàm illam, hoc modo  
 universalitas dicitur causa virtualis, seu,  
 quod idem est, ratio à priori respectu prædi-  
 cabilitatis, ens respectu unitatis, veritatis,  
 bonitatis; immutabilitas in Deo, respectu  
 æternitatis quæ per illam demonstratur, hoc  
 modo, omne immutabile est æternum, De-  
 us est immutabilis, ergo Deus est æternus.  
*Demonstratio ergo, Propter quid est illa quæ  
 procedit per causam vel realem vel virtua-  
 lem, non qualemcunque, sed propriam & ad aqua-  
 tam, quæ dicitur illa quæ convertitur cum  
 effectu, ita ut illa posita ponatur effectus,  
 & illa sublata auferatur effectus, & vice-  
 versa, qualis est rationalitas respectu risibi-  
 litatis.*

Ex quibus intelliges definitionem de-  
 mon-

monstrationis Propter quid adductam à Philosopho in Scholis tritam, qua dicitur syllogismus procedens ex veris, primis, immediatis, notioribus, prioribus, causisque conclusionis.

Dicitur procedere ex veris, quod est commune demonstrationi Propter quid, & Quia, utraque enim constare debet principiis seu præmissis veris & necessariis.

Dicitur procedere ex primis principiis & immediatis, id est, quæ non habeant alia priora per quæ ipsa demonstrentur, nec medium per quod à priori probentur (qua de causa dicuntur per se nota) Hoc autem non est ita intelligendum quasi præmissæ cujuslibet demonstrationis propter quid debeant esse actu prima principia immediata & indemonstrabilia, sed saltem virtualiter, ita quod possint ab eo qui demonstrationem efformat statim reduci illæ præmissæ ad principia illa indemonstrabilia, aliàs syllogismus ille non erit demonstrativus respectu eius, nec producat scientiam in illo, sed duntaxat opinionem, Unde habes hujusmodi præmissas debere esse propositiones per se in primo aut secundo modo perfectitatis. Pro quo nota propositionem per se dici eam, in qua predicatum convenit subiecto per se & ratione sui, quod potest esse quatuor modis. Predicatum per se primo modo dicitur id, quod est de essentia subiecti: secundo modo, quod est propria passio: tertio modo

modo, est ipse modus essendi per se & non in alio cum attribuitur substantiæ, quarto modo est effectus aut operatio aliqua eam attribuitur causæ per se ipsius: ut cum dicimus, Medicus sanat, Ædificator construit aut ædificat, si autem dicas, Accidens existit per se, (ut in Eucharistia) vel, Medicus ædificat, non erunt propositiones de prædicato per se in tertio & quarto modo, sed per accidens.

Dicitur denique demonstratio *Propter quid* procedere ex notioribus, prioribus, causisq; conclusionis: procedit enim per causam adæquatam prædicati, quod demonstratur, ut diximus, causa verò est prior effectu, subindeque notior quoad se, licet effectus possit esse notior quoad nos.

Probat insuper Philosophus præmissas demonstrationes *propter quod* esse notiores & certiores, ex illo axioma: *Propter quod unumquodq; tale, & illud magis tale*, quod verum est, quando adsunt hæ duæ conditiones, *Prima*, quod prædicatum de quo agitur, conveniat formaliter duobus inter quæ fit comparatio: *Secunda*, quod uni eorum conveniat per se, & ratione sui, alteri verò dependenter ab illo. Est autem falsum quoties desunt illa duæ conditiones, vel altera earum, ut in his exemplis, Terra est calida propter solem, ergo Sol est magis calidus, homo est corruptibilis propter materiam, ergo materia est magis corruptibilis: non enim

enim calor convenit formaliter soli, sed tantum virtualiter; nec similiter corruptibilitas competit materiæ, cum potius una ex proprietatibus ejus sit esse ingenerabilem & incorruptibilem, valet autem, medicina est bona & desiderabilis propter sanitatem, ergo sanitas est magis desiderabilis & bona: quia reperiuntur duæ præfatæ conditiones. Quæ etiam in proposito adsunt, evidentia enim & certitudo, de quibus agitur formaliter conveniunt & præmissis, & conclusioni, illis quidem per se & ratione sui, huic verò dependenter ab illis, idè enim certò & evidenter uniuntur extrema conclusionis inter se, quia certò & evidenter uniuntur cum medio in præmissis.

Demonstratio autem quia (sumpta hac particula non ut causali sed ut significante quod res est; ) dicitur illa quæ probat quidem prædicatum inesse subjecto, non tamen ostendit propter quid illi conveniat: id est, non assumit pro medio causam propriam & adæquatam illius, sed vel causam inadæquatam & non convertibilem, ut in hoc exemplo: omne respirans est animal, nullum lignum est animal, ergò nullum lignum respirat, animal enim non est causa propria & adæquata respirationis, siquidè licet omne respirans sit animal non tamen omne animal est respirans, sed illud tantum quod habet pulmones, defectu quorum pisces non respirant:



rant: vel assumit effectum aut signum, ut in hoc exemplo, Omnis perfectio quæ est in creatura debet eminentiori modo reperiri in Deo: atqui intellectus, sapientia & aliæ huiusmodi perfectiones reperiuntur in creaturis: ergo &c. Demonstratio ergo *quia* est illa quæ constat propositionibus necessariis, certis, & evidentibus, in quibus assumitur pro medio, non causa adæquata & convertibilis, sed aliquid aliud necessariam habens connexionem cum conclusione, scilicet vel causa inadequata & non convertibilis, vel effectus aut quid simile.

Dico 4. *præfatam divisionem esse adæquatam & univocam.*

Prima pars probatur: etenim demonstratio *propter quid* est illa quæ procedit per causam adæquatam, seu convertibilem cum prædicato vel proprietate quæ de subiecto demonstratur; demonstratio verò *quia* est illa quæ non procedit per causam adæquatam, sed assumit aliquod aliud medium necessario inferens conclusionem. atqui nulla potest assignari demonstratio quæ non contineatur sub altero membro, cum unum contradictoriè opponatur alteri: ergo omnis demonstratio erit vel *Propter quid*, vel *Quia*, subindeque divisio illa adæquata.

*Secunda etiā pars sic suadetur:* Ratio demonstrationis ut sic æqualiter ex parte sui convenit demonstrationi *propter quid* & demonstra-  
tioni

tiohi *Quia*, ergò univocè, subindeq; univoca erit hujusmodi divisio. *Probatur antecedens*: demonstratio ut sic importat solum quod sit syllogismus procedens ex præmissis necessariis, certis & evidētibus, seu syllogismus causans scientiam, atqui hoc totum participatur tam à demonstratione *Quia*, quàm à demonstratione *Propter quid*, ut constat ex dictis: ergo. Verum quidem est demonstrationē *propter quid* esse perfectiorem altera, cum enim pro medio assumat causam propriam & adæquatam conclusionis, facit omninò perfectè scire, siquidem perfectè scire dicimur, cū rem per causam propriam & adæquatam cognoscimus. At verò demonstratio *Quia* cum non assumat nisi effectum, signum, aut causā inadæquatam, facit imperfectiùs scire, sed hæc major vel minor perfectio, se tenet ex parte differentiarum, subindeque non impedit univocationem rationis communis demonstrationis, quæ verè & essentialiter convenit tam demonstrationi *quia*, quàm demonstrationi *Propter quid*, eandemque in utraq; habet definitionem.

*Dico ultimò demonstrationem propter quid non omninò coincidere cum demonstratione à priori, ita ut inter se convertantur, nec similiter demonstrationem Quia cum demonstratione à posteriori.*

*Prima pars probatur, Quia demonstratio à priori dicitur omnis illa quæ procedit per*

T

cau-

causam seu rationem à priori, sive sit adæquata siue inadæquata, demonstratio verò *Propter quid* dicitur illa dumtaxat, quæ procedit per causam adæquatam conclusionis, ergo illa latius patet quàm ista, subindeque non convertuntur, quamvis enim omnis demonstratio *Propter quid* sit a priori, non tamen è converso.

*Secunda etiam pars simili argumento suadetur demonstratio enim Quia* dicitur omnis illa quæ non procedit per causam adæquatam, sed vel per inadæquatam, vel per effectum, aut aliquid aliud posterius, demonstratio verò à posteriori est illa dumtaxat quæ procedit per effectum, vel signum, vel aliquid aliud posterius: ergò latius patet demonstratio *Quia*, quàm demonstratio à posteriori, omnis enim demonstratio à posteriori est quidē demonstratio *quia*, non autem omnis demonstratio *quia* est à posteriori, sed aliqua est à priori, nempe illa quæ procedit per causam inadæquatam.

*Quæres utrum liceat uti demonstratione circulari.*

Respondeo circulum in demonstratione qui est progressus à principiis ad conclusionem, & ingressus à conclusione ad principia seu præmissas, alterum esse formalem seu uniformem, alterum materialem seu difformem. *Circulus formalis est quando assumitur conclusio illata ex antecedente, & ex illo solo nota quod probandum idem antecedens, & hoc nō licet uti,*

cum enim antecedens sit notius conclusione spectata prout ex illo solo deducitur id quod est minus notum, assumeretur ad probandū illud quod est notius. *Circulus verò materialis est quando assumitur conclusio jam aliunde & ex aliis principiis, quam ex antecedente nota ad probandum illud antecedens aut aliquā premissarum, unde prius fuerat deducta, & hoc circulo difformi uti licet, quia non sequitur inconueniens sicut ex circulo formali, siquidē fieri potest ut conclusio fiat aliunde notior quàm sit ipsum antecedens.*

---

## SECTION II

*Vtrum demonstratio causet effectivē scientiam.*

**V**IDIMUS demonstrationem propter quid & a priori esse causam in efficiendo ipsius conclusionis, quatenus scilicet assumit medium, quod est causa adæquata vel inadæquata (sive materialis, sive formalis, sive efficiens, sive finalis) proprietatis quæ de subjecto demonstratur. *Difficultas modo est, utrum omnis demonstratio sive propter quid, sive quia, sive à priori sive à posteriori, sit causa conclusio-*

*clusionis in cognoscendo, id est utrum assensus præmissarum causent effectivè assensum scientificum conclusionis, hic enim est sensus tituli, pro cuius resolutione*

*Dico primò assensum præmissarum concurrere in genere causæ efficientis ad assensum conclusionis.*

*Probatur* : Illud quod constituit potentiam in actu primo ad assentiendum, concurrat cum ea in genere causæ efficientis ad illū assensum : sed assensus præmissarum constituunt saltem in actu primo intellectū ad assentiendum conclusioni : ergò concurrunt, &c. *Major est evidens, idèò namq; species impressæ concurrunt in genere causæ efficientis unà cum potentiis cognoscitivis ad actus ipsarum, quia illas complent & constituunt in actu primo, seu reddunt proximè potentes ad cognoscendum. Minor verò probatur quia intellectus antecederet ad assensum præmissarum non est sufficiens principium assensus conclusionis, aliàs posset absq; prævio assensu illarum elicere actum discursus, quod implicat contradictionem, cum discursus essentialiter sit assensus conclusionis ex vi assensus antecedentis vel præmissarum: posito autem huiusmodi assensu est sufficienter potēs imò ut dicemus non potest non elicere assensum conclusionis : ergò constituitur in actu primo per illū.*

*Obijcies* : in illo instanti quo intellectus elicit

cit assensum conclusionis, non adest sed jam transit assensus præmissarum, ergò nequit concurrere efficienter ad illum. *Antecedens probatur*, quia intellectus non potest simul habere plures actus, aut simul intelligere plura: ergò nequit simul, & semel assentiri præmissis & conclusioni, *Consequentia etiã suadetur* quia nulla causa agit quando non est.

*Respondeo primò negando antecedens*, *Ad probationem respondeo intellectum non posse quidem simul, & in eodem instanti temporis habere plures actus disparatos, & intelligere plura ut plura sunt: posse tamen habere plures actus inter se subordinatos per modum unius integri discursus, ut in proposito*, subindeque intelligere plura non ut plura sunt; sed per modum unius. *Instabis*: Assensus majoris potest præcedere tempore assensum conclusionis: ergo quando assentimur conclusioni, non adest necessariò assensus majoris, atq; adeò non erit causa illius. *Sed ad hoc respondeo concessio antecedente, negando consequentiam*, quia assensus minoris, quæ simul tempore cognoscitur cum conclusione, includit virtualiter assensum ipsius majoris.

*Respondeo secundò ad principale argumentum*, distinguendo illius antecedens: non adest tunc assensus præmissarum, *formaliter & in seipso*, esto *virtualiter, & in suo effectu*, negò: manet enim in ipsa intellectus determinatione quam habet ad assentiendum

dum conclusioni, posito præmissarum assensu, a quo assensu determinatio illa causatur, unde negatur consequentia: *ad cuius probationem dicendum illud quod non adest nec formaliter, nec in sua virtute non posse agere, bene autem si maneat in sua virtute ut in proposito.*

*Dico 2. Assensus præmissarum ita concurrunt ad assensum conclusionis, ut ad eum elicendum (cognita bonitate consequentia) intellectum necessitent nedum quoad specificationem, sed etiam quoad exercitium.*

*Pro intelligentia adverte quòd sicut est duplex libertas, altera contrarietatis seu quoad specificationem quæ est indifferentia ad elicendum unum specie actum vel ejus suppositum, puta amorem vel odium, assensum vel dissensum, altera contradictionis seu quoad exercitium quæ est indifferentia ad elicendum unum actum vel suspendendum ipsum; puta ad assentiendum, vel ad suspendendum assensum ita est duplex necessitas illi duplici libertati opposita, altera est necessitas quoad specificationem, quæ est determinatio ad unum specie actum, ita ut potentia nequeat elicere oppositum, qualis necessitas est in voluntate nostra respectu beatitudinis in communi seu boni ut sic quod ita amamus, ut non possimus odio ipsum habere. altera quoad exercitium, quæ est determinatio potentia ad aliquem actum quem non potest suspendere, qualis*

lis necessitas est in voluntate beatorum respectu Dei clarè vîsî, quem ita continuò diligunt ut ab ejus amore nunquam cessare possint. Hoc posito

*Probatur prima pars conclusionis:* necessitas quoad specificationem est determinatio potentia ad aliquem actum, ita ut quamvis ipsum possit suspendere, nequeat tamen elicere actum oppositum: atqui posito assensu præmissarum ita determinatur intellectus ad assentiendum conclusioni, ut nequeat illi dissentire, ergò necessitatur ad illum saltem quoad specificationem. *Probatur minor,* quia intellectus nequit dissentire vero clarè cognito, sicut nec voluntas abhorre à bono: atqui cognitis præmissis ut veris, & vîsa bonitate consequentiæ, clarè cognoscit conclusionem esse veram, cum ex antecedente vèro sequi nequeat falsum consequens: ergò non poterit dissentire conclusioni. Quod evidentius constabit ex probatione secundæ partis, si enim non potest suspendere assensum, multò minus poterit elicere dissensum, Unde

*Probatur secunda pars,* Necessitari quoad exercitium alicujus actus, est ita determinari ad illum eliciendum, ut non possimus illum suspendere, atqui per assensum præmissarum ita determinatur intellectus ad assensum conclusionis, ut non possit ipsum suspendere: ergò, *Probatur minor.* Potentia natura-



turalis positis omnibus ad agendum requisitis non potest non agere, seu actionem suspendere (hæc enim est differentia causæ naturalis, seu necessariæ à libera) atqui intellectus est causa naturalis. & non libera formaliter, ergò positis omnibus ad assentiendum conclusioni requisitis, qui sunt assensus præmissarum, non potest &c.

*Dices*, Quamvis intellectus sit potentia naturalis, tamen liberè applicatur à voluntate, (eo modo quo potentia visiva ex. gra.) ad suum objectum aut actum, & ab eo retrahitur: ergò positis assensibus præmissarum poterit non applicari ad assensum conclusionis sed retrahi ab illo. Probatur cōsequentia sic: Quod sit liberè, potest non fieri, voluntas applicat liberè intellectum ad assentiendum conclusioni: ergò potest non applicare.

*Respondeo concessio antecedente negando consequentiam.* Ad probationem potest non fieri, absolute, concedo: ex suppositione nego: & similiter ad consequentiam dicendum, potest enim absolute voluntas non applicare intellectum ad assentiendum cōclusioni non applicando ipsum ad præmissas, non tamen ex suppositione quod permiserit ipsum præmissis assentiri, & cogitare de bonitate illationis, sicut potest absolute impedire visionem objecti, putà claudendo oculos, aut ab objecto averrendo illos, tamen ex hypothesi quod velit oculos esse apertos & ad objectum præ-

præfens & illuminatum converfos, non potest : quæ necessitas hypothetica seu ex suppositione nihil obest libertati voluntatis, cum ab ipsa liberè volenti oriatur.

*Ex dictis colliges rectè à Philosophis assignari tria præcognita, & duas de ipsis præcognitiones ante demonstrationem. Probatur, debet enim de subjecto, de quo volumus passionem demonstrare, præcognosci quid sit, cum in demonstratione Propter quid, (de qua potissimū est sermo cum de præcognoscendis ante demonstrationem agitur) assumi debeat ejus essentia aut definitio pro medio. De ipsa verò passione demonstranda prænosendum est quid nomine ejus intelligatur. Et tandem de principio, seu de præmissis assumendis præcognosci debet an sint vera. Ergo tria illa ante demonstrationem sunt præcognoscenda, id est, subjectum, passio ejus aut proprietas seu prædicatum quod de illo demonstrari debet, & principium per quod est demonstrandum : & duæ sunt de illis præcognitiones seu anticipatæ cognitiones habendæ ; de subjecto videlicet aut de passione, quid rei vel quid nominis, de principio autem, an sit veritatis.*



IN OCTO LI-  
 bros Topicorum  
 Aristotelis.

DISPUTATIO UNICA  
 Ordine II.

*De Syllogismo topico seu probabili.*



**S**YLOGISMVS probabilis, ut ex ipso nomine datur intelligi, dicitur ille qui constat propositionibus probabilibus, & opinionem generat in intellectu. Appellatur autem topicus, id est localis à nomine græco τὸπικόν, id est locus, eo quod è quibusdam veluti argumentorum promptuariis, qui dicuntur loci dialectici, ciuitur: propter quod etiam appellatur speciali ratione *dialecticus*, hoc est *disputatorius* ut ita dicam, quia ex illis locis desumuntur argumenta ad quamlibet rem in utramque partem disputandam, qua etiam de causa

hæc

hæc logica pars, in qua de hujusmodi locis & syllogismis agitur, sæpius nomine dialecticæ simpliciter venit intelligenda:

---

## S E C T I O   U N I C A.

*De locis è quibus syllogismi probabiles  
desumuntur.*

**L**ocus in proposito definitur sedes argumen-  
ti, quia est id unde quivis in qualibet re  
proposita facile erucere potest argumenta proba-  
bilia, sunt autem decem præcipue loci hujusmo-  
di, nempe à causis, ab effectibus, à subjectis, ab  
adjunctis, à dissentaneis, à comparatis, à nomine,  
à definitione, à divisione, & à testimonio. Su-  
muntur ergò probabilia argumenta

Primò à causis, materiali, formali, effi-  
cienti, & finali. *A materiali*, si ostendatur  
excellentia hominis v.g. à corporis præstan-  
tia, si laudetur ædificium eò quod ex prætio-  
ris materialibus sit constructum. *A formali*,  
si laudetur homo ab excellentia animæ ra-  
tionalis, & ædificium à forma seu recta ip-  
sius dispositione. *Ab efficienti*, si commen-  
detur homo à parentibus, à proavis nobili-  
bus, aut domus ab excellentia Architecti.

*A finali denique*, si extollatur natura humana eo quod propter æternam beatitudinem fit creata, aut actio aliqua eo quod in finem honestum dirigatur, vel si laudetur domus à commoda habitatione ad quam ut ad finem ordinatur.

*Secundo ab effectibus*, ut si prædictæ causæ laudentur à præstantia aut nobilitate effectuum ad quos concurrunt: quo etiã modo laudantur Sancti propter opera bona: vituperantur peccatores propter scelera.

*Tertiò à subjectis*, ut si probes virtutes & scientias præstare omnibus aliis accidentibus eo quod in perfectiori & nobiliori sint subjecto.

*Quartò ab adjunctis*, siue illa sint accidentia intrinsecè inhærentia, ut si laudetur homo ab ingenio & scientia, à virtute, & aliis hujusmodi, siue sint externa, & solum circumstantia subjectum, ut si quis laudetur à divitiis, à dignitatibus, &c. Quod dico de laude, intellige etiam de vituperatione quæ sumi potest à defectu ingenii, scientiæ, virtutis, aut à vitio.

*Quintò à dissentaneis, id est oppositis*, ut si ostendatur virtutis honestas, à turpitudine vitii, aut è converso.

*Sextò à comparatis vel similibus, seu quod idem est ab exemplis*, ut si dicas, Deus pepercit Magdalene pœnitenti, ergò parceret & tibi, si pœnitentiam egeris.

*Septimò*

*Septimò à nomine, seu etymologia nominis, ut si arguas hoc modo: Creatura de humo sumpta debet esse humilis. sed homo est de humo sumptus. ergo. A quo loco non differt locus à conjugatis, id est, à nominibus affinis, quorum scilicet unum derivatur ab alio, sicut concretum ab abstracto: ut si dicas, non est appellandus vir qui nihil habet virtutis, neque homo qui nihil habet humanitatis, sed &c. ergo. &c.*

*Octavò à definitione, à qua ad definitum, & vicissim, valet consequentia tam affirmativè quam negativè, affirmativè quidem, ut, Est animal rationale. ergo est homo, Est homo: ergo est animal rationale: negativè verò, ut, Non est animal rationale, ergo non est homo, Non est homo, ergo non est animal rationale. Item ex eo quod aliquid conveniat definitioni, rectè arguitur convenire & definito, & è contra, loquendo de prædicatis reabilibus, non rationis, unde non valet dicere, Definitio est oratio, ergo & definitum. Definitum est species, ergo & definitio.*

*Nonò à divisione, à qua ad divisum valet consequentia, & è converso, cum hoc discrimine, quod ab uno membro dividenti rectè argui potest ad divisum, ut si dicas, est rationale, ergo est animal. At verò à diviso non valet ad alterum membrum dividens, sed solum ad omnia sub disunctione: non enim sequitur sic: est animal: ergo est rationale, sed sic, ergo est rationale vel irrationale.*

*Decimò à testimonio, seu ut alii dicunt à pronuntiatis, vel ut alii, ab assumptis, quæ in idem redeunt.* Testimoniū enim sumitur ex iis quæ ab aliquo pronuntiata sunt, & ob eandē rationem vocatur assumptum. Arguitur autem à testimonio, vel humano, ut si dicas, Aristoteles docet materiam primam esse puram potentiam, ergo ita est, vel divino, sive per scripturam, sive per traditionem, sive Ecclesiam aut Concilia nobis denuntiato: à quo loco sumuntur argumenta Theologica ut si dicas, Christus est homo, juxta fidem & scripturæ testimonia, ergo est risibilis.





# IN DVOS LIBROS

Elench. Aristotelis

## DISPUTATIO UNICA,

Ordine III.

### De Syllogismo Sophistico.

**S**YLOGISMVS Sophisticus seu fallax est ille qui procedit ex apparentibus, qua scilicet videntur esse, sed non sunt; unde & qui his student, appellantur Sophistæ, non quasi sint veri sapientes, sed apparentes seu fucati. Triplex autem est hujusmodi Syllogismus. Primus, qui est fallax ratione formæ tantum, quando scilicet forma Syllogismi est vitiosa licet propositiones sint veræ. Secundus qui est fallax ratione materiæ tantum quando nimirum, licet sit in modo & figura, tamen ratione alicujus æquivocationis aut alterius similis causæ fallit. Tertius tandem ratione utriusque.

*Si sit fallax ratione formæ solum, debet connecti*



cessis præmissis negari consequentia, quia tunc reuera non est syllogismus, cum desit illi forma constitutiva syllogismi.

*Si sit fallax ratio materia tantum, non debet negari consequentia, cum syllogismus ut suppono sit in forma; sed debent distingui illæ propositiones, in quibus æquivocatio aut aliud quodvis vitium seu fallacia later.*

*Si autem sit fallax ratio utriusq̃, tunc quo malueris modo poteris respondere.*

Defectus autem fallaciæ, quæ ex parte formæ contingere possunt in syllogismo, sufficienter constant ex regulis in parva logica adductis: unde in præsentiarum de solo syllogismo ex parte materiæ fallaci agemus. Sicut autem quidam assignantur loci topici, è quibus syllogismi probabiles deducuntur, ita aliqui sunt sophistici ex quibus argumentationes captiosæ, apparentes, & fallaces depromuntur. Ex illis autem locis sophisticis, quæ fallacia appellantur, sex sunt in dictione aut vocibus positi, nempe æquivocatio, amphibologia, compositio, divisio, accentus, & figura dictionis: septem in rebus seu extra dictionem, scilicet fallacia accidentis; eius quod simpliciter dicitur & secundum quid ignorationis elenchi, consequentis, petitionis principii, non causa, ut causa, plurimum interrogationum ut unius, & ita omnes sunt numero tredecim.

## S E C T I O I.

*De sex fallaciis quæ in dictione  
contingunt.*

**P**Rima omnium est fallacia equivocationis, quæ est locus aptus ad decipiendum equivocatione vocabuli: ut si dicas canis est latrabilis, fidus est canis, ergo fidus est latrabile, Item qui sanabatur sanus est, ægrotus sanatur: ergo ægrotus sanus est: Ubi distinguendus est ille terminus, *Canis* de cane terrestri & cœlesti, item ly ægrotus de eo qui erat aut qui modo est.

*Secunda est fallacia Amphibologia, quæ est locus aptus ad fallendum ambiguitate seu equivocatione orationis, ut Quoscumque vellem me capere, vellem ut me caperent, vellem me capere hostes, ergo vellem ut me hostes eaperent. Ubi distinguenda est oratio illa infiniti vi modi, quæ est ambigua.*

*Tertia est fallacia compositionis, & quarta divisionis, qui sunt loci apti ad decipiendum variatione sensus compositi & divisi: & contingunt quando à sensu composito vero arguitur ad sensum divisum falsum, vel è contra, ut si dicas, Qui non potest ambulare non habet potentiam ad ambulandum, sed sedens sedendo*

non

non potest ambulare, ergo sedens sedendo non habet potentiam ab ambulandum, vel è contra; Quicumque habet potentiam ad ambulandū potest ambulare, sed sedens sedendo habet potentiam ad ambulandū, ergo sedens sedendo potest ambulare. Prior syllogismus ex eo quod sedens non possit ambulare in sensu composito, id est, ambulationem cum sessione componere, infert ipsum non retinere potentiam ad ambulandum absolute, qui est sensus divisus: secundus verò è contra ex eo quod retinet potentiam ad ambulandum absolute, & in sensu diviso, concludit ipsum posse ambulare etiam in sensu composito, conjungendoque ambulationem cum sessione. Unde distinguendæ sunt propositiones utriusque syllogismi in sensu composito, & diviso, juxta dicta in parva logica dum de modalibus, quamvis enim videantur reddere determinatè aliæ sensum compositum aliæ divisum, tamen utrumque pati possunt (in quo consistit deceptio.) Contingit verò hæc fallacia non solum in modalibus, sed etiam in aliis, ut in hoc sophismate: Quicumque numerus componitur ex duobus & tribus, est duo & tria, sed quinariū non est duo & tria: ergo quinariū non componitur ex duobus & tribus, Ubi major est vera conjunctim, falsa divisim.

*Quinta est fallacia accentus, qua est deceptio proveniens ex varietate accentuum aut prolationum*

*tionem ejusdem vocabuli*: ut si dicas, omnis populus est multitudo civium, sed aliqua arbor est populus, ergo aliqua arbor est civium multitudo. Item: Quicumque occidit moritur, sicarius occidit, ergo sicarius moritur. Itē, Qui dicit te egregiē respondisse, laudat te, sed præceptor cum te reprehendit ait te egregiē respondisse, ergo cum te reprehendit laudat te. Deceptio primi & secundi sophismatis oritur ex diversitate quantitatis aut accentus in illis vocabulis *populus* & *occidit* quæ primo loco contrahuntur, posteriori producuntur: tertii verò, ex diversitate prolationum, ironicæ aut seriæ Ex quibus faciliè eris distinguere in forma.

Sexta est fallacia figuræ dictionis, quæ est *locus ad decipiendum aptus ob similitudinem dictionum*. Quæ similitudo potest esse vel materialis in structura & terminatione vocis, vel formalis in re significata. Ex prima oritur deceptio qua transitur de uno genere grammaticali in aliud & committitur solæcismus: ut in hoc sophismate. Omnis substantia affecta albedine est alba, paries est substantia affecta albedine, ergo paries est alba. Ubi contingit deceptio ob similitudinem materiale majoris extremi in prima propositione, & in conclusionē, in qua cum deberet hujusmodi extremum majus inferri juxta genus & terminationē congruentē minori extremo, scilicet parieti, cum quo deberet concordare, infertur  
secundum

secundum genus & terminationem quā positum fuit in majori: potest autem sic distinguī, est alba, quoad rē significatam, concedo: quoad genus vocis, nego. Ex secunda oritur tū deceptio, qua transitur de genere in genus philosophicum, id est de uno prædicamento in aliud: ut cum dico. Homīnem quem vidisti heri vides hodie, heri vidisti sanum, ergo sanum vides hodie, Ubi contingit error ob similitudinem formale mediū & majoris extremi, scilicet hominis & sani, quæ cum significant res diversorū prædicamentorum, nempe substantiæ & qualitatis, accipiuntur ut pertinentia ad idem, scilicet ad substantiam, & debet sic distinguī sophisma illud. Quē hominē vidisti heri vides hodie quoad substantiam, concedo: quoad accidens aut qualitatem nego. Hēri vidisti sanum, distinguo intelligendo per sanū substantiam ipsius, nego, accidens aut qualitatem, concedo: & nego consequentiam. Tum à qua trahitur dictio de significato particulari ad universale aut è cōtra: ut in hoc sophismate: Quod ego sum tu non es, ego sum homo, ergo tu non es homo, & in isto, Animal est genus, homo est animal, ergo homo est genus, in quibus accidit deceptio ob similitudinē mediū, nempe illarum dictionum, *Ego & animal*, quarum illa à significato particulari quod habet in majori transfertur ad universale in minori, ex eo quod ibi jungitur termino communi, scilicet homini,

homini, Animal verò è contra è significato universalis in majori, transfertur in particulare in minori. Primum horum sophismatum debet sic distingui: Quod ego sum, secundum rationem individualement qua differo ab aliis, concedo: secundum rationem communem aliis, nego: Ego sum homo secundum rationem individualement, nego, sic enim sum talis homo, secundum rationem communem concedo. Secundum verò sic: Animal est genus, secundum significatum commune, concedo, particulare, nego, Homo est animal, commune, nego: particulare, concedo.

---

## SECTION II.

*De septem fallaciis qua contingunt in rebus significatis, seu extra dictionem,*

**P**rima illarum est fallacia accidentis, qua est locus aptus ad decipiendum ob inconsiderationem diversitatis inter subjectum, & accidens ratione cuius id quod convenit aut non convenit accidenti, existimatur convenire aut non convenire subjecto, vel vice versa. Nomen autem accidentis hoc loco sumitur late pro prædicato quod aliqua ratione diversum est a subjecto sive per intellectum, ut animal ab homi-

homine five realiter ut accidens propriū aut cōmune. *Vnde tria oriuntur ex hoc loco sophismata.* Unum cum creditur, quicquid convenit prædicato essentiali ut aliquo modo diverso à subjecto, convenire etiam ipsi subjecto, & vice versa, ut si dicas animal est genus, homo est animal, ergo homo est genus, vel animal rationale est definitio, homo est animal rationale, ergo homo est definitio. Alia duo sunt quando quis existimat, quicquid convenit prædicato accidentario proprio aut communi, convenire etiam subjecto, vel è converso ut si dicas, Risibile est proprietas, homo est risibilis, ergo homo est proprietas, Et, album est concretum accidentale, homo est albus, ergo homo est concretum accidentale. Ad hoc reducitur illud sophisma ridiculū: iste canis est pater, iste canis est tuus, ergo iste canis est pater tuus. *Ratio ergo deceptionis qua contingit in huiusmodi sophismatis est, quia in eis accidens & subjectum nō sumuntur prout sunt idem, sed prout sunt diversa, seu quod in idē redit, sumuntur secundum diversa significata, scilicet mediatum & immediatum, & variatur suppositio de simplici in realem, aut è contra, & hac est radix deceptionis, unde sic est distinguendum animal est genus, in quantum distinctum aut præcisum à suis inferioribus, si-ve secundum suum significatum immediatū præcisè, concedo, in quantum idem, seu secundum significatum & immediatū & mediatum,*

diatum, nego, Homo est animal, spectatum secundum suum significatum immediatum præcisè, nego, mediatum, concedo. Eodem proportionaliter modo distingue in aliis syllogismis ly animal rationale, ly risibile, ly album, ly canis cui convenit esse patrè secundum accidens & non secundum substantiam.

*Secunda appellatur fallacia à dicto simpliciter ad dictum secundum quid, vel è converso, & est locus ad decipiendum idoneus, quatenus ex eo, quòd aliquid simpliciter & sine addito alicui attribuitur aut denegatur, infert sophista attribuendum esse aut negandum secundum quid & cum addito, aut vice versa, ut si dicam, Arma sunt restituenda domino, ergo sunt restituenda domino furioso. Merces non sunt projiciendæ in mare, ergo non sunt projiciendæ quando naufragium timeretur, vel è converso. Arma non sunt restituenda domino furioso, ergo nō sunt restituenda domino. Merces sunt projiciendæ in mare quando naufragiū timeretur, ergo merces projiciendæ sunt. Debent autem hæc sophismata sic distingui, Arma restituenda sunt domino, merces non sunt projiciendæ, simpliciter & absolutè; concedo, cum addito, nempe domino furioso, aut tempore naufragii, nego & sic proportionaliter de aliis. Ad hanc verò fallaciam, reduci potest ea quæ committitur (præsertim in analogis proportionalitatis, de quibus in Antepredicamentis) cum arguitur*  
sic,



fic, Sicut se habet &c. ita &c. Quæ argumenta dicuntur incedere uno pede & claudicare nonaginta novem, quia à convenientia aliquali, vel in aliqua ratione infertur convenientia simpliciter, aut in aliis rationibus in quibus differunt. Unde distingui possunt. Sic: Sicut se habet, &c. Quantum ad aliquid, seu quantum ad talem vel talem rationem, concedo; simpliciter, & quantum ad omnia, nego. Quamvis cum in forma non sint hujusmodi argumenta, nulla prorsus sit eorum consecutio, nec subinde ad fallacias de quibus hic agimus, pertineant proprie.

*Tertia est fallacia ignorantia elenchi, id est, redargutionis seu contradictionis (redargutio enim hic idem est ac contradictio alicuius propositionis qua per hoc dicitur redargui quod ipsi contradicitur) Definiri autem potest hac fallacia, Locus ad decipiendum aptus ob apparentiam contradictionis ubi non est contradictio defectu alicuius conditionis ad eam requisita. Vnde tot modis contingere potest hac deceptio, quot sunt conditiones necessariae ad contradictionem qua à sophista omittuntur. Illæ autem sunt quinque. Prima est quod sit de eodem secundum idem, defectu cujus hæ argumentationes fallunt, Æthiops est albus secundum dentes, & non est albus secundum corpus, ergo est albus & non est albus: Homo ut rationalis discurrit, ut animal non discurrit: ergo discurrit & non discurrit, Deus ut misericors parcit, ur justus*

ut justus non parcit, ergo parcit & non parcit. *Secunda est, quod non solum secundum idem, sed eodem modo sumptum: defectu cujus fallit hoc enthymema: Vestis aptata corpori tegit corpus, complicata in arca non tegit corpus, ergo tegit & nō tegit. Tertia, quod sit respectu ejusdem, defectu cujus fallit hoc: Quaternarius est duplus binario, & non est duplus ternario, ergo est duplus, & nō est duplus. Quarta, quod pro eodem tempore. Quinta, quod pro eodem loco: quarū exempla in promptu erunt, & omnia ex dictis facile est distinguere. Ab hac verò fallacia ignorationis elenchi inscripsit Aristoteles hos libros *De sophisticis elenchis*, id est de apparentibus redargutionibus, quia scilicet hæc est præcipua quam intendit sophista, videlicet redargutio.*

*Quarta est fallacia petitionis principii, quæ sophista arguens aut respondens decipit assumendo pro ratione ipsam thesim aut conclusionem de qua agitur: unde petitio principii idem est hic ac petitio seu assumptio ipsius conclusionis controversæ, quæ appellatur principium, quia ab initio proponitur ut omnis in eam probatio dirigatur.*

*Quinta est fallacia consequentis, quæ est quando videtur converti consequentia, & non convertitur, hoc est, cum putamus, quod, sicut consequens sequitur ex antecedente, ita vicissim ex consequente sequatur antecedens: sicut si arguam, Si est homo, est*  
V animal

animal, ergo si est animal est homo, itē, quod sicut ex opposito consequentis valet ad oppositum antecedentis, ita ex opposito antecedentis valeat ad oppositum consequentis ut si dicam, Si est homo est animal, ergo si non est homo non est animal, sicut valet, ergo si nō est animal, non est homo. Distinctio est, hæc valere quando termini sunt convertibiles, ut rationale & risibile, secus si nō sint convertibiles, ut homo & animal: quod est valere vi materiæ, & non vi formæ.

*Sexta est fallacia non causa ut causa, qua fit, quando aliquis effectus tribuitur alicui tanquā causa ipsius, cum tamen re ipsa non sit ejus causa, ut si dicas studium & scientiā nocent multis, ergo non est eis incumbendum: nam revera studium & scientia non sunt causa nocimenti sed malus ipsorum ulus.*

*Septima dicitur fallacia plurium interrogationum ut unius, quia in ea plures interrogationes tanquam una proponuntur eo fine ut qui unam simplicem responsionem reddit, omnibus minimè satisfaciatur, subindequē à sophista interrogante capiatur, ut si quærat sophista an luxuria & castitas sint bona, & tu respondeas esse bona, colliget ille malum (scilicet luxuriam) esse bonum, si dicas esse mala, infert bonum (nempe castitatem) esse malum. Ad hanc ergo deceptionem vitandam, advertendum est diversitatem interrogationum & singulis in particulari satisfaciendum, dicendo,*

Disp. IV. de effectu Syllogismi Demonstr. 459  
do, distinguo, luxuria est mala, castitas bona,  
& sic de aliis.

---

DISPUTATIO. IV.

*De effectibus Syllogismi demonstrativi, 1.  
probabilis, & Sophistici.*

**E**FFECTVS Demonstrationis est scientia, cau-  
sat enim Demonstratio assensum certum  
& evidentem conclusionis, qui est scientia a-  
ctualis, ex qua relinquitur in intellectu scien-  
tia habitualis, id est facilitas quædam ad  
promptè & delectabiliter assentiendum hu-  
jusmodi propositioni per principia per quæ  
eam semel demonstrativè cognovimus. Vnde  
scientia actualis definitur assensus certus & evi-  
dens per demonstrationem acquisitus, habitualis  
verò *Habitus certus & evidens per, &c.*

*Effectus autem Syllogismi probabilis est Opi-  
nio, qua etiam duplex est, nempe actualis, qua est  
assensus incertus formidolosus, & inevidens ali-  
cujus conclusionis per Syllogismum probabilem  
acquisitus, & habitualis, qua definitur habitus  
incertus, formidolosus, &c. Qui habitus causa-  
tur in intellectu seu relinquitur ex frequen-  
tatis hujusmodi assensibus incertis & formi-  
dolosis.*

*Effectus denique Syllogismi Sophistici, est er-  
ror, sive actualis sive habitualis, qui est assen-  
sus obscurus & falsus alicujus conclusionis  
per syllogismum sophisticum, seu per me-  
dium*

dium fallax acquisitus; vel habitus ex huiusmodi assensu in intellectu relictus.

---

## SECTIONICA.

*Utrum in eodem intellectu possint simul esse  
scientia, opinio, & error, de  
eodem objecto.*

CERTUM est in eodem intellectu posse esse simul scientiam de uno objecto, puta de hac propositione, Deus est sapiens, aut, Deus est Omnipotens, opinionem de altero, puta quod sit in spatiis imaginariis: & errorem de alio, ut quod non sit Trinus, aut quod Christus non sit realiter in Eucharistia.

Certum est etiam in diversis intellectibus posse reperiri scientiam, opinionem, & errorem circa idem objectum, si unus illud attingat per medium demonstrativum, alius per medium duntaxat probabile, & tertius per medium fallax.

Difficultas ergo solum est, utrum in eodem intellectu, & respectu ejusdem objecti, aut ejusdem propositionis possint simul esse scientia, opinio, error, siue quoad actus, siue quoad habitus. Pro resolutione.

*Dico primò non posse actum scientia & actum opinionis de eadem propositione simul in eodem intellectu.*

*Probatur*

*Probat.* Non potest intellectus assentiri certò & evidenter alicui propositioni, & simul assentiri eidem incertò formidolosè, & inevidenter: sed per actum scientiæ assentitur certò, firmiter & evidenter, per actum vero opinionis incertè, formidolosè & inevidenter, ut ex dictis superius initio disputationis constat, ergo non potest habere simul actum scientiæ & actum opinionis de eadem propositione. *Major in qua sola potest esse difficultas probatur.* Assentiri certò & evidenter alicui propositioni est judicare eam aliter se habere non posse: assentiri verò incertè & inevidenter; est ita illi assentiri ut tamen judicemus eam aliter se habere posse, atqui repugnat judicare propositionem aliquam aliter se habere non posse seu esse necessariam, & simul & semel judicare illam aliter se habere posse, subindeque non esse necessariam, ergo.

*Confirmatur:* Intellectus per actum scientificum firmiter adhæret veritati propositionis, in qua firma adhæsiōne consistit certitudo, per actum verò opinativum non adhæret illi firmiter, sed cum formidine ne opposita sit vera, in qua formidolosa adhæsiōne sita est incertitudo: atqui repugnat adhærere firmiter & sine formidine, & simul non adhærere firmiter, ergo repugnat simul habere actum scientificum & opinativum circa eandem propositionem. Unde fundamentum hujus conclusionis, ut vides est contrarietas,

quæ reperitur inter actum scientificum & opinativum, inter hoc quod est assentiri alicui propositioni certò, evidenter, & absque formidine & simul assentiri incertò, & formidolose, & obscure.

*Respondebis hac quidem repugnare respectu ejusdem medii, quod videlicet intellectus per unum & idem medium assentiatur certò & evidenter, incertè ac inevidenter, non autem respectu diversorum, quorum unum sit necessarium, alterum dumtaxat probabile, & sic est in proposito, assensus enim scientificus attingit propositionem per medium necessarium, opinativus autem per medium probabile*

*Sed contra: quia illa diversitas mediorum non tollit contrarietatem nec impossibilitatem assensus scientifici & opinativi, respectu ejusdem propositionis: ergo responsio nulla. Probatur antecedens à simili. calor enim & frigus, etiamsi à diversis causis vel principiis proveniant, non tamen propter hoc desinunt esse contraria & impossibilia: ergo similiter assensus certus & incertus, evidens aut obscurus, tametsi per diversa procedant principia vel media. Et ratio est quia contrarietas est quid absolutum, & non respectivum ad causas ipsorum contrariorum.*

*Confirmatur conclusio, & magis refutatur responsio adversariorum, quia repugnat esse simul duas formas quarum una importat privationem alterius in subjecto, quantumvis*

ex diversis principiis procedant, sed assensus inevidens, incertus & formidolosus importat ex parte subjecti, id est intellectus, privationē assensus evidētis certi: & firmiter adhaerētis, ergo non possunt esse simul, quantumvis ex diversis, &c. *Probat*ur minor exemplo jam adducto caloris & frigoris, calor enim in gradu intenso importat, saltem naturaliter loquendo, privationē frigoris à quocumque tandem principio procedentis, eo quòd sit illi contrarius: atqui assensus inevidens alicuius conclusionis est contrarius assensui evidēti eiusdem: ergo

*Dico secundo non posse simul dari in eodem intellectu habitum scientia & opinionis de eodem objecto aut propositione.*

*Probat*ur, quia habitus scientiæ determinat intellectum ad assentiendum certò & evidēter conclusioni, habitus vero opinativus determinat ad assentiendum incerto, & obscure, atqui nō potest simul & semel intellectus esse determinatus ad assentiendum certò & evidenter, ad assentiendum incertè & inevidenter eidem propositioni, cum hæ duæ determinationes sint contrariæ, ergo. Et ex his *Inferes* 1. multò magis errorem circā propositionē aliquam esse impossibilem cum scientia eiusdem: cum error sit assensus, aut habitus, non solum obscurus & incertus, sed etiam falsus.

*Inferes secundo fidem & scientiam naturalem, respectu eiusdem propositionis esse etiam impossi-*



*compossibiles*: quia fides importat essentialiter inevidentiam & obscuritatem cum innitatur soli testimonio dicentis & non veritati clarè & evidenter cognitæ: scientia autē naturalis: importat evidentiam & clarā rei cognitionem..

*Dixi (naturalis)* ut exciperem Theologiam. quæ est scientia supernaturalis potestq; esse simul cum fide Divina respectu eiusdem propositionis, putà istius, Christus est mortuus: quam Theologus novit nedum per fidem, sed etiam per hanc demonstrationem Theologicā, nemo potest resurgere nisi fuerit mortuus, Christus verè resurrexit, ergo verè fuit mortuus: potest, inquam esse simul cum fide, quia ipsa etiam pro hoc statu non habet evidentiam actualem.. sicut naturalis scientia, sed tantum aptitudinalem, id est petit illam habere quando in patria conjungetur cum visione seu scientia beata.

Obiicies primo: opinio comparatur ad scientiam sicut lumen minus ad lumen majus: atqui lumen majus non destruit lumen minus, ut constat in lumine candelæ quod recipitur in eadem parte aeris cum luce solis: ergo nec scientia destruit opinionem, subindeque poterunt esse simul..

*Respondeo distinguendo antecedens*: Sicut lumen minus præcipue, nego: sicut lumen minus obumbratum tenebris & eas intrinsecè includens, concedo. Potest itaque lumen candelæ esse cum lumine solis, quia licet sit minus, non

non tamen includit aliquas tenebras: opinio vero includit intrinsecè formidinem partis oppositæ & inevidentiam, quæ comparatur ad scientiæ certitudinem & evidentiam, sicut ad lucem tenebræ, unde repugnat quod sint simul.

*Obiicies secundò,* Potest aliquis habens habitum scientiæ respectu alicujus conclusionis cognoscere eandem per medium probabile, maximè si tunc non recordetur mediæ necessarii & scientifici, atqui cognitio illa habita per medium probabile erit opinio, ergo scientia & opinio poterunt esse simul.

*Respondeo negando min.* Quamvis enim assensus ille habeatur per mediū probabile, non tamē est opinativus in illo casu, ex quo enim ille scit habitualiter cōclusionem esse necessariā, non potest judicare eam aliter se habere posse, quod requiritur ad assensum opinativū. Intellectus ergo adjutus habitu scientiæ elicit per tale medium probabile cognitionē aliquam perfectiorem opinativā, quæ licet non pertingat ad perfectionem cognitionis scientificæ, quia non procedit per mediū necessarium, sed probabile, ex conjunctione tamen cum scientia participiat ab illa claritatē & evidentiam excludentem tenebras formidinis, sine qua non potest esse opinio.

*Obiicies tertio :* Non est magis impossibilis opinio cum scientia, quæ est certa & evidens, quàm sit fides, cum utra-

que includat inevidentiam, atqui fides potest simul esse cum scientia respectu ejusdem propositionis, ergo & opinio. Probatur minor, hæc enim propositio, Deus est, creditur fide Divina à Catholico seu fideli, & scitur scientia naturali ab eodem, si sit simul Philosophus, cognoscit enim eam clarè & evidenter per Demonstrationem à posteriori & per effectus, ergo fides & scientia possunt se compati respectu ejusdem.

*Respondeo negando minorem. Ad probationem respondeo* quod quando Catholicus incipit nosse clarè & evidenter per demonstrationē, Deum esse, habitus fidei in intellectu eius residens definit se extendere ad illam propositionem, quæ non est per se de fide, sicut nec istæ Deus est unus, est immensus, æternus, & similes quæ naturaliter per demonstrationē cognosci possunt, sed tantum per accidens respectu eorum qui non habent scientiam & demonstrationem de illis.

*Instabis* Fidelis dum adipiscitur scientiam naturalem respectu illius propositionis, non fit deterius conditionis quam esset antea: fieret autem ex nostra solutione: tum quia juxta illam dicendum videtur ipsum amittere fidem, cum amplius non credat illi propositioni; tum quia major est certitudo fidei quam cujuslibet scientiæ naturalis, innititur enim Dei testimonio magis infallibili quam sit medium demonstrationis: ergo cum an-

tea haberet certitudinem fidei respectu prædictæ propositionis, nunc autem certitudinem scientiæ naturalis dumtaxat, factus est deterioris conditionis.

*Respondeo negando minorem. Ad primam probationem dico illum non amittere fidem, quia nō discredit, sed tantum habitum fidei in intellectu eius residentem non se extendere amplius ad illam propositionem. Ad secundam probationem respondeo, quod quamvis intellectus ille non eliciat actum fidei respectu præfatæ propositionis, non tamen caret certitudine fidei respectu illius, quia fides quoad certitudinem, in qua non opponitur cum scientia, iuvat eam; unde assensus scientificus illius propositionis certior est ex conjunctione cum fide in eodē intellectu, quam esset sine illa, quatenus scilicet Philosophus ille in præparatione animi est ad assentiendum ei formaliter per fidem in casu quo scientia ipsi deficeret.*

*Obiicies ultimo & urgebis præcedens argumentum, Habitus fidei potest esse simul cum visione beata quæ est multò evidentior scientia naturali, ergo multo magis poterit esse fides, subindeq; opinio cum scientia. Probatur antecedens, quia divus Paulus dum in raptu vidit essentiam Divinā & personarum Trinitatem, non amisit habitum fidei respectu illius, ergo habuit simul fidem cum visione.*

*Respondent aliqui habitum fidei posse esse, & de facto fuisse in Divo Paulo cum visione beata*  
per


*per modum transeuntis, non tamen posse esse cum eadem per modum permanentis. Iuxta quam solutionem, quæ non est improbabilis, dicendum consequenter videretur scientiam etiam habituales posse esse cum actu opinionis & fidei, & e converso habitum fidei aut opinionis cum actu scientiæ: quin actus est aliquid transiens. Verum quia huiusmodi actus opponuntur etiam habitibus quoad evidentiam aut inevidentiam, certitudinem vel incertitudinem, ideo universaliter sustinendo actum cum actu, habitum cum habitu, & actum cum habitu in proposito esse impossibiles.*

Respondeo 2. habitum fidei non posse esse simul cum visione beata respectu eiusdem: & ad probationem concedo Divum Paulum retinuisse tunc habitum fidei, qui tamen non se extendebat ad mysteria illa quæ videbat, sed alia quæ non videbat. Nec mirum si omnia quæ ad fidem pertinent non viderit tunc in essentia Divina, cum eius visio fuerit ipsi communicata solum per modum transeuntis, non verò per modum permanentis: Sed de his in Theologia; nostræ vero Logicæ hic finis esto ad maiorem illius gloriam, quem permanentiter videre finis & beatitudo nostra est, ad quam ipsemet nos perducatur qui est super omnia Deus benedictus in sæcula



FINIS LOGICÆ

FINIS



FINE

**R. SALVAREZZA**  
**RESTAURO**

Val Sassina, 53  
Tel. 899.223



